


ИСОҚЖОН НИШОНОВ

2



АРҒОН ШАМОЛИ

КОПКОН

1148/5-2000/ 21.11.23

84(5)7	126601
H 69	Исоқжон Нишонов
1нусха	АФГОН ШАМОЛИ Қопқон 2-китоб
	7000 с
	<i>12.11</i>

1

7000с

84/БУ/17
Н-69



ИСОҚЖОН НИШОНОВ

АФГОН ШАМОЛИ

қопқон



ТОШКЕНТ
2016

УЎК: 821.512.133-31

КБК: 84(5Ў)7

Н – 69

Нишонов, Исокжон

Афон шамоли: роман. Қопқон. Иккинчи китоб. Исокжон Нишонов. Тўлдирилган қайта нашри. – Тошкент: Янги аср авлоди, 2016. – 224 б.

ISBN 978-9943-27-813-4

«Худди қиёмат қойим бошлангандек ҳамма ҳар ёкка қоча бошлади. ...Юз метрлар нарига тушган снаряднинг гумбурлаган овози еру қўкни ларзага солди. Абдурасул ерга экиб қўйилгандек танаси ер остида, боши ер устида. Ҳеч ким бу бошни кўрмади. Кимдир тақали этиги билан курбақани босгандек қонга ботган бошни топтаб ўтди. У бу азобларга дош беролмаслигини тушунди. Шунда Абдурасулнинг кўз олдидан туғилиб ўсган юрти, ота-онаси, ёр-дўстлари ўтди. Беихтиёр вужудини тарқ этаётган бор кувватни йифиб «Онажо-о-н» деб кичкириди...»

«Афон шамоли»нинг иккинчи китобидан олинган шу кичик парча ўз ватанида яратиш, яшнатиш, билим олишга кодир бўлган ўзбек ўғлонининг бегона ерларда ёт фояларга асир бўлиб қанчалар хор бўлганини кўз олдимизга келтиради.

Асар давомида китобхонлар ватанига, ҳалқига хиёнат қилган, шунингдек, ўз килмишларидан пушаймон бўлган бошқа қаҳрамонларнинг ҳам бошидан кечирганлари, ички кечинмаларидан огоҳ бўладилар.

Асар кенг китобхон оммасига мўлжалланган.

УЎК: 821.512.133-31

КБК: 84(5Ў)7

ISBN 978-9943-27-813-4

© Исокжон Нишонов, «Афон шамоли». Иккинчи китоб. «Наманганд», 2013 йил.

© Исокжон Нишонов, «Афон шамоли». Иккинчи китоб. «Янги аср авлоди», 2016 йил.

ЮРТДА

Криминал вазият мураккаблашиб бораётгани боис, вилоят партия қўмитаси раҳбарларининг илтимосига биноан, Евгений Михайлович Титов ички ишлар бошқармаси бошлиғи лавозимига тайинланди. Янги раҳбар идорасидан олис бўлмаган ҳовлида истиқомат қиласарди. Унинг ходимларига ибрат бўладиган хислатлари кўп эди. Ишга пиёда бориб келишга одатланган. Эрталаб уйқудан барвақт уйғониб, бадантарбия билан шуғулланиб, кейин ишхонасига йўл оларди. Навбатчилик қисмида тўхтаб, тунда содир этилган воқеа-ҳодисалар ҳақида ахборот олиб, кейин бошқарманинг унча катта бўлмаган ҳовлисига ўтади. Гулзорларни айланиб, шабнам кўнган гулларни хидлаб, кейин хонасига чиқади.

Евгений Михайлович бугун ҳам одатини тарк этмаган ҳолда ишхонасига барвақт келди. Навбатчи зобит тунги воқеа-ҳодисалар ҳақида маълумот берди. Иккита майда ўғриликни ҳисобга олмагандан вилоятда осойишталик. Полковникнинг кўнгли хотиржам тортди. Бугун байрам бўлгани учунми ёки иш режасига биноанми, қурол-аслаҳа омборини кўздан кечириш мақсадида ертўлага тушди. Ортидан навбатчи эргашди. Хира чироқлар қўланса ҳид келиб турган йўлакни

фира-шира ёритиб тўрибди. Омборнинг темир панжарали эшиги қия очиқ қолган. Сигнализация ўчирилган. Полковник нарида тўхтаб навбатчига юзланди. Қарашларида «нимагап» деган мазмун бор. Навбатчи оғиз жуфтлаганда Евгений Михайлович қадамини тезлатиб омбор томон юрди. Ичкарининг чироги ёниқ эди. Асабий ҳолда эшикни тортди. Панжарага илиб қўйилган қулф бошлиқнинг оёғи остига тушди. Омбор бошлиғи Мамедов полковникни кўрди-ю, жиноят устида қўлга тушган ўғридек бақрайганча қотиб қолди. Юзи оқарди, қўл-оёғи титради. Ерда бир нечадона «Калашников» автомати, «Макаров» тўппончаси ва ўқлар сочилиб ётиби.

– Нима қиляпсан? – яқин келиб сўради Титов.

– Куролларни текширяпман! – ўрнидан туриб қаддини фоз тутишга ҳаракат қилган омборчи қалқиб кетди. Вужудидаги титроқ овозига кўчди.

– Жуда вақтли келибсан-да!

Курол-аслаҳаларнинг ерда сочилиб ётиши полковникнинг кўнглида шубҳа уйғотди.

– Бугун байрам, ўртоқ бошлиқ, омборни кўздан ке чириб қўйгим келди-да!

Титов тажрибали, ўта ҳушёр, синчков, бунинг устига одам руҳиятини яхши биладиган раҳбар эди. Мамедовнинг ўзини тутолмаслиги, юз-киёфасининг саноқли дақиқаларда ўзгариши, овозидаги ҳаяжон нимадандир қаттиқ қўрқаётганини ошкор қиласди.

Полковник навбатчига юзланди.

– Омборнинг очилгани ҳақида нега менга ахборот бермадинг?

– Унутибман, ўртоқ бошлиқ!

– Эшикларни қулфла!

Титовнинг омборчидан шубҳаланишига асоси бор эди. Икки ҳафта бурун омборчи бошлиқнинг хузури-

га кириб, юртига кетмоқчи эканини айтганди. Бирок кетишига сабаб бўладиган жиддийроқ баҳона тополмади. Бундан ташқари, давлат хавфсизлик қўмитаси кейинги пайтларда экстремистик гурух аъзолари курол-аслаҳалар тўплайтганлиги ҳақида бошқармага ташвишли маълумотнома жўнатган эди.

Мамедов ортидан бирор итараётгандек судралиб ташқарига чиқди. Навбатчи эшикка қулф солди. Бошлиқ тамға урди. Титов омборни тафтиш қилишга буйруқ берди.

Прокурор Содиқова беш кишидан иборат гурух иштирокида омбордаги қурол-аслаҳа ва ўқ-дориларни бирма-бир кўздан ўтказди. Текшириш тун ярмида якунланди. Олти дона «Калашников» автомати, ўттиз дона «Макаров» тўппончаси, икки минг дона ўқ кам чиқди. Шунча қурол-аслаҳа, ўқ-дори қаерга кетди?

Содиқова бу саволга жавоб олишини эрталабга қолдириб, Мамедовни шаҳар қамоқхонасининг вактинча ушлаб туриш изоляторига жўнатди.

Содиқова Мамедовни сўроқ қилиши ҳамда йўқолган қурол-аслаҳа, ўқ-дориларнинг қаердалигини аниқлаш мақсадида эрталаб турмага келди. Йўлақда бошлиқ билан учрашиб, бир неча дақиқа суҳбатлашиб қолди. Прокурор икки нафар ходим билан Мамедов ётган камерага йўл олди. Навбатчи эшикни очганда туйнукдан тушиб турган қуёш нурлари Содиқованинг кўзини қамаштириди. Гумон қилинувчини кўролмади.

– Маҳбус қани?! – сўради прокурор турма назоратчисидан. Улар ичкарига мўралашди. Маҳбус ётадиган каравот бўш эди. Ҳаво алмашиб туриши учун ўрнатилган туйнук ортидаги темир панжарага боғланган матони, сўнг шу матога ўзини осиб қўйган Мамедовнинг танасини кўришди. Содиқованинг туни билан ўйлаган режалари чиппакка чиқди. Шу тариқа вилоят

ички ишлар бошқармасининг курол-аслача омборидан йўқолган автомат, тўппонча ва ўқ-дорилар сувга тушган тошдек ном-нишонсиз кетди. Улар кимнинг қўлида? Тергов-суришириув органларининг ходимларини шу савол ўйлантиради...

САМАНГАН

Куз охирлади. Тошларнинг панасида димиқиб ётган изфирин қўзларини ишқалаб-ишқалаб ҳавонинг тафтини синдириди. Тоғларнинг ҳайбатли чўққилари оқарди. Ўт-ўланлар сарғайиб дилдиради. Дараҳтлар баргларини тўқди. Совуқقا чидамсиз күшлар ошёнларини тарқ айлаб, қанотларини ёйиб, бўйинларини чўзиб, мунгли қўзлари ила дон излаб, одамлар яшайдиган жойларга парвоз қилди. Қишининг барвақт келишини, тоғларни қалин қор босишини **жониворлар** олдиндан билган. Бироқ улар Саманган осмонини икки йилдан буён четлаб ўтишарди. Қишлоқ ҳамиша хатарли эди. Бу ерга ин қуриб олган жангарилар жониворларни қишлиайдиган қўналғасидан қувиб солишганди. Момақалдироқни эслатувчи қийқириқ ва бақириқлар, пала-партиш ўқ узишлар қушларнинг юрагини безиллатиб қўйган. Жангарилар бу **жониворларни шафкатсизларча отишар**, гўштларини нимталаб, сихга тортиб, чўғда тоблаб ейишарди.

Тўпидан айрилган ўн чоғлик каклик кутилмаганда қишлоқ осмонида пайдо бўлиб қолди. Улар адашган эди. Ку-кулаб шерикларини излаб, ер бағирлаб учиб боришарди. Шу тариқа чодирларга яқин бориб қолишганини сезмай қолишиди. Яйловда машғулот ўтаётган жангарилар какликлар овозини эшитиб, тезда қуролларини қўлларига олиб, қушларга қаратса ўқ узишди. Какликлар шу заҳотиёқ хавфни сезиб

юқорига күтарилди, ва ҳар томонга ёйилиб учиб кетди. Шундай бўлса-да, ўқлардан бири йўлбошловчи какликнинг қанотини тешиб ўтди. Жонивор ерга қулади. Қолганлари эса йироқларга кетди. Жангарилар овчи итлардек какликни излашди.

Ўқ овозини эшитган Эргашнинг юраги қалтиради. Ўзини одамнинг боши сифадиган туйнукка урди. Яйловда юрган йигитлардан бири ҳали жони чиқмаган, патлари қон-кушга белангандан какликнинг қанотидан ушлаб турганини кўриб автоматлардан нега ўқ узилганинин билди.

Икки кундан бўён тўдабошининг кайфияти ёмон. Одамларининг изғиб юрганини кўриб баттар эзилди. Киш ўз ташрифидан дарак бериб «тайёргарлигингни кўр» дегандек изғиринини жўнатди. Бироқ тўдабоши қишига тайёргарлик кўришни ҳали ўйлаб кўрмаган. Умиди раҳнамолардан эди. Бир ой муқаддам учрашишганда кийим-кечак, озиқ-овқат, кўрпа-тўшак жўнатишга ваъда беришган. «Узоги билан ўн беш кун ичидаги боради» деб айтишганди. Бир ой ўтди. Наҳотки ваъдаларини унуган бўлишса? Ахир совуқ кунларда чодир ичидаги яшаб бўладими? Одамлари шамоллайди, юқумли касалликлар болалайди. Бусиз ҳам очликдан силлалари қуриб машғулотларга ярамай қолишиди. Битта қуш учидаги ўтса, аниқ ўққа тутишмоқда. Бу билан яна қанча ҳаёт кечириш мумкин. Шошилинч чора кўрилмас экан, кўпчилик қочиб кетиши аниқ. Одамлар сони камайган сайин тўдабошининг обрёи тўкилади. Раҳнамолар юзини терс буриб кетишади!

Махаллий халқ келгиндиларни ёқтирмаслигини Эргаш тушуниб етган. Қувиб ҳайдаган бўлишарди-ю, аммо толибонлар бошлиғидан чўчиб, вазабларини ичларига ютиб, тишларини тишларига босиб юришибди.

киргандан кўра шу жойда мард бўлиб ўлганимиз афзал! – деб қуролларини тўдабошининг оёғи остига ташлашди. Эргаш уларнинг аҳидан қайтариб бўлмаслигини тушунди. Қолаверса, у Ватан сўзини тилга олганлардан ёмон қўрқар, уларни айғоқчи деб гумон қиласади.

– Сенлар кимлигингни фош қилдинг!

Тўдабоши йигитларни отиб ташлади. Кўрқсанлар ўзларини унинг пинжига уришди. Бу пайтда фуқаролар уруши Тожикистон ҳудудини қип-қизил рангга бўяб борарди. Хориждан ўтган йўриқчилар, афон мужоҳидлари тайёрлаган ақидапарастлар инсон кўзи кўриб, қулоғи эшитмаган мудҳиш жиноятларни содирип этишарди. Улар сафларини кенгайтириш мақсадида совет армиясида хизмат бурчини ўтаб қайтган йигитларни тутиб кетишар, қаршилик кўрсатганларни жойида отиб ташлашарди. Яқинларининг кўз ўнгида аёлларни, болаларни зўрлашарди. Қарияларни тириклайн ёқиб юборишарди. Вахш дарёси қайрининг ўзида кунига ўндан зиёд тилка-пора қилинган жасадлар тутиб олинарди.

Кўрғонтепа вилоятидаги хунрезликлар Эргашнинг хотирасидан умрбод ўчмайди. Ургут қишлоғининг ўзида саноқли соатлар ичидаги болалар, аёллар, қариялардан иборат минг киши бўғизлаб ташланди. Жангарилар 70 минг аҳолиси бўлган вилоят марказига бостириб киргач, минглаб кишиларнинг ёстифи куриди. Журналистлар бу ерни «Мурдалар шахри» деб атадилар. Уларнинг ишлари қатли ом, уйларга ўткўйишдан иборат эди. Кўплаб замонавий қуролларга эга бўлган гуруҳ аъзолари маҳаллий қўшинлар тўсифини янчиди, ўзларига итоат этмаганларни шафқатсиз жазолашарди... Жангарилар оломонни иккита томондан ўраб, тиканли сим ичига қўйдай ҳайдаб

келишди. Қочмоқчи бўлганлар, орқада қолганлар, онасини йўқотган болалар отиб ташланарди. Ярадорлар бир илож қилиб оёққа туришар, ярамаганларни, ерда чўзилиб ётганларни шериклари қўлтиқларидан олиб, ҳалқа томон судрашарди. Симли тўр улар учун ягона паноҳ, нажот эди. Шугина уларнинг жонига оро кириши, бошлари узра визиллаб учаётган ўқлардан асраб қолиши мумкиндек. Ўқ овозлари оломоннинг қийқириқларига, дод-войларига қўшилиб кетди. Гўёки қиёмат қойим бошлангандек. Жангариларнинг мақсадини тушунмаган одамлар ҳалқа ичига киришга шошилишарди. Боласини бағрига босган оналар, отасини елкасида кўтарган йигитлар, чинқириб йифлаётган гўдаклар ўзларини тўр ичидаги нима кутаётганини ҳали билишмасди.

Жангарилар симнинг учини машиналарга боғлаб тортишарди. Одамлар бирдан бошларига қандай мусибат ёғилишини, ўзларини қопқонга тушганларини тушуниб этишди ва овозларининг борича фарёд кўтаришди. Улар тўрга тушган жониворлардек қаёққа қочишни билмай, бирларининг устидан бирлари босиб, тепкилаб ҳалқа ичидаги гир айланишарди. Сим қисқариб торар, тарқоқ одамларни бир жойга қисиб бораарди. Тўрнинг нариги томонида бошига салла ўраганлар, эгнига узун чопон кийғанлар, жон олиб жон беряётган одамларни қўллари билан бир-бирларига кўрсатиб, ўлим олдидаги аянчли аҳволларини томоша қилишарди.

- Хув анови томонга қара, одамлар бир-бирининг устига чиқиб тепкилашяпти!
- Бе, нариги томондаги она-болани қўрсанг-чи! Гўдакнинг бир қўлини сим узиб ташлади!
- Анови одамни кўрдиларингми, кўзларига тикан санчилиб қолди!

Ўткир тиканлар одамларнинг кийимларини йиртиб, баданларини пичоқдай тилиб, бўғиб қонга бўяб ташларди. Оломон бир жойга тўпланди. Машиналар симни тортишда давом этарди. Одамлар қочадиган, жон сақлайдиган жой қолмади. Энди улар бир-бирларини танишмасди, боласини йўқотган оналар, елкасидан отасини туширган йигитлар, қадди әгилган кампирлар тирик қолишдан умидларини узишди. Машиналар бир хил-тезликда – худди тошбақадай ўрмалаб юришда давом этар, тўр эса тобора торайиб борарди.

Халқ бошига шундай мусибат ва азоблар тушган кунларнинг бирида Саид Калоний Эргашни хузурига чакиртирди. Тўдабошини муқаддас жангга тайёрлаш хусусида узоқ гурӯнглашишди. Лагердаги «таълим-тарбия», хорижий йўриқчиларнинг сабоқлари, панд-насиҳатлари Эргашга қаттиқ таъсир қилганини Калоний сезди. Лекин мақсадини айтишга шошилмади. Гапни узоқдан бошлади.

– СССР парчаланиб кетди, иним. Энди ҳеч қачон ўз ўрнига қайтмайди, – дея сўз бошлади у. – Сиз билан бизнинг ватанимиз сув устида қалқиб турган кўпикка ўхшаб турибди. Имконият борида вазиятдан фойдаланиб, хукуматни қўлимиизга олмоғимиз жоиз. Улуф foяларимиз йўлида жангга кириш мавриди келди. Йўлимиизга тўсик бўладиган хар қандай кучни динидан, ирқидан, миллатидан қатъи назар, йўқотамиз. Улар дунёвий ривожланишдан юз ўгиromoғимизга қаршилик кўрсатишади. Янги тартибдаги давлат тузмоқ йўлида тирик жонни аяб ўтирумасликни унутманг. Бундан бир неча йил муқаддам Сурияда давлат тўнтаришига уринган Саид Қутбанинг муборак сўзларини эсланг: «Ижтимоий адолатли давлат тузишга фақат зўравонлик йўли билан эришиш мумкин. Кон тўкиш

— чинакам мусулмон давлатини барпо этишнинг ягона йўлидир».

— Бунинг учун қурол-аслаҳа, ўқ-дори зарур, устоз!
— Сайд Калонийнинг гапини бўлди Эргаш.

— Биргина қурол билан ҳеч нарсага эришолмаймиз,
— вазминлик билан гапида давом этди Калоний. — Аввало, халқнинг онгини заҳарлаб, кейин уларни ортингиздан эргаштирмоғингиз даркор. Бунинг учун уларнинг фазабига тегаётган камчиликларни топиш муҳим. Айтайлик, порахўрлар, бюрократлар бизга қўл келади. Улар халқнинг баданига ёпишган канга. Қонини сўриб, юрагида фазаб уйғотмоқда. Мана шундан биз фойдаланамиз. Одамларингизга буюринг: ялқов, ишёқмас, танбал, нашаванд, илгари «зона»да ўтириб чиққан ёш-ялангларни, шунингдек, иш ахтариб юрганларни тўплаб, биз томонга жўнатишсин! Улар бу ердаги жангларни кўриб кўзи пишийди, тобланади, чиниқади.

Бу гаплар Эргашга мойдек ёқди. Ўзининг фаразли мақсади йўлида ҳар қандай ишдан қайтмасди.

— Одамларни олиб ўтиш қийин эмас, устоз! Бирок йўл ҳақи учун сармоя йўқ!

Сайд Калоний Эргашни икки ҳафта бурун хориждан юборилган бир ярим миллион долларга шაъма қилаётганини тушунди. Соқол босган қонталаш юзида сирли табассум пайдо бўлди.

— Бу муаммо эмас, иним! Боя айтганимдек, порахўрларни, мансабдорларни, тадбиркор ва фермерларни ўлдириш йўли билан уларнинг бойликларини тортиб олиб, бу ишга сарф қилиш даркор. Шунда сиз бир ўқ билан икки қуённи урган бўласиз. Давлат ҳам зиён кўрмайди. Фалабани қўлга киритиб, мамлакат тенпасида ўз байроғимизни ўрнатсак, биз юришни Ўзбекистон сари бошлаймиз!

— Мақсадим ҳам шундай! — вазиятга қараб тезда тусланди Эргаш. — На иложки, ватандан йироқдаман. Душманларим мени қочиб юрибди деб ортимдан бўхтон тошларини отишмоқда. Нима деб ўйлашса, бу уларнинг иши. Ўзбекистонни қўлга олганимдан сўнг нималарга қодир эканлигимни уларга кўрсатиб қўяман!

— Баракалло, иним. Бу сиздаги имоннинг соғайишидан нишонадир! Сиз катта кучсиз. Ортингизда биз, хориждаги одамларимиз бор. Муҳими пул, қурол-аслаҳа бор. Сизга маҳфий сирни ошкор қилмоқчиман. Биродаримиз Гулбиддин Ҳикматёр жаноблари Кундуз ва Бадаҳшон ўлкаларида ҳаракат қилаётган ўзининг дала командирларига бизни қурол-аслаҳа ва ўқ-дори билан таъминлаш борасида кўрсатма берди. Ҳозир дала командири Латиф жанобларининг отрядида 300 нафардан ортиқ одамларимиз тайёргарлик кўрмоқда. Афғонистоннинг айрим фуқаролари афғон мужоҳидларининг қуролли қисмлари командирларидан, шунингдек, Эрон, Покистон маҳсус хизмати идораларидан олган турли топшириқларни бажариш ниятида Ўзбекистонга ўтишлари режалаштирилган. Албатта, улар орзу-ниятларингизни рӯёбга чиқаришга ёрдам беришади. Қурол-аслаҳага келсак, асло ташвиш чекманг. Биз наркобизнес йўли билан анча-мунча ажнабий қурол-аслаҳаларга эга бўлдик. Истроилнинг «Узи» автоматлари, Американинг «М-16» автомат-милтиқлари, Хитойда ишлаб чиқарилган гранаталар ва гранатаминомётлар, Эрондан келтирилган «Калашников» автоматлари ана шу наркобизнесдан келаётган фойда ҳисобига сотиб олинмоқда.

— Сиз айтган наркотик моддаларни кимдан олишимиз мумкин? — ҳайратомуз устозига тикилди Эргаш.

— Шошилманг, ҳали ҳаммаси бўлади. Афғон дўстларимизнинг ўзлари сизнинг олдингизга келишади.

Абдуллоҳ деган ошнам бор. Кейинчалик таништириб қўяман. Катта наркобизнесмен. Сўраган «дори»нгизни муҳайё қиласди. Бунинг учун аввал Тоҷикистон ва Ўзбекистоннинг чегара ҳудудларидан хавф-хатардан холи бўлган йўлак очишимиз, мамлакат ичкарисида руслар билан алоқага чиқадиган ишончли одамлар топишимиз лозим, Эргашбой! Биз «дори»ларни чегарагача етказиб берамиз. Кейинги ишларни эса одамларингиз бажаришади. Вадим Вольфович исмли дўстимиз биз жўнатадиган «дори»ларга оғзини очиб турибди. Унда керагича пул топилади. Одамларингизга қурол-аслаҳа, кийим-кечак, озиқ-овқат сотиб оламиз. Колаверса, бизни кўллаб турган кучлар сизга ҳамда одамларингизга Европа, Лотин Америкасидан қулинг ўргилсан бошпана беришади. Истаган банкингизга хоҳлаган пулингизни ўтказишади... Бу имкониятлар фақат сизга ва йигитларингизга, Эргашбой!

— Насиб қилса, яхшиликларингизни қайтараман, тақсир. Менда ҳам қолиб кетмайди.

— Сизни ўзимизга яқин олиб кенгашга аъзо қилиб олмоқчимиз. Амирий жаноблари шундай дедилар.

Улар узоқ сухбатлашдилар. Ниҳоят, Саид Калоний мақсадини айтиш фурсати келганини тушунди.

— Яқинда камина бин Ладен жанобларининг хузурида бўлдим. У киши одамларимиз сафида ҳукумат қўшинларига қарши курашганингизни эшитган эканлар, мана бу арзимас совфани бериб юбордилар. — Калоний кўрпача остидан эллик минг доллар олиб, Эргашнинг олдига ташлади. Пулни кўриб тўдабошининг юзига табассум ёйилди. Ҳа, Бин Ладендек одамнинг назарига тушиш осон эмас.

— Саҳрода чанқаган одам сувга қанчалик зор бўлса, каминанинг юраги ҳам Усама жанобларининг сухба-

тига шу қадар ташнадир, тақсир. Мени у киши билан учраштирангиз яхши бўларди.

— Албатта кўришасизлар. У киши ҳам сухбатингизни олишга орзумандлар.

— Ҳазратим менга бирор топшириқ бердиларми?

Калоний шу саволни кутиб жим қолди.

— Жаноблари ҳаммага ҳам ишонавермайдилар, аммо сизга ҳурмат ва ишончларининг юксаклигидан арзимас бир гап айтдилар.

— Хўш, қандай гап экан?

— Билмадим, таклифни қабул қиласизми, йўқми?

— Айтаверинг?

— Айтишга ҳам одам ийманади.

— Ҳазратим учун жонимни беришга тайёрман.

— Тасанно, мулла Эргашбой! Каминанинг кўнглини шод этдингиз. Бу гапингиз, албатта, Усама жанобларининг қулоғига етиб боради.

— Ҳазратим гап айтмасинлар, буюрсинлар, бажар десинлар! Биз у зотнинг хизматидамиз.

— Жаноблари йигитларингизни олиб Чеченистонга ўтишга, **Хаттоб** жанобларининг жангчилари сафида хукумат қўшинларига қарши курашда иштирок этишга майли бормикин дегандек гап қилдилар.

— Хўш, сиз нима дедингиз? — бетоқатлик билан сўради Эргаш.

— Нима ҳам дердим, Эргашбой бизнинг азиз меҳмонимиз, унга топшириқ беролмайман, дедим.

Тўдабоши қафтини бир-бирига уриб кўйди.

— Чакки қилибсиз, тақсир, ахир менинг номимдан розилигимни билдиравермайсизми? Ҳазратим шуни истаган эканлар, мен бугуноқ одамларимни эргаштириб, Чеченистонга жўнашга тайёр эдим.

Сайд Калоний Эргашнинг осонликча рози бўлишини кутмаганди.

— Баракалло, мен бугуноқ жанобларининг қулоғига бу хушхабарни етказаман! Ҳозир бориб одамларингизни йифинг! Уларни йўлга ҳозирланг!

САМАНГАН

Тошдевор билан ўралган бино ичида кичкинагина дарчадан ташқарига бокиб, ўзининг узоқ ўтмишини ёдга олаётган қаҳрамонимизнинг Чеченистонга қилган сафари тавсилотларини кейинги бобларимизга қолдириб, Самангандаги воқеаларни ҳам вақти-вақти билан хотирангизга солиб турмоқни ихтиёр этдик.

Фатҳуллохоннинг кўнглини ёлғизлик ва очлик ўртаб юборди. Бир вақтлар кимдандир эшитган ва кейинчалик унтиб юборган сўзларни ёдга олиб тақфрорларди. «Отадан олтов бўлсанг-да, бир ёлғизлик бошингдадур, жафодан ёлғиз бўлсанг-да, шу ёлғизлик бошингдадур!» У зах ҳиди аниқ турган ер тубида, нигоҳини осмонга тикиб, узоқ-узоқ ўйларга ботиб ўтиради. Юрагини ёмон хаёл изтироблари ўтарди, туз сепгандек ачишарди. Икки кун мұқаддам зиндан тепасида арвоҳдек пайдо бўлиб бир бурда нон ташлаган кийин ғойиб бўлган ўша меҳрибон кимсанинг яна қайтиб келишини интиқиб кутди. Ким эди у? Нега ўзини танитмади?! Бир оғиз сўзлаб, азобда куйган юрагига тасалли берса бўларди-ку?!

Фатҳуллохон кеча ойдин бўлсада, кўзлари хира тортиб қолгани боис, ўша меҳрибон одамни танимади. Эпкинда ҳилпираб турган соқоли, ой нурида қўрғошин тусига кирган башарасини кўзи илғамади. Лоқал бир калима сўз айтганида овозидан танирмиди?

Фатҳуллохон томирлари туғилиб увишган, худди игна санчгандек оғриқ турган оёқларини уқалаб, ўрнидан турди. Кейинги пайтда сўяқлари қуриб қолган-



дек қирсиллаб, вужуди вазминлашиб қолди. У зин-донбанд этилган кун, Илҳом Ўзбекистонга кетаётган тун бир парча сопол синифи билан зиндан деворига чизик тортиб қўйди. Ҳар кун тонг отиб қуёш чиққанда чизик олдига яна чизик қўшади. Ҳозир шуларни са-нади. Ўн еттита! Демак, Илҳомнинг кетганига шунча кун бўлибди. Ўн кун у томонга, ўн кун бу томонга! Бугун-эрта қайтади. Ишқилиб, Червон хоним билан учрашмаган бўлсин. Унинг алдовларига, ширин ёлғонларига учмаган бўлсин! Азроилдек қўзга кўринмай, жонини суфуриб, олтин тишларини қоқиб келсин. Илон мисоли муғомбир, тулки каби айёр бу аёл ҳар қандай қаҳр-ғазаб отига мингган одамни мушукдек эритиб, ўзига ошуфта қилиб олиши ҳеч гап эмас. Унинг домига илингудек бўлса, Илҳом ҳамма гапларни оқизмай-томизмай, қўшиб-чатиб сўзлаб беришдан қайтмайди. У ўз манфаати йўлида, бойлик қаршисида жирканч ишларни қилишга тайёр. Агар Фатхуллохоннинг хаёлига келган ишлар содир бўлса, уни худо урди! Фатхуллохонни тириклай гулханда ёқиб юборади. Бу ерга келишдан, юзма-юз бўлишдан қайтмайди. Ўшанда Фатхуллохон бир оз тезоблик қилди. Пулни яширган жойини айтиб қўйди. Бунинг устига бир вақтлар вилоят ички ишлар бошқармаси ходими Мамедовдан катта маблағ эвазига сотиб олинган қурол-аслаҳалар ҳам яширилган-ку! Илҳом пулни олишга олади-ю, бироқ қурол-аслаҳларни топа олмайди. Шуларни ўйлаганида Фатхуллохон ўзини қаерга қўйиши билмай эсанкираб қолади. Алами юрагига сиғмай овози борича дод солгиси, фарёд кўтаргиси келади. Бироқ ер тубида аламдан юраги қовурилаётган бу кимсанинг овозини ким ҳам эшитарди?

Ой тоғлар узра ҳаволаниб кетди. Борлиқ унинг ёфдуларига чўмилиб ётибди. Нам босган харсанг тош-

лар кумушдай жилваланади. Ой бир чимдим нурини зиндан ичига сочиб, Фатхуллохоннинг сўниб бораётган юзига тушди. Шу пайт бирдан зиндан ичи қоронfilaши. Зинданбанд кўкка термилди. Самога сочилган юлдузларни, сўнг оёқларини икки ёнга кериб, кўлларини биқинига тираб турган одамни кўрди. У гавдаси билан ёнбошлаб қолган ой нурларини тўсиб кўйди. Фатхуллохоннинг юраги, руҳи ёриши, фазлу карам топди. Тепага қараганида орқа бўйин томирла-ри торти.

— Кимсиз? — овози намсиз, тақир ва шилиниб кетган лабларини ёриб чиқди. Бир оз дадиллашиб, умид илия яна сўз қотди: — Кимсиз? Кўзимга иссик кўри-няпсиз! Ўзингизни танитинг, иним!

— Бирок шарпа қилт этмади. Пастга қараганча турраверди. Кўйнига қўл солди. Тарападек қотиб қолган яримта нонни олиб пастга ташлади. Нон Фатхуллохоннинг бошига, сўнг оёғи остига тушди. Очлик шу заҳотиёқ уни ерга эгилишга мажбур қилди. У панжалари билан қотиб метинга айланган, айни пайтда сийдик ҳиди ёнқиган ерни пайпаслади. Юпқа нонга қўли текканида энтикиб кетди. Нон ҳиди унинг диморини эмас, вужудини қитиқлади. Кўзларидан севинч ёшли-ри оқиб тушди. Тоғ устига чопқиллаб чиқсан одамдек ҳаллослаб нафас олди.

— Кимсиз, ўзингизни танитинг, иним?! Юрагим ёниб кетяпти! Кимсиз?.. — Фатхуллохон бошини кўтариб тепага қаради. Бироқ унинг ёшга тўлган кўзлари кўк юзида чақнаб турган юлдузларгагина тушди. Шарпа ғойиб бўлди. Фатхуллохоннинг кўкси пишиб кетди. Хўрлик ва алам, ўзи ноҳақлик ҳамда адолатсизлик деб тушунган бу азоб-уқубатлар юрагидан овоз бериб вулқондек отилди.

У бошини зиндан деворига уриб, ўкириб-ўкириб йиғлади. Ўсиб кетган тирноқлари билан деворни тирнаб йиғлади. Охири дармонсизланиб, ерга йиқилди. Тўшида қаттиқ оғриқ турди. Кўнгли беҳузур бўла бошлади. Бу ҳам камлик қилгандек бошининг икки чеккасида санчиқ турди.

Зиндан тепасида икки жангари пайдо бўлганида Фатхуллохон ҳушсиз ётарди. Улар темир панжарани кўтариб ер остига боқишиди. Чалқанча ётган Фатхуллохон ҳеч нарсани сезмади. Кути ўчган чехрасида азоб-уқубат шарпаси қотиб қолган эди.

— Чик! — деди жангарилардан бири. *Уларнинг дағал ва дўриллаган овозини зинданнинг заҳ девори* шу лаҳзадаёқ ютиб юборди. Жангарилар яна бир бор «чик» дея амр қилдилар. Бироқ бу буйруқ Фатхуллохоннинг қулоғига етиб бормади!..

— Хой, жавоб қил, ўликмисан, тирикмисан?! Чик деяпман сенга! Амиримиз сўраяптилар!

Фатхуллохондан садо чиқмагач, жангарилардан бири белига арқон боғлаб пастга тушди. Сассик ҳиддан димоги ёрилаёзди. Рўмолчаси билан оғиз-бурнини беркитиб, учли этиги билан Фатхуллохоннинг белига тепди. Энкайиб эти кетиб, суяги қолган юзига шапалоқ урди. Гапирмагач, белига арқон боғлаб шеригига «кўтар» деди.

Бу орада тонг ёришиб қолди. Ҳаёт ўзининг янги даврасига кирди.

Фатхуллохон кўзларини юмиб очди. Атрофдаги кимсалар гўё сув тубидан боқиб тургандек кўринди. У қимирлашга, ўрнидан туришга ҳаракат қилди. Бироқ қўл-оёқларини кўтара олмади. Улар мисоли тош остида қолгандек оғир эди. Жангарилар унинг қўлидан ушлаб Эргашнинг чодири томон судрашди.

— Амирим, олиб келдик, ўзини айёрликка солиб ётиби! — деди улардан бири.

Ичкаридан юзлари бўғриқиб кетган, кўзлари сузилиб қолган Эргаш чиқди. У ўзининг кенг елкасига чакмон ташлаб олганди. Ерда бехуш ва бемор ётган Фатхуллохоннинг хиёл очик қолган кўзларига боқди. Бу кўзлар нурсиз ва ҳеч нарсани ҳис этмаётганини тушунди. Бир оз эгилиб қўлидан ушлади. Томири сезилар-сезилмас ураётганини пайқади-ю, ҳаром нарсани ушлаб олгандек қўлини тортиб олди.

Фатхуллохон иссиқ ва совуқни ҳис этмади. Изфирин унинг ярим яланғоч баданига игнадек санчилар, корайиб, йиртилиб кетган кўйлагининг этагидан **торткилади**. **Озиб-тўзиб шилиниб кетган баданидан** кон сизиб чиқди. Эргаш Фатхуллохоннинг чехрасига совуқ нигоҳ ташлади. У ҳеч кимга гапирмади, қайрилиб боқмади ҳам. Индамай хонасига бурилди. Жангарилар ҳам бирин-кетин тарқалишиди. Баъзилари юзига фотиҳа тортишди.

Фатхуллохонни бундай аҳволда ташлаб кетиш мен учун оғир эди. Нима қилганда ҳам тарбиясини олганман. Тузини ичиб катта бўлганман. У ўлиб қолгудай бўлса, урф-одатимизга амал қилган ҳолда қабр қазиб кўмишни ўйладим. Ўлмаган бўлса, Ватанга қайтариш лозим. Бу мен учун раҳбарларимнинг топшириғи бўлиб қолмай, балки уни азоб-уқубатлардан халос этишнинг ягона йўли эди. Нима қилишни билмай бошим қотди. Хўжайин унинг жасадини кўмиш ҳакида кўрсатма берса, албатта буни ўзим бажаришга ҳаракат қиласман деб ўйладим. Эргашнинг ортидан ёрдамчилари ҳам кулбага кириб кетишиди. Балки ўз сафдошларини кўмиш масаласида бирон фикрга келишаётгандир. Кўзимни эшикка тикканча атрофда айланиб юрдим. Ниҳоят, эшик очилди, Эргаш кўринди. Ортидан шериклари чиқди. Тўдабоши юзига қуёш нури тушиб турган мурдага боқди. Фатхуллохон ёт-

ган жойида кесак мисоли қимир этмасди. От-аравамни судраб атайин Эргашнинг ёнидан ўтдим. Арава филдираклари тошларга урилиб дўмбирадек тарақла-ган овоз чиқариб борарди. Бутун диққатим тўдабошида эди. Унинг чақириб қолишини, Фатхуллохоннинг жасадини бирон жойга кўмиш тўғрисида кўрсатма беришини кутдим. Шундай бўлди ҳам. Тўдабоши аввал Умарни, кейин мени чақирди. Иккимиз унинг ёнида пайдо бўлдик.

— Қишлоқдаги қабристонга кўмиб келинглар! —
деди боши билан ўлик ётган томонга ишора қилиб.
— Нима қилганда ҳам ўз одамимиз. Яхши-ёмон кунларимизга кор келган. Ҳароми Илҳом ҳалигача қайтмаяпти. Балки келганда бунинг айби бор-йўқлигини аниқлаган бўлардик...

Эргашнинг сўзига ишонгим келмади. Ахир бу ерга келганимдан буён қанча жангарилар ўлди. Уларнинг биронтаси қабристонга дафн этилмаган.

— Аравани олиб кел, — буюрди Умар менга ўгирилиб.

— Уни қаерга олиб бормоқчисан? — атайин ҳеч нарсани билмагандай сўрадим.

Гапим унга ёқмаганини афтидан билдим.

— Қишлоқ қабристонига, — Умарнинг сўзидан ҳам Фатхуллохонга нисбатан ҳурмат туйғусини англадим. Қишлоқ қабристони лагердан уч-тўрт чақирим йирокда. Мурдани аравага ортиб, қабристонга йўл олганимда қуёш тафтсиз нурларини замин узра сочиб турарди. Мен тез-тез Фатхуллохонга қараб қўярдим. Араванинг четида оёғини осилтириб, бошини ҳам қилганча бораётган Умарни бу ерда яшаш қизиқтирмай қўйганини, имкон топиб қочиб кетишга чоғланаётганини билдим. Нихоят, шеригим бошини кўтарди. Тепага қаради. Учиб юрган қушларга термилди. Бепар-

волик билан кетавердим. Фатхуллохоннинг боши мен томонга оғиб қолганди. Кўкариб кетган лаблари хиёл очилган, пешонасидаги ажинлар тиришиб қолганди.

— Умар, — дедим шеригимга юзланиб, — назаримда бу одам тирикка ўхшайди. Қара, юзи ўзгариб қолибди.

Умар елкаси оша мурдага бокди.

— Тўхтат! — деди у бирдан ранги ўчиб.

Иккимиз аравадан тушдик. Умар қулоғини Фатхуллохоннинг кўкрагига тутди. Кўзларини юмиб бир неча дақиқа юрак уришини тинглади.

— Юраги уряпти! — деди у ялт этиб менга қааркан.

— Тирик одамни гўрга тиқиши яхши эмас, — дедим. — Энди нима қиласми?

— Бирон йўлинни топ. Қишлоқ одамларини яхши танийсан!

— Истасанг, шу қишлоқда бир танишим бор, ўшаникига олиб бориб даволаймиз. Балки тузалиб кетар!

— дедим бир оз ўйланиб.

— Аммо Эргаш-чи? Унга нима деймиз?

— У биздан сўраб ўтирибдими?

— Бу гапинг хом, — насиҳатомуз деди Умар. Сўнг бир сония ўйга ботгач, сўзида давом этди. — Яххиси, кўмиб келдик деймиз-кўямиз. Фақат оғзингдан гуллаб қўйма. Тушундингми!

Мен бош силкитдим.

— Қани, тезроқ аравани хайда! — буюорди Умар.

Мен отниң бошини Зеболарнинг кўчасига бурдим. Кейинги пайтларда Зебо мёндан илгаригидек хуркмайди. Фидиракларнинг овозини эшлиши биланоқ қўча эшик олдига чиқиб туради. Бу орада Валий ҳам тоғдан тушган. У анчагина ўтин фамлаганди. Ўтинини аравада ташиб бердим. Шу тариқа бу оила билан иноқлашиб кетдим. Улар Фатхуллохонни қабул қилиш-қилмаслигини билмасдим.

Хайрият, Валий уйда әкан. Күча әшикни ўзи очди. Мен унга бўлган воқеани тушунтиридим. Беморни ичкарига олиб киришимизга рухсат берди.

Валий қандайдир ўт-ўланлардан дори қайнатиб Фатхуллохонга ичирди. Беморнинг юзи бир оз ёришиди. Кўзларини очди. Зах, қоронги, очлик ва ташналик Фатхуллохонга анча азоб берганди.

ЧЕЧЕНИСТОН

Ўшанда Калоний Эргашга ўтиш йўлаклари очик, йўлга чиқиши мумкин деган хабарни маълум қилди. Тўдабоши жангариға бош бўлиб, Чеченистонга йўл олди. Тоғлардан ошиб ўтишда Эргашнинг одамлари кўп қийинчилик ва азобларни бошдан кечирди. Кор кўчкилари, изфиринли шамоллар, аёзли совуқлар ҳолдан тойдирди. Айримлар касал бўлиб ётиб колди. Баъзилар қочишга уринди. Сафнинг бошида ҳам, охирида ҳам нотаниш кузатувчилар бунга йўл кўшишмади. Улар ҳеч кимни ўтказиб ҳам, қолдириб ҳам юборишмасди. Оёғи синган, касал бўлиб йўлга ярамаганлар жар бўйларига олиб келиниб отиб ташланар, жони чиқиб-чиқмаган жасадлар чукурларга ташлаб юбориларди. Шароит шуни тақозо қиласарди. Бирор бирорвга ёрдам берадиган пайт эмасди. Фақат олға юриш лозим эди. Грознийга кираверишда бир гурӯҳ чечен жангарилари Эргашни кутиб олди. Ҳолдан тойган жангарилар дам олишди, ҳаммага иссиқ овқат улашилди, қурол-аслаҳа тарқатилди. Узоқ колиш мумкин эмасди, қуршовга олинган Хаттоб уларни кутаётганди, яна йўлга тушишди. Икки кун тинимсиз йўл босишлиди. Қалин ўрмонзорга кириб боришлиди.

Эргаш бу юртда даҳшатли урушлар давом этаётганини эшитган бўлса-да, бирорта ўқ овози қулоғига

чалинмади. Гүё ҳамма ёқ жим-житдек туюлди. Ўрмоннинг ярмини босиб ўтишганида бомбалар тушиб, ҳандаққа айланган чуқурларни, илдизи билан қўпориб ташланган, ёниб қорайган дараҳтларни кўрди. Гоҳи-гоҳида дараҳтларга осилган, этини қушлар чўқиб ташлаган жасадларга кўзи тушди. Буларнинг бари уруш қолдирган даҳшатли «эсдалик»лар эди.

Эргашни Хаттобнинг ҳузурига олиб кириди.

– Руслар тўрт томонимиздан ўраб олишган. Шаҳар билан алоқа узилган. Бунинг устига Улус Керт қишлоғидаги тепалик десантчилар кўлига ўтди. Қандай қилиб бўлмасин, уларнинг ҳалқасини ёриб ўтишимиз керак!

– Йигитларим жангга тайёр! – шошқалоқлик билан жавоб қилди Эргаш. У қандай қилиб бўлмасин Хаттобда яхши таассурот қолдиришни ўйларди.

– Биринчи навбатда «Енгилмас шерлар» деб ном олган десантчиларни тор-мор этишимиз керак. Уларнинг биттаси сенинг барча одамларингга teng келади.

– Бизниkilар ҳам анои эмас, тоғларда жанг қилишда десантчилар уларнинг олдига туша олмайди. Душман жойлашган тепаликни кўрсатинг.

Хаттоб харитани ёйди.

– Улар 776 метр баландликдаги мана бу тепаликда туришибди.

– Қанча аскар бор?

– Тўқсонта. Шулардан ўн учтаси зобитлар!

– Бу ерга ўрнашиб олганига кўп бўлдими?

– 28 феврал куни 14 чақиримли масофани пиёда босиб келишган. Мухими, уларнинг қўлида оғир қурол-яроғлар йўқ. Ўқ-дорилари, озиқ-овқатлари ҳам саноқли кунга етади. Ҳозир ҳаммалари ҳолдан тойган.

– Йигитларимдан беш-олтитасини разведкага жўнатаман. Сиз ҳам бир-иккита одам қўшиб беринг. Тепаликни ўрганиб келишади.

Эргашнинг тактикаси Хаттоб учун янгилик эмасди. Буни ўзи ҳам аллақачон ўйлаган ва бугун тунда одамларини жўнатганди. Бироқ уларнинг бирортаси қайтиб келмади. «Балки бирор нарсани аниқлаб келар» деган фикрда Эргашнинг таклифини рад этмади.

Эргаш ишончли йигитларидан беш-олтитасини тепаликка жўнатди. Хаттоб уларни тунда кўрадиган дурбин ва снайперлар билан қуроллантирди.

– Бир ўрис учун минг доллар! – деди уларнинг руҳини кўтариш мақсадида. – Яхшилаб заиф томонларини ўрганинглар! Иложи бўлса, бирортасини тирик тутиб келинглар!

Жангарилар шоҳ-шаббаларга ўраниб Улус-Керт қишлоғи сари юришди. Одамни уйқу элитадиган пайтда руслар жойлашган тепаликка яқин боришли. Шунда соқчилардан бирини йўтал тутди. Олға юриш хатарли эди. Бир оз сабр қилишга, соқчиларни уйқу босишини кутишга тўғри келди. Тонг фира-ширасида жангарилар соқчилардан бирини қўлга олиши ва орқага қайтишли. Хаттоб улар олиб келган «тил»дан қувонди. Ўзи десантчини сўроқ қилди. Бироқ аскар лом-лим демади. Соқчилардан бирининг қуролини **юлқиб олди-да**, ўзини отиб ташлади. Шундан кейин у «разведка»га борган жангарилар билан сухбатлаши.

– Тепаликка чикиш йўлини аниқладик, – дейишди **улар**. – **Хужумни** факат орқа томондан бериш керак. Русларнинг бутун эътибори ўрмонга қаратилган.

Хаттоб тиши-тироғигача қуролланган 2500 нафар жангари билан Улус-Керт қишлоғига юриш бошлади. **Ярим тунда илондай ўрмалаб** тепаликка тирмасиши. Кечакоронфи, осмонда на ой, на юлдузлар кўринади. Икки соат судралиб, анча юқорига чиқишли. Соқчилардан бири тунда кўришга мослаштирилган дурбин орқали тошларга ёпишиб, ўрмалаб келаётган жангага

риларни пайқаб қолди. Қулоғидаги овоз узаткич билан бошлиғига хабар қилди. Катта лейтенант Сергей Молодов жанговар тревога эълон қилди. Десантчилар оёққа турди. Отишма бошланди. Жангарилар олдинги чизиқда турган соқчиларни отиб ташлашди. Сергей Молодов ҳам уларнинг ўқига учди. Командирликни комбат Марк Евтюхин зиммасига олди. Десантчиларнинг ўқлари ҳисобли эди. Уларда автомат ва гранаталардан бошқа қурол йўқ эди. Евтюхин мунтазам ўз жангчиларига руҳий тушкунликка тушмаслик ҳақида далда берарди. Алоқачи қисм билан боғланиб, вазият ҳақида тинимсиз маълумот жўнатар, ўқлар тугаётганини, ёрдамчи кучлар жўнатишни сўрарди. Тепаликдан бир неча чақирим нарида федерал кучларнинг ҳарбий қисмлари жойлашганди. Бироқ уларнинг тепаликка бориши ҳамда десантчиларга ёрдам бериши тақиқланди. Алоқачиларнинг десантчилар танг ҳолатга тушиб қолгани, ўқ-дорилар тугагани ҳақида берган ташвишли хабарига қисм раҳбари биргина жавоб қайтарарди: «Бир қадам чекинишга руҳсат йўқ».

Шимолий флот қуруқликтаги денгизчилар гурӯҳ бошлиғи генерал-майор Отраковский қисм командири билан боғланиб, десантчиларга ёрдам беришга руҳсат сўради, бироқ унинг талаби қондирилмади. Бундан қаттиқ ранжиган генерал юрак хуружидан ўша пайтда ҳалок бўлди. 104 – разведка полкининг командири Сергей Бараннинг 120 нафар десантчилари ниҳоят ёрдамга буйруқ олишди. Улар Абазулгол дарёсини кечиб ўтишлари лозим эди. Бу анча вақтни оларди.

Марк Евтюхиннинг «жангчилари кўпроқ талафот кўра бошлашди. Рақиблар бир-бирларига яқин келиб қолишли. Кимдир пешонасини чангллаб, кимдир кўкрагини ушлаб жон берди. Қонга беланган яра-

дорлар ингради, додлаб йиглади. Ўқлар ҳам охирлаб қолди. Жангарилар йўлларида учраган ярадорларни бўғизлаб ёки отиб кетишиди. Тутун ва отилаётган ўқлардан беш қадам нарини кўз илғамайди. Руслар ўлим олдидан ўзларини жангарилар кўлига тирик топширмаслик мақсадида ёнларидан гранаталарни олиб, ўзларини душманларга қўшиб портлатиб ташлашди. Ёрдам ҳали ҳам етиб келмади. Десантчилар оғир шароитда тепаликни бир кун давомида ўз кўлларида сақлаб туришиди. Бу уларнинг қаҳрамонлиги ва катта жасорати эди.

Ўқлар тугаб ханжарлар ишга тушди. Оёқ кўядиган жой қолмади. Ўликлар ва ярадорлар тошлар устида устма-уст тахланиб ётарди. Қутурган жангарилар ярадорларни ўрнидан турғазиб, бўйниларига пичоқ тортиб, узилган бошларни дуч келган томонга иргитиб боришарди.

Жангарилардан бири тепаликда ~~хилпираб~~ турган байроқни олиб ташлади. Бу русларнинг таслим бўлганини, тепалик ишғол қилинганини билдирувчи ишора эди. Хаттоб билан Эргаш олисдан дурбин орқали жангни кузатиб турарди. Байроқнинг олиб ташланганини кўриб Хаттоб хурсанд бўлди ва соқчилари ҳамроҳлигига тепалик сари юрди. Жангарилар тўпланишиди. Мурдалар устида фалабани нишонлашди.

Ниҳоят алоқа узилганидан кейин қисм командиринг буйруғи билан осмонга вертолётлар кўтарилиди. Бу орада Марк Евтиюхиннинг аскарлари ҳам тепаликка яқинлашиб қолди. Жангарилар тепалик томон келаётган вертолётларни кўриб ўрмонга қочишиди.

Руслар жангариларни излаб ўрмон ичига юришиди. Хаттоб Эргашни ҳам унтутиб, ўзи учун бошпана излаш мақсадида қочиб кетди. Одамларидан айрилган тўдабоши тезроқ Тожикистонга қайтишга шошилди.

ҚАСОС

Эргаш Чеченистондан қайтиб келганида Тожикистандаги вазият ҳали-ҳамон сув устидаги кўпикка ўхшарди. Ҳукумат қароргоҳини мухолифат кучларидан тортиб олган, унинг томида дунё тан олган юрт байроби ҳилпираб туради. Ҳукумат қўшинлари мамлакатнинг кўп қисмини жангарилардан тортиб олиб осойишталик ўрнатди. Халқ ҳукумат қўшинларини қўллаб-қувватлаб, уларнинг сафларини қўлига қурол олишга яроқли одамлар билан тўлдириб бораарди. Кўп хатоларга йўл қўйган Сайд Калоний тушкунлик гирдобига фарқ бўлган, Эргашга ўхшаш кимсалар эса ўзлари учун тинч ва осойишта паноҳ излаш ташвишига тушдилар. Бугун бўлмаса эртага ҳукумат уларни таслим этиб, мамлакат ҳудудидан қувиб чиқариши, йўлбошчиларни қамоқقا тиқиши муқаррар. Афғонистон, Покистон, араб давлатларидағи ҳомийлар ҳамон Сайд Калонийни қўллаб-қувватлашга, керакли қурол-яроғ ва озиқ-овқат маҳсулотлари, маблағ билан таъминлар, Покистон ва Афғонистонда маҳсус тайёр гарликдан ўтган жангариларни жўнатишига ваъда берар, бироқ ҳукумат қўшинлари улар кириши мумкин бўлган барча йўлакларни назоратга олганди.

Жанг-у жадаллар қизиб турган қунларнинг бирида Амирийнинг топшириғи билан Абдуллоҳ Душанбега ташриф буюрди. Унинг мақсади Чеченистонда русларнинг «енгилмас шерлар» номини олган десантчиларини тор-мор этишда қатнашган Эргаш билан сухбатлашиш эди.

Амирий айнан Абдуллоҳни жўнатишига маълум сабаблар бор. Ўзбекистондаги тинчлик, хотиржамлик, осойишталикини издан чиқариш, иккинчидан, Тожикистондаги воқеаларнинг бу ўлкага таъсир кўр-

сатмагани сабабини ўрганиш эди. Амирийнинг назарида Тожикистондаги воқеалар айнан Ўзбекистонда такрорланиши ва Эргашни қўллаб турган кучлар қўзғалиши даркор эди. Афсуски, улар кутган ҳолат юзага келмади. Тинчлик тарафдори бўлган халқ уни қўлламади, аксинча, қарши чиқди. Булар Амирий билан Чегечини қаттиқ ранжитди. «Нима қилиш керак» деган савол бошларини қотирди.

Эргашнинг кайфияти ёмон эди. Денгизга фарқ бўлаётган одам каби писта пўчоқ ҳам унинг кўзига халоскор бўлиб кўринди. Одамларининг кўпчилиги тарқаб кетди. Атрофида ашаддий жиноятчиларгина қолди. «Эргашни ишга солиш керак» деб ўйлашарди хориждаги ҳомийлар. Мамлакат ўзини ўнглаб олмасдан, ўзининг мустақил йўлини топмасдан туриб зарба бериш керак. Миясида фоявий бўшлиқ пайдо бўлган халқнинг онгига йиллар давомида ишлаб чиқилган мафкуравий фояларини сингдириш даркор. Шу мақсадда келган Абдуллоҳ Эргаш билан юзма-юз ўтиради. У гапни тўдабошининг фашига тегадиган, юрагининг қаътида илондек қулча бўлиб ётган аламларни уйғотиш мақсадида толибонларнинг шу кунлардаги ишлари хақида гап очди:

— Кеча кўшинларимиз Абдурашид Дўстум эгаллаб турган Мозори Шариф шаҳрини қўлга киритдилар. Биз генерални асирга олмоқчи эдик, бироқ қаёққадир фойиб бўлди. Айғоқчиларимизнинг хабарига қараганда, у ҳозир Туркияда эмиш. Дўстумнинг кўплаб синолари биз томонга ўтишли. Бир пайтнинг ўзида Қундуз шаҳрини ҳам жангсиз эгалладик. Мухими, бизни халқ қўллаб-қувватламокда.

— Демак, шимолий ҳудудлар жанобларининг измida эканда, — сўради паст овозда тўдабоши.

— Аҳмад Шоҳ Маъсуд ва Ҳалилийнинг синолари мамлакат ҳудудининг атиги ўн фоизини эгаллаб тури-

шибди, – гапида давом этди меҳмон. – Яқин кунлар ичида улар ҳам янчидан ташланади. Ўтган куни самолётларимиз Гулбаҳор шаҳридаги йирик ҳарбий базага ҳужум уюштириб, Шоҳга катта талафот етказди. Кунинга Пешовар ҳамда Покистоннинг Квет шаҳридаги мадрасаларда таълим олаётган олти юздан ортиқ 15–17 ёшлардаги талабалар сафимизга қўшилишмоқда. Кўлига қурол тутган қўшинларимизнинг сони 70000 кишидан ошиб кетди.

Абдуллоҳ ўзининг баландпарвоз сўзлари билан Эргашнинг юрагида ширин орзуларни уйғотди.

– Назаримда сизнинг имкониятларингиз ҳали етарли. Умидсизланманг, қўллайдиган ишончли одамлар топилади.

Абдуллоҳ ҳам гапни айлантириб мақсад бекатига етиб келганди.

– Назаримда сизни ва одамларингизни қамамоқчи бўлган амалдорлар ҳали ҳам ўз мансаб курсиларида ўтиришибди, шундайми?

Эргашнинг кўз олдига ўша душманлари келди ва фижинди. Фазаби тилига кўчди.

– Битмаган ярамни тирнадингиз, тақсир! Мени тинч юрибди деб ўйламанг. Ичимдан нималар ўтаётганини билмайсиз. Аслида юртни ташлаб чиқмаслигим, сўнгги қоним қолгунча курашишим керак экан. Кечалари душманларим тушимга кириб чиқади. Бўғиб қонини исчам дейман. Найлайки, улар кўзимдан йироқда. Қани энди бирортасини тутиб олсан-у мушукдай мижиглаб, жаҳаннамнинг алангасига ташлаб, кўнглимда тош мисоли қотиб қолган армонларимни ёзсан.

– Улар кимлар? – паст овозда сўради Абдуллоҳ.

– Шаҳар ички ишлар бўлими бошлиги, вилоят прокуратурасининг бўлим бошлиги ва вилоят ижроия қўмита раисининг ўринбосари!

— Улар ҳозир ҳам вазифаларида ишламоқдами?

— Шундай, тақсир!

Амирийнинг юрагидаги чигал ёзилди.

— Баракалла, мана шу одамларнинг халқ ўртасида ҳурмати баланд. Одамларингиз бугунни эртага қўймай, улардан бирининг бошини узиб ташласа, билинг-ки, халқ ваҳима ва тушкунлик гирдобига тушади. Қудратингизга ишонч уйғонади. Унутманг, иним Эргашбой, қўлингиздан қон ҳиди келиб турмас экан, ҳеч қачон ҳокимиятни эгаллай олмайсиз. Буни дўстимиз ва қадрдонимиз Саид Калоний тимсолида қўришингиз мумкин.

Кутилмаганда Эргаш жазавага тушиб, қўлларини кўкка чўзди.

— Ханжарим қиндан суғурилган. Қонга ташна! Аллоҳнинг номи билан қасам ичиб, сиз устозларимга ваъда бераман-ки, яқин кунлар ичидан номлари тилга олинган учала душманимнинг калласини уздириб, бир қозонда қайнатаман!

Абдуллоҳ бошини чайқаб қўйди.

— Ишончли одамларингиздан беш-олтитасини юрга жўнатинг. Шундай йигитларни юборинг-ки, уларнинг афт-ангари европаликларга ўхшасин. Гапларида русча сўзларни ишлатишсин. Кирган жойларида ароқ шишаларини қолдиришсин. Шунда ментлар сиздан шубҳаланмай, қотилларни русийзабон миллат вакиллари орасидан излашади.

— Чеченистанда ўнлаб ишончли йигитларимнинг жасадини қолдириб келдим, тақсир. Бу ердаги одамларимнинг ҳам айримлари қочиб кетибди.

— Атрофингизга ёш-ялангларни жалб қилинг. Юртдаги яқинларингизга айтинг, ёшларни хорижга, ишга деб бу томонга жўнатишсин.

— Бунга маблағ керак, тақсир.

— Ҳамёнингизни мен тўлдираман!

Абдуллоҳ тўдабошининг олдига икки боғлам доляр ташлади.

— Бунга элликта йигитни сотиб олса бўлади!

Эртаси куни тўдабоши ишончли одами – Бўрибойни хонасига чақиртирдий.

— Ёнингга Насриддин билан Абдурасулни олиб, бугуноқ водийга жўнайсан, – деди қўйнидан ханжарини олиб узун бўйли, малла ранг йигитнинг қўлига топширап экан. – Мен айтган одамларнинг бошини узиб келасанлар!

— Улар кимлар, хўжайин?

Эргаш душманларининг исмини номма-ном айтди.

— Бошини узиб шу ерга олиб келишимиз шартми?

Тўдабоши бир оз ўйланди. Бошни олиб ўтиш осон эмаслигини, қўлга тушгудек бўлса, сир очилишини, пешонасига ўчириб бўлмайдиган тавқи лаънат ёпиширилишини тушунди.

— Ханжар тифида қони қолсин, кўриб хуморим чиқади!

Шу куниёқ улар йўлга чиқиши. Уч кун юриб чегарани кесиб, айтилган шаҳарда пайдо бўлишди.

Бўрибой шерикларига топшириқни маълум қилди:

— Сен Абдурасул вилоят прокурори ёрдамчисини, Насриддин – сен ички ишлар бўлими бошлигини, мен эса Отабоевнинг уйини ўрганаман. Уларнинг қайси пайтда ишдан қайтишини, уйига қайси эшиқдан кириши, қайси хонада ётишини, ҳовлисида кимлар билан туришини ўрганасанлар. Икки кундан кейин яна шу жойда учрашамиз,

Шериклари топшириқни олиб, айтилган манзилга жўнаб кетиши. Икки кун ўтиб қайтиши.

— Шаҳар ички ишлар бўлими бошлигининг уйига одам киролмайди, – деди Насриддин. – Деворлар

ҳаддан ташқари баланд қилиб қўтарилиган. Дарвозаси темирдан, ошиб ўтсак сездириб қўямиз. Бунинг устига эшик олдига соқчи қўйилган. Учаламизни отиб ташлаши мумкин. Қолаверса, атрофида қўни-қўшнилари бор. Улар хунармандчилик билан шуғулланиб, кечаси билан ухламай маҳси тикишар экан.

— Прокурор ёрдамчисининг уйида эшакдай ит кўрдим. Бегона одамни яқин йўлатмайди. Туни билан ухламай ҳовлини кўриқлаб чиқади. Бунинг устига уйининг деворлари тепасига сим тўр ташланган. Деворларга камера ўрнатилган бўлиши мумкин, — ҳисобот берди Абдурасул.

Ёрдамчиларининг келтирган хабари Бўрибойнинг кайфиятини тушириб юборди.

— Ўринbosар шаҳар ташқарисидан ўзига янги ҳовли олибди, — дея ўзи ҳам уларга ҳисобот берди. — Бориб кўрдим. Уйининг деворлари ҳали битмаган. Бемалол ошиб ўтиш мумкин. Бунинг устига қўшнилари йўқ.

— Ишни *Отабоевдан* бошлар эканмиз-да, — деди Насриддин!

— Уйида кимлар яшашини билдингми? — сўраб қолди бир оз хавотирланган Абдурасул.

— Иккита боласи, хотини ва кекса онаси билан тураркан. Муҳими, ити йўқ. Тун ярмида ишдан қайтаркан.

— Ишни Отабоевдан бошлаймиз!

Насриддиннинг таклифини шериклари маъқул тошиди.

... Отабоев ишдан кеч қайтди. Хотини билан болалари ухлаб қолишибди. У чанқаганди, ертўладан тарвуз олиб чиқиб емоқчи бўлди. Зинапоядан пастга тушаётганида кимнингдир бақувват қўллари бўйнидан маҳкам тутди. Ўринbosар бақувват эди. Нотаниш кимсани елкасидан ошириб ташлади. Шунда яна икки

кимса унга ташланди. Ертўла ним қоронғи әди. Отабоев залворли муштлари билан юзига ниқоб тақиб олган кимсаларни ўзига яқин келтирмади. Бўрибойнинг кўлига бир қулоч арматура илиниб қолди. У орқа томондан келиб арматура билан уй эгасининг елкасига туширди. Ўринbosар гандираклаб йиқилди. Бўрибойнинг одамлари унинг устига чиқиб босишли, оғзига латта тиқиб, оёқ-кўлини боғлашди. Отабоев караҳт бўлиб қолди. Оёқ-кўлини типирчилатишга кучи етмади. Босқинчилар ҳаш-паш дегунча унинг чўнтакларини тозалашди. Арзигулик буюм топишомлади. Бир дона олма чиқди. Абдурасул уни тишлаб ташлаб юборди. Бўрибойнинг назарида ертўладаги шовқин-суронни Отабоевнинг хотини эшитиб қолиши мумкин әди. У Насриддинга кичкинагина баллончани берди.

— Ичкаридагиларни ухлатиб чик!

Насриддин баллончани олиб ётоқхонага кирди. Ўринbosарнинг хотини болаларини бағрига олиб ухлаб ётарди. Хонага бегона одамнинг кирганини билib, уйкусираган кўзларини очгунча Насриддин газ баллончани аёлнинг димоfigа босди. Кейин болаларга ҳам ҳидлатди. Ҳаммалари караҳт бўлиб қотиб қолишли.

Ўринbosар ўзига келди. Насриддин уни судраб Бўрибойнинг олдига олиб келди. Бошлиқ девор ёнидаги уч-тўртта фиштнинг устида оёқларини икки томонга кериб ўтирибди. Туйнукдан мўралаб турган ой ёруғида у файритабий ва ваҳимали қўринади. Абдурасул эса эшик олдида турганича ҳаллослаб нафас олаётган Отабоевдан кўз узмайди. У Бўрибойнинг қандай тергашини кутарди.

— Қалайсан, ошна?! — деди ниҳоят Бўрибой олдида чўккалаб ўтирган Отабоевга еб қўйгудек қараб. — Ке-

лишимизни кутмаган бўлсанг керак. Эргашбой сенга кўпдан-кўп салом айтди. Ундан хабар ҳам олмайсан. Бечора сени деб ўз юртини ташлаб кетди. Бегона элда, бегона одамлар орасида қийналиб яшаяпти. Топган-тутганингни чиқар. Унга ёрдам бер. Қурол сотиб олади. Кейин бу ерга келиб сенга ўхшаган амалдорларни «пақ-пақ» қилиб пешонасидан отади. Қани, айтчи, қанча пулинг бор?!

Отабоев бошини кўтарди. Қаршисида кўзларини чақчайтириб турган Бўрибойга юзланди.

— Менда сариқ чақа ҳам йўқ! — деди бўғилиб.

Ўринбосарнинг елкасидан босиб турган Насриддин унинг сочидан тортиб, юзини ўзига қаратди.

— Йўқ дейсанми?! Сенда-я! Шу гапингга бизни ишонтиromoқчимисан-а?! Ху, онангни!... Икки кун аввал кимдан пора олганингни ёдингга солиб кўяйми?! «Янги хаёт» колхозининг раиси Абдулладан икки минг доллар санаб олганинг ёлғонми, ифлос! Ху, онангни!... Ҳаммасини биламиз, ҳаммасидан хабардормиз. Бир мишиқи, икки маротаба қамалган, ўрта мактабни зўрфа битирган, пора билан қўлга тушган фирибгар, товламачини катта хўжаликка раис қилиб қўйдинг. Қани ўша олган пулинг?! Қаерга яширдинг уни? Менда пул йўқ деб бизни ишонтиromoқчи бўласан-а, ху, онангни!... Бошқа айбларингни ҳам айтайми?!

Насриддин Отабоевнинг юзига мушт туширди. Ўринбосарнинг бурнидан қон оқди.

— Пул қаерда? — вазминлик билан сўради Бўрибой. — Бизни куч ишлатишга мажбур қилма. Яхиси, ўзинг айт.

— Менда пул йўқ, — яна тилга кирди ўринбосар.

Насриддин унинг қонга беланган юзига мушт солди. Ёнғоқдек жойи моматалоқ бўлди.

– Буни кучук боласидек сувга чўқтириш керак. Етти буклаб, қозиқ қилиб ерга қоқиш керак! Айт, пуллар қаерда?! Ху, онангни!..

– Процентга берганман, – оёқ-қўлларини типирчилиатиб деди зўрға Отабоев.

– Кимга? – қонга беланган башарасига яқин келиб сўради Бўрибой.

– Савдогарларга.

– Исми, қаерда яшашини айт!

– Комил! Марказдаги тижорат дўкони бошлиғи!

– Қанча бергансан?

– Ўн минг доллар.

– Ёлғон айтяпсан!

– Худо урсин!

– Сендеқ олғир учун бу оз. Ўн йилдан бери амал ва мансаб курсиларини худди онангнинг нарсасини сотгандек сотяпсан. Айт, қолган пуллар қаерда?!

– Менда бошқа пул йўқ!

Бўрибой Насриддинга қаради. Насриддин унинг бошига мушт урди. Дуч келган жойига тепа бошлади. Отабоев ҳушидан кетиб, Бўрибойнинг оёғи остига қуллади. Босқинчи уни тепишда давом этарди. Отабоевнинг қулоғи чиппа битди, кўз ўнгини туман қоплади.

– Қани, ўрнидан тур-чи?! Ху, онанг-ни!... Бизга энди қолган пулларингни қаерга яширганингни, кимга берганингни айтарсан?! – деди Насриддин уни ўрнидан турғазмоқчи бўлиб. Лекин ўринбосар тинмай инграрди. Оғзи тўла қонни туфлади. Қутуриб кетган босқинчи қопдай бўшашиб қолган Отабоевни ўрнидан кўтарди-да, елкасидан бўғиб олганича оғзидан кўпик сачратиб бақира бошлади.

– Ху, онангни!... Сен яхшиликни билмайсан! Сен ўйлаган одамлар бошқа, қанжиқ! Ўзинг кимсан? Порахўр, юлғичсан! Халқ душманисан! Энди бизни тер-

гайдиган одам қолмади деб ўйладингми? Билиб қўй, қанжиқ, энди биз сендек порахўрларни, битларни битта қўймай ўлдирамиз. Сенга ўхшаган зааркунанда душманларимизга ер юзида ўрин йўқ! – Насриддин ўзини халқнинг вакили қилиб кўрсатишга ва унинг номидан сўзлашга уста эди.

Отабоев тиззасида тура олмади. Уни яна кўтариб қўйдилар.

– Гапир даъюс, пулларни қаерга яширгансан!

Отабоев ~~босқинчилар~~ бир-икки маротаба уриб-тепиб, сўнг кетадилар деб ўйлаганди. Унинг бойлигини билмагунча бу ердан жилмасликларини, уриб майиб-мажруҳ қилиб қўйишиларини тушунди. Шунда у омон қолиш учун ёлғон ишлатишга мажбур бўлди.

– Мени қўйиб юборинглар. Бўлди, урманглар, ҳаммасини айтаман! – деди тили зўрға калимага келиб. Анчадан бери юзини тескари ўгириб олган Абдурасул бу гапни эшлитиб ортига ўгирилди У ҳамма ишни яхшилик билан тугашини кутаётганди. Отабоевни дўп-послашаётганида юзини терс буриб олганди.

– Беш минг доллар Аюбхонда, икки минг доллар Тожимаматда! Бошқа пулим йўқ!

– Уйингда-чи?!

– Уйимда пул сақламайман!

Бўрибой унинг гапига ишонди.

– Биламан, калланг ишлайди. Пора билан қўлга тушсанг уйингни мелиса босади. Ҳамма ёғингни афдар-тўнтар қилиб, топганингни ҳукумат фойдасига ўтказади.

У чўнтагидан қофоз ва ручка олиб Отабоевга узатди.

– Гапларингга ишондим, – деди жилмайиб. – Мана бу қофозга икки энлик хат бит. Ўша қарздорларинг бизга пулни беришлари учун!

Отабоевнинг кўллари қон эди.

– Олдин кўлларингни арт! – деди тўда бошлиғи ўринбосарга узатган қофозни тортиб олар экан.

Отабоев бармоқларини кўйлагига артди-да, кейин қофоз-қаламни олди. Лекин нима ёзишни билмай туриб қолди.

– Нега ўй сурив қолдинг! Ёз! – буюорди Бўрибой ўринбосарнинг биқинига нуқиб.

– Нима деб ёзай?

– Боя айтганимни ёзасан-да!

Отабоев пулларни Бўрибояга беришни илтимос қилиб, ҳар учала танишига мактуб битди. Кўлларининг қалтироғи босилмагани боис ёзувлар катта-кичик эди.

– Бу хатингни одамларинг ўқий оладими? Худди чумоли ўрмалагандек қингир-қийшиқ! Саводдан ҳам худо берганми дейман-а?!

Бўрибой ўрнидан турди. Сумкасидан бир шиша ароқ чиқарди. Ундан стаканга қуиб ўринбосарга узатди.

– Бу ишинг учун юзтадан отамиз!

– Мен ичмайман! – қайтарди Отабоев.

– Нега ичмайсан ёки сенинг тенгинг эмасмизми? Катталар билан базмларда, шохона дастурхонлар устида шоирона сўзларни айтиб ичасан-ку! Нафсинга ўт тушкур! Ол!

– Ростдан ҳам ичмайман...

Бўрибой ароқни Отабоевнинг юзига сочиб юбормоқчи эди, Насриддин жонига оро кирди.

– Ичмасанг ичма, қон қусгур! – у ароқни Бўрибойнинг қўлидан тортиб олди.

– Бу киши сен билан менга ўхшаган ялангоёқлар билан ичолмайди! Қани қуй! – деди шеригига.

Бўрибой иккинчи стакан ароқ қуиди. Бўрибой қадаҳни қўлига олиб яна ўринбосарга юзланди.

У нима қилиб бўлса ҳам ўринбосарга зўрлаб ичиришни истарди.

— Мухтарам Арслонбек Отабоевич! Мана шу қадаҳни бизнинг халоскоримиз, йўлбошчимиз Эргашбой жанобларининг соғлиги учун кўтарсангиз! — масхараомуз тиржайди Бўрибой.

— Боя айтдим-ку, мен умуман ичмайман! — юзини буришириб деди Отабоев.

— Ёлғон айтяпсан, ху, онангни!.. Ичасан, ичмай кўр-чи, шишаси билан оғзингдан қуяман!

Насриддин стаканни ўринбосарнинг пир-пир учётган, қон-қушга бўялган лабига тутди. Ароқ томоғига тиқилган Отабоев бошини орқага ташлади. Стаканнинг қирраси унинг лаблари, юзларини тилди. Бўрибой бир қўли билан уй эгасининг бошини орқага қайриб, иккинчиси билан стакандаги ичимликни оғзига қуя бошлади. Бир неча қултум томоғидан ўтгач, Арслонбек нафаси қайтиб ичган ароғини оғзидан пуркаб ташлади. Бўрибойнинг бақувват қўлларидан чиқиб кетди.

— Сен бизни **кечир**, — деди бир оздан кейин Бўрибой ҳамон ўйталоётган ўринбосарнинг елкасига уриб. — Ишимиз шунаقا. Ортимиздан одам тушишини, эртага бизни босқинчи, жаллод дейишларини ёқтирумаймиз. — Бўрибой чарм курткасидан пружинали пичоқни олди. Унинг тугмасини босди. Дастасини ёриб чиқкан ўтқир тиф ялтиради. Отабоев даҳшатдан қотиб қолди. Унинг катта-катта кўзлари косасидан иргиб чиқди. Абдурасул юзини терс бурди. Бўрибой Отабоевнинг жингалак сочидан тутди. Калласини орқага қайриб, қўлидаги пичоқни бўғзига тортиб юборди...

Босқинчилар Отабоевни бўғизлаб, мурда ёнида бўш ароқ идишини қолдириб воқеа жойидан фойиб бў-

лишди. Улар жиноят изини қолдирмадик деб ўйлашганди. Тишлаб ташланган олмани ҳисобга олмаганда ҳақиқатан ҳам шундай эди. Ҳаммаси мана шу олмадан бошланди. Олмада жиноятчининг тиш излари қолди. Еттинчи тиш олдида бўш жой ҳосил бўлган, қон доғи қотиб қолган эди. Бу эса жиноятчи қотилликни содир этишдан олдинроқ тиш олдирганидан далолат беради. Эртаси куни жиноят қидирув бўлими ходимлари шаҳардаги барча тиш даволаш шифохоналарида бўлишди. Мингчинордаги шифохонага касал тишини олдириш мақсадида ўрта ёшлардаги йигит келганди. Унинг исми шарифи шифокорнинг дафтарига қайд этилганди.

Босқинчилар Отабоевни тинчтиб, номларини айтган одамлардан пул ундириш мақсадида улар яшаётган уйга жўнаб кетишли. Вақт кеч эмас эди. Соат эндиғина ўн бирдан ўтганди. Отабоевнинг ўлими ҳақида милиция хабардор бўлмасдан тезроқ пулни йиғиштириб, шаҳардан чиқиб кетишлиари лозим. Акс ҳолда эртага изқуварлар оёққа туриб, қидирувни бошлаб юборишилари мумкин.

Кўча эшикни Аюбхон очди. У уйига яқинда қайтганди. Аёли келтирган овқатга эндиғина қошиқ солган эдики, эшик қўнғироги жиринглаб қолди.

– Бизни Отабоев жўнатди! – деди Бўрибой. – Хўжайинга пул керак бўлиб қолди. Зудлик билан олиб келишимизни буорди.

Аюбхон келгувчиларга бирма-бир назар ташлади.

– Мен у киши билан яқинда қўришгандим. Ҳеч нарса демагандилар!

– Зарур иш билан Тошкентга жўнайдиган бўлиб қолдилар. Чақиришишибди. Мана хатлари!

Комил хатни олди. Отабоевнинг ёзувини таниди. Бироқ сўзларнинг қинғир-қийшиқлигидан хавфсиради.

— Мен ҳозир, — деди-ю ортига бурилди. Бўрибой-нинг нияти бузилди.

Аюбхоннинг биқинига тўппонча тиради.

— Ичкарига бирга кирамиз. Бақириб-чақиришни хаёлингга келтирма. Бола-чақаларингга жабр бўлади!

Аюбхон тунги «мәҳмонлар»ни кулбасига олиб кирди. У қўрқувдан дағ-дағ титрар, оёғи ўзига итоат этмай, букилиб кетаётгандек туюларди. Абдурасул яна оstonада кўндаланг туриб олди. Насриддин қўлидаги тўппончани уй эгасининг пешонасига тўғрилаб турарди. Жавон ичидаги биллур идишлар чироқ шуъласида ялтиради.

— *Ёмон* яшамас экансан! — деди Бўрибой Аюбхонга ўгирилиб. — Буларнинг ҳаммасини пешона теринг билан топганмисан?!

— Отамдан қолган! — Аюбхон бир оз ўзига келди.

— Отангдан тилла ҳам қолгандир?!

— Ҳазиллашманг, aka? Менда тилла нима қиласди?

Пулим бўлганида Отабоевдан процентга олармидим?!

— Унда имилламай ўша пулларни ол! — буюрди Бўрибой. У тезроқ кетишни истади. Қолаверса, бойвачча бу йигитнинг ўзида ҳам уч-тўрт минг доллар бор деб ўйлади. Бу орада Аюбхон бурчакдаги девор ичига ўрнатилган темир сандиқни очди. Китоб тагидаги бир пачка долларни олиб Бўрибойга узатди:

— Энди қофозни беринг. Ҳар эҳтимолга қарши менда қолгани дуруст!

— Нега қофозни сенга беришим керак? Ахир бу хужжат. Ҳужжат ҳамма ерда ўтади. Сени ментларнинг қўлига тутиб бериш учун ҳам аскотади, — деди Бўрибой долларни ҳамёнига солар экан. — Қани айт-чи, ўзингнинг топган-тутгандаринг қаерда?

Аюбхоннинг тиззалари титради. У қўллари билан столнинг қиррасини чанглаб, гавдасини орқага

ташлаб, кўкрагига қадалиб турган тўппончанинг азобидан қутулиш учун типирчилади. Чироқ шуъласида пешонасидан чиқсан муздек тер томчилари ялтиради. У ҳақиқатан ҳам чин сўзни сўзлаётганини, уйида сарик чақа қолмаганини, Отабоевнинг пулини қайтариб бериш мақсадида уйига келтириб қўйганини исботлашга уринди. Нима қилиб бўлса-да; қароқчилар қўлидан соғ-омон чиқиши учун рост-у ёлғон сўзларни тўкиб солди. Қароқчилар савдогарнинг гапларини тинглаб кулишди. Тўппончанинг учини қўкрагига қаттиқроқ босиб, пул талаб қилишади. Қийнаб, азоблаб, бошига бундан-да оғир мусибатларни солишларини айтиб кўркитишди. Шундай қилсак, пулларни қаерга яширганини айтади, ўзи уларни топиб беради деб ўйдашарди.

Стол тўнтарилди. Аюбхон йиқилди. Электр дазмоли Бўрибойнинг оёғи остига тушди. Босқинчи ярқ этиб хаёлини ёритган фикрдан дили яйраб кетди. Насриддинга қаратса сўз қотди.

— Дазмолни токка ула! — буюорди Бўрибой оёғи билан дазмолни Насриддиннинг ёнига суриб. Бундай жойларда исмларини атаб чақириш тақиқланган.

Насриддин дазмолни электрга улади.

— Сўнгги бор сўрайман, пуллар қаерда?!

— Чин сўзим, уйимда ҳеч вако йўқ, — дея ерда чўзилиб ётган Аюбхон кутилмаганда Бўрибойнинг тепкиси тушишидан чўчиб, қўллари билан юзини тўсган ҳолда жавоб қайтарди. — Рухсат берсангиз, эртага истаган пулингизни топиб бераман! Фақат мени қийнаманг, болаларимга раҳмингиз келсин.

— Бизга пул хозир керак, — деди Насриддин бўш келмай.

— Онамни ўртага қўйиб қасам ичаман, уйимда пул тугул танга ҳам қолмади. Йигит сўзим. Ишонмасан-

гиз ҳамма жойни тинтиб кўринглар. Топсаларинг, нима қилсаларинг қилаверинглар!

— Балки тилла буюмлар бордир? Бизга пул бўлиши шарт эмас! — Бўрибой уй эгасининг елкасига оёғини қўйди.

— Мухлат беринглар. Эрталаб кўлларингга 50 дона тилла сўлкавой тутқазаман! — томоги қуруқшаб кетган Аюбхонни йўтал тутди.

— Улар қаерда? — бир оз жонланиб сўради Бўрибой.

— Эллик дона тилла тангани тилга оляптими, демак, уйда пул бор. Йўқ нарсани гапирмайди. Бўрибойнинг газаби қўзиди. — Ҳозир топасан. Акс ҳолда чавақлаб ташлайман!

— Бир танишимницида. Гаровга берганман!

«Гаров» сўзини эшитиб Бўрибойнинг хафсаласи пир бўлди.

— Биласанми, сен бойвачча анча айёр одамга ўхшайсан. Гапингнинг ҳидидан бизларни ментларга сотмоқчига ўхшайсан!

Бўрибой гапини тугатмай елкаси оша Насриддинга буюрди:

— Дазмолни келтир!

Насриддин чўғдек қизиб турган дазмолни Бўрибойнинг кўлига тутқазди. Бўрибой оёғи билан уй эгасининг болдирига тепди.

— Шимингни пастга тушир! — буюрди у.

— Ундан қилманглар, илтимос, мана шу уй ҳам, ичидағи жихозлар ҳам сизларга. Бирорга шикоят қилсан эркак эмасман. Худо урсин! Фақат мени қийнаманглар. Юрагим касал, — ялиниб-ёлворди Аюбхон. Унинг илтижоси Бўрибойнинг кўнглини юмшатмади.

— Биласанми, Гитлер ҳам йўлига юрмаганларни чўй билан эркаклик томирини қуйдирган. Сен ҳам айтганимизни қилмадинг, Гитлернинг ишини қилишга мажбурмиз!

Бўрибой Аюбхоннинг белига тепди. Насриддин унинг елкасидан босди. Бир қўли билан шимини ечди. Қайноқ дазмол оппоқ думбасига текканда Аюбхон чинқириб юборди. Насриддин кафти билан унинг оғзини тўсди. Бўрибой ҳамон Аюбхоннинг яланғоч баданига дазмолни куч билан босар, ёғ ва гўшт ҳиди буғ мисол кўкка ўрларди. Аюбхон Насриддиннинг кафтини тишлаб олди ва яна чинқирди. Насриддин оғриққа чидамай бақираётган уй эгасининг бошига мушт туширди.

– Ўчир овозингни, хунаса!

Ўйнинг деразаси тақиллаб, қўшнининг «тинчлики, Аюбхон» деган овози келмаганида босқинчилар савдогарни ҳали узоқ азоблашган бўлармиди? Биринчи бўлиб эшиқдан Абдурасул ўқдай отилиб чиқди. Колганлар унинг ортидан эргашишди. Ҳушсиз Аюбхон уйда танҳо қолди.

Қотиллар шом оралиғида Тожикистон республикасининг Ўзбекистон билан чегарадош Қабодиён туманига етиб келишди. Шу ердан бошлиқларига сим қоқишиди.

– Берган китобингизнинг биттасини ўқиб тугатдик, хўжайин! – деди Бўрибой ўзининг хурсандлигини яширмай.

– Қайси бирини ўқидинг?

– Сиз ёқтирган китобни-да!

– Колган иккитасини қачон ўқиб тугатасанлар? – шошиб сўради тўдабоши.

– Уларни ўқиш қийин экан, хўжайин!

– Сенлар ўқиёлмасанг, ўқийдиган бошқа одам то-
паман!

– Бошқа топшириғингиз йўқми, хўжайин?

– Кечки пайт кўнфироқ қил!

Отабоевнинг ўлдирилганини эшитиб Эргашнинг елкасидан тоғ қулагандай бўлди. Ахир уни йўқотиш учун нақ икки йил пайт пойлади. Ҳар гал қандайдир тасодиф туфайли ажал уни четлаб ўтарди. Умри узун экан, шу кунгача яшади. Акс ҳолда аллақачон ўлиб кетган, қабридан янтоқ ўсиб чиқкан бўлармиди? Мана энди ажални ўзига тилаб олди. Эргаш уни кўп бор огоҳлантирди. Одамлари орқали уйига бир эмас, бир нечта хат ташлатди. Муросага чақирди. Кўр ушлаганини, кар эшитганини кўйимас деганларидек, Отабоев билганидан қолмади. Минбарларга чиқиб, уни бузғунчиликда, фаламисликда, ақидапарастликда айблади. Унинг кўрсатмаси билан гурухнинг фаол, ташаббускор аъзоларидан олти нафари қамалди. Гуруҳ раҳбари эса милициянинг тузогига илинмади.

* * *

Эргаш хизматдан қайтганида ҳамқишлоқлари уни очиқ чехра билан кутиб олишди. Асирга тушибсан, Ватаңга хиёнат қилибсан деб ҳеч ким юзига солмади. У тинч, осойишта ҳаёт кечириб юрди. Кунларнинг бирида шаҳарга чақиришиди. Қандайдир нотаниш кимсалар билан учрашди. Турқ-таровати, сўзлари фалати. Улар Эргашга кимларнингдир саломини топширишиди. Бироқ салом йўллаган кимсаларни эслай олмади. Шунда меҳмонлардан бири ҳамёнидан тўрт дона сурат олиб, Эргашнинг қўлига тутқазди. Боши таналаридан узилган жасадлар, қўлида қон томиб турган олмос тифли ханжар тутган, ҳарбий кийимдаги йигит. Қўли орқага боғланган, юzlари калтак зарбидан кўкариб қон-қушга беланиб, беҳол-бемажол деворга суюниб турган аскарлару уларни «М-16» автомати билан нишонга олаётган мерган. Бошқа сурат-

да эса пешонасидан ўқ еб, ерга узала тушиб ётган ўн чоғли мурдалар. Улар орасида автоматни боши узра баланд күтариб турган қонхўр. Яна бир суратда эпкин оппоқ соқолини бир томонга тортқилаётган, бошида каттагина оқ салла, боқишлирида ўйчанлик акс этиб турган Бурхониддин Раббоний ҳазратлари. Унинг шундоқ биқинида худди айб иш қилиб қўйган боладай кўзлари ва юзидағи фам-андуҳни сездириб қўймаслик учун зўраки жилмайиб турган Эргаш. У суратлардаги одамни дархол таниди. Бу ўзи эди. Бироқ асиirlарни отиб ўлдирмаган, айтилган топшириқни бажарган, холос. Расмга олишларини ким хаёлига келтирибди дейсиз?

— Мендан нима истайсизлар? — суратлардан бошини кўтариб ёнидаги меҳмонга юзланиб сўради Эргаш.

— Сиздан ҳеч нарса керак эмас! — деди меҳмон суратларни ҳамёнига солар экан.

— Унда нимага мени бу ерга чақириларинг?

Меҳмон жим қолди. У ўз мақсадини Эргашга қандай йўл билан тушунтиришни ўйлади. Унга бирданига катта топшириқ бериб ёки амалга ошириши керак бўлган ишлар ҳакида сўзлаб бўлмасди. Эргашбойни амалга оширилиши керак бўлган ва хозирда водийда олиб борилаётган хуфиёна ишлардан боҳабар қилиш учун озгина фурсат даркор эди. Муҳими, Эргашбойни топишди. Эндиғи вазифа уни кузатиш — синаш. Меҳмон ҳозирча унга бирор сўз айтмасликка аҳд қилди.

— Сизни кўриш, сухбатингиздан баҳраманд бўлиш ниятида олдингизга келган эдик, иним! — деди меҳмон. — Ахир дўст атои улуг дейдилар!

— Куллук, — зўрға тили айланди Эргашбойнинг. Шундан кейин меҳмон Эргашнинг шахсий ҳаёти, ишлари билан қизиқди. Одилов хизматдан бўшаб қайтгач, бирор ташкилотга ишга жойлашолмаётга

нидан шикоят қилди. Шунчаки кундалик ҳаётга оид савол-жавоблардан Эргаш ўзини анча енгил ҳис этди. Кетиши олдидан меҳмон ҳамёнини кавлади.

– Кам-кўстингизга ишлатарсиз, – деб бир талай 100 талик долларни йигитнинг кафтига босди. Эргаш эътиroz билдиришга ўзида куч топа олмади.

– Қандай хизмат бўлса, бош устига меҳмон? – деди Эргаш хайрлашиш олдидан. – Бир илтимосим – ҳамёнигиздаги суратларни ёқиб юборсангиз. Бирорта одамнинг кўзи тушса гап-сўз кўпайиши мумкин.

Меҳмон суратларни унинг кўз ўнгида ёқиб ташлади.

Эргаш ўрнидан туриб меҳмондан узоқлашганида йигирма-ўттиз қадам наридаги курсида ўтирган кекса ёшдаги икки кимса ва бир болали аёл ҳам ўрнидан турди. Улар бир-биридан узоқлашмаган ҳолда Эргашнинг изидан тушишди. Кузатувчилар маълум ма софадан сўнг алмашиб, таъқибни давом эттиришди.

Кўлига пул тушган Эргашнинг кўнглида шакар-гуфторликка мойиллик уйғонди. Йўл-йўлакай телефон бўлинмасига кирди. Кузатувчилардан бири кўлидаги дурбинни олди. Эргашбой телефонда суҳбатлашиб бўлгач, ташқарига чиқди. Йўл ёқасига ўтиб, такси кута бошлади. Кузатувчи ортидан келаётган аёлни чақирди.

– Зудлик билан мана бу телефон номерининг эгасини аниқла. Кимга қарашли, қаерда ишлайди? Сўнг менга хабар қил! Тушундингми?

– Тушундим, – деди аёл.

Эргаш изига айғоқчи тушганидан, босган қадамини ўлчаб боришаётганидан бехабар эди. Бу унинг хаёлига ҳам келмади. Қўнфироқ қилган хонадон соҳибаси йўқлиги боис, шаҳарда узоқ қола олмади. Рўзгор учун керакли буюмларни харид қилиб, қишлоқка қайтди. Айғоқчилар ўзларининг янги «одамлари»да шубҳали

ҳаракат сезишмади. Бошлиқларини бу ҳақда хабардор қилишди. Ҳатто беришган пулнинг нимага сарф қилганигача айтишди. Бошлиқнинг кўнгли тўлган бўлса-да, кузатишни давом эттиришга буйруқ берди.

Орадан бир ой ўтиб, Эргашни яна шаҳарга чақиришишди. Бу гал учрашувга бошқа одам келди. У ҳам хорижлик дўстларининг саломини топширди. Янги таниш анча босиқ, вазмин одам эди. Ярим соат гурунглашишди. Эргашнинг дил қулфи очилди. Мехмонни ўзининг қадрдонидек қабул қилди. Анчадан кейин мақсадга кўчди.

— Коммунистлар ва уларнинг малайлари бизнинг қадимий урф-одатларимизни поймол қилишди. Бир сиким тупроқдек миллатларга, әлатларга ажратиб ташлашди. Ягона ва қудратли давлатимиз ўзимизга ёт бўлиб қолди. Энди СССР деган давлат ҳам бўлиниб кетди. Ота-боболаримиз давлатини тиклаб, ягона байроқ остида яшаш фурсати келди. Эл саросимага тушиб қолган, ким қаёққа етакласа оғиб кетади. Ватанимиз яна коммунистлар қўлида қолмаслиги учун тезкор бўлмоғимиз даркор. Сиздек мард, Ватан ва миллат тақдирига имонини тикишга тайёр йигитлар бунга йўл қўймаслиги лозим! Биламанки, сиз ёшлигинизда курашчи бўлгансиз, манаман деган полвонларнинг курагини ерга теккизгансиз, маҳаллангизнинг обрўсини вилоятга ёйгансиз. Ёш-яланглар ортингиздан эргашади, гапингизга қулоқ тутишади. Коммунистлар етмиш йил халқнинг қонини зулукдек сўриб яшагани етар. Улардан ҳокимиётни тортиб олиш фурсати келди. Энди сиздек ориятли йигитлар янги давлатни бошқаради! Эргаш «Коммунистлар қолмади, тинч, яхши яшаяпмиз» демоқчи бўлди. Хаёли қочди, ўйлаб боқса, меҳмоннинг гапида жон бордек. Халқнинг урф-одатини тикласа, миллат ва элнинг фаровонлиги

учун курашса, бунинг нимаси ёмон? Қолаверса, меҳмоннинг сўзидан ёвузликнинг ҳиди келмаяпти. Эзгуликка, аҳилликка, биродарликка чорлаяпти! Шу йўлда курашса уни ким ҳам айбларди? Эргаш шуларни ўйлаб розилик аломатида меҳмоннинг сўзларини маъқуллади.

— Коммунистлар шу даражада кутуриб кетишиди-ки, — деди Одилов, — ҳатто ўзимизнинг қадимий байрамимиз Наврӯзни ҳам эскилиқ, диний сарқитга чиқариб тикиқлашди.

Ўрта маълумотли, сиёсатдан анча йироқ бўлган, сўзининг маъносини чақиб етолмаган бу йигитни сўзларига ишонтиrolган меҳмон унинг гапини эшитиб, Эргашга таъсир ўтказиш пайида бўлди. Бундай пайтда уни руҳан қўллаш, далда беришни яхши биларди.

— Отангизга раҳмат! Менинг нима мақсадда жон куйдириб, айтиётган гапимнинг мағзини чақиб улгурдингиз! Тасанно!

Бу олқишилардан Эргаш ҳаволанди.

— Кишлоқларда одамлар бир қарич ерга зор. Ўнта боласи билан 2 сотих ерда димиқиб яшамоқда. Раҳбарлар таъмагир бўлиб кетган, пора узатмасанг ер бермайди.

— Баракалла, иним, баракалла! Ақлингиз кўп нарсага етар экан! Уй учун ер ололмай сарсон юрган ҳамқишлоқларингизни тўплаб, амалдорларга қарши исён кўтaringлар! Жим юрсаларинг улар ҳаддидан ошса ошадики, ўтирган курсисини бўшатмайди. Ўзингизни кўрсатинг, мазлум халқ томонида туринг! Уларни орtingиздан эргаштиринг! Шунда марра сизники!

Улар узок сухбатлашдилар. Меҳмон кетиши олдидан ҳамёнини кавлади. Бир боғлам доллар олиб Эргашнинг қўлига тутқазди.

— Бирор кунингизга асқотар, иним!

Ўшанда Эргаш қурилиш учун томорқа ололмай юрган ҳамқишлоқларини түплади. Уларни ортидан эргаштириб, туман ва вилоят партия қўмитасига бошлаб борди. Раҳбарлар халқнинг талаб ва истакларини қондиришди. 20 чоғли оломоннинг вилоят партия қўмитасига бошлаб бориш Эргашнинг ғалабаси эди. Ўшанда Отабоев билан Эргаш илк бора тўқнашишган эди.

— Одамларингизни тарқатиб юборинг, ўзимиз қишлоқларга бориб, масалани ўша жойда ҳал қиласмиш!
— деганди Отабоев. Бироқ талвасага тушиб бақириб-чақираётган одамлар қуршовида турган Эргаш таслим бўлишни истамади.

— Коммунистлар истеъфога чиқсин! — деб баланд овозда бақирди. Оломон унинг сўзларини такрорлади. Осмонда момақалдироқ гумбурлагандек борлиқни халқнинг бақир-чақирлари тутиб кетди. Отабоев ёши улувлардан уч-тўрттасини хонасига таклиф қилди. Уларга қўшилиб Эргаш ҳам кирди.

— Сендан Ватан хоинининг, халқ душманининг ҳиди келяпти! — деганди ўринбосар кўпчиликнинг олдida унга. — Сенсиз ҳам одамларнинг муаммоларини ҳал қилишга кучимиз етади! Чиқ!

Хонасидан чиқариб юборган Отабоевнинг мана шу сўзи тўдабошининг юрагида яра ҳосил қилди. У кун сайин катталлашиб, газак олиб борди. Ҳар гал эслаганида бадани қизиб, қақшаб кетади. Миясига қон тепади. Энди Отабоевдан ҳам қутулди. Оловдай ловуллаб ёнаётган юрагидаги қасос ўти андак босилди. Қолганлари ҳам тез орада гумдон бўлади. Унгача яна бир душмани — Фиёсов бор. Эндиғи навбат унга. Эргаш кеч тушишини, Бўрибойнинг қўнғироқ қилишини сабрсизлик билан кута бошлади.

* * *

Нихоят Бўрибой қўнфироқ қилди.

- Топширикни айтинг, хўжайин?
- Фиёсовни танийсанми?
- Қайси Фиёсовни айтяпсиз?
- Мелиса Фиёсов бор-ку.
- Э, ҳалиги ўзингизнинг ўртоғингизми?
- У менинг ўртоғим эмас, фирт душманим. Унинг холидан хабар олинглар!

Эргаш Фиёсов билан армияда бир ротада хизмат қилган, ҳатто ёнма-ён ётишган. Оғир кунларда бир тишлам нонни бўлиб ейишган. Эргаш мужоҳидлар кўлига асир тушганидан кейин Фиёсов ундан ўзини олиб қочадиган бўлди. Кўрпа-тўшагини бошқа жойга кўчирди. Одилов дўстининг кутилмагандан ўзгариб қолганини тушунмай юрди. Шундай бўлса-да, ҳамюртига талпиниб яшади. Бўлғуси милиционер эса унга яқинлашишдан қочди. Нега бундай қилмоқда? Эргаш ўйлаб-ўйлаб, бунинг сабабини топа олмади. Хизматни тугатиш арафасида Фиёсовнинг ўзи ёрилди.

– Мен милицияга ишга кирмоқчиман. Сен эса душманга асир тушгансан. Бир-биримиздан узокроқ юрганимиз дуруст, – деди.

Эргаш сирдош дўсти билан бирга тушган ҳамма расмларини ёқиб юборганини оғайниларидан эшитди. Ўшанда юраги сим-сим оғриди. «Балки бошқа дўстларим ҳам мендан ўзини олиб қочаётгандир» деган ўй-хаёлга борди. Ахир у отасидан, уруш кўрган ҳамқишлоқларидан асир тушган аскарларнинг бошига қандай савдолар тушганини, ҳозир ҳам улар назоратда туришини яхши биларди.

Кўқонда туриб қолган ўйигитлар Фиёсовни ўлдириш мақсадида бир ҳафта ўтказиб яна шаҳарга қайтишиди.

Четдан қараганда шаҳар осойишта, осуда кўринади. Аслида бунинг акси эди. Отабоевнинг жасади топилиб, қидирув ишлари бошлаб юборилди. Шаҳарга кирадиган барча йўлларга шлагбаум қўйилган. Ҳар бир машина текширувдан ўтказилади. Қароқчилар елкасига автомат осган милиционерларни кўриб, бир-бирларига маъноли қараб қўйишиди. Уларнинг муз янглиғ совуқ кўзларида «бизни излашяпти» деган маъно яширин эди. Бўрибой қалтис вазиятда шаҳарга кириб бўлмаслигини, иккинчи топшириқни кейинга қолдиришни лозим топди. Улар зудлик билан Андижон орқали Тожикистонга ўтиб кетишиди.

Бўрибойнинг қайтиб келганини кўриб, Эргашнинг сочи тикка бўлди.

– Нега қайдиларинг, бир-икки кун турсаларинг ўлиб қолмасдиларинг! – дея қаҳр-ғазабини сочди. Бўрибой имконият бўлмаганлигини, шаҳарни милиция босганини, ҳар бир одамни текшираётганини айтди.

Бироқ Эргаш учун бу етарли баҳона эмасди.

– Қаёққа, нимага шошилдиларинг?! У ўлмагунча мен тинч яшолмайман! – деди бўғилиб.

– Хафа бўлманг, хўжайин! Худо хоҳласа, шаҳардаги тўполон босилсин, ўзим бориб, ўша исқиртнинг калласини узиб, оёғингиз остига келтириб ташлайман!

– Менинг оёғим остига келтириб ташлашинг шарт эмас, – баттар тутакди тўдабоши. – Фиёсовнинг ўлими ментларга ўрнак бўлсин! Яқиндагина менга хабар қилишиди, Отабоевнинг ўлимидаги яна бизни айблашмокда. Афтидан сезиб қолишганга ўхшайди. Ашурматов кўплаб одамларимизни турмага тикибди. Шунинг учун Фиёсовнинг калласини узиб, Ашурматовнинг ўйига ташла. Навбат ўзига келганини билиб қўйисин. Зора шу билан одамларимизни турмадан чиқариб

юборса! «Эргаш қочди» деганлар кетини чангаллаб юришсин! Мен тирик эканман, фанимларимнинг хотиржам яшашларига йўл қўймайман! Уларнинг бошига шундай офат-кулфатларни солайки, етти пушти унугомасин! Эртами-кечми, мен бари бир қасос оламан! Бир кун бўлса ҳам ҳукмронлигимни ўтказаман!

Ўшанда Бўрибойга айтган сўзлари хозир ҳам Эргашнинг ёдида. Буни унугомайди. Хотирасига ўрнашиб қолган. У қизариб, қон қуюлган кўзларини, асабий титраётган қўлларини мушт қилиб юмди, куруқшаб қолган лаблари билан ўша сўзни яна бир бор овоз чиқариб такрорлади: «Эртами-кечми, бари бир мен ҳукмронлик қиласман».

Бўрибойнинг юртга қайтиб боришга юраги бетламади. Бошлиққа ваъда беришга берди-ю оқибатини ўйламади. Эргаш Фиёсовни унугомиб юборишига ишонганди. Орадан бир ой ўтмай хўжайн уни чақиртирди.

— Қовун тушириб келибсанлар-ку! — деди у Бўрибойга еб юборгудек тикилиб.

— Тинчликми, хўжайн, нима гап?! — юраги ҳапқириб кетган Бўрибой бошлигининг нима сабабдан асабийлашаётганини тушунмади.

— Отабоевнинг ўлимидаги душманларимиз қўлимиз борлигидан вokiф бўлишибди. Ҳатто Абдурасулнинг расмини деворга илиб қўйишибди.

— Ё, тавба?! Бўлиши мумкин эмас. Ахир Отабоевни ўлдирганимизни бирор билмасди-ку? Бунинг устига биз ҳеч ким билан учрашмаган бўлсак... Балки бу хабар нотўғридир.

— Нотўғри?! Мен сенга ёлғон гапиряпманми, қўлимда далилим бор. Ма, ўқи! — Эргаш Абдурасулнинг сурати туширилган варакни унинг оёғи остига ташлади...

— Ичимизда сотқин бор! Кимдир бизнинг ишларимиз ҳақида ментларга хабар етказаётганга ўхшайди.

— Бўлиши мумкин эмас! — деди Бўрибой. — Ишонмайман!

— Ишонмайман?! — кескин бурилиб Бўрибойга юзланди тўдабоши. Унинг узун киприклари остидаги қисиқ кўзларида чўф ялтирагандек бўлди. Одатда ўзининг фикрларига қарши чиқкан ёки уни инкор қиладиган одамларни ёқтиргайдиган Эргаш оғзидан тупук сачратиб деди:

— Буни қаердан биласан? Нега ишонч билан бундай деяпсан?! Одам зотининг ичини билиш учун бир қоп туз яласанг ҳам камлик қиласди.

Эргашнинг кўзлари совуқ ялтиради.

— Балки мен излаётган сотқин сендирансан?! Қани айт-чи, юртга кетаётганингдан ким хабардор эди? — деди.

Бўрибой тошдек қотиб қолди. У ўзини қўлга олишга, бошлигининг сўровига жавоб қайтаришга тили айланмади.

— Нега гапирмайсан? Тилингни ҳакка чўқиганми?

— Йўқ, — деди бир оздан сўнг ранги бўздек оқариб кетган Бўрибой. — Ҳеч ким билмасди...

— Унда нега ментлар Абдурасулдан гумон қилишмокда? Нега унинг расмини ҳамма ёқقا илиб, қидирав эълон қилишди? Нега сеники ёки Носирнинг расми йўқ! Менга шуниси сирли туолмоқда!

Бўрибайнинг қўл-оёғи титрар, ўзини қўярга жой тополмай типирчилар, қандай қилиб бўлса-да, қалтис вазиятдан чиқиш йўлини ўйларди.

— Худо урсин, хўжайин... Мен булардан бехабарман! Хоин бўлганимда қайтиб олдингизга келармидим?! Отабоевнинг бўғзига пичоқ уармидим?! — зўрга тилга кирди Бўрибой.

— Учаланг биргамидинг? Бирортанг четда қолиб кетмаганмидинг?

– Й-ўқ...

Бўрибой хаёлига ярқ этиб, келган фикрдан қувониб кетди.

– Сизга бир гап айтайми, хўжайин...

– Айт!

– Биз шаҳарга борганимизда Абдурасул бир соатга рухсат олиб, Қирқчинордаги тиш даволайдиган поликлиникага тушиб тишини суғуртириб келувди...

Эргаш иягини чанглаб дераза томон юрди. Эрталабдан бери томчилаб турган ёмғир тинди. Қуёш чок-чокидан ситилиб сузиб бораётган булутлар орасидан бир-икки марта чўчигандек нигоҳ ташлади. Унинг тафтсиз нурлари дераза ойнасидан ичкарига тушарди. «Абдурасул кимгадир оғзидан гуллаб қўйган. Бўрибойнинг гапида жон бор. Шерикларини сотмаган бўлса-да, Отабоевни ўлдириш мақсадида келганини айтган. Ишқилиб Фиёсов ҳакида гуллаб қўймаган бўлсин-да! Ёки бирорта жойдан ментларга телефон орқали хабар қилган. Бундай латтачайнар одамларга ишониб **бўлмайди**. *Истаган* пайтда қовун тушириши ҳеч гап эмас. Шу баҳона уни даф қилиш зарур. Даф қилганда ҳам шундай азоб-уқубатлар, қийнокларга солсинки, ўлими ёшларга сабоқ бўлсин. Шундай қилсинки, қочиш пайида юрганлар зир титрасин!» Эргаш хаёлига келган бу фикрдан мамнун ҳолда бошини кўтариб Бўрибойга юзланди. Унинг юзи қизариб кетганди. Нима қилишини билмай ер чизиб турарди.

– Нега келган кунинг бу ҳақда мени хабардор қилмадинг?

– Хаёлимдан кўтарилиби, хўжайин, берган топшириқларингиз билан овора бўлиб унутибман...

– Бунақа нарсани унутиб бўладими? Сенларга неча маротаба айтганман, сал ҳиди келиши билан мени хабардор қил деб!

— Башқа тақрорланмайды, хўжайин, — Бўрибой қўлини кўксига босди.

— Бўлар иш бўлди. Энди Абдурасулнинг жазосини ўзинг бер! Шундай азоблагинки, бу ишинг ўзгаларга ибрат бўлсин. Уқдингми?!

— Тушундим, хўжайин, ҳаммаси сиз айтгандек бўлади, — жилмайди Бўрибой.

— Унда бор — топшириқни бажар!

— Қуллук, хўжайин!

Бўрибой хуш кайфиятда чодирдан чиқди. У Абдурасулга қандай жазо беришни йўл-йўлакай хаёлан ўйлаб ҳам қўйди. Жазони ҳамманинг кўз олдида ижро этса, оломонни Эргаш томонидан ўрнатилган темир интизомга бўйсундириш осон бўлади. Тўдада бундай ишга кўл урадиганлар, қочадиганлар, айғоқчилар Эргашнинг қаҳридан қўрқиши, унинг буйруқларига сомеъ бўлиб туриши керак-ку! Иккинчи томондан, ўлим жазосига бошқа бирорлар маҳкум этилганидан мамнун бўлишдек тубанлик ҳисси ниш уради, оқибатда жангарилар шафқатсиз жазони зарурий шарт деб қабул қиласидилар ҳамда буни маъқуллаб қолмай, қўллаб-кувватлайдилар ҳам.

Бўрибой икки йигитни олдига солиб, жангарилар машгулот ўтказадиган майдонга юрди. Йўл-йўлакай қўлига олган белкуракларни йигитларга бериб, одам бўйи ҳандақ қазишни буюрди. Нам тортиб қолган ердан ҳовур кўтарилади. Қандайдир бадбўй ҳиддан нафас бўғиларди. Йигитлар кавлаётган жойга шу заҳотиёқ қум аралаш шағал шовуллаб тўкил, бу эса ишни янада қийинлаштирди. Пешингача тер тўкишиди. Амал-тақал қилиб ҳандақни қазиб бўлишди.

Абдурасул тунда навбатчилик қиласиди. Толиқиб, ҳориган эди. Эрталабки нонуштадан сўнг чодирга кириб, пўстак устига узала тушиб донг қотиб ухлаб қол-

ди. Чуқур қазиган йигитлар уни уйғотиб, қўлтиғидан олиб, чодирдан судраб чиқишганда одамлар уяси бузилган ари тўдасига ўхшаб жонсарак бўлиб қолишиди. Қандайдир ноҳуш воқеанинг содир бўлишини сезган Абдурасулнинг оёқ-кўлида титроқ турди. Чуқур олдига алдов йўли билан олиб келинган ўн чоғли ўспирин йигит тиз чўқтирилганди. «Улар бу ернинг тартиб-интизомларини билиб қўйишин, қишлоқларини соғинганлар, уйига талпинганлар бу ердаги воқеаларни давлат идораларига етказадиганларнинг бошига ҳам шундай мусибат тушишини ўз кўзлари билан қўришин» деган мақсадда уларни ҳандақ олдига олиб келишган. Уларнинг бежо кўзлари атрофга ҳадик билан боқади. Ички кўркувдан вужудлари япроқ мисол титрайди. Бу ерда содир этиладиган ноҳушликлар, одамларни азоблаб ўлдириш чоғида янги келганлар, албатта, олдинги сафга ўтказиб қўйилишидан воқиф бўлишиди. Абдурасул жангарилар орасидан ўтиб ҳандақ **тепасига** келгунича ўзини қандай жазо кутаётганини билмас эди. У оёғи остидаги чуқурни кўриб, ранг-рўйидан қон қочди, баданини совуқ тер босди. Бу ерга ёмон ниятда олиб келишганини шундагина тушунди. Катта кўзларида масхараомуз табассум уйнаб турган Бўрибойга елкаси оша қайрилиб боқди.

— Тинчликми? Бу нима қилганинг?! — сўради овози титраб.

— Сени бу ерга нима мақсадда олиб келганимизни билласанми? — деди Бўрибой унинг сўзини эшитмагандай.

Абдурасул ҳамманинг нигоҳини ўзига қаратган эди.

— Нега бундай деяпсан?! Сенга нима ёмонлик қилдим?

Танаси қизиб кетган Абдурасул оқариб кетган юзини орқага бурди. Шунда ўттиз қадамча наридаги

чодирнинг туйнугидан ўзига қараб турган бир жуфт кўзда нигоҳи тўхтади. Бу Эргашнинг кўзлари эди.

— Сен менга ҳеч нарса қилмадинг. Бироқ мана бу йигитларимизга катта гуноҳ қилдинг. Билиб қўй, улар сени ҳеч қачон кечиришмайди!

— Қанақа гуноҳ, нима ҳақда гапирияпсан?! — синф-дош дўстининг сўзини бўлиб қичқирди Абдурасул.

Бўрибойнинг афт-ангори бўзарид кетди. Талвасага тушган одамдек ўшқирди. Кўрсаткич бармоғини шеригининг сұяклари туртиб чиққан кўксига нуқиб деди:

— Хой, халойик, мана бу шайтонни танийсизларми?! — деди атрофни ўраб олган жангариларга қараб.

— Таниймиз! — жўр бўлиб жавоб қайтарди тўпланганлар.

— Қилган гуноҳларидан хабардормисизлар?!

— Айт!

— Бу ментларнинг агенти!

— О-оо! — жўр бўлиб қичқирган жангариларнинг овози жаранги атрофни тутди.

— Бизнинг бу ердаги сирларимизни уларга етказиб турган!

— О-оо!

— Юртдаги сафдошларимизни ҳам уларга сотган!

— Гувоҳ борми?!

— Гувоҳ?! — овоз келган томонга юз бурди Бўрибой.

— Гувоҳ керагича топилади!

— Кўрсат!

— Мана, ҳозир унинг оғзидан айбига иқрор бўлганини ўз қулоқларинг билан эшиласизлар!

Бўрибой ўртоғининг иягидан чангллаб юзини ўзига қаратди:

— Отабоевни ўлдирганимиз ҳақида ментларга сигнал берганингни мана бу йигитларга ўз тилинг билан гапириб бер!

– Мен агент эмасман, – аранг тилга кирди Абдурасул. Бўрибой унинг иягини тепа лаблари аралаш маҳкам чангллаб тургани боис оғзидан чиққан гап орқа қатордагиларнинг қулоғига етиб бормади.

– Мана, кўрдиларингми, бу абллаҳ қилган ишидан тонмоқда, аммо менинг қўлимда унинг айбини фош қиласдиган далил бор!

Бўрибой бўш қўли билан ҳамёнидан бир парча қофоз олиб, уни боши узра кўтариб атрофдагиларга кўрсатди. Шамолда пирпираб, букланиб кетган қофозда нималар ёзилганини ҳатто унинг ёнида турганлар ҳам кўрмасди. Унда ёзувлар эмас, балки қандайдир расм борлигини **кейин** билишди.

– **Кўриб** қўйинглар, халойиқ. Ментлар бизда шубҳа уйғонмаслиги учун атайин мана бу варақага унинг расмини босиб, қидирув эълон қилишган!

– Ёлғон! Бу гапларинг тухмат! Мен ҳеч қачон ментларга сотилмаганман! – тухматга чидаёлмаган Абдурасул минирилаб йифлаб юборди.

Яна осмон узра жангарилалинг қийқириғи янгради.

– Сотқин!

– Энди ҳаммаси бизга кундек равшан, шаҳардаги одамларимиз сенинг кимлигинг ҳақида, қачондан буён ментларга хизмат қилишинг тўғрисида бизга ишончли хабар жўнатишиди. Бунинг учун сени сўроқ-савол қилиб ўтирамаймиз! Ёлғон-яшиқ гапларингга қулоқ соладиган одам ҳам йўқ! Биз учун дўстларимизнинг гали ҳар қандай гувоҳ ва исботдан кучлидир! – Бўрибой бошини мағрур кўтариб атрофдаги йигитларга қаратса гапириди: – Гапим ҳақми, биродарларим?!

– Ҳақ!

– Мана сенга исбот! Мана сенга халойиқнинг жавоби. Жазони ҳам мана шулар берди сенга!

Бўрибой Абдурасулнинг иягидан кўлларини бўшатди. Ўткир тирноқлари унинг кўкарган терисига ботиб, шилиб юборган, билинар-билинмас қон сизиб чиқарди. Айбдор оғзини очиб гапириш имкони туғилган бўлса-да, аммо гапиролмади. Атрофни ўраб олган шерикларининг нафратга тўла қўзларига қарай олмаганидек, ўзини оқладиган сўзларига ҳам ҳеч кимни ишонтира олмаслигини тушунди. Айбдорнинг сукут сақлаши Бўрибойни тезроқ ҳукм ўқишига имкон берди:

— Биродарлар, сотқинлар қандай жазога муносиб?!

Яна гумбурлаган овоз лагерь осмонида момақалди-роқдек гумбурлади.

— Ўлим!

— Ўлим!

Туйнуқдан мўралаб турган Эргаш ташқарида бўлаётган воқеани кўзи билан кўриб, томоша қилиб турарди. Бўрибойнинг айбдорни ўз қилмишига тан олдирганидан, муҳими жангариларнинг қаҳрини келтирмай, аксинча барчанинг ғазабини қўзғаганидан мамнун эди. Унинг қуруқшаб қолган лаблари пичирлади:

— Ўлим-м-м-м!

Бўрибой ўртофининг қулоғига шипшиди:

— Халойиқнинг ҳукмини эшитдингми? Улар сени қатл қилишни талаб қилишмоқда. Афсуски, сенга ён боса олмайман...

— Ифлос экансан, исқирт! — шу сўзни айтиш учун ўзида зўрға куч топа олди Абдурасул.

Бўрибой ёнидаги йигитларга буюрди:

— Воҳид, Шамси! Бу даъюсни ушланглар, қўл-оёғини боғланглар, чукурга ташланглар!

Абдурасул депсиниб қичқирав, тутмоқчи бўлган йигитларни тепиб, ёнига яқин йўлатмасди. У нима деяётганини ўзи билмасди. Қашқирдай кутурган, ғаза-

бини зўрға босиб турган биродарининг қўлига ўзини топширмасликка ҳаракат қиласади. Йигитлар бошлиқларига ўзларининг чаққон ва кучли эканликларини намойиш қилиш учун Абдурасулга ташланишарди. Шамси ерга йиқилди, кўзига қум тўлди. Атроф-теваракни кўрмай қолди. Абдурасул иккинчи йигитни ҳам елкасидан ошириб, икки қулоч нарига улоқтириб ташлади. Кутимагандга ортга чекинаётганда ўзини Бўрибойга уриб олди. У қулочини кенг ёйиб, гавдасини бир оз олдинга букиб, жангга хезланган хўроздек хурпайиб, фазабга тўлган кўзларини синфдошидан узмай, у томон бостириб кела бошлади. Шунда боя Абдурасул улоқтириб ташлаган йигит эмаклаб, **бармоқлари** билан қайноқ қумни чанглаб, унинг оғидан маҳкам қучоқлаб олди. Абдурасулга Бўрибойнинг бир турткиси кифоя эди. Шундай қилди ҳам. Масхараомуз илжайиб турган Бўрибой дўстининг елкасига қўлини қўйди ва итариб юборди. Абдурасул чалқанчасига йиқилди. Бояги йигитлар унинг устига ташландилар. **Қий-чув, тўс-тўполон** бошланди.

- **Чилвирни** бу ёққа олиб кел!
- Кўлини қайир!
- Қаттикроқ боғла!
- Қани, бу ёққа торт!
- Чукур томонга судра!
- Нега имиллайсан, тезроқ бўл!
- Кўлингдан чиқиб кетса, яна ҳаммамизни овора қиласади!

Абдурасул кўллари орқасига қайрилган ҳолда эгни-боши тилка-пора бўлиб, оғзи-бурни қумга тўлиб, ерда типирчилаб қумга беланиб ётарди. Кулогига жангаришларнинг бақир-чақирлари олисдан келаётгандек эшитиларди. Бирдан у жимиб қолди.

- Эси оғиб қолганга ўхшайди. Тавба!

— Кўзларига қаранглар! Тепага битиб қопти.
— Вой-бўй, ақлдан озибди!

Бўрибой ҳориб-толиққан Абдурасулнинг қўлтиғидан олиб, уни ҳандақ томон судради. Тутқуннинг гавдаси чукурга сифмади, озгина торлик қилди. Бечорани айлантиришди, елкасидан босишди, бир амаллаб чукурга туширишди. Калласигина ер бетида қолди. Ўпкаси томоғига тиқилиб қолган Бўрибой юз-кўзларидаги терни артиб ўртоғига юзланди.

— Хўш, энди қалайсан? Буқа кўрган фунажиндеқ тинчид қолдингми? — деди тиржайиб. — Ҳолинг шу экан, нима қиласардинг депсиниб?

Абдурасул унинг сўзларига жавоб қайтаришга ўзида куч топа олмади. На қўлини, на оёғини қимирлатарди. Қум тўлган томоғи гиппа бўғилди. Отдай пишиллаб нафас оларди. Чўғдек қизарган кўзлари билан атрофдаги шерикларига жавдираб бокди. Нажот кутди улардан. Кимнингдир ёрдам беришини кутди. Жангарилар бугунги томошадан завқ-шавққа тўлиб, коринларини чангллаб, ичаклари узилгудек қотиб-қотиб кулишди. Кўлларини бигиз қилиб, нам тортиб қум ёпишган қоп-қора башарасигина кўриниб турган Абдурасулни мазах қилишарди. Бўрибой эса уни қандай кўмиш ҳакида бояги йигитларга кўрсатма берарди.

— Олдин тош олиб келиб ташланглар, кейин қумни туширинглар! Куракнинг сопи билан яхшилаб «трамбовка» қилинглар. Қилт эта олмасин! Ҳа, баракалла! Ҳой, Воҳид! Нега имиллайсан, хунаса?! Тошдан ташла! Турсун, сен қумни тушир!

Бўйруқ беришни ёқтирадиган Бўрибойнинг жаги-жагига тегмасди. Кўлларини белига тираб, оёқларини керганча гоҳ унисига, гоҳ бунисига кўрсатма берарди. Ўзининг ўйлаб топган жазо усулидан

хурсанд эди. Яна ниманидир ўйлаб топиши керакдай, берган жазоси камдек туюларди. Баданини қайнок күм күйдираётган, тошларнинг ўткир қирраси этига ботиб азоб берәётган Абдурасул ҳамон чинқиради. Жангарилар эса қўллари билан уни кўрсатиб қотиб-қотиб кулишарди.

– Нега жимсан, қаттикроқ бақирсанг-чи, зора овозингни ментлар эшитиб сени қутқаргани келишса! Ҳа, жонинг оғрияптими, қўзингга ҳаёт ширин кўриниб кетдими?! Бақир, қаттикроқ бақир, сени бизга гиж-гижлаган, сиримизни олмоқчи бўлган акаларинг овозингни эшитсин! Улар кучли бўлса, сени ўз одамлари деб билса, қутқариб олишсин. Афсуски, улар анча олисда-да. Итдек қийналиб ўлаётганингдан бе-**хабар-да!** Видеокамера бўлганидами, суратингни олиб жўнатардим. Ҳечқиси йўқ, сафимизда шерикларинг бўлса, азоб-укубатларда ўлганингни уларга айтиб беришар. Билиб қўй, ментлар ҳеч қачон сенга дўст бўлмайди. Ўлган кунингоқ унутишади... Сенга охирги саволим бор. Агар ростини сўйласанг, чукурдан чиқариб оламан. Яна сафимизда бўласан. Хўш, сени кимлар бу ерга жўнатган? Қандай топширик беришган? Бу ерда шерикларинг ҳам борми, бор бўлса уларнинг номини айт?!

Абдурасул қийнала бошлади. Нафас олганда тошлар қовурғасига ботди. Бу пайтда кун тиккалаган эди. Қайноқ тафтини заминга пуркарди. Кумлар, тошлар қизиди. Ҳадемай Абдурасул жазирама офтоб остида қолиб кетиши мумкин.

– Сен ифлос мени ноҳақ айблаяпсан! – зўрға тилга кирди бошидан пасти қумга кўмилган тутқун. – Бу қилмишинг учун вақти келиб...

У бошка гапиромади. Санчиқли оғриқлар бунга имкон бермади. Бўрибой унинг айттолмаган гапларини илиб кетди:

— Менга шеригингнинг кимлигини айт!

Унинг сўзлари Абдурасулнинг қулоғига кирмади. Оғриқдан, иссиқдан ҳолсизланиб, юраги бетоқат бўлиб, эс-хуш тарқ этган одамдек қимиirlай олмасди. Яқинда сочи олинган яланғоч боши ер устида коптодек кўриниб турарди. Тупрок кўниб, корайиб кетган юзини аччиқ, хуноба ёшлар ювиб тушди. Кўкрагини нимадир гижимлади. Оғриган жойни силай деса кўлини қимиirlата олмади. Ўн йил бирга, бир синфда ёнма-ён ўтириб катта бўлган дўстининг ноҳақлигидан юраги фазабга тўлди. Ҳатто Эргашнинг келишини, бу азоблардан халос этишини кутди. Бироқ ундан дарак бўлмади. У ҳамон ўз чодирида, туйнукдан бу манзарани кузатиб турарди.

Бирдан Бўрибойнинг хаёлига «бунинг жанозасини ўқитиш керак» деган фикр келди. У атрофга жавдираб излаган одамини топди.

— Шамси, бери кел!

Шамси югуриб келди.

— Нима дейсан?

— Манави ер ютгурнинг жанозасини ўқи. Нима қилса ҳам мусулмон. Тўнғиздек кўммайлик!

— Бўрибой, тирик одамга жаноза ўқиш буюрilmаган.

— Тирик?! Нега тирик бўларкан?! Тирик бўлгани билан бари бир ўлади-ку! Ҳамма тўпланганда жанозасини ўқиб қўявер! Жони узилганида одамларни йиғиб бўлармиди?

— Бундай қилолмайман!

— Нима, сен ҳам унинг шеригимисан?!

Шамсининг ранги кўкариб қалтираб кетди.

— Астағуриллоҳ-денг!

— Майли, ўқимасанг ўқима, аслида бундайларга жаноза ўқишнинг ҳам кераги йўқ, — Бўрибой қўлини силтаб чодир томон кетди.

хурсанд эди. Яна ниманидир ўйлаб топиши керакдай, берган жазоси камдек туюларди. Баданини қайнок қум куйдираётган, тошларнинг ўткир қирраси этига ботиб азоб берәётган Абдурасул ҳамон чинқиради. Жангарилар эса қўллари билан уни кўрсатиб қотиб-қотиб кулишарди.

– Нега жимсан, қаттикроқ бақирсанг-чи, зора овозингни ментлар эшитиб сени қутқаргани келишса! Ҳа, жонинг оғрияптими, кўзингга ҳаёт ширин кўриниб кетдими?! Бақир, қаттикроқ бақир, сени бизга гиж-гижлаган, сиримизни олмоқчи бўлган акаларинг овозингни эшитсин! Улар кучли бўлса, сени ўз одамлари деб билса, қутқариб олишсин. Афсуски, улар анча олисда-да. Итдек қийналиб ўлаётганингдан беҳабар-да! Видеокамера бўлганидами, суратингни олиб жўнатардим. Ҳечқиси йўқ, сафимизда шерикларинг бўлса, азоб-уқубатларда ўлганингни уларга айтиб беришар. Билиб қўй, ментлар ҳеч қачон сенга дўст бўлмайди. Ўлтан кунингоқ унутишади... Сенга охирги саволим бор. Агар ростини сўйласанг, чуқурдан чиқариб оламан. Яна сафимизда бўласан. Хўш, сени кимлар бу ерга жўнатган? Қандай топшириқ беришган? Бу ерда шерикларинг ҳам борми, бор бўлса уларнинг номини айт?!

Абдурасул қийнала бошлади. Нафас олганда тошлар қовурғасига ботди. Бу пайтда кун тиккалаган эди. Қайнок тафтини заминга пуркарди. Қумлар, тошлар қизиди. Ҳадемай Абдурасул жазирама офтоб остида қолиб кетиши мумкин.

– Сен ифлос мени ноҳақ айблаяпсан! – зўрға тилга кирди бошидан пасти қумга кўмилган тутқун. – Бу қилмишинг учун вақти келиб...

У бошка гапиролмади. Санчиқли оғриқлар бунга имкон бермади. Бўрибой унинг айттолмаган гапларини илиб кетди:

— Менга шеригингнинг кимлигини айт!

Унинг сўзлари Абдурасулнинг қулоғига кирмади. Оғриқдан, иссиқдан ҳолсизланиб, юраги бетоқат бўлиб, эс-хуш тарқ этган одамдек қимиirlай олмасди. Яқинда сочи олинганд яланғоч боши ер устида коптоказдек кўриниб турарди. Тупрок қўниб, қорайиб кетган юзини аччиқ, хуноба ёшлар ювиб тушди. Кўкрагини нимадир фижимлади. Оғриган жойни силай деса қўлинин қимиirlата олмади. Ўн йил бирга, бир синфда ёнма-ён ўтириб катта бўлган дўстининг ноҳақлигидан юраги газабга тўлди. Ҳатто Эргашнинг келишини, бу азоблардан халос этишини кутди. Бирок ундан дарак бўлмади. У ҳамон ўз чодирида, туйнуқдан бу манзарани кузатиб турарди.

Бирдан Бўрибойнинг хаёлига «бунинг жанозасини ўқитиш керак» деган фикр келди. У атрофга жавдираб излаган одамини топди.

— Шамси, бери кел!

Шамси югуриб келди.

— Нима дейсан?

— Манави ер ютурнинг жанозасини ўқи. Нима қиласа ҳам мусулмон. Тўнғиздек кўммайлик!

— Бўрибой, тирик одамга жаноза ўқиши буюрилмаган.

— Тирик?! Нега тирик бўларкан?! Тирик бўлгани билан бари бир ўлади-ку! Ҳамма тўпланганда жанозасини ўқиб қўявер! Жони узилганида одамларни йифиб бўлармиди?

— Бундай қилолмайман!

— Нима, сен ҳам унинг шеригимисан?!

Шамсининг ранги кўкариб қалтираб кетди.

— Астағуриллоҳ денг!

— Майли, ўқимасанг ўқима, аслида бундайларга жаноза ўқишининг ҳам кераги йўқ, — Бўрибой қўлинин силтаб чодир томон кетди.

МОСКВА

Скворцов дўстини кузатиб хонасига қайтар экан, ҳар қаёққа сочилиб кетган ўйларини жамлай олмасди. Айниқса, Петянинг Афғонга талпинишидан ҳам тажжубланди, ҳам аччиқланди. Унга нима етмаяпти? Олаётган нафақаси рўзғорини тебратишга етиб ортади-ку! Москванинг қоқ ўртасида олти хонали уйи, шаҳар четида дала-ховлиси бўлса. Қаердан ҳам унга хазина тўғрисида оғиз очди. Тинчгина яшаётганди. Жўнатган одами панд берди. Худо билади, хазинани олиб ўтиб, уйида яшириниб ётганми?! Генералнинг ишонувчанлиги қолмади қолмади-да. Мана, энди кунора қўнфироқ қилиб, «Афғонга жўнайман, хазинани ўзим олиб ўтаман» деб қулок-миясини қоқиб, кўлига бермоқда. Худо кўрсатмасин, у томонда бирорта дайди ўққа учиб ўлиб кетса нима бўлади? Қариганида виждан азобида қийналади-ку! Анастасия Фёдоровнадан қочиб қутула олмайди! Ефим Егорович ўртоғини бу йўлдан қайтаришга кўп уринди-ю, бироқ айтган гаплари таъсир қилмади.

Ефим Егорович қадаҳга вино қўиди. Бир симиришда бўшатди. Афтини буриштириб, икрадан газак килди. Сўнг дераза ёнига борди. Ойнадан ташқарига бокди. Ҳовлида бир-бирини қувиб ўтаётган машиналарга боқиб, бир неча йил аввал бўлиб ўтган воқеани эслади.

Ўша куни ҳаво дим эди. Қуёш кўқдан олов пуркарди. Ефим Егоровичнинг машинаси қишлоққа яқин жойда бузилиб қолди. Ҳайдовчи ярим соатлик таъмирлаш ишлари борлигини айтди. Ефим пастга тушди. Сувсизликдан қакраб ётган кенгликларга бокди. «Бу ердан сув чиқарса бўладими» деган фикр миясига урилди. У ичкарироққа кирди. Бомба ва снарядлар

тушиб, ҳандақ бўлиб қолган чуқурлардан бирига тушди. Бир сиқим тупроқни олиб эзғилади. Тупроқ шу заҳоти уқаланди. У белидаги куракчани олиб чуқур ичини кавлади. Тупроқ таркибиға қараб бу жой сизот сувига яқин бўлса керак деган хаёлга борди. Шунда куракка қандайдир ялтироқ нарса илашиб чиқа бошлади. Ефимнинг юраги ҳаприқди. Бу зеру забар, олтину жавоҳирлар эди. У кўзларига ишонмади. Шоша-пиша атрофга аланглади. Ҳайдовчи йигитдан бошқа ҳеч кимса йўқ. Топилмаларни артиб, тозалаб, офтоб нурига солди. Кўзлари қамашиб кетди. Улар анчагина эди. Ефим қадимий буюмларга дуч көлиб қолганини сезди. Топилмаларни шоша-пиша дала сумкасига тиқишилди. Тупроқни яна титкилади. Сопол синифидан бошқа нарса чиқмади. Бу орада машина тузалиб, ҳайдовчи йўлга тайёрлигини билдириб сигнал чалди. Ефим ўрнидан турди. Дала сумкасини кучоқлаб машина томон чопди. Юраги ҳамон дукиллар, ўзини қўлга ололмай вужуди титрар, тоққа чопиб чиқкан одамдек ҳансираб нафас оларди... 5–6 кило атрофидаги топилма унга хийла вазминлик қиласарди.

— Нима бўлди сизга, Ефим Егорович?! — сўради ҳайдовчи йўлга тушгач. — Мазангиз қочдими? Рангингиз оқариб кетиби?

— Шунчаки ўзим. Офтоб таъсир қилган бўлса керак! — деди овози титраб.

Иккиси жим қолишиди. Машина сахро ўртасидаги йўлдан силкиниб-силкиниб борарди. Скворцов ўзи сезмаган ҳолда сумкасини бирор тортиб оладигандек бағрига маҳкам босар, тез-тез ортига қараб қўярди. Топилмани қаерга яшириш ҳақида ўй сурарди. Ўзича қийматини сарҳисоб қиласарди. Ахир бундай катта бойликтининг бозордаги баҳосини у яхши билади. Айтган пулингни ташлаб кетишади.

Скворцов топилмани ёнида олиб юриш хатарли эканини тушунади. Ҳамкаслари сезиб қолишса оқибати хунук бўлишидан чўчирди. Уни ўғирлаб қўйишлари ҳам мумкин! Ишончли жойга яшириш лозим...

Ҳайдовчи унга нима бўлганини билмай ҳайрон эди. Нега бесар бўлиб қолди? Ҳозиргина лаби-лабига тегмай гоҳ кўшиқ, гоҳ латифа айтиб кулдириб келаётганди-ку?! Илон чакқан одамдек ранги қонсиз. Бирор кор-хол бўлган? У кўз қири билан ҳамроҳига қаради. Бироқ сўз котишга юраги бетламади.

Машина Кобулга оқшомда кириб борди. Кўчаларда одамлар сийрак. Уруш бошлангандан кейин шаҳарликларнинг кўпи қишлоқларга кўчиб кетган. Машина қулааб тушган кўп қаватли бино ёнига келганда Ефим Егорович ҳайдовчига:

— Алёша, қорним безовта қиляпти. Тўхта, бўшаниб олай, — деди.

Алёша машинани йўл четида тўхтатди. Ефим сумкасини кучоқлаб бино томон чопди. Ичкарига кирганида ёнидагини қаерга яшириш кераклиги ҳақида ўйлади. Шунда кўзи ер остига олиб тушадиган йўлакка тушди. Бинонинг тепа қисми нураган. Ефим пастга тушди. Ичкари ним қоронғи. Каттагина бетон қаршисида тўхтади. Кўзи секин-аста қоронғиликка кўнига бошлади. У юрмоқчи бўлди, оёфи темир қутига тегиб қоқилди. Бу граната қутиси эди. Ефим уни тупроқдан тозалади. Белкуракчада ерни қазиди. Шу қадар тез ишладики, ҳаш-паш дегунча тиззадан баланд чукур ҳосил бўлди. Хазиналарни қутига ағдарди. Уларни бир бор ушлаб, сўнг қутини чукурга жойлаб, устистага тупроқ тортди. Ҳеч ким тополмаслигига ишонди. Адашмаслик учун атрофга диққат билан тикилди. Муҳим белгиларни ёдида сақлаб қолди.

Скворцовни Кобулга бекорга чақиришмади. Гурух бошлиғи уни зудлик билан Жалолободга жүннатишга қарор қилди. Ташқариди иккита УАЗ ва иккита БТР йўлга чикишга шай турарди. Ўшанда Ефим Егорович Жалолободда текшириш ишларини якунлаб, яна Кобулга қайтаман деб ўйлаганди. Бироқ у кутган натижа рўй бермади. Олти ой туриб қолди. Шу ердан Афғонистонни тарқ этди. Топилма эса пойтахтда, кўмилган жойида қолиб кетди...

САМАНГАН

Шу ўринда муҳтарам ўқувчиларимиз каминага Валийнинг уйида ётган Фатхуллохоннинг қисматига назар ташламоққа ижозат берсалар...

Валий қандайдир ўт-ўланлардан дори қайнатиб, Фатхуллохонга ичирди. Беморнинг юзига қон тепди. Кўзларини очди. Зах, қоронғи зинданда очлик ва ташналиқда ётиш унга кўп азоб берди. Ўрнидан туришга ҳаракат қилди. Бироқ қувватсиз қўллари гавдасини кўтаролмади. Бели ва оёқлари оғриди. Валий ташқарига чиқиб кетди. Юрагимда сўниб бораётган умид учқуни ялт этди. Хастанинг ёнига ўтириб, совук пешонасиға кафтимни босдим. Ёнимда Умар борлигини ҳам унутгандим, хатти-ҳаракатларим билан унда шубҳа уйғотиш хаёлимга келмаганди.

Яrim соат ўтиб Валий етмиш ёшлардаги оқсоқолни бошлаб келди. Кўксини оппок соқол қоплаган қария bemorning ёнига тиз чўқди, кўлинини ушлаб томир уришини текширди. Кўзларини юмган кўйи ўйга толди.

— Хастангиз қалбини юрт соғинчи тирнаётган, дори-ю дармон бирла уни тузатиб бўлмас, — деди нуроний кўзларини bemordan узмай. — Аллоҳ таоло ҳар биримизга Ватан деган буюк неъматни инъом этмиш.

Зеро, унинг қадрига етмоқ, эъзоз-у икром айламок ҳар бир мўминнинг муқаддас бурчи. Ватанга қилинган хиёнат, Аллоҳ томонидан минбаъд кечирилмас. Бу фоний дунё бандаларнинг устидан ўз зулм ила жафосини, ситамини ўтказиш, ҳо-ю ҳавасга берилиш, зино йўлини ихтиёр этиш, мансабу амал, тахт талашиш учун берилган эмас. Ҳар бир мўминнинг гуноҳи вақти-соати ила Аллоҳ ҳузурида ҳисоб-китоб қилинур. Ажрини дорилбакода эмас, балки бу фоний дунёning ўзида ҳам оладур. Сизнинг бу хаста биродарингиз ана шу тоифадаги одамлардан кўринадур. Уни нафақат юрт соғинчи, балки ўз улусига ўтказган беҳисоб зулм жафоси ҳам азоблайдур! Биродарингизнинг юзи бундан далолат берур. Зеро, машойихлардан бири «Ватандан ҳайдалган киши ўзга элда ўз қадрини ҳеч билмас», деб бежиз айтмаган.

Мўйсафид узоқ маъруза қилди. Унинг ҳар бир сўзи баданимга бигиздек ботар, вужудим жимиirlаб, **қалбим** тўрида нимадир түғён уради. Бу орада Умарга ора-сира нигоҳ ташлаб қўйдим. У ҳам бошини ҳам қилганича ўйга толган. Хаёлидан нималар кечётгани менга қоронғи. Ўз юртини ташлаб, ўзга элда сарсону саргардонликдаги ҳаётидан пушаймон бўлаётган бўлса ажаб эмас. Охир-оқибат умр деган неъматнинг интиҳоси етганида нима қилишини, танаси номаълум ерга дафн этилганида қабрини зиёрат этиш учун бирон дўсти содик келолмаслигини ўйлаётган бўлса ажаб эмас. Ҳазратнинг пурҳикмат сўзлари мени ҳам чукур ўйга толдирди. Ватан сари талпинтириди.

Саккиз ой давомида Ватанга бўлган соғинч қалбимни ёриб чиқмоқчи бўлган вулқон мисоли бўғзимга тиқилган. Йиғлагим келади. Юртдан йироқда кечётган дамларимни бехуда ўтган кунлар деб айтольмасдим. Зеро, ёт эл тупроғида юришим халқимнинг

осойишталиги, тинчлигига раҳна солишга, муқаддас Ватан ҳудудини қурол билан бузиб киришга интила-ётган кимсаларнинг пайини қирқишига, уларга қарши зарба беришга, мухими, қилмишларини фош қилишга қаратилганидан ич-ичимдан фаҳрланардим.

— Энди нима қилиш керак, ҳазрат? — Валийнинг бўғиқ овози хаёлимни бўлди. Бу савол менга ҳам тинчлик бермади. Шошиб қарияга қарадим. Ҳазрат бошини чайқади.

— Ўз юртига қайтармоқдин ўзга чора йўқдир, бўтам, — деди. — Бандасининг кўлидан бир иш келмас. Ватан ҳавоси унинг баданига куч-қувват ато этур. Ди-лини оғритган кимсалардан узр-маъзур сўраса, Аллоҳ шифо бергусидир!

Қария гиёҳлардан тайёрланган дорини қолдириб чиқиб кетди. Айтган гапи «бундан дамлама тайёрлаб, ҳар икки соатда ярим пиёладан ичириб туринглар» деган сўз бўлди.

Шу куни Фатҳуллохон ҳақида марказга хабар жўнатдим.

— Умарга ишонса бўладими? — сўради Зокир ташвишланиб.

— У Эргашдан ўч олиш мақсадида пайт пойлаб юрибди. Қолаверса, Фатҳуллохонни яшириш фикри ҳам айнан ундан чиқди.

— Яхши. Уни юртга олиб ўтамиз. Чоршанба куни кечки соат олтида мен учрашув жойида бўламан.

Крамаренконинг берган пулидан юз доллар қолганди. Уни Валийга топширдим.

— Дори-дармон ва гўшт сотиб ол. Уни яхшилаб парвариш қилиш керак.

— Хотиржам бўлинг, уни даволайман.

Биз лагерга қайтдик. Умар Эргашга мурдани кўмиб келганини айтди. Тўдабоши унинг гапларига у қа-

дар аҳамият бермади. Фикри ёдим Фатхуллохонда эди. Икки кун ичида унинг тузалиб, оёққа туриб кетишини, қандай қилиб бўлмасин Зокирнинг қўлига топширишни ўйладим. Нихоят, айтилган кун келди. Фатхуллохон соғайиб қолганди. Кечга яқин уни аравага солиб булоққа жўнадим. Муздек сувда чўмилтиридим..

— Ўғлим! — деди қария ўтлок устида ёнбошлиб ётаркан. — Овозинг қулоғимга таниш-а, қайдан бўласан, қай юртдан келдинг?

Соч-соқолим, эгнимдаги кийимларим қиёфамни ўзгартириб юборган. Унинг сўзидан ҳайрон бўлмадим. Қиёфамни ўзгартирганим билан овозимни ўзгартиришнинг иложи йўқ. Алдашнинг ҳожати қолмаганди, тўғрисини айта қолдим.

— Ўзбекистондан ўтганман!

— А, ватандош эканмиз-да?! Менга ўхшаб алданганларданмисан?

— Йўқ, мен сиз айтган одамлардан эмасман. Бироқ алданганларни ўз она юртига қайтариш, Ватанга хиёнат қилмоқчи бўлганларнинг додини бериш мақсадида бу ерга ўтганман! Исмим Бўрон! — дедим ва гапларим Фатхуллохонга қандай таъсир қилганини билиш мақсадида унга юзландим. Қариянинг пешонасига ажинлар из солди. Кошлари туташган жойда чуқурча ҳосил бўлди.

— Қайси Бўронсан? — эшитилар-эшитилмас овозда сўради чол.

— Ўша, сиз таниган, сиз билган Бўронман! — бу гапни айтаётганимда вужудим жимиirlаб, ўзим ҳам фалати бўлиб кетдим. Қария ҳозир юзини терс буриб, «мени шу кўйларга соглан жувонмарг сенмисан?» дейди деб ўйлагандим. Бироқ дўрдоқ лаблари титраб, икки томонга осилиб тушган қўлларини бир оз кўтариб, мен томон қадам босди.

— Бўрон... Бўрон... Бу сенмисан, ўғлим? Кўнглим сезганди, айланиб кетай, кел, бафримга олай. Мен бадбахт, мияси айниган отангнинг гуноҳидан ўт, ўғлим!

Икки қирнинг оралифида, фир-фир эсиб турган эпкин кўксимиизга урилиб турган дамда, ботаётган қуёшнинг шуъласига чўмилган яйлов ўртасида, ер тубидан отилиб гулдираб оқаётган булоқ бўйида иккимиз бир-бирилизни бафримизга босиб қўришдик. Кўз ёшларим ёноқларимни ювиб тушар экан, қалбимда Эргаш ва унинг одамларига бўлган нафратим янада ортди.

— Мени бу ерга нега олиб келдинг? — сўради қария қўришиб бўлганимиздан кейин.

— Юртга қайтармоқчиман. Сизни олиб кетишади!

— Ким олиб кетади?

— Ўзимизнилар!

— Худога шукр. Ўлигим бегона юрт тупроғида қолиб кетармикин деб кўрққандим. Сен бўлмаганингда мени тириклай гўрга тиқиб, устимдан тупроқ тортириб юборарди, бадбахт...

Орадан кўп ўтмай Зокир келди. Фатҳуллохонни унинг қўлига топширганимдан дилим равшан тортиб, аравани ҳайдаб лагерга қайтдим.

МОЗИЙГА НАЗАР

Муҳтарам ўқувчиларимиздан андак узр сўраган ҳолда шу ерда мавзудан чекиниб, мозийга назар ташламоқни ихтиёр этдим.

Санаи 923 ҳижрийда (1577) ашуро кунлари Кўкгумбаз остидаги Амир Шоҳвали Чифатой жанобларининг хонадонида Сулаймон Ҳусайн саройининг энг улуг ва эътиборли кишилари кўнгилхушлик базмida иштирок этмоқ учун тўпланишди. Базми жамшид

учун барча тайёргарликлар кўрилган. Қозонларда шўрвалар қайнар, чўғда қовурилаётган кийик гўштидан чиқаётган хуш бўй ҳавони туттган. Созандалар куй чалмоқда. Бундай базми жамшид Султон Ҳусайн мирзо хонадонида ҳали-ҳануз кўрилмаган. Бўзаларнинг ширин кайфидан сархуш бўлган беклар ёнбошлиб, кўзларини сузиб, машшоқлар ижро этаётган қўшиқ таъсирига берилиб мудраб ётишарди. Шу боис, осто-нада пайдо бўлган чопарга ҳеч ким эътибор бермади. Чопар Амир Шоҳвалининг рўпарасига келиб тиз чўкди. Сўзламоққа изн сўради. Маст ҳолда мудраётган Вали киприкларини зўрга қўтариб изн берди:

– Эй, Амир ҳазратлари. Ҳадича бегим хабар қилдилар. Шайбонийхон лашкарлари Чилдухтаронда Амир Зуннун лашкарлари бирла тўқнашибурлар. Бу жангда Шайбонийхоннинг кўли баланд келибдур. Зуннун Арғун одамларини қириб ташлабдур. Амирни ўлдириб, бошини найза учига илибурлар. Буни эшитган шаҳзодалар тирақайлаб қочибурлар!

Бу сўзни эшитган Амир Шоҳвалининг кайфи тарқаб, вужуди қалтираб, худди чўғ устида тургандек типирчилаб, фазаб билан хабарчига ўшқирди:

– Эй, шумхабар, разил! Эй, қабих тилли исқирт! Қандай даҳшатли ҳикоят-у не ноҳуш хабарларни келтирдинг? Мажлисимизни буздинг. Шойбекда подшоларимиз устига келишга мажол борму?

Амир Шоҳвали ёнидан олтин сопли шамширини сувуриб, чопарни чопиш учун хезланди. Бироқ хабарчининг сўзларидан лолу ҳайрон қолган атрофдаги кимсалар унинг кўлидан тутишди...

– Бир оз сабр қилинг. Агар унинг гапи нотўғрилиги маълум бўлса, уни ўлдирмоқ қочмас! – дейишди.

Шу асно кўчанинг бошида отлар дупури қулоққа чалинди. Гўёки зилзила бўлгандек замин силкинди.

Базми жамшидга тўпланганларнинг юрагида қўрқув уйғонди. Ўз жонларини сақлаш ниятида Кўкгумбаз остини тарқ этишди. Шоҳвали кетиш олдидан хазина сақланадиган омборга кирди. У ерда 10 та сандик бўлиб, улардан биттаси тилла тангага, иккитаси ашрафийларга, бири пичофу шамширларга, иккитаси лаъл-у забаржад, ёкут-у зумрад, марваридларга тўла эди.

Шайбонийхон ўзининг кўп сонли лашкарлари билан мамлакат дарвозасидан кириб келди. Хон ҳазратлари шаҳарнинг мўътабар зотларидан Музаффар Ҳусайн Мирзонинг завжасини сўроқлади. Шаҳар фоллари эри тириклигини, аёли ҳануз унинг никоҳида деган сўзни айтишди. Хоннинг кўнгли чўқди. Қози Иҳтиёр жаноблари хон ҳазратларининг кайфиятларини кўтариш, хонга ўзини яхши кўрсатиш ниятида:

— Шоҳ Музаффар Ҳусайн уни уч талоқ қўйган!
— дея ёлгон гувоҳлик берди. Ўзининг бу сўзи эвазига хоннинг мақтови ва сарпосига сазовор бўлди, кейинроқ эса юқори мансабга кўтарилди. Қози бу сўзни айтди-ю, орадан ҳеч қанча ўтмай, уни «ҳалола» қилиб никоҳига олганини яширди. Хон оқшомни Ҳиротдан бир фаргоҳлик масофада, Кўқдастон ўтлоғида кутиб олди. Айёмнинг фахрли соатида хусну малоҳатда, сабоҳатда тенгсиз бўлган Моҳичучукни никоҳига олди.

Орадан кўп ўтмай Ҳиротга Бобур мирзо кириб келди. Шайбонийхондан кўп изтироб ва азоб чеккан халқ учун Бобур мирzonинг келиши байрамга айланди. Шайбонийхон мамлакатни тарқ этишга мажбур бўлди. Моҳичучукбегим эса Бобур мирзони кутиб олиш мақсадида унинг хузурига йўл олди. Мақсади унинг қароргоҳидан паноҳ топмоқ эди. Мирзо ўз қариндошини таниди ва уни хуш кутиб олди.

— Сизнинг муборак ташрифингиз учун беҳисоб бойлик асраб қўйганман, иним! — дея муродини очди

Моҳичучук бегим. – Катта миқдордаги дур-у забаржад, ёқут-у зумрадларни ихтиёриңгизга қабул қилсангиз! Зеро, улар салтанатингизни тиклаб олишга, сарой-арклар қуришиңгизга, қолаверса, сипоҳларингизни боқишишга асқотиб қолса!

Бунга жавобан Бобур мирзо шундай жавоб қайтарди:

– Илтифотингиз учун ташаккур, бегим. Бойликларингиз ўзингизнинг яхши кунларингизга буюрсин. Кобулда сарой, мадрасалар қурдириңг. Етим-есир, беваларга беринг!

Моҳичучук бегимнинг илтимоси билан Бобур мирзо Кўкгумбаз саройига икки навкарини юборди. Улар зудлик билан йўлга чиқдилар. Бегим айтган жойни излаб топдилар. Гумбазнинг кун чиқиш тарафидағи кекса чинор остидан хазинани кавлаб олдилар. Яширилган зебу зийнатлар чопарларнинг ақлини ширди. Юракларига шайтон кирди. Бойликни шоҳга топширишни истамадилар. Ҳиротта кираверишдаги қабристонлардан бирига яшириб, қуруқ қўл билан шоҳнинг ҳузурига кириб бордилар.

– Хазинани топа олмадик, шоҳим. Айтилган жойни кимдир кавлаб кетибди, – дейишиди навкарлар.

Моҳичучук бегим лол-у ҳайрон қолди. Яширган жойи ўзидан бошқа кимсага воқиф эмаслигини у яхши биларди. Юрагида шубҳа уйғонди. Шоҳга юзланиб:

– Ҳазратим, изн беринг, мен ўзим бориб, ўз кўзим билан кўрайин! – деди.

Бобур мирзо бегимнинг раъйини қайтара олмади. Унга икки навкарни қўшиб берди.

Бегим Кўкгумбазга келиб хазина яширилган жойга чопди. Ортидан навкарлар эргашди. Моҳичучук бегим хазина беркитилган жойнинг яқинда кавланганини, тупроғи қуримаганини кўрди. Ўра бўм-бўш эди. Бошидан ақли учди. Беҳуш ҳолда ерга йиқилди. Навкарлар

изларига қайтишди. Шохни бўлиб ўтган воқеадан огоҳ этишди. Бобур мирзо Моҳичучук бегимни дорилбақоға риҳлат қилганини эшишиб, кўп изтироб чекди. Жаҳл устида илгари бориб келган икки навкарни жаллод ихтиёрига топширди. Навкарлар томонидан яширилган хазина эса кўмилган жойида эгасиз қолиб кетди.

ИСТАНБУЛ

Тантанадан қайтган Чегечи қизига Ҳасанни ишга жойлаб қўйишга ваъда берган бўлса-да, бу гапни Гўзалинг кўнглини кўтариш мақсадида айтди. Уйига қайтгандан сўнг алламахалгача покистонлик йигит тўғрисида ўйлади. Қандай қилиб у қизига илакишиб қолди? Юз тузилиши, кўзлари бошқача. Турк тилида шундай равон сўзладики, агар «мен туркман» деганида Чегечи бу ташвишли ўйлар гирдобига шўнгиб, бошини қотириб ўтирган бўларди.

Чегечининг бу қадар шубҳа ва гумонлар пардасига ўралиб, дилининг фаш бўлишига асос бор эди. Кенгаш иши жонлангач, айниқса, Эргашнинг одамларини моддий жиҳатдан қўллаб-қувватлаш тўғрисидаги гап-сўзлар ошкор бўлиб, узунқулоқ мухбирларнинг кулогига етиб бориб, улар томонидан ёзилган мақолалар газеталарнинг кўзга ташланадиган саҳифаларида чоп этилди. Шундан сўнг ўзбеклар ҳам, руслар ҳам, қолаверса, терроризм жафосидан жабр чекаётган бошқа мамлакатларнинг махфий хизмат маҳкамалари Чегечининг изига тушиб қолди. Мухбирлар туфайли атрофига душманлар йиғилиб қолганини ва жосуслар босган қадамини кузатиб юрганини кеч тушунди. «Ҳасан бежиз қизимнинг уйига кириб олмаган» деган ўйни миясидан қувиб чиқаролмасди.

Эрталаб соқчисини чақирди.

— Икки ойдан бери Гўзалнинг уйида покистонлик йигит яшаяпти. У кимлар билан учрашади, қаерга боради, нималарга эътибор беради, ўрган. Мақсадини бил!

Топшириқни олган соқчи ўша заҳоти Ҳасаннинг изига тушди. Бир ҳафтача соядек кузатиб юрди. Сўзларига, юриш-туришига, кимлар билан учрашаётганига алоҳида эътибор қаратди. Кейин Чегечининг хузурида пайдо бўлди ва ўзи тўплаган маълумотлардан бошлигини хабардор қилди.

— Бейим, бу йигитнинг покистонлик эканига шубҳам бор.

— Сабаб?

— У одамлар билан турк тилида шу қадар равон сухбатлашди, уни асли турк бўлса керак деган фикрга бордим. Иккинчидан физиономияси ҳам покистонликка мутлақо ўхшамайди.

— Дилемдаги гапларни айтдинг, сен ўйлаган фикрлар хаёлимга келган. Демак, у изимизга тушган жосуслардан бири. Ўзимизникими, русларникими ёки ўзбекларникими – шуни аниқлашимиз зарур.

— Менимча, аниқлаб ўтиришнинг ҳожати йўқ. Рухсат берсангиз, бугуноқ балиқларга ем қилиб ташлайман.

— Балиқлар ҳозирча майда чавақларни еб турсин. Унинг кимлигини, нима мақсадда ичимизга кирмоқчи бўлганини билишимиз лозим. Душманларимизнинг кимлигини билмасак, доим хавотирда яшаймиз. Хушёрликни оширишимиз шарт.

— Кузатувни давом эттирайми?

— Ўз вазифангни бажардинг, бўшсан!

Чегечининг хаёлига кекса руҳшунос келди. Зудлик билан уни олиб келишни одамларига тайинлади. Бир соатлар ўтиб, дўхтир Чегечининг хонасида ҳозир бўлди. Уй эгаси мақсадини тушунтириди.

— Мен уни кўришим керак, афандим. Ҳаммаси сухбат чоғида аён бўлади.

— Кўришасизми ёки сухбатлашасизми?

— Агар йигитнинг насл-насаби ва мақсадини билишни истасангиз, ҳар иккисини бажаришимга тўғри келади.

— Ишни қачон бошлайсиз?

— Хоҳласангиз ҳозир.

Чегечи бундай ишларни пайсалга солиб ўтиришни ёқтирмасди. У эшик олдида турган соқчига юзланди.

— Гўзалнинг уйига бориб, Ҳасанни бу ерга олиб кел!

— Кўркитиб юборманг, ҳаяжонланмасин, — таклиф қилди руҳшунос.

— Ишга олмоқчи бўлганимни айт, — қўшимча қилди Чегечи.

Соқчи икки соатлардан сўнг Ҳасанни эргаштириб келди. Уни эшик ортида қолдириб, ўзи бошлиқнинг ҳузурига кирди.

— Айтган одамингиз келди, бейим!

— Чақир!

— Ижозат берсангиз, у билан шахсан ўзим гаплашсам, жанобларининг қўринмагани дуруст.

— Унга нима дейишни биласизми?

— Хар қалай кўнглига йўл топа олсан ажаб эмас, муҳтарам бейим.

— Унутманг, у бу ерга ўзини иш ахтариб келган ишчи қиёфасида кўрсатишга уринмоқда!

Чегечи ён эшикдан бошқа хонага ўтиб кетди. Руҳшунос ўтирган хонага кичкинагина камера ўрнатилган бўлиб, тасвири қўшни хонага узатиб турарди.

Руҳшунос Ҳасанни қадрдон кишисидай кутиб олди. Ширин сўзлар билан курсига ўтиришни таклиф қилди.

— Сизни Чегечи жаноблари ўз идораларига ишга олмоқчилар. Шу сабабли шахсингизга оид бир-иккита савол беришимга түфри келади, — деди мулайимлик билан.

— Сўранг.

Ҳасан ўзини эмин-эркин тутишга харакат қилди.

— Сиз покистонликсиз, шундайми?

— Адашмадингиз.

— Қайси шаҳридансиз?

— Пешовардан.

— Ота-онангиз борми?

— Онам ҳаёт, отам вафот этган.

— Илгари нима иш билан шуғуллангансиз?

— Бозорда ҳаммоллик қилганман.

— Ўқимаганмисиз?

— Имкониятим бўлмаган, лекин ўқишига кириш максадим бор эди.

— Туркияга келганингизга кўп бўлдими?

— Сафар ойида.

— Турк тилида шу қадар равон сўзлаяпсизки, мен сизни турк бўлсангиз керак деб ўйлагандим.

Ҳасан шу ерда андак тутилиб қолди.

— Турк қўшиқларини яхши кўраман. Болалигимда ёдлаганман. Қолаверса, ўз юртимдаги бозорларда турк савдогарлари билан ишлаганман.

— Кимнинг қўшиқларини ёқтирасиз?

— Татални.

— Сизни қанча маош қониқтиради?

— Беш юз доллар.

— Қайси рангларга қизиқасиз?

— Болалигимдан яшил рангни яхши кўраман!

— Яхши, мен Чегечи жаноблари билан кенгашиб кўраман. Агар рози бўлсалар, эртадан иш бошлайсиз.

Рухшунос сұхбатимиз тамом деган маңнода ўрнидан туриб Ҳасанга қўл чўзди.

– Танишганимдан хурсандман.

– Мен ҳам.

– Кечирасиз, сўнгги саволим. Туркча китобларни ўқиганмисиз?

– Афсуски, илм олишга вақтим бўлмаган, бейим.

Телеэкрандан сұхбатни томоша қилиб ўтирган Чегечи аслида ҳеч нарсага тушунмади. Беш дақиқалик мурлоқотда наҳотки меҳмоннинг кимлигини билиб бўлган бўлса деб ташвишланди.

– Хўш, қандай фикрдасиз? – сўради рухшуноснинг олдига чиқиб.

Дўхтирибей жавоб беришга шошилмади. Бармоғини ияига тираганча, бир дақиқа сукут сақлаб, кейин уй эгасига юзланди.

– Адашмабсиз, бейим! Бу йигит покистонлик ҳам, туркиялик ҳам эмас. Сўзларни талаффуз қилишидан пуштун, урду ва турк тилларини китобдан мукаммал ўргангани сезилиб туриди.

– Унда ким?

– Туркий миллат вакилларидан.

– Айғоқчими?

– У яшил рангни ёқтиришини айтди. Бундай рангни факат ҳаётни яхши кўрган одамларгина севади.

– Саволимни жавобсиз қолдирдингиз...

– Ҳасаннинг қисқа ва аниқ гапириши, ўзини тута билиши, гапларида китобий ибораларни, форсий, урду ва туркий тиллардаги сўзларни кўпроқ қўллаши, ўзига тўланадиган ойлик маошни Америка доллари хисобидан тўланишини талаб қилиши жанобларининг шубҳаси ўринли эканлигини исботлади. Яна бир муҳим томони шундаки, Ҳасан Таталнинг қўшиқларини ёқтираман деди. Ҳолбуки, Покистонда, айнан у

яшайдиган жойда хонанданинг шинавандалари йўқ. Яна бир муҳим томони, сухбат чоғида бошини қимирлатмай, диққатини бир нуқтага жамлаб, кейинги саволимни кутиб туриши уни жосуслик идорасининг ходими дейишшимга асос бўла олади. Ҳасаннинг қўллари арава тортган кишиникига ўхшамайди. Одатда оғир меҳнат қилган одамларнинг пайлари таранг, қадди бир оз букилган бўлади. Пешонасида кўз илғамас чизиқлар бор. Бу уни узоқ вақт ҳарбийлар бош кийимини кийиб юрганини билдиради. Агар сиз унинг юришига зеҳн соглан бўлсангиз, менинг гапларимга шубҳа қилмаган бўласиз. Арава тортган одамларнинг бўйин томирлари иргиб чиққан, гавдаси бир оз олдинга букилган бўлади.

– Гапларингизнинг неча фоизи ҳақиқатга яқин?

Бу саволдан дўхтиrbей аччиқланди.

– Хулоса чиқариш ўзингизга боғлиқ, бейим!

Чегечи ўйга чўмди. Изига айғоқчи тушгани кўнглидаги қўркув хавфини баттар кучайтирди. Юрагининг тубида «бу тўғрида Амирийни огоҳлантириш керакми» деган савол уйғонди. У мана шу мавҳум саволга жавоб излаш мақсадида бир муддат бош қотирди. «Хозирча индамай турганим маъқул. Изимга одам тушганини билса, мени кенгаш аъзолигидан ҳайдаши аниқ. Рухшуноснинг хулосаси билан Ҳасандан гумонсирашим ҳам ўринсиз. Дўхтиrlар одамларга шубҳа билан қарашга одатланган. Балки Ҳасанни си nab кўрарман. Шубҳаларимни тасдиқлайдиган аломатларни пайқасам, айбини бўйнига қўйиб, соқчи айтганидек, балиқларга ем қилиб юбораман. Шундагина ҳамма ташвишлардан кутуламан».

– Бундан кейин у билан қандай ишлаш ва нималар қилиш кераклиги тўғрисида маслаҳат керакми, бейим?

Рұхшуноснинг сўзи Чегечининг хаёлини тўзитди. У ҳамёнини кавлади ва тўрт дона юзталик долларни олиб, докторнинг қўлига тутқазди.

— Бу ёғини ўзимга қўйиб беринг, дўхтирабей. Менning йигитларим тошни ҳам гапиртиради. Сиздан илтимосим, бу ерда бўлиб ўтган гап-сўзлар ташқарига чиқмасин!

Рұхшуносни кузатиб қўйган Чегечи соқчига топшириқ берди.

— Эрталаб Ҳасанни дала ҳовлига олиб боринглар! У билан ўзим гаплашаман.

МОСКВА

Виталий Дмитрович тўплаган маълумотларини қайта кўриб чиқди. Иш у ўйлаганчалик енгил кўчмади. Аксинча, жиддийлашиб борарди. Шу сабабдан Пётр Ивановичнинг Афғонистонга ўтиши масаласида бошлиқ ҳузурига киришни лозим топди. Қарияни Кобулга жўнатиш учун аввало унинг хавфсизлигини таъминлаш лозим эди. Худо кўрсатмасин, бирорта дайди ўқقا учиб ўлиги ўша юртда қолиб кетгудек бўлса, Виталий Дмитрович жазодан қутулиб қололмайди.

Ночор аҳволда қолган подполковник қўлидаги хужжатларни кўтариб, бошлиқнинг хонасига чиқди. Аркадий Владимирович тасмадаги ёзувларни дикқат билан эшитди. Кексайиб қолган дўстининг бойлик ортидан Афғонистонга талпиниши генерални ҳайратга солди.

— Ўша хазина қаерга яширилган экан? — сўради у подполковникудан.

Витя бу ҳақда ҳеч қандай маълумотга эга эмасди.

– Координатни аниқлаганимизча йўқ, ўртоқ генерал! – деди елкасини қисиб. – Сухбат чоғида ҳам яширилган объект сир сақланди.

– Тошкент билан боғландингми?

– Ҳозирча йўқ.

– Боғлан, Бўрон ким? Кўнфироқ қилган шахснинг исми шарифи, Бўронни қаерда, қачон учратганлиги ни аниқла. Унинг Афғонистонда пайдо бўлиши ўзбек ҳамкасларимизда ҳам қизиқиш уйғотиши мумкин!

– Хўп бўлади, ўртоқ генерал!

– Қарияни хузуримга таклиф қил! – буюрди генерал.

Пётр Иванович уйдан эшикка чиқмай Витяning кўнфироғини кутарди. Телефон жиринглагудек бўлса, ҳаллослаб гўшакни кўтаришга ошиқарди. Нихоят, сабрсизлик билан қутилаётган телефон жиринглади.

– Бормисан, Витя, – қувониб кетган генерал саломлашишини ҳам унутиб қўйди. – Тун-у кун кўнфироғингни зориқиб кутаётгандим!

– Идорага келиб кетсангиз, Пётр Иванович, – деди подполковник.

– Тинчликми?

– Тинчлик, иш юзасидан маслаҳатлашадиган гап чиқиб қолди.

Витяning овозидан қандайдир нохушликни сезган генерал ҳафсаласизлик билан сўради.

– Ҳозирми?

– Иложи бўлса бугунок, – Виталий бошқа сўз айтмай, гўшакни жойига қўйди. Қарияning хаёлига турли ўй-фикрлар тумандек бостириб келди...

Навбатчи Виталийнинг хонасига эмас, бошлиқнинг хузурига олиб чиқиб кетаётганини Пётр Иванович сезди. Бежиз юраги фаш бўлмаганини тушунди. Энди унга нима дейди. Ҳаммадан яширадиган гапини ун-

дан беркитолмайди. Иккиси бир бўлимда, бир хонада узоқ йиллар бирга ишлашган. Ҳатто Давлат хавфсизлик қўмитасининг олийгоҳида ҳам бир хонада ётиб тахсил олишган. Чехословакияда СССР элчихонасида хизмат қилишган. 1968 йилги воқеаларда икки дўст анча тер тўкишган. Афғонистонга совет қўшинлари кириб борганида улар узоқлашиб кетишли. Аркадий Кубага, Пётр эса Афғонистонга жўнади...

Уруш тугагандан сўнг Пётр Иванович Мудофаа вазирлигининг контрразведка бошқармасига ишга ўтди. Аркадий эса давлат хавфсизлик қўмитасининг контрразведка бошқармасида қолди. Бу орада улар фақат иш юзасидан учрашиб туришли. Пётр Иванович нафакага чиққанидан кейин дўстлар ўртасидаги алоқа узилди. Шунга ҳам уч йил бўлди...

Дўстининг хонасига кўтарилаётган Пётр Ивановичнинг хаёлидан шулар ўтди. Бироқ нима сабабдан Аркадий уни йўқлаб қолганини тушунолмади. Албатта, Виталий қариянинг илтимосини айтган бўлиши керак. Энди унга нима дейди?

Аркадий Владимирович дўстини қучоқ очиб қарши олди.

— Идорага келибсан, бироқ менга учрамай кетибсан? — дея гина қилди Аркадий Владимирович.

Крамаренконинг хижолатдек юзи қизарди.

— Сени безовта қилгим келмади, дўстим, — Пётр Иванович ўз гуноҳини ювиш мақсадида жилмайди. — Биламан, ишнинг бошингдан ошиббиди.

— Ишни тугатиб бўлармиди, Петя? Ахир ўттиз йиллик қадрдон бўлсак. Сен билан учрашиш учун ҳар қандай ишнинг баҳридан ўтишга тайёрман.

— Рахмат, дўстим. Илтифотинг учун ташаккур!

— Витядан эшитдим, Афғонистонга бормоқчи экансан, тинчликми?!

Аркадий Владимирович ҳамкасбининг салқиган юзига қараб атайлаб гапни узоқдан бошлади.

— Умр ўтмоқда, оғайни. Ёшимиз етмишга бориб қолди. Ҳаётда кўп ишларни қилдик. Бироқ биз қилган ишларнинг бари изсиз, темир сандиқлар ичида қолиб кетмоқда. Улар бир кун келиб ёниб кулга айланади. Одамзот ёруғ оламда яшагандан кейин ўзидан кела-жак авлодга нимадир қолдириши керак. Ўйлаб-ўйлаб китоб ёзишга аҳд қилдим. Шу мақсадда Афғонистонга ўтиб, кўрган-кечиргандаримни ёдга олиб қайтмоқчиман!

Аркадий Владимирович ёлғонни ёқтирмайди. Дўстининг бақрайиб, олди-қочди гапларни сўзлаётганидан ғаши келди. Бироқ ғазабини тилига чиқармади. Сирни ошкор қилмаслик мақсадида ўзини қўлга олди.

— Афғонистондаги вазиятни мендан кўра ўзинг яхши биласан. Уруш тўхтагани йўқ. Ҳозир у томонга ўтиш хатарли. Сени ҳимоя қиладиган, хавфсизлигинги ни таъминлайдиган одамларимиз йўқ. Қандай маълумот керак бўлса, мен йигитларимга тайинлайман, сенга етказиб беришади. Сенинг у томонга ўтишингга шахсан мен қаршиман!

Пётр Ивановичнинг тили айланмай қолди. Дуруст-роқ баҳона тополмаганидан афсусланди. Бунинг устига икки оёғини тираб олиши ҳам ўринсиз. Аркадийда шубҳа уйғотиши мумкин. Нима десин? Қандай ишонтирсин?! Бор гапни айтиб бўлди. Бошқа баҳона топиш аҳмоқлик. Аркадий дўстини ноқулай аҳволдан чиқариш мақсадида унга ўгирилди:

— Петя, биламан, яшашинг ёмон эмас. Олаётган на-фақант бола-чақантга, ҳаттоқи набираларингга ҳам етади. Машинанг, кулинг ўргилсинг дала ҳовлинг бўлса. Бундай имконият камдан-кам одамда бор. Кексай-ган чофингда худога шукр қилиб, тинчгина айшингни

суриб яшасанг бўлмайдими? Афғонга бориб, ўтмишни ёдга оламан деб бирорта ўқقا учиб кетсанг ким сенга ачинади? Маслаҳатим у ерга ўтишни хаёлингдан чикар. Марҳамат, архивга кир. Ҳамма шароитни яратиб бераман!

Дўстининг ҳар бир сўзи Пётр Ивановичнинг бошига тўқмоқ бўлиб тушаётгандай, назарида у кўп нарсадан боҳабардай туолди.

Уйга қайтгач, генерал бу ҳақда узоқ бош қотирди. Афғонга ўтиш масаласи ҳал бўлмаганидан юраги баттар фаш бўлди. Ефим Егоровични огоҳлантироқчи ҳам бўлди. Лекин унга бундай ноҳуш хабарни етказиши оғир эди. Яна қариянинг хаёлида Бўрон гавдаланди. Қаерда юрибди? Хазинани тополдимикин? Ёки бошқа одам ёллаш керакми?! Ҳаммага ҳам ишониб бўлмайди. Ефим Егоровичнинг сўзи чин бўлса, катта бойликни ҳеч ким, ҳеч қачон икки қўллаб келтириб бермайди.

САМАНГАН

Дала-даштларни қип-қизил рангга бўяб қуёш ботди. Жангарилар чодирлар атрофига гулхан ёқишиди. Тўлин ой баркаши уфқдан жуда барвақт кўтарилди. Ой қути ўчган, қори бутунлай эриб кетмаган тоғларнинг улкан чўққисидан баралла кўриниб туради. Ушбу соатда бўйнидан пасти қумга қўмилиб ётган Абдурасулнинг хаёлидан ҳар хил аламли ўйлар ўтди. Гулхан атрофида давра қуриб ўтирган жангариларнинг қийқириғи қулогига чалиниб турарди.

Абдурасул жонини қийнаётган азоб-уқубатларга дош беролмай инграр, уни бу ерга бошлаб келган Бўрибой шаънига лаънатлар ўқирди. Куруқшаб қолган томоғини ҳўллаш учун тупугини ютар, хирилла-

ганча одамларни ёрдамга чақиради. Бироқ овозини ҳеч ким эшитмасди.

Юз метрлар нарига тушган снаряднинг гумбуралиши еру кўкни ларзага солиб, қулоқларни қоматга келтирди. Кий-чув, тўполон кўтарилиди. Жангарилар ўзларини дуч келган томонга уришди. Худди қиёмат қойим бошлангандек бақириб-чақириб қочишарди. Олислардан автоматнинг тириллаши эшитилди. Жангариларнинг бир қисми Абдурасулнинг боши чиқиб турган ҳандақ томон мўр-малахдек ёпирилиб келарди. Этиклар зарбидан ер титради. Оёқлар остидан чанг-тўзон кўтарилиб кўкка ўрлади. Икки жангари шундоқ унинг ёнидан ўтиб кетди. Улардан бири каллага қоқилиб тушаёзди. Коронги ва тўс-тўполонда ҳеч ким шўрлик бу бошни кўрмади, кўрса-да аҳамият бермади. Бўрондек ёпирилиб келаётган жангарилар каллани топтаб, янчиб ўта бошладилар. Кимdir қоқилди, кимdir йикилди. Кўзларини юмиб олган Абдурасул тепкилар зарбидан азоб чекар, бақирав, бироқ овозини ким эшитарди, ким «бу ерда одам бор, эҳтиёт бўлиб ўтинглар» дерди? Яхшики, оқим иккига ажралди. Қаердандир учиб келган ёнғоқдек тош Абдурасулнинг пешонасига тегиб, кўзларидан олов сачратиб юборди. Кимdir тақали этиги билан қурбақани босгандек қонга ботган бошни топтаб ўтди. Абдурасулнинг кўз олди қоп-коронги бўлиб, секин-аста эс-хушидан айрила бошлади. Бундай пайтларда одам боласининг хаёлига туғилиб ўсган юрти, ота-онаси, ёр-дўстлари келади. Абдурасул ҳам кўзини юмиш олдидан сўнгти бор уларни эслади, алам ўтида юраги ёниб, танасини тарк айлаётган қувватни йифиб, овозининг борича қичкириб юборди.

– Онажо-о-н!

Овози олис-олисларга ёйилиб кетди. Кейин ўкириб-ўкириб йиғлади. Афсуски, боши ердан чиқиб, сўнгги нафасини олаётган одам боласининг фарёдига ҳеч ким қулоқ солмади, ҳатто қайрилиб ҳам боқмади. Шундан сўнг унинг худди туман босгандек хиралашиб бораётган кўз ўнгидаги болалиги намоён бўлди. Ота-онасининг қиёфаси чиммат ортида тургандек фира-шира гавдаланди. Гўё улар қуличларини ёйиб, болалари томон чопқиллаб келаётгандай эдилар. Абдурасулнинг қуруқшаб қолган лабларидан шундай сўзлар учиб чиқди: – Ота, мен сиз ардоқлаган, кўз қорачиғингиздек асраган Ватанинни сиздек севолмадим. Оппоқ сутингиздан айланиб кетай, онажоним. Тунлари алла айтиб қалбимга Ватан ишқини солдингиз, боламнинг қонида юрт ишқи ёнсин деб сут бердингиз. Афсус, мен сиз кутгандай ботир ва жасур ўғлон бўлолмадим. Жаннатдан зиёда Ватаним, сен онамдек кафтингда кўтариб катта қилдинг, корингга ярамадим. Кечиринглар!

Қоп-қорайиб қолган бош бир ҳафтача қўмилган жойида қолиб кетди. Сасиб чирий бошлади. Паашшалар, арилар талади. Этини қурт-қумурсқалар босди. Кўмишга бирор журъат эта олмади. Бўрибой «отган ўқим нишонга тегди» деб кувониб юрди. Бу билан янги келган ёшларни қўрқитиб, уларни ўзига янада маҳкамроқ боғлаб олганидан мамнун эди. Аслида Бўрибой бунинг аксига эришганди. Ёшларнинг қалбига ўзига нисбатан битмас-туганмас қаҳр-ғазаб, нафрат уйғотганини у тушунди.

ЮРТДА

Ўша пайтларда Тожикистанда давом этаётган биродаркушлик уруши Эргашга ёмон таъсир қилди. Кутурган жангариликнинг харакатларини кўриб томирларидаги қон жунбишга келди. «Бундай хунрезликларни юртда бошласам ҳам бўларди-ку! Айбим қурол-аслаҳанинг йўқлигидамиди? Ёки ўзимга нисбатан ишончсизлик кучлимиди? Кўркдимми? Ахир ортимда қанчадан-қанча одамлар бор эди. Пулдорлар, амал курсисидан қулаганлар, мансаб учун ўзини ўтга чўқقا уришга шай турганларнинг ҳисоби йўқ эди-ку?» Ҳақиқатан ҳам бундай тоифадаги кимсаларнинг Эргаш билан муносабати яхши эди. Шаҳар четидаги штабига кунига икки-уч бор қўнғирок қилишар, муҳимроқ ишлари чиқиб қолса, ўзлари келишарди. Туман партия қўмитасининг собиқ котиблари, ташкилот ва хўжалик раҳбарлари эшиги олдида қўлини олиш учун навбат кутиб ўтиришарди. Суҳбатлашишга орзумандлар қанча эди. Кетишда қўлларини кўксига босиб, «Хизмат бўлса бош устига» деб олиб келган даста-даста пулларни стол тортмасига ташлаб кетишарди. «Эх, ўша кунлар қандай фараҳли эди-я!» Эргаш ўша кунларни кўз олдига келтириб, енгил уф тортиб қўйди.

Жангарилар кун сайин шаҳар ва қишлоқларни ишғол этишарди. Ўз қонуни ва тартибларини ўрнатишарди. Саросимага тушган одамлар олдида фақат битта йўл қолди: улар сафига қўшилиш, ўлим ёки катта микдордаги пора эвазига омон қолиш. Бундан ўзга йўл ва имконият йўқ. Жангарилар ўз буйруқларига итоат этмаганларни қийнаб, азоблаб ўлдиришди. Айниқса, давлат ва ҳокимият раҳбарларини аяб ўтиришмади. Уларнинг бошига ит азобини солишиди.

Тожикистон бош прокурори Ҳувайдуллаевни ярим тунда тутиб кетишиди. У Душанбе шаҳар ҳокими, ашаддий порахӯр, таъмагир Икромовни ва 700 нафар экстремист жангариларни хибсга олиш учун санкция берган эди. Аввалига уни таҳқирладилар, хӯрладилар, қалтакладилар. Иссиқ ҳаммомга қамадилар. Ўт ёқиб қиздирдилар. Тунда ухлаб қолмаслиги учун бошидан совуқ сув қуиб турлар. Бироқ бош прокурор жангарилар оёғига йиқилишни, тавба-тазарру қилишни, раҳм-шафқат сўрашни, улар сафига қўшилишни истамади. Виждон ва ориятни сотмади. Қасамёдига хиёнат қилмади.

— Тавба қил! Қилган гуноҳларинг учун узр сўра. Шунда биз сени бу азоблардан қутқарамиз. Биз томонга ўтасан. Роҳату фароғатда яшайсан!

Бу сўзни унга бир вакълар кўл остида хизмат қилган, порахӯрлиги учун ишдан ҳайдалган ходимларидан бири айтди. Унинг кўзларида масхараомуз табассум ялтиради. Афт-ангори тутуриқсизлигини, иккиюзламачилигини, хоинлик туфайли ҳаёти хузурда эканини ошкор қилди. Дунёда порахӯрдай маккор кўзли, бурро тилли одам бўлмаса керак. Бош прокурор унинг афт-у ангоридан шуларни уқди. Ватан, юрт озодлиги, инсониятнинг эрки, баҳти бундай тоифадаги қалтабинлар учун ёт. Ватан манфаати йўлидаги хайрли ишдан фирибгар кимсанинг ҳамёнидаги бир мисқол танга афзал. Шу тангага ўз бошлигини сотиб олмоқчи.

— Ватанфурушнинг ҳаёти қачон роҳат-фароғатда ўтган?! — сўради бош прокурор бошини мағрур кўтариб.

— Оғзингга қараб гапир, биз ватанфуруш эмасмиз!

— Пораҳӯр билан ватанфурушнинг ўртасида қандай фарқ бўлиши мумкин?!

— Сен тўнканинг тилинг ёмон. Бошингга келган бу балоларга, тортаётган жафоларингга ҳам шу тилинг сабабчи! Мен уни омбур билан сууриб, итларга ташлайман!

— Тилимни сууришинг мумкин. Аммо қалбимдаги, қонимдаги она юртимга, халқимга бўлган муҳаббатимни юлиб ололмайсан, уни ўзим билан бирга олиб кетаман. Сенларга ўхшаб бугун унинг, эртага бошқа бирорвинг қўлидаги қўғирчоқ эмасман! — Бошини мағрур кўтарган прокурор шундай деди. Унинг ўқтам овози деворларга урилиб садо берди.

Прокурорнинг аччик сўзлари қонхўрни қаттиқ заблантириди. Қайсар, бир сўзли Хувайдуллаевни ўз томонига оғдира ололмаслигини тушунди ва яrim тунда уни ёвузларча ўлдирди. Бу воқеа Эргашнинг қалбида унутилиб бораётган қасос ва алам ўтини ёқиб, душманларидан ўч олишга ундади. Хузурига Чўтири чақиртириди.

— Тайёргарликни кўр, эртага Ўзбекистонга жўнайсан, — деди.

Чўтири сезди: бошлиқнинг юраги фаш. Асаби қакшаган, демак, юрагидаги дард янгиланган, фанимларидан қасос олишни ихтиёр этган. Гина сақлашда унинг олдига тушадиган одам йўқ. Чўтири яна шуни биладики, хўжайн қайсар одамга катта гуноҳ қилганга қаррагандек боқади. Гуноҳнинг катта-кичиги унинг учун аҳамиятсиз. Афв этиш, ундан мурувват сўраш, сомондан игна излаш билан баробар.

— Тинчликми, хўжайн?! — Чўтири енгил томоқ қириб тўдабошига юзланди.

— Бориб Фиёсовни тинчтиб келасан!

— Ўртоғингизни-я?!

Эргаш Чўтирга кескин ўгирилди. Унинг кўкариб кетган юзидан қаҳр-фазаб тўкишиб турарди.

— Шу гапинг учун тилингни суфуриб олардим.
— Кечиринг, хўжайин, билмай гапирдим.
— Билиб қўй, Фиёсов менга дўст эмас. Пулим тугаб, уйига борганимда гадойни қувгандек ҳайдаган. Мен буни кечирмайман. Фиёсов тирик экан, юрагимдаги алам босилмайди, хотиржам яшолмайман. Мабодо, мен ўлсам, у юртга ош беради.

— Тушундим, хўжайин! — Бошлиқнинг важоҳатидан ташвишга тушган Чўтири ортиқча гап бошига тўқмоқ бўлишини сезди.

— Ўлдиришдан олдин ҳисоб-китоб қил! Борганингда унга нима дейишни одамларим ўргатади. Айбларини бўйнига қўй!

— Ёлғиз ўзим жўнайманми, хўжайин?

— Ха, ўзинг жўнайсан, шаҳардаги биродарларимизни хабардор қилиб қўйганман. Улар сени кутиб олишади. Шароит яратиб, ишончли одамлардан шерик топиб беришади.

— Тушундим, хўжайин, — деди Чўтири дили ёришиб, қўлларини ишқалаб.

— Худо ёр бўлсин! Ишинг ўнгидан келсин! Қани, йўлга ҳозирлан. Тўхта! Ишни тинчитганингдан сўнг орtingга қайтма, Олмаотага жўна. Маҳмудни топиб, унинг квартирасида яшаб тур. Керак бўлганингда ўзим чақиртираман...

Чўтири икки йилдан бери жангарилар ичида юриб ўзгариб кетди. Қалбидаги раҳм-шафқат ўрнини вахшийлик, ёвузлик эгаллади.

Чўтири тонг бўзарганида йўлга чиқди. Тун бўйи сайраган автомат ва милтиқларнинг овози ўчди. Бўум-бўш кўчаларда фақат руҳлари кўкка учган мурдаларгина чўзилиб ётибди. Ўт қўйилган уйлардан тутун аралаш иссиқ ҳовур осмонга кўтарилади.

Пешонасига қизил дуррача боғлаб олган Чўтири тоғнинг ёлғизоёқ сўқмоғидан чегарани кесиб ўтди. Пастда уни «Москвич» енгил автомашинаси кутиб турарди. Чўтири ҳайдовчини танимади. Ўзи тенги йигит эди, яқинлашганда орқа эшикни очди.

– Ўтилинг! – деди нотаниш йигит ўзбек тилини бир оз бузиб.

Чўтири орқа ўриндиқقا жойлашди. Машина тошлок йўлдан пастлик томон елиб кетди. Уч-тўртта қишлоқ ортда қолди. Бу ерларда ҳам тунги отишмалар ўзининг даҳшатли изини қолдирган. Остонада тиззасини қучоқлаб, фам-фуссадан эгилган бошини эгиб ўтирган қарияни кўрганда Чўтиринг хаёлига отаси келди. У ҳам шу қария сингари озғин, дарозгина чол эди. Боласини жонидан яхши кўрарди. Мактабга елкасида кўтариб борарди ва олиб қайтарди. Дилбандини кечалари бағрида олиб ётарди. Бир кун кўрмаса соғиниб, излаб қоларди. Кўришмаганига икки йил бўлди.

Ҳайдовчи манзилга етиб келгунча Чўтирга қайрилиб бокмади. Сўз ҳам айтмади. Бир соатча йўл босишгач, дарёнинг қайрида турган қизил рангли «Запорожец» машинасининг ортига келиб тўхтади.

– Нариги машинага ўтинг, – деди ҳайдовчи унга қайрилиб бокмай. Чўтирга сўз айтишга ўрин қолмади. Бу холат унга худди кинолардагидек туюлди. Ҳайдовчиларнинг у билан сухбатлашиши тақиқланганини сезди. Ўзбекистон ҳудудига кириб келгунча учта машинада алмашиб келди. Рақами Ўзбекистон давлатига қарашли бўлган машинага ўтирганида юраги таскин топди. Бироқ унга бир нарса тинчлик бермасди. «Наҳотки шахсий адоват учун Эргаш Фиёсовни ўлимга ҳукм этган бўлса?» Бу ҳақда у қанчалик ўйламасин, саволига жавоб тополмади.

Чўтири кечки пайт шаҳарга кириб келди. Ҳайдовчи уни учрашув белгиланган бекатда қолдирди.

— Шу ерда туринг, одамларимиз икки дақиқадан сўнг келиб сизни олиб кетишади, — деди-ю жўнаб кетди. Чўтири йўлнинг четига ўтди. Туфлисининг ипини қайта-қайта ечиб боғлади. Бу «парол» эди. Бели толиқиб ўрнидан турди.

— Ака, соатингиз неча бўлди? — орқада турган ёшгина йигит Чўтирга савол берди. Унинг юмалоқ, чиройли кўзлари ялтираб турарди.

— Соатим йўқ, — болани жеркигандек терс жавоб қайтарди ва бирдан учрашувга чиқадиган одам шундай сўзни айтиши лозимлиги ёдига тушди. Йигитчани учрашувга келганига шубҳалангандек паролни айтишга мажбур бўлди.

— Соатимни уйда қолдирибман.

— Сизни кутишмоқда, — деди ўспирин катталарга хос оҳангда. — Ортимдан юринг...

Чўтири шаҳарда Эргашнинг одамлари интиқлик билан кутишарди. Бир кун бурун унинг келиши ҳақида маълумот олишган бўлиб, учрашув жойи олдиндан белгиланган. Шунга яраша тайёргарлик кўрилганди.

Чўтирининг муҳим топшириқ билан келаётгани тўда аъзоларидан сир сакланди. Фақат ишончли одамларгина огоҳлантирилди. Бундан ташқари, меҳмон олиб келаётган мактуб ҳам гуруҳнинг янги раҳбари Олимгагина аён. Хатда кўрсатилган буюм икки кун муддат ичидаги хўжайнинг қўлига етиб бориши лозим. Эргаш Тожикистонга ўтиб кетиш олдидан тўдани бошқаришни Олимнинг зиммасига юклади. У шаҳардаги тўс-тўполон босилгунча бир муддат кўчага чиқмай, яшириниб юрди. Қилган гуноҳлари етарли эди. Хукуқни муҳофаза қилиш ходимлари тутиб кетишидан кўрқди. Баҳтига ҳеч ким уни изламади. Эргаш-

нинг ишлари босди-босди бўлиб кетгач, яна одамлар гавжум жойларда пайдо бўла бошлади. Шундан сўнг тўдабоши айтган топшириқларни бажаришга кириши. Шаҳарнинг бой-бадавлат кишилари рўйхатини тузди. Яшаш жойларини, қандай иш билан шуғулла-наётганини, ишга қачон ва қай пайтда келиб-кетишини, уйида қанча пули борлиги-ю, бу пуллар қаерда туришини ўрганди. Анчагина маълумот тўплади. Бир ой ўтгач, одамлари орқали топшириқ бажарилганини Эргашга хабар қилди. Ўшанда у Олимдан хурсанд бўлди. Операцияни бажариш вақтини ўзи белгилаши хақида кўрсатма берди. Унинг ҳисоб-китобларига қаранда, Олим тузган рўйхатдаги одамларнинг қўли-да катта микдорда доллар бўлиши керак...

Чўтири Олимга муҳрланган мактубни топшириди. Ўзларигагина маълум бўлган сўзлар ўйинидан иборат ушбу мактубда шундай дейилганди.

«Иним, Олимжон!

Бу ернинг об-ҳавосига кўникиши қийин бўлмоқда. Жи-янларингизнинг соглиги яхши эмас. Уларга тиёз (қўл пу-лемёти), патир (гранатаминомёт), чой (автомат), шафтоли (пулемёт), олча (тўптонча), зардолу (грана-та) сотиб олиш учун нутка турманни таъсирини ўндириб, зудлик билан жўнатиб юборсангиз.

Хамид билан гаплашинг, гина-кудуратни йигиши-тирасин. Ҳамкорлик қиласиз».

Олим хатни ўқиб Чўтирга юзланди.

– Бошлиқнинг одами қўпми?

– Сафимиз кун сайин кенгайиб бормокда, – Чўтири ҳамсухатининг руҳини кўтариш мақсадида ёлрон га-пирди.

– Яхши! – Олим шундай деди-ю жим қолди. Ўсик, қалин қошлари чимирилди. Пешонасига ажинлар из

солди. Кўзларини бир нуқтага қадаб ўйга толди: Тожикистондаги урушдан уни бехабар деб бўлмасди. Оппозиция мамлакатни ҳар томондан ўраб, ҳукумат қўшиларини тобора қисиб келаётганини яхши биларди. Ҳатто уларнинг бир қисми Ўзбекистонга чегарарадош бўлган вилоятларда ҳам ўз хукмронлигини ўрнатишга ҳаракат қиласди. Бундай пайтда тўдабошини ёлғизлатиб қўйиш, ҳолидан хабар олмаслик, айтган пулни жўнатмаслик, Олимдек содик дўстга иснод! Бепарво юриши, топшириқни бажармаслиги инсофданми? Бир йил муқаддам ўз foямиз, мақсадимиз йўлида шахид бўламиз деб қасам ичишмаганми? Шундай экан, топшириқни зудлик билан бажариши лозим. Ҳамид-чи? Нечун у четда қолиши керак? Нечук бирикмайди? Ҳаммаслак бўлиб иш тутмайди? Эрта-индин Эргаш келадиган бўлса, қай юз билан унинг кўзларига боқади? Йўқ, бу бола кейинги пайтларда босар-тусарини билмай қолди. Пули кўпайиб, танишларини эсдан чиқарди. Катта бошини кичик қилиб, остановини босиб, арзимас илтимос билан олдига кирганида юзинг борми, кўзинг борми демай, Олимнинг таклифи ни рад қилди. У пайтда эндиғина тўдага қўшилган, ҳали номи чиқмаган эди. Орадан икки-уч йил ўтиб, Эргаш довруқ қозонди. Водийда эмас, балки қўшни республикаларда ҳам дўст-у ёрлари кўпайди.

«Ҳамиднинг ақли-хуши жойига келиб қолгандир? Кўлида йигирма-ўттизта йигити бор. Тожикистонга жўнатмаса жўнатмасин. Аммо бу ердаги ишларда ёрдам берсин». Ўрнидан турди, соатга қаради. Вакт ҳали эрта. Ҳамиднинг олдига ўтишга, у билан юракдан гаплашиб олишга қарор қилди.

– Қодир! – деди уй эгасини чақириб. – Мехмонга жой қилиб бер, дамини олсин. Мен Ҳамиднинг олдига бориб келаман. Уйга одам қўйма!

— Нима қиласиз асабийлашиб, aka? Бари бир у бизга қўшилмайди, — деди уй эгаси қўлини силтаб. — Кони бошқа!

— Соат ўнларда қайтаман. Тайёр туринглар. Келмасам, телефон қиламан.

Ҳамид Олимни хушламай кутиб олди. Кўрса асаби титрайди. Гаплашиш нияти йўқ. Бежиз келмаганини сезди. Ўрнидан турмай қўл узатиши Олимга алам қилди. Бу шаҳардаги катта бир тўданинг бошлиғига нисбатан ҳурматсизлик эмасми? Бироқ аччиқланганини сездирмади.

— Хизмат? — ўтиришга улгурмаган Олимга қаратадайтилган бу сўздан келгувчининг юзи шолғомдай қизарди. Курсига эмас, чўғ устига ўтиргандек бўлди.

— Хўжайнининг илтимоси билан келдим, — довдирраб қолган Олимнинг тилига шу сўз келди.

— Кулогим сизда, у кишининг бизда қандай ишлари бор экан?

«Тўнка, ҳаддингдан ошибсан. Бўрилар кетиб, сенга ўхшаган қуёнюракларнинг куни туғибди-да! Шошмай тур, хўжайнин келсин, сен билан ўзим ҳисоб-китоб қиламан. Тавбангта таянтирмасам, отамнинг ўғли эмасман». Олимнинг **хаёлидан** шу фикр ўтди. Ҳамиднинг сўровини жавобсиз қолдирди. Гапни нимадан бошлашни билмай бошини қашлади. Кейин юзига сохта табассум ёйилди.

— Хўжайнининг олдидан хабарчи келди. Мингдан ошиқ одамга бошчилик қиляпти экан. Яқин кунларда ўзи ҳам келармиш.

Ҳамид бу сўзларга аҳамият бермади. Олим ер остидан суҳбатдошининг юзига кўз қирини ташлади. Ҳамиддан садо чиқмагач, сўзида давом этишга мажбур бўлди.

— Сен одамларинг билан биз томонга ўт. Бирлашайлик. Ахил бўлсак, ҳеч бир куч бизга бас келолмайди.

Хозир хўжайинга хорижлик ҳомийлар ёрдам беришмоқда.

Ҳамид азалдан Эргашни ёқтирасди. Дастрлаб жинойи гуруҳга уни таклиф қилишди. «Бирорга қарам бўлишни истамайман» деб айтди. Бу гап Эргашга ёмон таъсир қилди. Ундан ўч олишни, айтган сўзи учун тавба қилдиришни юрагига тугун қилиб туғиб қўйди. Одамлари содир этилган талончилик, босқинчилик каби жиноятларни Ҳамиднинг йигитлари зиммасига ағдаришга уринди. Олинган буюмларни, бармоқ излари қолган идишларни жиноят содир этилган жойга атайлаб ташлаб кетишади. Бу билан милиция ходимлари «Ҳамиднинг одамлари жиноятни содир этган» деган шубҳага боришларини ўйлади. Ҳамид аввалига эътибор бермади. Кейин фаҳмлаб қолди. Эргашнинг ёқасидан олди.

— Виждонсиз! — деди қаҳр-ғазабини сочиб. — Қачонгача одамларинг қилган айбни менинг йигитларим гарданига ташлайсан? Билиб қўй, яна бир бор шундай иш тутадиган бўлсанг, бўғизлаб ташлайман. Ўлигини ит тополмайди!

Ўшанда Эргашнинг тили айланмай қолди. Безгак тутгандек дир-дир титраб, ўзини оқлашга сўз тополмади. Шуларни эслаб Ҳамиднинг юрагидаги яра қайта тирналди...

— Менга қара, Олим! — деди қаршисида ўтирган чо-парга. — Эсингда бўлсин, сенга илгари ҳам айтганман. Хозир ҳам ёдингга солиб қўяман. Мен босқинчи эмасман. Ўз халқимга қарши қурол кўтармайман. Бориб акангга айтиб қўй. Ўзбекистонни босиб ололмайди. Юртни сендеқ қонхўрлар, малай, ювиндихўрларга бериб қўядиган аҳмоқ йўқ. Халқини ҳимоя қилишга қодир юрт эгаси бор! Ватан учун жонидан кечадиган жасур ўғлонлари бор. Сенга ўҳшаган юртфуруш, но-

мард кимсалардан жирканаман! Ўрнингдан тур, кўзимга кўринма!

Олимнинг ранги оқарди. Нафрат ва фазабини бо-солмади.

— Сен ўзи кимсан?! — деди иягини чўзиб. — Ўғрисан! Пешонангга отнинг қашқасидек ёзиб кўйилган! Бир маротаба эмас, икки маротаба қамалгансан. Шаҳарда бирорта қора иш бўлса, аввал сени тиқишиади. Менга айтган гапларинг билан ментларга яхши кўринмоқчи-мисан?! Ўзингни халқпарвар қилиб кўрсатмоқчи-мисан?! Бизнинг кимлигимизни, нималарга қодирлиги-мизни билмабсан. Керак бўлса сен ва йигитларингни тинчитиб кетишиади. Эсинг кириб қолган деб олдингга келувдим...

Уй эгаси столни муштлади.

— Йўқол! — Ҳамид титроқ қўллари билан кулдонни чангллади. — Шу билан бошингга солмасимдан корангни ўчир. Ифлос қадаминг билан иккинчи бор остонамни ҳаром қилма!

Олимнинг қизарган юзида заҳарханда табассум пайдо бўлди.

— Ҳм, қизишманг, эркак. Ўйнаб гапирсанг ҳам ўй-лаб гапир деганлар. Кейин пушаймон бўлиб юрманг. Бу дунё ҳисобли!

— Йў-ў-қо-ол! — овозининг борича қичқирди Ҳамид.

— Хўрозга ўхшаб бемахал қичқирманг, эркак. Ово-зингизни асранг! Ҳали бақирадиган кунларингиз ке-лади!

Бу сўзлар Ҳамид учун ортиқча эди. Асаби шу қадар таранг тортилдики, ўзини бошқара олмади. Чанглаб турган кулдонни Олимга қаратса улоқтириди. Кулдон унинг кўкрагига тегди ва костюмининг ёқасидан кириб, ички чўнтағига яқин жойда туриб қолди. Олим ўзини ташқарига урди. Остонадан ўтиб эшикни

силтаб ёпди-да, деворга суюнди. Юраги гурсиллаб худди кўксини ёриб чиқадигандек урди. Кулдон теккан жойни қўли билан силади. Оғриқ босилди. Хаёлига келган ўйдан мамнун жилмайди. Дастрў-молчаси билан кулдонни эҳтиётлаб ўради-да, чўн-тагига яширди.

Ҳамиднинг хонасидан аламзада бўлиб чиққан Олим телефон орқали Қодир билан Чўтирга «Баҳор» ресто-ранига келишни буорди. Соат ўнларга яқинлашган, ой тепага кўтарилиган. Ресторанда саноқли хўрандалар ўти-ришибди. Олим конъяк буорди. Енгил тамадди килди. Шериклари келганда у ширакайф эди. Чўтиргинг хаёлига хўжайин айтган сўзлар келди. «Фиёсовнинг амакиси кўплаб одамларимизни қамоқقا тиқмоқда, унинг ўлими акаси учун сабоқ бўлсин».

– Фиёсовнинг амакиси қаерда ўтиради? – сўради у Олим томонга юзланиб.

– Қайси амакиси? – Ҳамид томонидан камситил-ган ҳамда ичкиликдан кўзлари қизариб кетган Олим Чўтири томон ўгирилди.

– Шаҳар ички ишлар бўлими бошлигининг муови-ни бор-ку...

– Ашурматовми?..

– Ҳа.

– Унда нима ишинг бор?

– Ўзим, шунчаки сўраяпман-да.

– Йўлимиз устида.

– Вақт ҳам алламаҳал бўлди, – боядан бери жим ўтирган Қодир сухбатга якун ясади.

– Тайёрмисанлар? – кўзларини ёрдамчиларига ўқ-дек қадаб сўради Олим.

– Тайёрмиз, хўжайин! – деди Қодир. Унинг кўзи сузилди.

– Унда жўнадик!

Пиёда «Шаршара» маҳалласи томон йўл олишиди. Кўчалар сокин. Осмонда ой, юлдузлар сочилган. Соувқ шабада ер бағрини ялаб эсади. Кўчадан одам оёғи узилган. Гоҳи-гоҳида машиналар ўтиб, тун сукунатини бузади. Тунги шарпалар катта йўлдан чап томонга бурилиб кетган кўчага киришиди. Нақшинкор дарвоза олдидан ўтишаётганда Олим Чўтирнинг қулоғига шипшиди.

– Мана шу уй Ашурматовники бўлади.

Чўтир деворлари баланд қилиб курилган ҳовлига қараб, маъноли бош ирғитиб қўйди. Юзидағи совуқ табассумга Олим аҳамият бермади.

Фиёсов бугун уйга ичиб келди, андак кайфи ошган. Ишхонасига яқин жойдаги эски ошхонани сотиб олганди. Ишдан қайтар маҳали шу ерда бир оз тўхтаб ўтди. Бош ошпаз билан ҳафталиқ ҳисоб-китоби бор эди. Ишчилар унинг яқинда уйига кетганини айтишиди. Фиёсов ёрдамчиси билан сухбатлашди, бирга тамадди қилишиди. Шу баҳона бир-икки пиёла ароқ ичди. Юрагига ўт кирди. Жўнаш олдидан «Хошимжон менга учраб қўйсин» деб ёрдамчисига тайинлади. Уйига келганда аёли эмизикли боласини бағрига олиб ухлаб қолганди. Фиёсов толиқсан бўлса-да, кўзидан уйқу қочди. Ароқ бошини айлантириб сархуш қилганди. Бундай пайтларда у ҳисоб-китоб қилишни, кимларда ҳаки борлигини, қолаверса, топган-тутган пулларининг ҳисобини олишни ёқтиради. Мехмонхонага кирибоқ телевизорнинг мурватини буради.

...Кўча эшикка ичкаридан илгак солинган. Олим шерикларига қўлқоп ва никобларни кийишни буюрди. Ўзи эшик тепасидаги тұғмани босди. Ҳовлида чироқлар ўчган, ичкари уйдан тунги ёриткич фирә-шира ёғду сочиб туради. Бир оздан сўнг айвон чироғи ёнди.

Оёқ товуши қулоққа чалинди. Шарпа дарвозага яқин келиб «Кимсиз?» деди. Бу Фиёсов эди.

— Бу мен, — деди Олим овозини ингичкалаштириб.
— Машинанинг хужжатини олиб келдим.

— Бемаҳалда-я! — Фиёсов илгакни туширди. Олим эшикни зарб билан тепди. Қирраси пешонасига урилган уй эгаси гандираклаб кетди. Босқинчилар ичкарига отилиб киришди. Қодир билан Чўтирип уй эгасининг қўл-оёғига ёпишишди. Олим дориланган латтани унинг оғзига тиқди. Барваста йигитлар ичкарига ёпирилиб киргаңда Фиёсов булар Эргашнинг одамлари эканлигини, эшикни бемаврид очганини тушунди. Энди кеч. Кўркувдан эсанкираб қолди. Кўз ўнги қоронfilaшди. Бақиришга, қаршилик кўрсатишга куч топа олмади. Оғзига тиқилган латтадан нафаси қайтди. Сал бўлмаса бўғилиб ўлаёзди. Яхшики, босқинчилардан бири бурнидан кафтини олди. Латтадан келаётган сассиқ ҳид уни бўшаштириб лоҳас қилди. Босқинчилар капитаннинг қўлини орқага қайриб, чилвир билан боғлашди. Кемтик ой ишком тепасидан мўралаб турарди.

— Овозингни чиқара кўрма, — деди хириллаб Олим. У тўппончани Фиёсовнинг тер босган пешонасига тиради. Фиёсов гапиролмади. Бошини силтаб қўйди. — Нимага келганимизни биласанми?

Фиёсов қовоғаридек фўнфиллади.

Чўтирип унинг оғзидан латтани тортиб олди. Капитан ўпкасини тўлдириб ҳаво симириди. Кўкариб кетган юзига қон тепди. Сув тиқилиб ётган қувурдек оғзидан сассиқ ҳид чиқди. Олим бошини орқага ташлади.

— Нима бало, ичингда ит ўлганми?!

— Пуллар қаерда? — Чўтирип бетоқат эди. Ҳозир пачакилашиб ўтиришнинг мавриди эмас. Ишни тезроқ битириш, бу ердан туёқни шиқиллатиб қолиш даркор.

Кўни-кўшилар пайқаб қолиши мумкин. Бирор сезса тамом, ҳаммаси барбод бўлади.

Капитаннинг вужуди ҳамон титрарди.

— Пуллар... пуллар уйда... — зўрға тили айланди. — Олиб чиқайми?

— Овора бўлма, бирга кирамиз. — Чўтири уй эгасининг бўйнидан чилвирни ечди. — Ортиқча харакат қилгудек бўлсанг, бола-чақангни аяб ўтирумаймиз. Бўғизлаб ташлаймиз! Уқдингми?

— Хотиржам бўлинг, ака. Келиб тўғридан-тўғри пул сўраганларингда ҳам берардим. Сизлардан қизғанадиган нарсам йўқ!

Фиёсов қароқчиларни эргаштириб ичкарига бошлади. Ҳовли ўртасидаги ҳовузда сув тўла эди. Атрофига экилган жамбул-урайхонларнинг ҳиди ҳовлини тутган. Ерга тўшалган мармар плиталарда одам акси кўринади.

Фиёсовнинг хаёлидан минглаб ўй кечди. Бир кўнгли овозининг борича бақиргиси келди. Бироқ додини ким эшитади? Қолаверса, биқинини тешиб юбораётган тўппончанинг тепкиси босилиши ҳам мумкин. Ўлиб кетса, бу кошона кимга қолади? Бақирмаса, қочмаса, қароқчилар бойликларини олиб кетишади-ку! Нега ташқарига чиқди? Нега ўзини уларнинг қўлига тутиб берди? Чўчқадек пишиллаб ётган аёли орқали «йўқ» деб айттириб юборса, олам гулистон эди-ку!

Капитан уйидаги пулларнинг ярмини бериб осонликча қутулишни ўйлади. Шундай қилса уйни тинтиб ўтиришмайди. Бошқа йўл йўқ! Фиёсовнинг дили ёришди. Вужудини титратиб турган қўрқув босилгандек бўлди. Дадил қадам ташлаб, уларни хонасига бошлади. Оёқ товушларини эшитиб, аёли овоз қилди.

— Дадаси, бемаҳалда эшик қоққан ким экан?

— Ўзимизникилар, индамай ётавер. Озгина ҳи-
соб-китобли ишимиз бор!

— Даастурхон тайёрлайми?

— Керак эмас, улар шошиб туришибди.

— Вой-ей, ярим тунда ҳам тинмайсиз-да, а?..

Ётоқхонага кирганда Фиёсовнинг қўли қалтираб, темир сандиқни очди. Бироқ қўл солишга улгурмади. Чўтири уни туртиб юборди. Кути ичидан хорижий пуллар, автомашинанинг беш дона техник гувоҳномаси чиқди. Кутининг тепасидан эса икки қути тўўпонча ўқини олди. Чўтири уни чўнтағига жойлади. Пулларни эса стол устига ташлади. Ҳамманинг кўзи Фиёсовда бўлиб турган пайтда Ҳамид кўйнидан кулдонни олиб диван олдига ташлади.

— Ҳаммаси шуми? — еб юборгудек қаради Фиёсовга.

— Ўзимизники қаерда?

— Худо урсин, бошқа пуллим йўқ. Топган-тутганим шу! — елкасини қисиб жавоб қилди капитан. Чўтири Фиёсовнинг орқа елкасига мушт туширди. Уй эгаси гурсиллаб ерга йиқилди. Олим уни тиз чўқтириди:

— Бу пул кичкина болада ҳам бор. Бизни алдама, ит! Эсингдами, биздан қанча пул олгансан? Қаерда ўшалар? Итдек ириллаб, эллик минг долларимизни олгансан. Раҳм-шафқат қилмагансан. Пулимиз йўқ, десак ишонмагансан. Насияга қўнмагансан!

— Уларнинг ҳаммасини ишлатиб юборганман!

— О, сен-а?! Лақабингни биласанми? Ҳамма сени «Якка бўри» дейди ит! Сувни ҳам текинга бермайсан!

Олимнинг қаҳри қўзиди. Фиёсовнинг чакагига мушт солди. Бурнидан шаррос қон кетган капитан гиламга йиқилди. Олим унинг кўйлаги ёқасидан тутиб яна тиз чўқтириди.

— Ёлғон гапирсанг, ўзингга қийин бўлишини унумагин, ит! Нима, қулоғингга қўрғошин қуйиб олганимисан?!

Бу орада Чўтири дивандаги болишнинг остидан икки минг доллар ва юз минг сўм топиб олди.

— Бу нима, — деди у пул билан капитаннинг юзига уриб. Фиёсов гапиришга улгурмади. Пастки жағига тушган тепқидан юмалаб, диван тагига кираётди. Олим бақкуват панжалари билан уни худди мушук боласидек тортиб олди. Ётоқхонадан аёлининг уйқусираган овози келди.

— Дадаси, хой дадаси, тинчликми? Нега тапур-тупур қиляпсизлар?! — оғриқ зарбидан инграётган Фиёсов аёлининг сўзини атайин жавобсиз қолдирди. Қароқчилар бир-бирлари билан маъноли кўз уриштириб олишди. Чўтири пичофини яланғочлаб ётоқхонага ўтди. Уйқуси қочиб безовта бўлган аёл ўрнидан туриб, тўзғиган соchlарини қўли билан текислаб чиқиб келаётганди. Эшик олдида ўзини Чўтирга уриб олди. Бахайбат одамни кўриб қўрққанидан қичқириб юборди. Чўтири унинг оғзига кафтини босди.

— Дамингни чиқарма, мегажин! Каллангни сапчадек узиб ташлайман!

Аёл нафасини ичига ютиб, тўшакда ётган боласининг ёнига қайтди. Бургут мисол қучофини очиб гўдагини ҳимоясига олди. Чақалоқ лабини қимирлатиб она кўкрагини излаб тамшаниб қўйди. Чўтири мийифида кулди. У бола томон бостириб кела бошлади.

— Яқинлашманг! Яқинлашманг! — йиғи аралаш сўзлаётган аёлнинг тилига бошқа сўз келмади. Бўйнидаги ялтираб турган тилла занжирга, қулоғидаги балдоққа Чўтирининг кўзи тушганди. У пичоқнинг учини чақалоқнинг қорнига тўғрилади.

— Тегманг, боламга тегманг! — ёлвориб йиғлади она.

— Бўйнингдаги билан қулоғингдагиларни еч, — бу юрди қароқчи.

Аёл талабни сўzsиз бажарди. Титраётган қўллари билан тақинчоқни ечиб, Чўтирининг оёғи остига

ташлади. Унинг кўзлари ҳамон тўшак устида чинқираб йиғлаётган боласида эди. Гўдакнинг усти очилиб қолганди. Митти қўлчалари талпиниб онасини изларди. Она боласи томон талпинди. Бироқ Чўтирик унга яқинлаштирмади.

— Яна ниманг бор? — сурбетларча аёлнинг очиқ қолган кўкрагига тикилиб сўради босқинчи. — Эринг пулларини қаерга яширган?

— Буни ўзидан сўранг. Мен ҳеч нарса билмайман!

— Тилла тақинчоқларингнинг қолгани қаерда?

Аёл бошини чайқади. Чўтирик бигиллаб йиғлаётган гўдакнинг ялангоч қорнига пичоқнинг учини босди. Тиф боланинг қорнида қип-қизил из қолдириди. Она нинг юраги ёрилиб кетай деди. Кўллари билан эмаклаб боласи томон юрди. Чўтирик унинг елкасига оёғини қўйиб йўлини тўсади.

— Яқинлашма, пичоқ қорнига кириб кетса, ичак-чавови чиқиб кетади! — Аёл бармоқларини тишлаб, ақл-у хушдан айрилган телбадек кўзларини боласидан узмай ҳиқиллаб йиғларди.

— Мен сендан тиллаларни сўрадим, айтасанми? Гапир!

— Худо хайрингизни берсин, менда ҳеч вақо қолмади!

— Алдаяпсан, мегажин! — Чўтирик пичоқни пармадек боланинг қорнида айлантириди. Гўдак оёқ-кўлларини типирчилатиб баттар додлади. Юзи қизариб бўғриқиб кетди. Кесилган теридан қон чиқди.

— Боламни қийнаманг, пичоғингизни олинг! Шкаф тортмасини қаранг, узукларим бор. Ҳаммаси сизга, фақат боламга тегманг!

Фиёсовнинг тинка-мадори қуриди. Оғзи-бурнидан ва пешонасидаги ярадан қон оқди. Олимжон у билан сўроқ-савол ўтказиш ортиқча эканлигини тушунди. Асосий вазифани бажариш вақти келди. Шу

мақсадда ҳамёнидан пружинали пичоғини чиқарди. Капитаннинг қонли бошини орқага қайирди. Фиёсов томирлари ўқловдек иргиб чиққан бўғзига қадалган пичоқнинг совуқ тифини сезди-ю инграб юборди. Бироқ Олимнинг оғир гавдаси остида қолган танасини қимирилатишга ўзида куч тополмади. Пичоқ унинг бўғзини кесиб, суяига қадалганди. Деворга иссик қон сачради...

Капитан оёқ-қўлларини типирчилатиб, хириллаган овоз чиқариб, ўз қонига ўзи беланди Ниҳоят, у тинчиди. Кўзлари очиқлигича қотиб қолди. Олим сочилиб ётган пулларни сумкага жойлади. Ўрнидан туриб қўшни ҳонага ўтди. Чўтири аёлнинг тепасида шкафдан олган бир жуфт тилла тақинчоқни томоша қилиб турарди.

– Кетдик! – деди Олим Чўтирга.

Чўтири бифиллаб йиғлаётган боласини бағрига босиб ўтирган аёлнинг тепасида тўхтади.

– Биз кўчага чиқиб кетгунча ўрнингдан силжий кўрма. Акс ҳолда гўдагингни чавақлаб ташлайман!

Чўтири қон-қушга беланиб, танаси гоҳи-гоҳида қимирлаб турган мурда тепасида пайдо бўлди. Шунда Эргашнинг сўзларини эслади... Мурданинг бош томонида турган қонли пичокда кўзи тўхтади. Эгилиб уни қўлига олди.

– Нима қилмоқчисан? – сўради оstonада турган Олим.

– Хўжайиннинг оёғи остига ташламоқчиман! – жилмайди Чўтири.

– Аҳмоқ, ташла! – буюрди Олим.

Чўтири унинг сўзига аҳамият бермади. Каллани цељлофан халтага жойлади-да, эшик томон юрди.

Тун ярим бўлганди. Улар келган йўлларидан орқага қайтишди. Ашурматовнинг кўча эшигига етганда

Чўтири тўхтади. Дарвоза тепасидаги темир панжарага қаради. Бўйини чўзиб кўлидаги халтани симга илди. Кўнфироқ тугмачасини босди. Шундагина Олим унинг мақсадини тушунди...

Ўз ишига талабчан бўлган Ашурматов муқаддам Эргашнинг гурухига қўшилиб қолган, милициянинг рўйхатида турадиган айрим кимсалар билан яна шуғуллана бошлади. Рўйхатда турган гуруҳ аъзоларини идорага чакиртириди. Суриштирув жараёнида уларнинг кўпчилиги ҳамон Эргаш билан алоқада эканлиги, мунтазам пул билан таъминлаб келинаётганлиги ойдинлашди. Бундан ташқари, гумон остига олинган айрим кимсаларнинг варақалар тарқатишга тайёргарлик кўраётгани ҳам фош бўлиб қолди. Ашурматов уларни ҳибсга олди.

Полковникнинг иши шу даражада кўпайиб кетган эдики, ҳафтада бир-икки маротаба уйига келишга зўрга вақт топарди. Ўша куни у ярим тунда уйига қайтди. Болалари ухлаб қолганди. Кўзи тўла уйқу бўлса-да, чўмилиш хонасига кириб соқолини олди, ювинди. Кийимларини алмаштириди. Диванга бориб бир зумгина ухламоқчи бўлди. Қанча фурсат ўтганини билмайди, телефон жиринглаб уйғотиб юборди.

— Ўртоқ полковник, изоляторда ётган Эргашнинг одамларидан бири қон томирини кесиб ташлабди, — деди навбатчи милиционер.

— Ўлдими?

— Хушсиз ҳолатда касалхонага жўнатилди.

— Хозир етиб бораман. Машинани жўнатинглар.

Шу пайт кўча эшик кўнфироғи жиринглаб қолди. Полковник машина етиб келган бўлса керак деган хаёлда костюмини елкасига ташлаб ташқарига чиқди. Тонг отмокда эди. Ҳаво мусаффо, осмон шу қадар тиник эдики, одам нафас олиб тўймасди. Ҳовлига

чиққан полковник тўйиб-тўйиб нафас олди. Танасидаги чарчоқ ва ҳорғинлик тарқаб кетди. Кўча эшикция очик турарди. Остонани босиб ўтиши билан бошига нимадир тегди. Шошиб тепага қаради. Тебраниб турган цеплофан халтани кўрди. Атроф жим-жит эди. «Ким қўйиб кетган бўлиши мумкин?» деган савол миясига урилди. Эшик тепасидаги чироқ атрофни ёритиб турарди. Ашурматов халтани қўлига олди. Олди-ю шу заҳоти унинг бир чети йиртилиб, коптоқдек нарса ерга тушди. Икки метрча нарига юмалаб борди. Муштдек тошга урилиб тўхтади. Полковник қаддини букиб ерда ётган нарсага қаради. Оғиз ва бурни қонга тўлган, фақатгина катта-катта кўзлари очик қолган бошни таниб, юрагига ханжар санчилгандек сесканиб кетди. Бехуш ерга йиқилди.

МОСКВА

Крамаренконинг қалбига ғам ва ташвиш қуюндеқ ёпирилиб кирди. Бундай бўлишини кутмаганди. Ёши бир жойга борганида ҳамкасларининг маккорлик ва найранг ишлатишларини ақлига сифдиромасди. Виталий Дмитрович барча гаплардан огоҳ бўлгани, қариянинг қўйнига илондек кириб, сир-синоатини билib, бошлиғига айтгани ҳам маълум бўлди. Ҳа, Виталий ўта усталик билан иш тутди. Ёш боладек алдади. Пётр Ивановичнинг назарида собиқ сафдоши унинг барча режаларидан хабардор эди. Фақат хурмат юзасидан «сен оғайнинг унутиб қолдирган бойликни олиб ўтмоқчисан» деб юзига айтмади, холос. Аммо айтгандан баттар қилди. Пётр Иванович контразведка биносини қалбида алам ва нафрат билан тарқ этди. Юрагини бирор қўли билан шафқатсизларча фижимлаётгандек туюлди. Ҳаво етишмаётгандек ҳансираф, ҳал-

лослаб нафас оларди. Хаёл уни турли күчаларга олиб киради. Кўз ўнгидан Афғонистоннинг қинғир-қийшиқ күчалари, бомба остида харобага айланган ва бағрида каттагина бойликни яшириб ётган банк биноси кетмади.

Крамаренко уйига келганида ҳам юрагидаги санчиқ босилмади. Аччиқ ва аламли ўйлардан қутула олмади. Шунча қилган саъй-харакатлари охир-оқибат барбод бўлди. Қайтанга қийналгани, қувонгани-ю азоблангани қолди. Скворцов бу ҳақда нима деркин?! Афғонистонга ўтиш режаси барбод бўлганини эшитса, унинг хаста юраги бунга бардош бера олармикин?! Бир ҳисобдан унинг эшитгани, ҳақиқатни билгани маъқул.

Пётр Иванович ўрнидан турди. Гўшакни қўлига олиб рақамларни терди. Ефим Егоровичнинг уйкуси-раган синиқ овози эшитилди.

– Қандай хушхабар?

Дабдурустдан режаси барбод бўлганини айтишга Пётр Иванович қийналди. Аммо ўзи сезмаган ҳолда:

– Ишлар чаток, дўстим, – деб оғзидан гуллаб қўйди.

– Нега, нима бўлди? – шошиб сўради Ефим Егорович.

Пётр Иванович мақсадга кўчди:

– Афғонга ўтиш режаси барбод бўлди.

– Рухсат беришмадими ёки ўзинг айнидингми?

Пётр Иванович ўз обрўсини ва хурматини сақлашни яхши биларди. Бошқарма раҳбари унга ижозат бермаганини айтишни истамади.

– Соғлиғим чатоқ.

– Тушунмадим, нима бўлди?

Пётр Иванович безовта юрагининг устига қўлини қўйди:

– Юрагим чатоқ.

– Ёрдам керакми?

- Раҳмат, ўтиб кетади...
- Сенга кўп маротаба даволан, деб айтганман...
- Ташибланма, ўтиб кетади.

Пётр Ивановичнинг кейинги гаплари тилида қолди. Ҳақиқатан ҳам юраги боягидан қаттиқроқ урас, вужуди ҳолсизланиб, оёқ-қўлларини совук тер босди. Нафас олиши қийинлашди. Оғзини очиб, ҳаво симирди. Қўлидаги гўшакни ушлаб туришга ҳам ҳоли қолмай тушириб юборди. Скворцов дўстининг лоқайдилигидан шикоят қилиб ҳамон койирди. Энди унинг гапларини Крамаренко эшитмасди.

Петяниң жавоб бермаётганидан Скворцов қўркиб кетди. «Петя, Петя» дея баланд овозда қичқирди. Кейин гўшакни жойига илиб, костюмини елкасига ташлаб ташқарига отилди... «Нима бўлдийкин? Ишқилиб, уйида хотини бормикин? Ўлиб қолмаса бўлгани» дея кўнглидан ҳар турли ўйлар ўтарди. Ўчакишгандек йўловчи машиналар қариянинг ишорасига тўхтамади. Бир амаллаб «Жигули» ҳайдовчисини Будённий кўchasига ташлаб қўйишга зўрға кўндириди. Аксига олгандек машина имиллаб юради. Ефим Егоровичнинг юраги тарс ёрилаёзди. Амаллаб манзилга етиб келди. Қария кабинадан тушибоқ Крамаренконинг уйи томон югурди. У ҳансира, терга ботиб тўртинчи қаватга кўтарилди. Эшик ичкарисидан қулфланган. Кўнфироқ тугмачасини босди. Овоз келмади. Ичкарида Петяниң ўзи. Хотини йўқ, юраги ушлаб қолган бўлса беҳуш ётган. Ефим Егорович баттар ташвишга тушди. Айни чоғда нима қилишни билмай боши оғриди.

«Қайдан ҳам хазина тўғрисида унга айта қолдим» дея ўзини-ўзи лаънатлади чол. У елкаси билан эшикни итарди. Оёғи билан тепди. Кўп бор уринишдан кейин эшик очилиб кетди.

Пётр Иванович дераза олдидаги креслода бошини сүянчиққа ташлаганча ётарди, телефон гүшаги пастда, оёғи остида осилиб турар, ундан ту-тулаган овоз әшитилиб турарди.

— Петя! Петя! Тирикмисан?! — қичқирди Скворцов.

Бироқ генералдан жавоб бўлмади.

Ефим унинг олдига борди ва пойига тиз чўқди. Дўстининг қўлларидан тутди. Танаси музлаб қотиб қолганини билди-ю, ўкириб йиғлаб юборди...

Пётр Ивановичнинг вафотидан кейин Ефим Егорович чиндан ҳам ёлғизланиб қолди. Танҳолик ич-етини каламушдек кемирар, азобларди. Ўша лаънати хазина ҳақида оғиз очганидан пушаймон бўлди, дўстининг ўлимида айбдордек ҳис этди ўзини. Энди хазина ҳақида мутлақо ўйламасликка, уни унутишга уринар, афсуски бунинг уддасидан чиқа олмасди. Ўчакишгандек кечалари тушларига кирар, хазина билан боғлиқ тушлар кўрар ва чўчиб уйғониб кетарди. Қоп-қоронги хонада, кўзларини шифтга қадаганча хаёл сурив кетарди. «Хазинанинг тақдири нима бўлади? Бўрон қаерда? У ҳаёт бўлса, собиқ командирининг топширигини бажариб, хазинани олиб ўтса, кимга топширади? Қоп-қоронги хонанинг қайсиdir бурчагида кўзга кўринмас одам унга шундай саволларни берарди. «Умидимни уздим, бошида насиб қилмаган нарса охирида ҳам буюрмади» дерди бунга жавобан Скворцов.

Ефим Егорович учун дўстсиз яшаш азоб эди. Кундан-кун уйидан ташқарига чиқмасди. Эрталаблари пастга тушар, дўкондан бир-икки шиша вино олиб чиқиб тўйгунча иchar, маст бўлиб қўшиқ куйлар, йиғларди. Дард-алам уни чирмовуқдек ўраб, ҳолсизланган юрагини темир бармоқлари или эзғилаб азобларди. Охир-оқибат Ефим бетоб бўлиб, ўрнидан

туришга ҳам ярамасдан ётиб қолди. Шифокорлар-нинг дори-дармони ҳам унинг хаста танасига аввалги тетикликни қайтариб беролмади. Шу ётганича қайтиб турмади. Қирқ кун деганда вужудини қийнаб, азоблаған, ичини чўғдек ёндирган оғриқ ва азоблардан фориғ бўлди... Ўлимидан аввал ботаётган қуёшга бокишга куч топди. Узоқ термилди. Кўзининг икки четидан сизиб чиққан ёш ажин босган ёноқларини ювиб тўшакка томди. Куруқшаган ва оқариб кетган лабларидан учеб чиққан сўз шу бўлди: «Раббим, шу қуёшнинг чиқишини эртага ҳам кўришни насиб айлагин».

Кўёш эртаси қуни ҳам ҳар доимгидек уйғонди. Скворцовнинг учинчи қаватдаги хонасининг деразаларидан мўралади. Олтин ёғдуларини сочди. Бироқ унинг шаффоф нурларини томоша қилиш қарияга насиб қилмади.

ЮРТДА

Ўз ишини бажариб бўлган Чўтири тонг ёришмай, Олмаотага жўнади. Олим юраги ҳувиллаб, яна шаҳарда қолди. Тўс-тўполон босилгунча уйида яшириниб ётишни маъқул топди. Номаълум шахслар Фиёсовни уйида бўғизлаб кетишгани тўғрисидаги хабар тонг ёришмай бутун вилоятга ёйилди. Шаҳарга кирадиган барча йўлларга кучайтирилган милиция постлари қўйилди. Машиналар назоратга олинди. Олимнинг хаёлига турли ўйлар келиб, баттар асабийлашди. Капитаннинг уйидан топилган қулдон мелисаларнинг эътиборини тортдимикин?! Аҳамият беришган бўлса, Ҳамидни тутиб кетишган. Ахир қамалган одамнинг бармоқ излари экспертиза бўлимида сакланади. Дарров солиширишган. Шундай бўлгач, Ҳамид ҳибсга олинмасдан очиқда қолармиди?!

Тавба, терговда нима деркин?! Қотиллик қилганини тан олдиришади. Бундай одамларни тавбасигта таянтирмай қўйишмайди. Бошига итнинг куни тушади. «Сен ўлдиргансан, мана, қўлимиизда далилимиз бор» деб резина таёқ билан елкасига икки бор солишганда, бўйнига олишга мажбур бўлади. Олимнинг кўз ўнгига эгнидаги кийимлари йиртилиб, баданлари қўкариб ерда бехуш бўлиб ётган Ҳамид келди. Унинг аянчли ахволини кўз ўнгига келтириб жилмайиб қўйди. «Ха, қалайсан энди! Кўрпангга қараб оёқ узатганингда, ким билан ўйнашаётганингни билганингда, бизнинг йўлимииздан юрганингда эди, бошингга бу савдолар тушмасди. Турмада кўрган кунларинг ҳолва бўлади. Бошлиқнинг у ерда ҳам одамлари бор. Сени бир кундаёқ эшак минган мулладек қилиб қўйишади. Уларга ҳам қўрслик қилсанг, бўйнингни сапчадек узиб ташлашади. Сен қачондан бери ўзингдан юқори турадиган одамларга гап қайтарадиган, уларнинг топширигини бажаришдан бўйин товладиган бўлиб қолдинг? Қачондан бери ботир бўлиб қолдинг? Эргашбойга қарши туришга қандай ҳаддинг сифди?! Ахир унга катта одамлар ёрдам беришмоқда. Кучли одамлардан таниши етарли. Сен ўзи кимсанки, мелисалар гапингга ишонса?»

Бу гапларни Олим худди рўпарасида Ҳамид тургандек овоз чиқариб, фижиниб, нафрат билан айтди. Кутимаганда хаёлига «борди-ю, қулдонни таниб, унга қаратса улоқтирганини эслаб, «бу Олимнинг иши» деб бўлиб ўтган воқеани терговчига сўзлаб берса-чи?! Унда қилган тоат-ибодатларим чиппакка чиқмайдими?» деган ўй келди. Юраги увишди.

Шомга яқин одамларидан бири ҳовлиқиб кирди.

– Ҳамидни мелисалар тутиб кетишибди, – деди ҳаллослаб.

— Нимага? — ранги қув ўчган Олим буни атайлаб, гүёө ҳеч нарсадан хабарсиздек сўради.

— Мелисани ўлдирғанмиш!

— Қайси мелисани?

— Фиёсовни!

— Бу хабарни кимдан эшийтдинг?

— Бутун шаҳарда дув-дув гап!

Олим бирдан хомуш тортди. Кўз олди қоронfilaшиди, кўнглининг бир четини ваҳимали ўйлар ўртади.

— Менга қара, Вали! — деди у одамига. — Мен Тошкентга кетяпман. Эртага Комил келади. Бирга бўлинглар. Аҳмаджонга айтиб қўй, оғзим бор деб ҳар жойда гуллайвермасин. Тилини суфуриб оламан. Бошқаларнинг ишига тумшугини сукмай, ўзига топширилган вазифани удаласин.

Олим ташқарига чиққанида қуёш тоғларни лола рангга бўяганди. Ҳали қор тушмаган тоғ чўққиларига алвон шуъла сочиб турибди. Шаҳарга фира-шира қоронфилик чўқди. Олим одамлар назарига тушмасдан ўзининг янги манзили томон ошиқди...

Шу жойда воқеанинг давомини кейинга қолдириб, муҳтарам ўқувчиларимизнинг эътиборини яқин ўтмишда бўлиб ўтган бир воқеага қаратишни лозим топдим. Зеро, ҳалқимиз ҳеч қачон, ҳеч вақт ёмон ниятли кимсалар билан муроса қилган эмас. Ёшларимизни алдаб, бизга ёт бўлган оқимларга қўшилиб кетишида **баҳтилизни**, иқболимизни, истиқболимизни кўролмаган ичи қора, фаразгўй кимсаларнинг қўли борлигини билишларини истардим.

ЯҚИН ЎТМИШГА НАЗАР

1970 йилнинг охирларида хорижий маҳсус хизмат маҳкамаларидан бирининг Ўрта Осиё мамлакатлари билан ишлаш бўлими ходими Генсберг бошлиқларидан расшифровкаланган телеграмма олди. Унда шундай сўзлар битилган эди.

«Водийнинг аҳоли зич яшайдиган шаҳар ва қишлоқларида турли сабабларга кўра бедарак кетган 4-5 ёшли ўғил болаларнинг суратларини ҳамда уларнинг ота-оналари тўғрисида маълумот тўплаб зудлик билан ҳужжатларни марказга жўнатинг».

Ёш ходим топшириқни олган заҳотиёқ ишга киришди. Ўзининг одамлари билан ҳамкорликда водийнинг бир қанча шаҳар ва қишлоқларида бўлиб, бедарак кетган болалар тўғрисида маълумот йиғишига киришди. Уларнинг суратлари, таржимаи ҳоли, ота-оналарининг исм-шарифларини ўрганди. Қисқа муддатда анчагина фактлар йиғиб бошлиқларига етказди. Йиғилган маълумотлар маҳкаманинг темир сандигида узоқ йиллар қолиб кетган бўлса-да, унтилмаганди. Вақти-вақти билан кўздан кечирилиб, йўқолганларнинг кейинги тақдири тўғрисида олинган янги маълумотлар билан тўлдириб борилди. Орадан йигирма йил ўтиб, яна темир сандиқ очилди ва йўқолган болаларнинг ҳужжатлари кўтарилди. Бўлим бошлигининг Чегечи билан бўлиб ўтган қисқа, аммо муҳим учрашуви бунга сабаб бўлди. Бунга учрашув чоғида Чегечи ашаддий террорчи, ақидапараст, айни чоғда қўл остида нафас олиб турган Эргашнинг сафи ни тўлдирадиган йигитлар камлиги устидан шикоят қилгани сабаб бўлди.

- Вақт ўтмоқда, – узокдан гап бошлади Чегечи.
- Ўтаётган кунлар бизнинг елкамизга қўниши мум-

кин бўлган баҳт қушини хуркитиб юбориши мумкин. Ўзингизга маълумки, собиқ Иттифоқнинг биз кўз тиккан республикалари ўзининг сабит йўлини танлаб олмоқда. Хуқумат халқнинг келажакка бўлган ишончини мустаҳкамламоқда. Эргашнинг қўли билан биз узоқ йиллар мобайнида кўзлаб юрган, аммо шу пайтгача амалга оширолмаган ишларимизни бажаришмиз лозим эди. Бироқ унинг қанотига кирадиган, мадад берадиган ёшлар йўқ ҳисоби. Борлари муқаддам турли айбловлар билан қамоқҳоналарда ўтириб чиқсан. Ишониб бўлмайди уларга. Хоҳлаган пайтда Эргашни ташлаб кетишлари ёки ўлдириб юборишлири мумкин.

— Мақсадингиз ёшларни жалб этиш, шундайми? — Генсберг Чегечининг ниятини тушунди.

— Уларни Афғонистонда тарбияламоқчимисиз?

— Мутлақо ҳақсиз. Йўриқчиларим ишсиз қолмоқда. Ахир Эргашга лагерни бекорга очиб бермаганман. Бир ҳовуч одамларига ойига икки миллион доллар сарфламоқдаман. Пуллар кучини кўрсатадиган вақт келди!

— Эргашнинг юртдаги одамларидан фойдалансангиз бўлмайдими? — деди Генсберг сұхбатдошининг мақсадини тушуниб.

— Баҳтга қарши, улар ортларидан ёшларни эргаштира олишмаяпти. Кўпчилиги собиқ маҳбуслар, мансабдан ҳайдалган раҳбарлар бўлгани сабаб ҳеч ким уларга ишонмаяпти. Шу мақсаддада ёрдамингиз керак.

— Кўлимдан келармикин?

— Содиқ одамларингиз бор-ку!

— Сиз назарда тутган одамларимнинг ҳаммасини унудиб юборганман.

Жавоб Чегечининг дилини ранжитди.

— Наҳотки ёрдам бериш кўлингиздан келмаса?

Генсберг узун бармоқлари билан иягини силади.
Унинг ҳозирги ҳолати нафақат чуқур ўйга толган,
балки ёрдам бериш қўлидан келмай афсус чекаётган
одамнинг қиёфасига ўхшар эди.

— Бир йўли бор!

Генсбергнинг бир оғиз сўзи қаршисида ўтирган Че-
гечининг юзларини ёришириб, кўзларини чақнатиб
юборди.

— Қулогим сизда, жаноб!

Махсус хизмат ходими кўйнидан бир неча дона су-
рат олиб, Чегечининг кўлига тутқазди.

— Танишиб чиқишингиз мумкин!

Чегечи узатилган расмларни худди бебаҳо бойлик-
дек эҳтиёткорлик билан қўлига олди. Оддий қофозга
туширилган суратларни томоша қилас экан, ҳеч нар-
сага тушунолмай елка қисди.

— Оғзидан сути кетмаган бу гўдаклар менга ёрдам
бермоқчими? — аччиқлангандай деди.

— Болаларнинг ҳаммаси ўтган асрнинг етмишинчи
йилларида турли сабабларга кўра бедарак йўқолган.

— Йўқолган? Мен уларни излашим керакми?!

— Аччиқланманг, ҳозир тушунтириб бераман.

— Бу болалар шу кунгача ота-оналарининг бағри-
га қайтмаган. Бошқа шаҳарларда яшашмоқда. Ҳатто
туғилган жойларини, ота-оналарининг кимлигини
ҳам билишмайди.

— Сўзларингиз сирли, — Чегечи ниманидир тушун-
гандек бўлди.

— Ҳозир буларнинг ёши ўттиз беш, қирқда.

— Тўрт-бешта йигит билан одам сонини кўпайти-
риш мумкин деб ўйласангиз янглишасиз!

Генсбергнинг жилмайган юзида «мунча ҳам шош-
қалоқсиз» деган маъно зуҳур эди.

- Бу йигитларнинг ҳар бири эллик-олтмиштадан ўспириналарни Эргашнинг лагерига етказиб беради.
- Наҳотки?
- Биз ўз йигитларни тадбиркор ва ишибилармон қиёфасида сиз айтган жойларга ташлаймиз.
- Агар улар Эргашнинг сафини тўлдирадиган бўлишса, мен сиздан умримнинг охиригача қарздорман!
- Унда ўзингизни каминадан қарздор деб ҳисоблайверинг!

Чегечи яхши кайфиятда уйига қайтиб келди. Ҳар куни Генсбергдан хушхабар кута бошлади. Бироқ у сувга чўккан тошдай жим эди. Аслида маҳфий хизмат маҳкамасининг ходими ишга киришганди ва орадан ҳеч қанча фурсат ўтмасдан одамларидан айримлари ни топширикни бажариш учун водийга жўнатганди...

Улардан бири қишлоққа келди ва айтилган манзил эшигини тақиллатди. Етмиш ёшлардан ўтиб қолган қария оstonада турган йигитга бир муддат тикилиб турди. Келгувчининг чеҳраси унинг кўзларига иссиқ кўринди. Ҳаяжондан юраги типирчилади.

- Келинг, ўғлим... – зўрга тилга кирди чол.
- Шокирjon бува сизми?
- Шундай...
- Мен олисдан келдим.
- Марҳамат, ичкарига юринг.

Меҳмон тортинмади, ҳовлига киришди. Қария сўрига жой қилди, дастурхон ёзди.

– Эшитишмга қараганда, ўттиз йил аввал ўғлингиз бедарак йўқолган экан, шу гап ростми?

Чолнинг нур кетган кўзларида умид учқуни ялтиради.

- Бу хабарни кимдан эшитдингиз, бўтам?
- Меҳмон саволга эътибор бермади.
- Ўғлингизнинг исми Холдоржонмиди?

— Шундай, — қариянинг юраги ниманидир сезгандай боягидан кучлироқ дукиллади.

— Раҳматликка исмни бобоси қўйганди.

— Ўғлингизнинг баданида қандай белгилар бор эди, эслайсизми?

Чолнинг кўзларида ёш ҳалқаланди. Хаёли олисларга кетди. Назарида меҳмон йигирма йил мукаддам бедарак, ном-нишонсиз кетган фарзанди тўғрисида хабар олиб келгандай эди. Ҳаяжондан гапиролмасди, белгисини айтса, фарзанди топиладигандай туюлаверди. Нихоят, тилга кирди.

— Белининг пастроқ кисмидаги нўхотдек холи бўларди, кейин қўлтигининг остида чандиқ бор эди...

Чол бу гапларни қийналиб айтди ва кейин йигитдан жавоб кутиб, унга термилиб турди. Меҳмон ўрнидан кўзғалди. Кўйлагининг этагини кўтариб белидаги холни кўрсатди.

— Сиз йўқотган Холдор менман, дада!

Чолнинг кўкрагини қисиб келаётган оғриқ ҳаво тўлдирилган шардай ёрилди. Ўкириб йиғлаб юборди. Кўз ёшлари серажин, соқол босган юзига оқиб тушарди. Холдор чолни маҳкам қучоқлади.

— Болам, наҳотки сени ўнгимда кўриб турган бўлсан?

Ота боласини йўқотиб қўядигандай узоқ вакт бағрига босиб йиғлади. Бу орада изламаган жойи, бормаган идораси қолмаганини айтди. Йўқолган боланинг қайтиб келгани тўғрисидаги хабар бутун қишлоққа овозда бўлди. Чолнинг яқинлари ва таниш-билишлари, кўни-кўшнилар кўргани келишди. Шокиржон бува кўрадаги қўйлардан бирини сўйиб, юртга ош берди.

— Онанг раҳматлик сенинг дардингда кўп азоб-уқубатлар чекиб, юраги эзилиб, беш йил илгари қазо қилди. Хайрият, Яратган эгам бизга дийдорингни кўрсатди, — дейишиди қариндош-уруглар.

Холдор ўзини Россиянинг узоқ шаҳарларидан бирiga бориб қолгани, ҳозирда тадбиркорлик билан шуғулланаётганлигини, ўнга яқин дўконлари, кичик корхоналари борлигини айтиб, кўпчиликнинг оғзини очириб қўйди. Хоҳловчи йигитлар бўлса, олиб кетиб фирмасидан иш топиб беришини ҳам маълум қилди. Тенгдошларининг айримлари унга ҳавас қилишиди. Бирга кетмоқчи бўлганлар чиқди. Тез орада Холдорнинг ён дафтарчасида ўзи танлаган йигирмага яқин йигитларнинг рўйхати пайдо бўлди. Йўлга чиқиш арафасида у отасига йигитни ишга жойлаб, қайтиб келишини айтди. Шу тариқа йигирма нафар йигит кечки пайт шаҳар темир йўл бош бекатидан поездга чиқди.

ИСТАНБУЛ

Ҳасан ташқарига чиққанида дилига қоронфилик чўқди. Дўхтиrbейнинг саволларини қайта-қайта эслади. Назаридан унга мутлақо ўринсиз саволларни берганди. Наҳотки Чегечи шубҳаланган бўлса? Ҳасаннинг кўнглига чўккан фашлик уйга етиб борганда ҳам тарқамади. Хавотири ошиб, юраги гурсиллаб тепарди. Бир кўнгли хизматкорга телефон қилиб, бўлиб ўтган воқеадан уни огоҳ этгиси келди. Бироқ «изимдан кузатиб келишаётгандир», деб аҳдидан қайтди.

Уйда Гўзал унинг йўлига кўз тикиб, кеч қолганидан хавотирга тушиб ўтиарди.

— Хўш, отам нима дедилар? — сўради йигитни кўриши билан.

— Гаплашдим, иш эртага ҳал бўладиган бўлди.

— Жуда яхши, кўрдингми, отам илтимосимни ерда қолдирмабди. Худо хоҳласа, сени ишга жойлайдилар. Бироқ далаҳовлимизга жўнатиб юборишмасин-да.

— Дала ҳовлиларинг йироқми?

— Шаҳардан эллик чақирим олисда.

— Ҳа, анча узоқ экан.

— Қорнинг очгандир?

— Негадир иштаҳам йўқ.

— Тентак, оч юрсанг касал бўлиб қоласан.

Гўзал ошхонадан овқат олиб кирди. Ҳасан енгилгина тамадди қилди. Ёмон кайфият уни бари бир тарк этмади.

— Нимадандир хафасан, айт, нима бўлди?

Ҳасаннинг юзига сохта табассум ёйилди.

— Узоққа кетиб қолсам сени кўролмайман деган ташвишдаман.

Гўзал эрқаланиб йигитнинг елкасига бошини қўйди.

— Сенга хушхабарим бор...

— Эшитаман.

Киз йигитнинг қулоғига шивирлади.

— Ҳомиладорман...

У қизни маҳкам қучоқлаб бағрига босди.

Эрталаб Чегечининг икки нафар соқчиси Ҳасанни олиб кетди. Гўзалнинг «мен ҳам бирга бораман» деган гапига қулоқ солишмади. Машина ярим соатлик масофани ортда қолдириб, денгиз бўйидаги ҳашаматли бино рўпарасида тўхтади. Хизматкорлардан бири дарвозани очди, машина ичкарига кирганида Ҳасаннинг кўзи мармардан ишланган икки қаватли бинога тушибди. Шунда йигитнинг кўнглидаги хавотир бир оз тарқагандек бўлди. Лекин ичкарида Чегечи кутаётганини билмасди...

— Келдингми? — Чегечининг юз-кўзлари совуқ ялтиради. — Сенинг кимлигинг менга аён бўлди. Билиб кўй, тўғри сўз, айбига иқрор бўлган одамларни ёқтираман ва уларнинг гуноҳларидан кечаман. Саволларимга тўғри жавоб бер.

Чегечининг сўзлари Ҳасаннинг юрагига мих қоққандек таъсир қилди. «Ким сотган бўлиши мумкин? Наҳотки Гўзал сезиб, отасини хабардор қилган бўлса?» деган ўй кўнглидан кечди. Ўзининг туриши, афт-ангори, сўзлари ва кўзлари билан қаршисидаги одамнинг шубҳа-ю гумонларини парчалаб ташлаш лозимлигини ҳис қилди.

- Кулогим сизда, бейим?
- Бу ерга кимнинг топширифи билан келгансан?
- Ишлагани.
- Нима иш бажаришинг керак эди?
- Ҳар қандай ишни уддалайман, боғбончилик ҳам кўлимдан келади, бейим.

Чегечи олдида турган чойнакни зарб билан улоқтириди. Идиш деворга урилиб парчаланиб кетди.

– Муғомбирлик қилма, нима мақсадда келганингни мен аллақачон сезганман! Айт, ким сени жўнатди, нима мақсадда?!

Ҳасан Чегечининг кўп нарсалардан бехабарлигини сезди.

- Иш излаб келдим, бейим. Очлик, қашшоқлик сизнинг юртингизга келишга мажбур қилди.
- Тўғри жавоб бермасанг, гўштингни майда-майдада қилиб балиқларга ташлайман. Бу ҳақида сени огохлантиргандим!

Эшик олдида иккита соқчи бошлиқнинг ишорасига маҳтал туришарди.

- Нима мақсадда бундай савол бераётганингизни тушунмадим, бейим?
- Ўзингни овсарликка солма! Тушунмаган бўлсанг, ҳозир йигитларим яхшилаб тушунтириб қўйишади!

Чегечи фазаб учқуни чақнаган кўзларини соқчиларга қадади. Улар хўжайиннинг мақсадини тушунишди. Бири газли олов пуркагични ёқди, иккинчиси

Ҳасаннинг кўйлагини йиртиб яланғочлади, қўллари-ни орқага қайирди. Соқчи учидан олов отилиб чиқа-ётган пуркагични унинг баданига яқинлаштириди. Ўт йигитнинг қорнини заҳарли илондай чақиб, чўғдай қиздириб, терисини куйдира бошлади. Иссикқа, оғриққа чидамай додлади, типирчилади. Лекин ортида қўлларини қайириб турган соқчининг омбурдай чангалидан қутулолмади. Инсоннинг аянчли оху зорлари, нолалари қулоғига чалинаётган иккинчи соқчи эса худди кар одамдай ҳеч нарсани кўрмаётгандай, ҳис этмаётгандай, қўлидаги олов пуркагични темирга тутиб тургандай бепарво эди. Бир кўзи хўжайинда бўлиб, унинг имосини кутарди. Қўлларини кўтарса ёки бошини ирғитиб қўйса бас, пуркагичнинг учини пастга туширади. Чегечидан ҳеч қандай ишора бўлмади. У худди кино томоша қилаётган одамдай бепарволик билан Ҳасанга тикилиб туарди. Нихоят, ўша ишора бўлди, Чегечи пашша қўригандай қўлинни ҳаракатлантириди. Соқчи ўзини четга олди. Чегечи тутқуннинг ёнига келди. Ҳасаннинг кўкрагидаги туклар қуйиб қорайиб, терисининг бир қавати арчилиб, гўшти чиқиб қолганди. Қон сизиб чиқарди. Чол унинг соchlаридан чангаллаб, оғриқдан буришиб кетган юзини ўзига қаратди. Уй эгасининг кўқимтирик кўзларидан «хўш, энди айтарсан» деган маънони уқди.

— Сени кимлар, нима мақсадда жўнатди?! — яна савол ташлади Чегечи.

Ҳасан қорнини чангаллаб, тилини тишлаб ингради.

— Ишлагани қелганман, бейим...

— Ё ўласан, ё ҳақиқатни гапирасан, иккисидан бирини танла! — Чегечи шундай деб яна соқчига юзланди. У энди қўлидаги олов пуркагични йигитнинг кўкрагига тўғрилади. Ҳасан чидаёлмади. Қаттикроқ бақириб юборди. Азобдан қутулишнинг йўли ҳақиқат-

ни тан олиш, Чегечининг оёғига йиқилишдан иборат эканлигини тушуниб етди. Бироқ қандай қилиб ўзини фош қиласди? Қай тил билан Ватан топширигини бажариш мақсадида келганини айтади? Ўлим азобидан кутулиш афзалми ёки ортда қолган Ватан топширигини бажариш шарафми? Ўлимдан қўрқиб сирни очса, хоин бўлиб ватандан тоңса, Чегечидек юртига кўз тиккан бузғунчи, фаламис, юртфурушнинг оёғига тиз чўкса, она Ватан уни кечирадими? Қай юз билан ортга қайтади? Ёки бир умр ватанфуруш бўлиб, Чегечининг оёғини ялаб ўтадими? Дилицан «ўлсам ўламан-ки, сирни фош этмайман», деган фикр ўтди.

Олов ҳамон гуриллаб кўкрагига бигиздек санчилаб, куйдириб, ичини қиздириб, терисини шилиб борарди. Йигитнинг азобларга чидаб туриши Чегечини ўйлантириб қўйди. Балки хато қилгандир, ахир жосуслигини исботловчи қўлида бирорта далилий ашё йўқ-ку. Биргина руҳшуноснинг хулосаси билан уни қийноққа солишим, азоблашим дуруст эмасдир? Ҳақиқатан ҳам жосус бўлганида бу қийноқларга бардош беролмаган, саволларига жавоб қайтарган бўларди.

Чегечининг хаёлига бундан ўн йил аввалги воқеа келди. Ўшанда ҳам худди шундай бўлган. Аёлнинг кўксидаги тиш изларига кўзи тушиб қолди.

– Бу қайси баттолнинг баданингда қолдирган эслалиги?!

Аёли эрини бир кун аввал уйга маст келганида тишлаб олганини айтди.

– Сендан бошқа ҳеч ким менинг баданимда из қолдирмайди!

Чегечи унинг сўзларига ишонмади. Кўз олдига соқчиси келди. Анчадан бери ундан гумонсираб юрганди. Аёлининг нолаларига қулоқ солмади. Ярим

тунда денгиз бўйига олиб бориб, қопга солиб тириклиайн сувга чўктириб юборди. Эртаси куни ўзига келиб қилган хатосини тушунди, аёлининг сийнасидағи кўкимтир доф ўзининг тишларидан қолганини эслади. Бироқ у қилган ишидан пушаймон бўлмади. Ҳозир ҳам қаршисидаги йигитнинг айбсиз, ҳеч қандай асоссиз, руҳшуноснинг гапи билан жазолаётганидан пушаймон эмас. Назарида бундай қийноқ ва азобларга жосуслар ўрганиб қолишган, уларни шунга ўргатишган, қолаверса, улар хиёнат қилишдан ўлимни шараф деб билишади.

Чегечи соқчига, сўнг олов пуркагичга қаради. Назарида унинг кўли қалтираётгандай, пуркагични анча нарида тутиб тургандай, отилиб чиқаётган олов гумондорнинг баданига етиб бормаётгандай туюлди. Уни қўлига олиб, Ҳасаннинг дукиллаб ураётган ҳамда хиёнатни тан олишни хоҳламаётган юрагига тирашни истаб қолди. «Қани гапирмай кўрсинчи, топшириқ берганларнинг мақсадини айтмасин-чи, тириклиайн ёндириб юбораман» деб ниятлади ва у томон юрди. Аммо Чегечи етиб боролмади. Эшик очилди, ичкарига Гўзал кириб келди.

– Гўзал?! – Чегечи беихтиёр тўхтади.

– Дада, бу нима қилганингиз? Ҳозироқ бас қилинг!

Қиз югуриб келди-да, соқчининг кўлидан олов пуркагични тортиб олиб, деразадан ташқарига улоқтирди. Ҳасан хушини йўқотди. Соқчи чангалидан бўшатиши билан ерга йиқилди. Гўзал йигитнинг бошини тиззасига қўйди. Унинг нафас олаётганидан тириклигини билди. Соқчилар нима қилишни билмай бошлиқларига тикилиб туришарди. Кутилмаганда қизининг уйда пайдо бўлиши Чегечининг амалга ошиromoқчи бўлган режаларини барбод қилди.

– Нега келдинг? – ниҳоят тилга кирди у.

– Одам боласини шу қадар бемехрлик билан жазолайсизми, дада? Ундан кўра отиб ташласангиз бўларди-ку!

– У хоин, изимизга тушган жосус!

– Ҳамма сизнинг қўзингизга айғоқчи бўлиб кўринади. Уч ой бирга яшаб жосуслигини сезмадим. Бечора ҳар куни иш топсан деб шахар кезади.

Гўзалнинг сўзлари падарининг қаҳрини юмшатмади.

– У бари бир ўлимга маҳкум!

Гўзал сирини фош қилди.

– Мен ундан ҳомиладорман!

Чегечи бошига гурзи урилгандай қалқиб кетди.

– Сен ҳали никоҳсиз у билан бирга бўлдингми, ҳароми?! Иккингни битта қабрга тиқаман!

Чегечи яна нимадир демоқчи бўлди, аммо аламини ютиб ташқарига йўл олди. Ҳасан қўзларини очди, бир оз ўзига келганди. Гўзал унинг яраларини ювиб, малҳам суртиб, боғлаш лозимлигини тушунди.

Чегечи ташқарига чиққанида соқчига урилиб кетди.

– Нима қилайлик, бейим, буюринг?!

Маълум масофани босиб ўтиш давомида хаёлидан кўп нарсалар кечди. Нима қилса ҳам Гўзалнинг томирида унинг қони оқмоқда. Ҳасангә кўшиб қабрга тиқиши жигарининг бир бўллагини ўз қўли билан кесиб ташлаш билан баробар. Шу сабабли ўлдириш фикридан қайтди. У соқчининг саволини жавобсиз қолдириб, яна ичкарига қайтди.

– Агар Ҳасаннинг тирик қолишини истасанг, бир шартим бор, – деди. – Бугундан эътиборан у шу ерда яшайди. Ташқарига чиқадиган бўлса, қочишга уринса, бирорта одам билан гаплашса, соқчиларим ўша заҳотиёқ отиб ташлашади. Мен уларга шундай буйруқ бераман! Сен эса бу ерга қадам босмайсан!

Чегечи қизининг жавобини эшитмай орқасига қайтиди. Отаси қўйган шарт ўлимдан оғир эканлигини билган Гўзал йиглаб юборди.

ЮРТДА

Жиноят қидирув бўлими тезкор ходими Алишер Убайдуллаевнинг хонасига криминалист, экспертиза бўлимининг бошлиғи Раҳимов кирди. У қўлидаги дактилоскопик экспертиза хulosасини майорнинг столига кўйди.

– Марҳумнинг уйидан топилган сигарета кулдонидан Ҳамиднинг бармоқ излари топилди.

– Қайси Ҳамиднинг?

– Ҳамид Рустамовнинг. Муқаддам ўғрилик билан икки бор судланиб ўтириб чиқсан!..

Алишер Убайдуллаев уни яхши танирди. Юмалоқ, оқ-сариқдан келган юзини кўз олдига келтирди.

– Унинг қотиллик қилганига ишонмайман! – деди.

– Кулдон ташқарисида факат Ҳамиднинг бармоқ излари топилди. Фиёсовнинг бармоқ излари эса кулдоннинг ичкарисида.

– Бу билан нима демоқчисиз? – ажабланди изкувар.

– Мени бир нарса ўйлантиряпти, – деди Раҳимов вазминлик билан. – Бармоқ изларининг жойлашуви га қараганда, Рустамов кулдонни бир маротаба ушлаган. Ушлаганда ҳам чангллаган...

– Балки Фиёсовни кулдон билан урмоқчи бўлгандир?!

– Бўлиши мумкин, аммо Рустамовнинг изи бошқа жойдан топилмади.

– Демак, қотилликни Рустамов содир этган дейишга асосимиз бор.

— Бу ҳали аниқ эмас, тергов жараёнида қотилликка аниқлик киритилади, — деди Раҳимов.

Убайдуллаев ички телефон гўшагини кўтарди.

...Ҳамид туни билан терговчининг қора курсисида ўтириб чиқди. У қотиллик содир этилган тун ишхонасида бўлганини, тунги соат ўн иккиларда чиқиб кетганини айтса-да, терговчи Кўчкоров унинг сўзларига ишонмади. Унинг шубҳаси асосли эди. Суд-тибий экспертизаси «Фиёсов тунги соат бирлар чамасида ўлдирилган» деган хулоса берди. Капитаннинг хотинидан ҳам шундай кўрсатма олди. Шу сабабли терговчи айбланувчининг сўзларига шубҳа билан қаради. Ишга алоқаси бўлмаган бемаъни саволлар бериб, кейин бошқа одам қиёфасига кириб, Ҳамидинг фикрини чалғитишига уринар, қийноққа солар, айбига иқрор бўлишни маслаҳат берарди.

— Сен мени лақиллатма. Сенга ўҳшаганларнинг кўпини сўроқ қилганман. Тўғрисини айт. Айтмасанг, бор ҳақиқатни яширсанг, отиласан! Сен ўз шерикларинг билан Фиёсовнинг уйига бостириб кириб, ундан пул талаб қилгансан! Капитаннинг хотини буни тасдиқлайди. Буни инкор қилолмайсан?! Кўлимизда далилий ашёлар етарли, — дея Ҳамидинг юзига тупук сачратиб ўшириди Кўчкоров. — Яна бир бор огоҳлантираман, айбингта иқрор бўл, менга ҳаммасини сўзлаб бер. Фиёсовни ўлдирганим тўғри, де. Унутма чин дилдан иқрор бўлсанг, суд буни хисобга олади. Хўш, унинг уйига кимлар билан кирдинг. Шерикларинг кимлар?!

Ҳамид жазавага тушган терговчининг сўзларини эшитмаётгандек қимир этмади.

— Ҳой бола, кўзларимга қара, Фиёсовга нисбатан юрагингда адоват бор эди, шундайми? Ўша адоват қасосга айланган, оқибатда уни қасдан ўлдиридинг, тўғрими?! Гапир!

Бундай саволлар Ҳамиднинг асабини баттар қақшатар, пешонасига шундай чаласавод, қўрс терговчи тушганидан надомат чекди. Ўзининг тўғри ва рост сўзларига ишонтира олмаслигига ақли етди. Шуни ўйлаб жим ўтиришни лозим топди. Айбланувчининг жим ўтириши терговчининг гумон ва шубҳаларини баттар кучайтирди.

— Баракалла, ўйляяпсанми? Ўйла, хаммасини эсла. Фиёсовнинг ҳовлисига ким билан кирганинг, ойлик иш ҳақи билан тирикчилигини тебратадиган капитандан қанча пул талаб қилганингни эсла!

Тепакал, кўз томирларига қон қўйилган, хонанинг дим ҳавосидан юзи бўғриқиб кетган Кўчқоров юмшоқ курсига суюнганича ўлжани пойлаб ётган қашқирдек Ҳамидга тикилиб ўтиради. Қайсар ва ўжар табиатли бу одамни гапиртириш, айбига иқрор қилдириш учун қўлида етарли далил йўқлигидан хуноб эди. Кўчқоров иш фаолиятида бундай «писмиқ»ларга илк бор дуч қелаётгани йўқ. Кўлига ишониб топширилган ишни аксари ҳолда ниҳоясига етказа олмай, бошқа терговчиларга ошириб юборган пайтлар ҳам бўлган. Икки йилдан бери раҳбарият мураккаб ва оғир жиноятларни тергов қилишни унга топширмай қўйди. Бўлимнинг тажрибали ходимлари таътилда, баъзилири хизмат юзасидан сафарда бўлгани боис, **Ҳамидни** сўроқ қилиш унинг чекига тушди.

Кўчқоров яна бошлиқларнинг ишончига кирдим деб ўйлади. Саккиз йилдан бери погонидаги тўртта наюлдуз яхлит биттага айланишига умид боғлади. Нафақага чиқишига ҳам оз қолган. Бундан ташқари, ёш, тажрибали йигитларнинг ишга келаётгани уни ташвишга. Жиноят ишини очишга тиши-тирноғи билан киришди. Ҳамидни айбига иқрор бўлишга кўп ундали. Алдади. Бироқ терговчи учун муҳим бўлган нарса

— киши рухини тушуниш, қалб кечинмаларини илгай олиш етишмасди унга. Аксинча, шахсиятга ботадиган қўйол муомала билан қаршисидаги айборни ранжи-таётганини ўзи тушунмасди. У биргина нарсани билади ва шунга қаттиқ амал қиласди: «Сен айборсан, қамалашинг керак!»

Кўчкоровнинг сабр косаси тўлди. Тонг ёришмоқда. Бундан ортиқ кутолмайди. Ахир ҳадемай бошлиқлар ишга келади, натижа сўрашади ундан.

— Ўйлаб бўлдингми? Ҳаммасини эсладингми? Қани, воқеани бир бошдан сўзлаб бер-чи? Фиёсовнинг ҳовлисига қандай кирдинг? Шерикларинг ким. эди? Фиёсовдан қанча пул талаб қилдинг?

Бу сўзлар Ҳамиднинг баттар ғашини келтириди.

— Мен Фиёсовни ўлдирмадим! — бошини кўтариб жавоб қайтарди гумон қилинувчи.

— Ўлдиргансан! — Кўчкоров чўғни босиб олгандек ўрнидан сапчиб турди. Зарб билан столни муштлади.
— Кўлимда сенинг қотиллигингни исботловчи далил бор!

Терговчи жаҳл аралаш тортмадан кулдонни олиб, айбланувчининг олдига қўйди.

— Бу идишда сенинг бармоқ изларинг қолган! Хўш, яна сенга қандай далил керак? Қилғиликни қилиб, яна ўлдирмадим дейсан-а, инсофсиз. Яхшиликча, мана бу қофозга қилган ишларингни, шерикларинг номини ёз!

Ҳамид кулдонни таниди. Қиррасидаги учган жойи кўзига иссик кўринди. Эслади: бу билан Олимнинг башарасига солганди. Аммо идиш қандай қилиб Фиёсовнинг хонасида пайдо бўлиб қолди? Ким уни қотиллик содир этилган жойга ташлаб қўйди? Ёки атайлаб уюштирилганми?! Ҳамиднинг боши қотди. Хаёлига келган фикрдан мияси ёришди. «Аблах, Олимнинг

иши бу. Қилғиликни қилиб, айбни менга түнкаш мақсадида Фиёсовнинг уйига ташлаб кетибди-да!»

Ҳамиднинг совуқ ифода акс этиб турган кўзини кулдандан узмай туриши терговчининг кўнглида «қалайсан, энди қўлга тушдингми» деган фикрни уйғотди.

— Хўш, энди ҳам айбингни тан олмайсанми? — жилмайиб деди Қўчкоров. Унинг титраб турган юзи ўзига бино қўйганини фош қилиб турарди.

Ҳамид бошини кўтарди. Ўзининг совуқ сўзлари билан нафсониятига тегаётган терговчининг саволига жавоб қайтаришни истамади.

— Йўқ, — деди вазминлик билан. — Мен сизнинг саволларингизга жавоб бермайман. Бошқа терговчи сўроқ қилишини талаб қиласман!

Бу сўз Қўчкоровнинг бошига тўқмоқдек урилди. Ҳамиша ўзининг қўпол сўзлари, столга мушт уриб ўшқиришлари билан гумон қилинувчиларни кўрқитишига ўрганиб қолган терговчи кутилмаганда Ҳамиднинг айниб қолганидан таажжубда эди. Айбланувчining қонуний талабини бажаришга рўйхушлик беришни истамади.

— Ҳозир бу ерда бекорчи ходим йўқ. Иннайкейин, бу жой сенга онангнинг қўраси эмас, истаган талабингни қўядиган, — деди пинагини бузмай.

— Унда мени Убайдуллаев билан учраштирангиз, — синиқ оҳангда илтимос қилди Ҳамид.

— Унга айтадиган қандай гапинг бор? Нима ҳакда сухбатлашмоқчисан? Ёки устимдан шикоят қилишни хоҳлаб қолдингми? Агар шундай нияting бўлса, билиб қўй, унга подчинённий эмасман!

Қўчкоров бу гапни айтишга айтди-ю, тилини тишлади. Бошқа терговчи талаб қилиб обрўсизлантиргандан кўра, Убайдуллаев билан учраштиргани афзал. Ҳар қалай бошлиқлар унинг талабини эшитиб қолгу-

дек бўлса, обрўсига путур етади. Ишни бошқа терговчига ошириб юборишлари мумкин.

— Олдин талабингни айт, кейин у билан учраштираман! — деди атайлаб овозини кўтариб Кўчкоров.

— Боя айтдим-ку, мен сизга кўрсатма бермайман деб! — қатъийлик билан сўзида туриб олди Ҳамид.

Капитан ичидан эзилди. Унинг талабини қондиришдан ўзга чораси қолмади. «Балки Убайдуллаев билан сұхбатлашса, фикридан қайтар. Алишер тўғри йўлга солиб қўяр. Бошқа терговчини хоҳламай қолар».

Ўзининг қўпол ва дағал муомаласи билан «қовун» тушириб қўйганини англаб етган Кўчкоровнинг хаёлидан шу фикр ўтди. «Бўш келсанг, салгина жилмайиб қўйсанг, булар бошингга чиқиб олишади. Бошқа терговчини талаб қилиш у ёқда турсин, озодликка чиқариб юбор деб даъво қилишдан хам қайтмайди. Чучварани ҳом санабсан. Сен ашаддий жиноятчисан. Айбингни исботлаш учун кулдоннинг ўзи етарли. Қани, гуноҳингни бўйнингга олмай кўр-чи? Сени осонликча бошқа терговчига топшириб юборадиган аҳмоқ йўқ. Булбулдай сайратайки, айбингга иқрор бўлганингни ўзинг билмай қоласан. Майли, ҳозирча Убайдуллаев билан учраш, зора эсинг кириб, фикрингдан қайтсанг!»

Кўчкоров ички телефон гўшагини кўтарди.

— Ўртоқ Убайдуллаев, салом. Бу мен, Кўчкоровман. Ҳа, раҳмат, сиз билан айланувчи Рустамов гаплашмоқчи. Вақtingиз борми? Билмайман, зарур гапим бор деяпти. Ишга оид бўлса керак-да! Хўп, кутаман!

Кўчкоров гўшакни жойига қўйди-да, кўз қирини Ҳамидга ташлаб қўйди. Ташқарида тонг ёришиб қолди. Уфқни алвон рангга бўяб қуёш кўтарил-

ган, дарахтларнинг сарғайиб олтин рангга бўялган япроқлари қизғиши тусга кирди.

Ҳамид ташқарига бокқанча ўйга толди. Олимнинг ўша кунги сўзларини хотирасида тиклашга уринди. Улоқтирилган кулдон ерга тушдими-йўқми, бунга аҳамият бермаганди. Идиш унинг қўкрагига, сўнг костюмининг ичига кириб қолганидан бехабар эди. У Олимнинг қўлидан ҳар қандай ёмонлик келиши мумкинлигини биларди. Аммо бу қадар пасткашлика боришини, ўз айбини бошқаларга ағдаришда пихини ёрган тулки эканлигини кутмаганди.

Эшик очилиб кўзлари шишинқираган, қовоқлари салқиган Убайдуллаев кирди. Майор Ҳамидинг рўпарасига ўтирди.

— Чекишга бирор нарсангиз борми? — сўради маҳбус.

Изқувар чўнтагидан бир қути сигарета олди.

— Ҳаммасини ола қолинг! Менда бор, — деди у сигарета қутисини айбланувчининг өлдига суриб.

— Сизга айтадиган муҳим гапим бор, — деди айбланувчи сигаретани ўт олдирап экан. Унинг бирдан жимиб қолганини сезган Убайдуллаев терговчига юзланди.

— Илтимос, бизни холи қолдирсангиз.

— Ўзингизни-я?! — ҳайратдан елка қисди терговчи.

— Қўлига кишан солиб кўяйми?

— Керак эмас, — рад қилди майор.

Ёлғиз қолишгач, айбланувчи Олим билан ўрталарида бўлиб ўтган сухбатни гапириб берди. Изқувар диққат билан тинглади. Айни Ҳамидга ағдариш мақсадида Олим кулдонни атайн ўзи билан олиб чиқиб кетганини тушунди.

— Нега буни келган кунингиз айтмадингиз?

— Кулдонни кўрганимда ёдимга тушди.

— Олимни қаердан топишимиз мумкин?

– Назаримда у уйида яшириниб ётган бўлса керак.

Изқувар ўша пайтнинг ўзида ёрдамчиларини олиб Олимнинг уйга жўнади. Бироқ уни топишолмади. Хотини эрининг икки кун илгари қаёққадир кетганини айтди. Олиб борилган тезкор қидирув ишлари на-тижа бермади. Бунинг устига, Ҳамидни қамокда ушлаб туриш муддати ҳам тугаган. Қўчқоровнинг ичини ит тирнади. Кутилмаганда терговнинг тугатилиши унга ёмон таъсир қилди. Ишни ҳаракатдан тўхтатиш тўғрисида топширик берган бўлим бошлиғига ўз норозилигини айтди:

– Сиз янглишяпсиз, ўртоқ подполковник. Фиёсовни ўлдирган мана шу. Қўнглим сезиб турибди. У ўзини оқлаш, қолаверса, муддатни чўзиш мақсадида бизни лақиллатмоқда. Эртага изоляторда сақлаб туриш муддати тугайди. Айбимни бўйнимга қўя олмадиларинг, мени чиқариб юборинглар деб дўқ-пўписа қиласди.

Иномов терговчининг сўзини жимгина тинглади. Қапитаннинг шошма-шошарлиги, айбдор қолиб, ноҳақ кимсанинг бўйнига қотиллик айбини қўйишига ошиқаётгани сабабини тушунолмай ҳайрон бўлди.

– Ҳамидни изолятордан чиқариб юборганимиз билан ҳеч нарса ютқазмаймиз. Факат бегуноҳ бир кимсани уч-тўрт кун ушлаб турганимиздан виждонимиз азобланади, холос. Қўнглим сезиб турибди, Ҳамидинг қотилликка мутлақо алоқаси йўқ. Ҳамма ишни Олим қилган. У бежиз яшириниб юргани йўқ! – деди Иномов.

Бу орада Убайдуллаев Ҳамид билан яна бир бор учрашиб, Олимни излаб топишолмаётганини айтди. Ҳамид рақибининг шаҳардан ташқарига чиқиб кетганигини айтди. Бироқ қаерга беркингани тўғрисида аниқ кўрсатма беролмади. Одамларидан бири Олим-

нинг кўлида ишлагани ёдига тушиб қолди. Ўша йигит унинг жонига оро кириши мумкин.

Ҳамид ишхонасига кўнғироқ қилди. Гўшакни йигитларидан бири олди.

– Шермат қаерда? – сўради.

– Яқинда шахарга тушиб кетди! – жавоб қайтарди гўшакни олган кимса.

– Зудлик билан топ! Ишхонада ўтирсин. Олдига одам боради. Айтган топшириқни бажарсан. Тушундингми?

Шермат Олимнинг шаҳар ташқарисидаги хуфиёна уйидан хабардор эди. Ҳар гал жиноят содир этгач, бир-икки ҳафта ана шу кулбасида яшириниб юрарди. Шермат кунига бир маҳал озиқ-овқат етказиб берарди. У Убайдуллаевга билганларини сўзлаб берди. Майор Шерматдан ўша бинони кўрсатиб қўйишни илтимос қилди.

– Олимнинг уйи шаҳардан олисда, – деди Шермат.

– Қирнинг орқа томонига жойлашган. У ерга бориши хатарли!

– Нега?

– Унинг қуроли бор!

– Қандай қуроли бор?

– Уч-тўрт турдаги қурол бор. Автомат, тўппонча, хатто қўлбола граната хам.

– У ерда неча киши бор?

– Қанча одам борлигини билмайман. Шаҳарда жиноят қилган шериклари ўша ерга бориб жон сақлашади...

– Шериклари ким? Биронтасининг исми ёдингдами?

– Йўқ, мен унинг шерикларининг исмини билмайман, аммо кўрсам танийман. Биттасини Эрмат деб чақиришарди. Илгари универмагда сотувчи бўлиб ишлаган.

— Бизга харитадан кўрсатиб бера оласанми ўша жойни?

— Ха.

Убайдуллаев пўлат сандиқчадан харита олиб стол устига ёйди.

— Мана бу сариқ рангли жойлар адирлик. Бу чизик канал, аммо ҳозир суви қуриб қолган. Бу томон эса Кирғизистон.

— Каналдан беш юз метр нарида чуқурлик бор. Унинг ичида пахсали уйча бўларди. Уларнинг ини мана шу уй, — деди Шермат харитадаги чизик ва рангларга тушунмай.

— Бизни ўша жойга бошлаб бора оласанми?

— Албатта!

— Унда ҳозир йўлга тушамиз!

Беш нафар тезкор гурух ходимлари ўтирган машина адир устида чанг тўзитиб кун ботиш томон кетиб борарди. Йўл нотекис бўлгани сабаб машина чайқалиб, кучаниб юрарди. Туяning ўркачини эслатувчи тепаликдан пастга тушишганда Шермат Убайдуллаевга:

— **Машинани тўхтатинг**, бу ёғига пиёда кетамиз, — деди.

— Ҳали узоқ юрамизми? — сўради ходимлардан бири атрофга кўз югуртириб.

— Бир чақиримча қолди...

Машина тўхтади. Ҳаммалари пастга тушиши. Шермат йўл бошлади. Такир қир бағрида қуриб қовжираб қолган ўтлардан ўзга ҳеч нарса кўринмади. Қуёш нуридан товланиб ётган олтин ранг тупроқдан иссиқ ҳовур кўтарилди. Улар ёмғир суви оққан ариқлардан, тупроқлари ўпирилган ҳандақлардан, чуқур жарликлардан ўтишди. Шермат яна изқуварларга юзланиб:

— Тепалик ортида, — деди қўли билан ясси қояни кўрсатиб. — Эҳтиёт бўлиш керак.

Изқуварлар тепаликка тирмашишди. Юқорилашган сайин эҳтиёткорлик чорасини кўришди. Майорнинг топшириғи билан ҳаммалари эмаклаб олишди. Тепага чиқишганда худди ҳовузга ўхшаш чукурлик кўринди.

– Олим уй ичида бўлса, шу томонга қараб ўтиради,
– деди Шермат.

– Нима сабабдан?

– Бошқа томондан одам келмаслигини билади. Бунинг устига дераза ҳам шу томонга қаратилган.

– Орқа томондан айланиб ўтадиган йўл йўқми?

– Фақат жар ичидан бориш керак.

– Жар чукурми?

– Икки терак бўйи келади. Олим хитланиб қолса қочади, биз эса уни кўрмай қоламиш! Муҳими, у ерда чиқадиган жой йўқ!

Изқуварлар жар ичидан бориш хатарли эканини ҳисобга олиб тўғридан юришга қарор қилишди.

– Хеч ким бошини кўттармасин! – ходимларига топшириқ берди Убайдуллаев. – Ҳаммамиз эмаклаб борамиш!

Ҳаммалари ерга қапишиб, эчкиэмардек ўрмалаб боришарди. Ернинг нотекислиги изқуварларни кўздан яширади. Улар уйга яқинлашиб келишди. Ичкаридан овоз эшигилмади. Ойналари синиб тушган деразага парда тортилган. Қия очиқ қолган эшикдан ичкари корайиб кўринади. Бунинг устига деразага парда тўсилган. Тарашадек қотган ерда оёқ изи кўринмайди. Убайдуллаев эшикка яқин келди. Жимлик. У қўлтиғи остидан тўппончасини олди. Шу пайт варанглаган ўқ овози эшигилди. Эшикнинг тахтасини ўпирб чиққан ўқ изқуварлардан бирининг сочини ялаб ўтди. Ҳамма ўзини ерга ташлади.

– Нега келдинг, Алиш?! – Олимнинг фазабли овози эшигилди ичкаридан. – Сенга минг маротаба айтган-

ман, изимга тушмагин деб. Энди ўзингдан кўр! Ажаллинг шу ерда битган кўринади! Яхшиликча кўпакларингни олиб, бу ердан туёфингни шиқиллатиб қол!

— Сен билан гаплашгани келдим! — изқувар бошини кўтарди ва катта-катта кўзларини дераза томон тикиди. — Мехмонни ўқ билан кутиб олишингни билмас эканман!

— Тулки, ҳалиям айёрлигинг қолмабди-да! Нимага келганингни биламан! Ҳамидинг лайчаси сенларни бу ерга эргаштириб келган!

Олим билан тортишиб ўтиришнинг мавриди эмасди.

— Менга қара, Олим, яхписи, қуролингни ташла! Таслим бўл, биз кўпчиликмиз! — деди Алишер.

— Аҳмоқ! Сен билан ҳисоблашишга йўл бўлсин. Армоним битта: сендан ўч олмай ўлиб кетишдан қўрқаман! Бу гапни илгари ҳам айтганман. Эсингдами?

— Ҳа, эсимда! Сенинг юракка ботадиган гапларингни унутиб бўлармиди! Мен ўртамиздаги гиналарни унутдим. Ўтган ишга саловат дейдилар-ку. Ташқарига чик, қуролингни ташла! Иккимиз одамларга ўхшаб гаплашайлик!

— Илондек авраяпсан-а?!

Бу орада гуруҳ аъзоларидан иккитаси деворни пана қилиб дераза олдига келди. Ойнаси синиб тушган тешикдан аччиқ тутун тарқатувчи мосламани ичкарига улоқтиришди. Бир зумда уй ичини қуюқ тутун босди. Олим ўқ узди. У бўғилиб, ўқчиб-ўқчиб йўталди. Бир неча дақиқадан кейин қўллари билан оғиз-бурнини беркитиб, ташқарига қоптоқдек отилиб чиқди, ўзини ерга ташлади. Икки изқувар унга ташланди. Олим уларни ўзига яқин йўлатмади. Тўппончасидаги ўқларни отиб тугатгани боис, изқуварларни оёқлари билан тепарди... Ердан тош олиб отарди. Изқуварлардан бирининг боши ёрилди. Қолган шериклари етиб келишди ва Олимни ўраб олишди...

ИСТАНБУЛ

Гўзалнинг «ҳомиладорман» деган гапи Чегечининг юрагига тиғдек ботиб, қулогига қўрошиндай қуюлиб қолди. Ўзини овутишга нечоғлик уринмасин, қўксидаги оғриқ ва қулокларига қуюлиб қолган сўзлар уни таъқиб этарди. Кечириб бўлмайдиган гуноҳи учун қизини қонга солиб, денгизга чўктириб юборишга ҳам тайёр. Ҳатто бунга бир-икки хезланди-ю, аммо қўли бормади. Чегечи узоқ бош қотириб, «ҳомиласини олдириш керак» деган қарорга келди. Гўзал таклифни рад этди.

— Ҳомиламни олдирмайман, вақт ўтган, иккинчидан, соғлигимга, кейинги фарзанд кўришимга ёмон таъсир кўрсатади!

— Унда бошқа йигитга турмушга чиқ. Иккимизни бу шармандалик балосидан қутқарадиган ягона йўл шу! Дунёнинг истаган мамлакатида тўйингни ўтказаман, — маслаҳат берди Чегечи.

— Мени ундан айирмоқчимисиз?

— У келгинди!

— Инсон!

— Эртами-индин ўлдираман!

— Ўша куни мени денгиз тубидан топасиз!

— Бу ишни ўзим аллақачон бажарган бўлардим, аммо онанг раҳматликнинг арвоҳи чирқиллаб, ўнгу тушимда безовта қилишидан ва берган ваъдамга хиёнат қилишдан кўрқдим.

— Сиз ҳар кимдан шубҳаланадиган бўлиб қолгансиз. Бегона одам кўзингизга жосус бўлиб кўринади. Гуё қадамингизни пойлаб юргандай тумолади. Нимадан кўрқасиз, дада? Кўрқадиган ишларга қўл урманг. Тинчгина савдогарчилигингизни қилсангиз, иккимизнинг тирикчилигимиз бинойидек ўтади-ку!

– Руҳшунос унинг жосуслигини исботлади!

– Қани ўша исбот? Қани далил? Қуруқ гаплардан ўзга асосингиз борми?

– У тажрибали руҳшунос, одамнинг гапларидан, қиёфасидан мақсадини билиб олади!

– Пулингизни олиш мақсадида шундай деган! Агар «Ҳасан ҳалол, меҳнаткаш йигит» деганда эди, сиз унга сариқ чака ҳам бермасдингиз. Аслида руҳшунос сизни алдаган. Гапим тўғрими?!

– Отангга шундай гапларни айтгани уялмайсанми?

– Мен хақиқат қарор топсин, бечора йигит бойликка ҳирс қўйган фолбиннинг уйдирма гапларидан жувонмарг бўлмасин дейман, дада! Агар Ҳасаннинг жосуслигини исботлайдиган заррача далилингизни кўрсатганингизда эди, уни ўз қўлим билан бўғиб ўлдирадим! Сизнинг бармоғингизга кирган зирачча менинг вужудумни қақшатади!

Гўзалнинг сўzlари Чегечини жиддий ўйга толдирди. Асоссиз Ҳасанни азоблаганидан илк бор вужудида оғриқ туйди. Қария қизига бошқа гапирмади, юрагида бир парча чўғ билан хонани тарк айлади. Назарида қизи ҳақдек туюлар, Гўзалнинг сўzlари Ҳасанга ўқилган хукмни жиддий ўйлашга мажбур қиласарди. Охир-оқибат гумон қилинувчини ўлдиришни кейинга қолдиришга қарор қилди. «Жосус бўлса шериклари излаб келади ёки ўзи қочишга уринади» деб ўйлади ва шу фикрда қолди. Бироқ иккинчи муаммо-чи? Уни қандай ҳал қилмоқ лозим? Никоҳсиз дунё юзини кўрадиган набирасининг тақдирини жиддий ўйламоқ даркор. Ўғилми, қизми туғилса, вақт ўтиб, улғайиб, элга танилганда шаънига маломат тошларини ёғдирадиган кимсалар топилмайдими? Ўша тошлар ҳосил қилган оғриклар вужудини оғритмайдими, бошини ҳам қilmайдими? Иснод ва шарманда гарчиликка қандай чи-

дайди? Кимdir бундай таъна-дашномларни кўтариб юриши мумкинdir, бироқ Чегечидай таниқли, ўзини ор-номусли деб билган одам бунга тоқат қилолмайди. Бу хабар Амирийнинг қулоғига чалиниб қолса, нима деб ўйлади? «Фарзандини йўлига сололмаган ота гуруҳни бошқаришга ҳақлими» деб таъна тошини отмайдими? Бу тавқи лаънатдан ҳимоя қиласидиган йўл топиладими? Наҳотки қизини қайдаги мардикор йигитга никоҳлаб берса?

Чегечининг ари уясидек фовлаган боши карахт бўлди ва ўзига маъқул бўлган йўлларни ахтарди. Хаёли жин кўчаларга ҳам кирди. Ўйлаб-ўйлаб «шаърий никоҳ ўқитиш керак, шугина мени тавқи лаънатдан сақлайди» деган адолатли қарорга келган қария бир хафтадан кейин қизи билан учрашди.

– Ҳаммасини ўйлаб кўрдим, қизим.
– Қарорингиздан қайтдингизми, дада?
– Қайтдим. Ҳасан мен ўйлаган йигитга ўхшамайди. Бироқ уни камида бир йил синаб кўришимга тўғри келади. Агар ишончимни оқласа, жосусликда қўли бўлмаса, бойликларимга, мол-дунёимга меросхўрлик қилишга ҳақли.

– Унда Ҳасанни уйимга қайтаринг.
– Шошилма, қизим, боя айтганимдек у синовда.
– Ахир...

Чегечи Гўзалнинг чала қолган гапидан нима демоқчилигини тушунди.

– Иккингизни никоҳлатаман. Шаҳарнинг истаган ресторонларини танла, тўйингни ўша ерда ўтказаман. Бироқ Ҳасан менинг дала ховлимда, назоратимда яшайди. Сенга эса у ерга бориб туришингга ижозат бераман!

Гўзал отасининг таклифини Ҳасанга ўқилган ўлим ҳукми бекор қилинди деган маънода қабул қилди ҳамда шартига кўнди.

Чегечи бошқа гапирмай қизини ёлғиз қолдириб чиқиб кетди. Эртаси қуни ёрдамчилари Гўзални дала ҳовлига олиб кетиши. Ҳасан шу ерда эди. Имом гувоҳлар иштирокида никоҳ ўқиди.

Алам ва ҳижрон алангасида юрак-бафри ёниб адо бўлган Ҳасанни дала-ҳовлида қолдириб қайтганидан сўнг Гўзал отасидан эрининг олдида қолишга рухсат берини ялиниб-ёлвориб сўраган бўлса-да, қахри қаттиқ Чегечи бу илтимосни кескин рад ётди. Ҳафта-да бир кўришишга ижозат олди. Дили қаттиқ оғриган Гўзал яширинча бўлса-да, дала ҳовлига боролмади. Соқчилар унинг қадами етганидан огоҳ бўлишса, Чегечининг қонли пичоини ҳеч ким қинига қайтариб сололмаслигини яхши тушунарди. Ичи ёниб, қалби ўртаниб, йироқларда қолдирган ёрининг аҳволига ачиниб ҳамда соғиниб яшашдан ўзга чора тополмади. Соқчилар отасининг қулогини бўхтон ва ифво гаплар билан қиздирмаслик мақсадида ҳамёнидаги пулларни аямади. Ора-сира уларни сийлаб турди.

Вакти-соати етганда Гўзал ўғил туғди. Чегечи қизининг кўзи ёрганини учинчи қуни эшитди ва туғруқхонага шошилди. Набирасини кўлига олиб эркалади. Бўлажак меросхўр унинг тош қалбидаги барча гина кудуратлар тоғини қулатиб, ўрнига шодлик чечакларини экди.

– Туғруқхонадан чиққанингдан сўнг Ҳасаннинг олдига кўчиб боришинг мумкин. Набирамни иккингиз тарбиялайсизлар! – деди.

Падарининг сўzlари Гўзалнинг юрагида музлаган орзуларни эритиб, хаётга бўлган меҳр-муҳаббат булоқлари кўзини очди. Чегечи ваъдасининг устидан чиқди. Кизи чиқадиган қуни машинасини жўнатди.

Кейинги пайтларда Ҳасан билан ҳеч кимнинг иши бўлмай қолди. Бунинг сабаби қахри қаттиқ ва аччиғи

бурни учида турадиган Чегечининг ўз соқчилари-га бўлган беэътиборлигида эмас, аксинча, юқорида ишора қилиб ўтганимиздек, Гўзал хонимнинг улардан пулларини аямаслигида эди. Хўжайиндан йил-үн икки ой давомида гоҳ ҳақоратлар, гоҳ таъналар билан оладиган ҳақларидан қизнинг чўнтағидан тушиб қолганларини териш ҳамда арзимас топшириғини адо этиш афзалроқ эди. Шу сабабли Ҳасаннинг изига тушганлар ўз хўжайинларининг қулоғини йигит ҳақда фақат ижобий гаплар билан қизитадиган бўлишди. Шубҳалари аста-секин тарқала бошлаган Чегечи ҳам ноилож қўлини силтаб, рухшунос томонидан юрагига ташланган ва чирмовуқ мисоли танасини ўраб, қисиб бораётган гумон тўнини аста-секин еча бошлади.

Гўзални дала ҳовлига олиб келишди. Қиз қўлида гўдаги билан сувоқлари кўчиб тушган, деворларига тутун ҳиди ўрнашиб қолган эрининг қоронғи хонасига кириб борди.

– Бечорагинам, – қиз йиғлаб юборди. – Сени авахтага тиққан маҳбусдек ташландик хонага жойлаштиришибди-да.

Ҳасан ўрнидан туриб Гўзални кучоғига олди.

– Сени жуда соғиндим, эркам!

– Отам аҳдидан қайтди, энди биз фарзандли бўлдик.

– Буни олти ойдан бери кутаётгандим. Ўғилми, – қизми?

– Ўғил, қара, худди сенга ўхшайди.

Ҳасан чақалоқни қўлига олди.

– Исмини айт?

– Ўзинг қўясан!

Ҳасан болага исм қўйиш тўғрисида ўйламаганди.

– Мен Аллоҳнинг гувоҳлигида айтаманки, ўғлимнинг қонида сенинг покиза қонинг оқмоқда, – деди Гўзал.

— Фарзандимни кўрмай ўлиб кетишдан қўркардим. Аллоҳга шукрларки, уни кўрдим, энди ўлим мендан чекинади.

Чегечи эр-хотиннинг ўртасидаги мулоқотни маҳсус апаратлар ёрдамида қўшни хонада эшишиб ўтиради. Улар орасидаги илиқ муносабатдан Ҳасандан ўринсиз шубҳаланганига икror бўлди. У билан учрашганда:

— Энди шаҳарга қайтишинг мумкин, — деди. Бу гапни чин кўнгилдан айтган бўлса-да, юзида шубҳали шарпалар зоҳир эди.

Шу куни Ҳасан шаҳарга қайтди. Бошлиғи унинг бедарак кетганидан хавотирга тушган бўлиши мумкин. У билан тезроқ боғланиб, шу ердалигини билдириши ўйлади. Телефон рақами хотирасида муҳрланиб қолганди. Бироқ ташқарига чиқиши, телефон апаратларига яқинлашиш масаласини ўйлаб кўриши лозим эди. Чегечи озодлик эълон қилган бўлса-да, ортидан кузатувчи қўйган бўлиши мумкин.

Орадан бир ҳафта ўтиб Ҳасан қунора бозорга қатнайдиган, озиқ-овқат **харид қилиб келадиган бўлди**. Бирор изидан **таъқиб қилмаётганига** ишончи комил бўлса-да, телефон апаратларига яқин йўламади. Зеро, уларга кўзи тушганда ичидан бир нима узилиб тушгандек бўлади. Нон дўқонидан чиқаётганда йўл четида турган девона Ҳасанга қараб шундай сўзларни айтди:

— Яхши тушга ҳам, ёмон тушга ҳам садака. Садака радди бало!

Икки кундан буён Ҳасаннинг туши булғанаётганди. Чўнтағидан пул чиқариб унга узатди. Девона қўлларини дуога очди. Аммо тилидан бошқа сўзлар учеб чиқди.

— Ҳаммасидан хабардормиз. Бизга кўнғироқ қилма. Чегечи билан муносабатни яхшила. Керак пайтингда ўзимиз топамиз!

Бу сўзлардан донг қотиб қолган Ҳасан девона «кет» демагунча жойида тураверди. Кейин бир неча ойдан бери зимистон кўнгли ёришиб уйга қайтди.

ЮРТДА

Кўлига кишан солинган Олимни жиноят қиди-
рув бўлими хонасига олиб киришди. Бўлим бошлиғи
Дилшод Имоддинов бир ҳафтадан буён тутқич бер-
май, қочиб юрган жиноятчини қорайиб, соч-соқоли
ўсиб кетган чўяндек юзига нигоҳ ташлади-ю, маъноли
жилмайиб қўйди.

— Учрашган жойимизни қаранг, — деди бошлиқ
калласини чайқаб. — Сиз билан шу ахволда кўриша-
миз деб сира ўйламагандим. Аҳдингиздан қайтмаган
экансиз-да!

— Кисмат, начальник. Пешонага ёзилгани шу бўл-
са, тақдирдан қочиб қутулармидик! — пинагини буз-
май жавоб қайтарди Олим.

— Ўтган икки йил ичида тажрибангиз ошибди. Кри-
миналистикадан хабардор бўлибсиз. Жиноятни қи-
либ, айни бошқаларга ағдариш сиздек йигитга яраш-
маса керак?

— Менга қаранг, ўртоқ начальник, келинг, энди
унутинг ўша ўтган ишларни, мақсадга ўта қолинг.
Хўш, нега мени бу ерга олиб келдингиз?

— О, — деди Имоддинов гумон қилинувчининг бо-
шидан оёғигача кўз югуртириб. — Анча жizzаки бўлиб
қолибсизми? Шошмасангиз ҳам сизга берадиган са-
волларимиз етарли!

Бўлим бошлиғи ходимларига ўгирилди.

— Кишанни ечинглар!

Имоддинов Олим билан роппа-роса икки йил муқад-
дам мана шу хонада учрашганди. Ўшанда подполков-

ник уни жиноятчи сифатида эмас, балки шаҳарда эндиғина шаклланиб келаётган Эргашнинг янги ташкил этилган тўдасининг аъзоси сифатида чақиртирганди. Олим бугунгидек бетгачопар, шарттаки эмасди. Гуруҳнинг иши, мақсади жиноятчилик ва талончиликдан иборат эканлигини, бу ишнинг охири баҳайр бўлмаслигини, имкон борлигига фойдали иш билан шуғулланиш кераклигини унга дўстона тушунтирганди.

Ўшанда Олим бошлиқнинг сўзларини жимгина тинглади. Бироқ кетиш олдидан тўнини тескари кийиб олди:

- Бошга тушганини кўз кўради, ўртоқ начальник!
- деди қизариб-бўзариб кетган юзидағи терни артиб.
- Мен ўғри ҳам, босқинчи ҳам эмасман! Мен аъзо бўлган гуруҳ одамлари бундай иш қилишмайди. Аксинча, уларга қарши курашади. Биз ўз формиз йўлида керак бўлса жонимизни берамиз. Фоя бу – биз, биз эса foss. Ортга чекиниш – ўлим! Сиз айтган жиноятларни эса гурухимиз номидан иш қўраётган айрим ғаламис **кимсалар** амалга оширган. Кўлингиздан келса уларни тутинг, биз билан юзлаштиринг. Ҳеч қандай далилий ашёингиз бўлмай туриб, бизни ўғри ва босқинчиликда айблай олмайсиз. Сизга маслаҳатим: изимга тушиб, қимматли вақтингизни бекорга совурманг!

Подполковник унинг сўзларини жимгина тинглади. «Майли, бир сайраб ол-чи» деб қўйиб берди. Ўшанда бўлим бошлиғининг қўлида далилий ашё ва маълумотлар ҳам етарли эди. Фақат бу ёш йигитнинг йўлдан адашганини, танлаган йўлининг фожиага олиб келишини тушунтириб қўймоқчи эди, холос. Олим эса буни истамади. Кетиш олдидан Имоддинов яна бир бор огоҳлантириди.

— Сўзларимни ўйлаб кўринг! Яна тақрор айтаман, танлаган йўлингиз сизни жарга улоқтиради. Имконият берилганда ўзингизни ўнглаб олинг.

— Маслаҳатингиз учун қуллук! — деди масхараомуз жилмайиб Олим. — Бундан кейин нима қилишимни, албатта, ўйлаб кўраман.

— Яхшилаб ўйланг. Ишқилиб, шу хонада яна учрашмасак бўлгани, — деганди ўшанда Олимнинг киноясидан жаҳли чиққан Имоддинов.

Ўртага чўккан сукунат чоғида Олим ҳам, Имоддинов ҳам ўша дастлабки учрашувдаги сухбатни хотира-ларидан ўтказишиди.

Олим кўрсатилган курсига чўкди. Уни олиб келган ходимлардан бири йўлакда қолди, иккинчиси эшик ёнидаги стулга ўтирди. Қия очик қолган дераза тиркишидан ичкарига салқин ҳаво оқиб киради. Тунаш учун дарахтлар шохига келиб қўнаётган қушларнинг чуфур-чуфур овози эшитилиб турарди. Имоддинов стол устидаги қофозларни йиғиштириб жойига ўтирди.

— Фиёсовни нега ўлдирдингиз?

Дабдурустдан берилган саволни Олим эшитмаганликка олди. Бироқ унинг ранги бўздай оқариб кетди.

— Фиёсовни нега ўлдирдингиз? — саволини тақрорлади подполковник.

— Қайси Фиёсовни айтипсиз? — овози титраб чиққан гумон килинувчи ўзининг хатти-харакатлари билан айборлигини сездириб қўймасликка уринди.

— Капитан Фиёсовни айтипман! Ёки сиз бошқа Фиёсовни ҳам ўлдирғанмисиз? — гумондорнинг юзидан кўз узмай сўради подполковник.

Олим кўзларини яширадиган жой тополмай қолди.

«Кимдан эшитган, нега айнан буни мендан сўраяпти? Шерикларимдан битта-яримтаси кўлга тушиб

қолдими? Ичимизда сотқин йўқ эди-ку?! Шунчаки синаяпти. Қўйнимга қўл соляпти! Шундай саволлар берсам айбига иқрор бўлади, ҳаммасини сўзлаб бера-ди деб ўйлаяпти. Йўқ, мен сен ўйлаганчалик тентак эмасман». Кўзини қисиб, қўлларини мушт қилиб ту-гиб ўтирган Олимнинг кўнглидан шу сўзлар кечди. Рўпарасида ўтирган бошлиқнинг кўзларига тикилиб:

- Мен Фиёсовни танимайман! – деди баланд овозда.
- Бу гапингизга ишонгим келмайди. Ахир унинг тўйида иккимиз бир курсида ўтирганмиидик?
- Эслай олмайман, – сурбетларча бош чайқади Олим.

– Мана бу буюм сизга танишми? – Подполковник тортмадан кулдонни олиб стол устига қўйди.

Олим унга кўз кирини ташлади.

– Бу буюмни ёш бола ҳам билади, – деди қўрслик билан.

– Тўғри, ҳамма билади. Бироқ мен бошқа нарса-ни назарда тутяпман. Ҳамидинг хонасидан сиз олиб чиққан кулдонни нима мақсадда Фиёсовнинг хонаси-да қолдирганингизни билмаяпман!

– Буни ўзидан сўранг, начальник. Бирорнинг кул-донига мен хўжайин эмасман!

– Ана шу кулдон четидан уйингизга ечиб кетган костюмингизнинг чўнтагидан олинган дастрўмолча толаси ҳам топилган. Экспертиза рўмолчанинг толаси бир хил матодан ишланганини аниқлади. Сиз қотил-ликни Ҳамидга тўнқаш мақсадида кулдонни атайлаб Фиёсовнинг уида қолдиргансиз!

– Ёлғон! Буларнинг бари тухмат, уйдирма! – ҳаво этишмаётгандек бўфила бошлади Олим. – Дунёда рў-молча биттами? Ахир толаси бир хил бўлган рўмолча бозорларда тиқилиб ётибди. Қанчасини топиб берай?

— Менга қаранг, Олимжон, — деди Имоддинов талвасага тушиб қўли билан бошини чанглаб, ўзининг ҳақлигини исботлаш учун куйиб-пишиб ўшқираётган айбланувчининг сўзини кесиб. — Қотиллигингизни исботловчи бошқа далилий ашёлар ҳам қўлимиизда етарли. Гурухингиз одамлари нафақат Фиёсовни, балки Отабоевни, кўшни вилоятдаги колхоз раисини, икки фермернинг пул ва бойлигини тортиб олиш мақсадида ваҳшийларча ўлдириб кетишган. Содир этилган жиноятларнинг айнан ўхшашлиги, бир вақтнинг ўзида содир этилиши буни исботлайди. Сиз пахтадек оппоқ қилиб кўрсатишга уринаётган гурухингизнинг амалга ошираётган ишларидан, шерикларингиз исми шарифидан, ҳозир улар қаерда яшириниб юрганидан биз яхши хабардормиз. Хўш, Фиёсовни нега ўлдирдингиз?

— Мени қотилликда айблайверманг, бошлиқ. Қўлим тоза. Кейин гурухимиз аъзолари қотиллик қilmайди. Улар ўз гояларини халққа етказади!

— Ўтган ойнинг йигирманчисида тўданғиз аъзоларидан тўрт нафари бир тадбиркорнинг изига тушган. У долларларини майдалатиб уйига олиб кетаётганини кўриб қолишган. Ярим кечаси юзларини ниқоблаб уйига бостириб киришган. Эр хотинни одамзот хаёлига келтирмайдиган азоблар билан қийнашган ва пулларини олиб чиқиб кетишган. Бечора аёл ҳозир касалхонада, ҳали ўзига келгани йўқ!

— Бу ишнинг нима дахли бор менга?

— Алоқаси шундаки, тадбиркорнинг уйидан олиб чиқиб кетилган пуллар айнан биз сизни қўлга олган уйнинг ичидаги ҳандакдан топилди. Бундан бехабар қолишингиз мумкин эмас.

Олим талмовсираб қолди. У ўзини оқлашга сўз топмади. Энди бошқа нарса ҳақида ўйларди. Айбига

икрор бўлса, гуруҳ аъзоларининг исми шарифини ошкор этиши керак. Бу одам ҳаммасини айттирма-гунча қўймайди. Айтгандан кейин бари тамом, уни турмадаёқ бошлиқнинг одамлари ўлдириб ташлаша-ди. Имоддинов анойи эмас, ўшанда бир бор бошидан кечирган. Ниятидан қайтариш учун имконият берган. «Мен босқинчи эмасман» деб юзига сапчиганди.

Олим гуруҳ аъзоларининг номини сотмасликка қарор қилди. Мабодо бирор кимсанинг исми оғзидан чиқиб кетса, Имоддиновнинг одамлари шу заҳотиёқ тутиб келишади. Юзма-юз қилишади. Бу билан тўда-бошининг ҳозиргача бегоналарга фош бўлмаган кирдикорлари фош бўлади.

Олимнинг жонига телефоннинг жиринглаши оро кирди. Имоддинов гўшакни кўтарди. Девор томонга юз буриб ким биландир сухбатлашди. Олим кўз қири билан эшик олдида турган лейтенантга қаради. У столга енгашганича кроссворд ечиш билан овора. Олим ўрнидан сапчиб турди. Бир қўли билан кия очиқ турган деразани очди-да, ўзини ташқарига отди. Лейтенант ўрнидан туриб айбланувчининг шимидан ушлаб қолиш мақсадида унга ташланди. Бироқ столга қоқилиб боши билан деворга урилди. Имоддиновнинг кўлидан гўшак тушиб кетди. У дераза ёнига келиб тўртинчи қаватдан пастга қараганда Олим бетон блок устида чўзилиб ётар, ёрилган бошидан қон сизиб асфальтда оқмоқда эди.

Олимнинг вафотидан сўнг шаҳарда фаолият қўр-сатаётган тўда аъзоларининг кирдикорлари сирлиги-ча қолди. Шаҳарда босқинчилик, талончилик ҳамда қотиллик каби оғир жиноятлар вақти-вақтида содир бўлиб туради. Айниқса, кичик туманларда бундай жиноятлар тез-тез такрорланади. Сабаби, бу ҳудудда қўп миллатли халқлар яшаётганида эмас, балки

турли жинои й гурухларнинг ўз режаларини амалга ошириш мақсадидаги келишмовчиликлар натижасида юзага келарди. Улар воқеа жойида тўкилган қонларни, жони узилган шерикларини қолдириб, ўзлари зудлик билан фойиб бўлишади. Ўша пайтларда милициянинг қўли-қўлига тегмас, ходимларнинг барчаси ишхоналарида қолиб кетишар, бир жиноятни очмай, иккинчиси билан шуғулланишга мажбур бўлишарди. Йигирма тўрт соат ички ишлар бўлими ходимларига камлик қиласди. Бари бир уларнинг қўли баланд келди. Кўплаб тўдаларни тор-мор этишди. Фиёсовнинг ўлими Эргашни қанчалик қувонтирган бўлса, Олимнинг фожиали ўлими даҳшатга солди. Бошлиқ унинг жасорати ҳақида оғзида нам қолмагунча мақтанди. Уч кун аза тутди.

Ҳамидинг юрагида эса алам қайнади. Йигитларидан икки-учтасини Эргашнинг ҳузурига жўнатишга қарор қилди.

— Конингни ичмасам, тавбангга таянти́рмасам эр-
ак эмасман! — дея бир бурда нонни пешонасига босиб
касам ичди.

САМАНГАН

Зебо билан муносабатларимиз яхши бўлиб қолганлиги боис, лагердаги оғир шароитни ҳамда қийинчиликларни унута бошладим. У юрагимга бир парча ишқ оташини ташлаб қўйди. Илгаригидек мендан хуркиб, ўзини олиб қочмайди. Деярли икки кунда бир учрашиб, сухбатлашиб турамиз. Тош йўлни дўмбирадек тарақлатиб келаётган арава фидиракларининг овозини эшитиши билан югуриб кўча эшик олдига келарди, пастга тушишимни сабрсизлик билан кутар, ичкарига кирганимда гул-гул яшнаб кетади.

Валий ўртамиздаги муносабатдан хабардор. Синглиси ўзининг хатти-ҳаракатлари билан менга бўлган муносабатини сездириб қўйган. У тоғдан териб келган ўтинни майдалаб, қишига тайёргарлик кўриш билан овора. Совуқ кунлар яқинлашган сайн қишлоқдаги шароит оғирлашганини тушунаман. Буғдойзорлар жангарилар томонидан ёқиб юборилди. Озиқ-овқат тақчил. Очарчилик бошланиш арафасида. Халқ йиғиб-терганини, асраб-авайлаб қўйганини аллақачон еб тугатган.

Лагердан олаётган хизмат ҳақимни чўнтағимнинг бир четида сақлаб юрардим. Нарх-навонинг қўтарилиб бораётганини сезиб уни Валийга топширдим.

— Борим шу, — дедим унга. — Мозори Шариф ёки Зори Бозорга бориб буғдой сотиб олинг. Бунақада қишида оч қоласизлар!

Валий қўлимни қайтармади. Очлик азобини у мендан кўра яхши ҳис этарди.

— Сизга қандай миннатдорчилик билдиришни билмайман! — деди хижолат тортиб. — Мендан қайтмаса, худодан қайтсин, охун!

Ўша куниёқ Валий Мозори Шарифга жўнаб кетди. Уни аравамда машина қатнайдиган бекатгача элтиб қўйдим. Кейин булокқа жўнадим. Йўл-йўлакай Фатҳуллоҳон ҳақида ўйлаб кетдим. Кетганига бир хафтадан ошди. Уйига соғ-саломат етиб олдимикан? Йўлда толикиб, оғриб қолмадимикин деган ўй кўнглимга қоронфилик солганди. Унинг ватанга қайтганидан қанчалик қувонсам, бетоб бўлиб қолишидан шу қадар чўчирдим.

Кейинги пайтда ишларим кўпайиб Крамаренкони ҳам унутиб юбордим. Йўлимга кўз тикиб қачон қайтаркин деб ўтирган бўлиши аниқ. Зокир саломимни етказган бўлса, қария қандай фикрга бордийкин?!

Балки умидини узиб, қўлини силтаб, бу томонларга жўнатганидан пушаймондир? Чорасини топиб топширигини бажаришга ҳаракат қилаётганимни билдиришм лозим.

Булоққа келиб идишни сувга тўлдирдим. Тошлар остидан телефонни олиб, батареясини алмаштириб, Зокирга қўнфироқ қилдим. Гўшакни ҳар доимгидек ўзи олди.

— Қариянинг соғлиги қандай, яхши етиб олдими? — сўрадим ундан.

— Соғлиги яхши эмас, йўлда қийналди. Ҳозир касалхонада, бир-икки ҳафтадан сўнг чиқади, — деди Зокир.

— Уйидагиларга хабар бердиларингми?

— Ҳозирча маълум қилганимиз йўқ!

Қариянинг ватанга етиб олганидан юрагим ёришди.

— Крамаренко билан боғланмадингизми?

— Генерал вафот этибди.

— Қачон? — бирор устимдан совуқ сув қўйгандай бўлди.

— Бир ҳафтача бўлди дейишаپти.

Собиқ командиримнинг ўлими мени қаттиқ ташвишга солиб қўйди. Сўнгги топширигини бажаролмаганимдан ачиндим. Рухим тушиб кетди. Зокир буни сезди.

— Сиз учун янгилик бор, — деди ў мамнун ҳолда.

— Қандай янгилик экан?

— Ҳозир ўқиб бераман, — у шундай деди-да, бир зумлик сукунатдан сўнг гапида давом этди. «Жамият учун ўта хавфли жиноятчини қўлга олишдаги мардлик ва жасорати учун Ўзбекистон Республикаси ички ишлар вазирлиги ходими, милиция майори Бўрон Қурдатиллаевич Аҳмедов «Шуҳрат» ордени билан тақдирлансан».

Бу хабар мени қанчалик қувонтирганини баён этишга тилем ожиз. Кимсасиз булоқ тепасида, жангарилар орасида бу шодликни ким билан баҳам кўрардим? Ватаннинг юксак ишончи мени янада қаттиқроқ ишлашга даъват этарди.

– Менга қандай топшириқлар бор?

– Faфурнинг нима ишлар қилаётгани тўғрисида шошилинч маълумот керак. Бундан ташқари, Эргаш яқин кунлар ичида қаерга боради, ким билан учрашади, юртдаги одамларига қандай топшириқ беради, шуларни билишимиз керак.

– Яқин кунлар ичида ушбу маълумотларни жўнатаман, – дедим.

– Наркотик моддалар билан шуғулланаётган йигитлари нима қилишмокда?

– Улар бедарак кетишиди...

– Қочишдими?

– Улар бу ердан бошқа юртга қочиб кетишолмайди.

Эргашнинг чопарлари ҳозир уларни ахтаришмокда.

– Янгилик бўлса, маълум қилинг!

Идішларни сувга тўлдириб лагерга қайтдим. Қуёш аллақачон ботиб, атрофни қоронфилик босган. Қишлоққа кириб келганимда кўчалар бўм-бўш эди. Отни Зеболарнинг кўча эшиги олдида тўхтатдим. Бундай пайтда қиз югуриб чиқарди. Негадир ундан дарак бўлмади. Эшик қия очиқ қолган. Юрагим нохушликни сезди. Кўлимга қамчинни олиб ҳовлига кирдим. Ичкарида фўнфир-фўнфир овоз кулоғимга чалинди. Валий қайтган бўлса керак деган хаёлга бордим. Остонада турган икки барзанги қўлидаги автоматни менга тўғрилади. Важоҳатлари хунук. Қарашларидан ҳеч нарсадан қайтмасликларини сездим. Булар толиблар эканлиги кийимларидан маълум. Кейинги пайтда уларнинг одамлари бу ерларда ҳам пайдо бўлиб

қолган. Улар мени яхши танишади. Лагерга сув ташишимдан хабардор әдилар. Бошлиқларининг буйруқларига биноан бизга тегишмасди. Аксинча, ўзларининг сафдошлари сифатида «хурмат» қилишади. Ўзимни уларга таништирдим.

Зебо дилдираб бурчакда қисилиб ўтирибди. Назаримда толибонлар уни ўzlари билан олиб кетишга мажбур қилишган бўлса керак.

– Сизларга ким керак? Нега бу ерга кирдиларинг?! – газабдан овозим момақалдироқдек гумбурлаб чиқди.

– Бу ожиза сизга ким бўлади? – сўради толибонлардан бири.

– Завжам! Сизларнинг бу ишларингиз тўғрисида Эргашбой жанобларини ҳабардор қилишга мажбурман!

Толибонлар ҳайрон бўлишди. Менинг эркин гапиришим, ховлига дадил кириб келишим, қолаверса, Зебонинг ўрнидан туриб ёнимга келиши уларнинг шубҳаларини пучга чиқарди.

– Бизни кёчиринг, охун!

– Бу ҳол бошқа такрорланмаслик шарти билан.

– Албатта!

Толибонлар бир-бирлари билан маъноли кўз уриштириб хонадан чиқиб кетишди. Қиз иккимиз танҳо қолдик. Баданидаги титроқ ҳали босилмаганди. Бошидан сирғалиб тушган рўмоли бўйнида осилиб қолган.

– Кўрқдингми? – сўрадим ундан.

Қиз рўмолини бошига ўраб, маъноли бош силкиди.

– Келганингиз яхши бўлди. Бир оз кечикканингизда мени олиб кетишарди.

– Энди улар бу ерга қайтиб келишмайди. Хавотир олма!

Лагерга тезроқ етиб боришим лозим. Кейинги пайтда кун қисқариб қолгани боис, жангарилар сув кели-

шини интиқиб қутишарди. Кечиккан пайтимда еру осмонни бошларига күтариб тўполон кўтарадиган одат чиқаришган.

— Кетяпсизми? — ортимдан Зебонинг маъюс ва илтимосли овози эшитилди.

— Анча хаёллаб қолдим, тезроқ боришим керак.

Зебо ўйга толди. Кетишимни истамаётгани, кимсазиз уйда танҳо қолишдан кўркаётганини тушундим.

— Унда акам келгунича қўшнимизницида яшаб турман.

— Юр, сени кузатиб қўяман.

Зебони қўшни аёлга топшириб, эгри-буғри тош йўлда отни елдириб кетдим. Арава чайқалганида бочкадаги сув устимга сачрагди. Лагерга етгунимча кийимларим жиққа ҳўл бўлди.

Жангарилар мени ҳар галгидек бақир-чакир, тўс-тўполон билан қарши олишди. Ўзимни оқлашга, баҳона излашга ҳожат қолмади. Уларнинг оғзидан чиқаётган бепошна сўзларни эшитмагандек туравердим.

— Томофимиз қақраб кетди!

— Сен бола сув баҳона қаерларгadir борасан?!

— Овқат пиширолмай сувга кўз тикиб турибмиз!

— Буни миробликдан ҳайдаш керак!

— Устингдан бошлиқقا арз қиламиш!

Атрофимни ўраб олган жангарилар қўлларини пахса қилиб, оғзиларидан тупук сачратиб бақириб, чақиришди. Кулогим том битди, улардан нарироқ кетдим. Ҳаммалари сув билан овуниб мени унутишди.

Пастлик томон юрдим. Фала-ғовур ортда қолди. Аммо «Буни миробликдан бўшатиш керак!» деган сўзлари қулогимга қуюлиб қолди. Ҳақиқатан ҳам Эргашга шикоят қилишса-чи? Ишдан олиб ўрнимга бошқа одамни қўйишишса-чи деган хавотирли ўй оёғим-

нинг остигача музлатиб юборди. Улар кўпчилик. Табларини инобатга олиши мумкин. Ишдан кетсам Зебонинг ҳоли не кечади? Учрашишга қандай баҳона топаман? Зокир билан алоқа масаласи-чи? Ўз ўйим билан банд бўлиб чодирдан анча узоқлашиб кетган эканман, оёғим остига ёнғоқдек тош келиб тушди. Чирсиллаган овоздан ўзимга келдим. Ортимга қайрилдим. Ўн қадамча нарида одам шарпасига кўзим тушди. У шу томон келарди. Яқинлашганда танидим

— Умар.

— Фатхуллохон соғайиб кетибдими? — мени масхара қилаётгандай сўради.

— Ҳар қалай оёққа туриб юриб қолди, — дедим. Сўзларимда алам яширганини Умар сезди.

— Нега аччиғинг чиқяпти? Мен шунчаки дўстона сўрайяпман!

— Мен ҳам сенга дўстона жавоб қайтаряпман, — дедим бўш келмай.

— Унга жуда меҳрибонлик кўрсатдинг? Ёки илгари танирмидинг?

— Сенга шундай туюлгандир.

Умар хақида Зокирдан етарли маълумот олгандим. Бу ерга келиб жангариларга қўшилиб кетиши сабабини билардим. Ўртамиизда қачондир ошкора ўйин бошланишини кутардим. Назаримда ўша фурсат келди.

— Мендан ниманидир яширяпсан? Кўпдан бери кузатаман. Ўша кунги хатти-ҳаракатларинг ҳам фирмни тасдиқлади. Сен ҳукумат одамисан. Бу ерга айғоқчи бўлиб ўтгансан!

— Бошқалардан ҳам шубҳаланасанми?

— Фақат сендан.

— Нега айнан мендан?

— Фатхуллохонни қаерга жўнатдинг?

«Умар бу хабарни кимдан эшитди? Наҳотки у менинг ҳеч ким бехабар деб ўйлаётган ишларимдан воқиғ бўлса?»

Умар кўзларимга тикилиб саволига жавоб кутарди:

– Нима, Фатхуллохон қочибдими? – ҳеч нарсадан бехабар одамдек сўрадим.

– Ўзингни гўлликка солма. Уни аравангга юклаб булоқقا олиб кетганингни ва у ердан қайтиб келмаганинги биламан.

Мен жиноят устида кўлган тушган айбдордек нима дейишими билмай туриб қолдим.

– Фатхуллохонни Ўзбекистонга жўнатиб юборганингдан сўнг шубҳам ортди. Бу ишинг ҳақида бошлиқ эшитса борми, нақ терингни шилиб олади, – Умар жилмайди.

Оёқларим остига қарадим. Бирорта тошни олиб Умарнинг бошини ёриб ташлашга хезландим. Бу ерда менинг ишларимдан хабардор бўлган одамнинг бўлиши мумкин эмас. Икки қадам нарида турган мушдек тошни олишни мўлжалладим. Бироқ Умар ортига қайрилди. Важоҳатимдан мақсадимни тушунганди.

– Кўрқма, ҳеч кимга айтмайман, йигит сўзим. Ҳаммаси жойида бўлади, – деди ва ўйлида давом этди.

Умар юрагимда кўрқув ҳисларини уйғотиб кетди.

ЮРТДА

Холдорнинг тақлифи ва танлови билан чет элда ишлаб келишни ихтиёр этган йигирма нафар йигит кечки пайт шаҳар темир ўйл бекатига тўпланди. Қоронғи тушганда поезд келди. Йигитлар бўлинниб, одиндан маълум қилинган вагонларга чиқишиди. Чипталар Тошкент шаҳригача олинган. Йўлга чиқишидан аввал Холдор йигитларга «мен айтган бекатда ту-

шасизлар» деб тайинлади. Поезд ярим тунда Тожикистон республикасининг Хўжанд вилоятига кириб келди. Холдор вагонма-вагон юриб йигитларга шу бекатда тушишларини айтиб чиқди. Поезд тезлигини пасайтириб тўхтади. Ҳамма ёқ коронфи. Ой қўкни ғирашира ёритади. Осмонда тўда-тўда қора булутлар сузади. Бекат тепасида биттагина электр чироғи изғиринли эпкиндан чайқалиб хирагина нур сочиб туради. Поезд тўхташи билан елкаларига қоп орқалаган йигитлар вагонлардан сакраб пастга тушишди. Атрофда одамлар сийрак бўлгани учун тезда бир-бирларини излаб топишиди. Юпқа кийинган йигитлар изғиринда дилдираб қолишиди. Ҳамма тўплангач, Холдор уларни ортидан эргаштириб бино орқасига бошлади. Бу орада поезд гудок чалиб жойидан жилди. Таракланган фидиракларнинг овози анча вақтгача қулоқларга чалиниб турди. Қаерданdir хуштак овози, сўнг автоматнинг тириллагани эштилди. Кимдир бакирди. Чўғдек учган ўқ тун пардасини ёриб ўтди. Уч-тўртта қуролли одамлар ичкаридан чиқишиди ва йигитларнинг йўлини тўсишиди. Важоҳатлари қўрқинчли эди. Эгниларида узун тўн, бошларида қизил дуррача, қўлларида қурол, белларида граната ва ханжар.

— Кужо рафтет! — олдинда келаётган кимса автоматауни йигитлардан бирининг кўкрагига тиради. Холдор уларнинг тилида нимадир деди. Кимларнингдир номини айтди.

— Хуш омадед! — дейишиди қуролли кимсалар ва меҳмонларга йўл бўшатишиди.

Бекатдан унча олис бўлмаган жойда эски «Пазик» турарди. Орқа ойналари тош текканми ёки отилган ўқларданми, синиб тушган. Ҳайдовчи эшикни беркитиб, ўриндиқда гужанак бўлиб ухларди. Йўлбошли автобуснинг эшигини муштлаб ҳайдовчини уйғотди.

У бошини күттарди. Холдор нимадир деди. Шундан сўнг ҳайдовчи кўзларини ишқалаб эшикни очди. Со вуқдан дилдираб турган йигитлар ўзларини «Пазик» ичига уришди.

Холдор йўлбошловчини четга тортди.

– Йигитларни санаб ол, йигирмата!
– Ишондим, ваъда қилинган нарса дипломатнинг ичидা.

– Қанча?
– Йигирма минг доллар.
– Оз-ку?
– Ҳар бир йигитингга икки минг доллардан.
– Биз уч мингданга келишгандик...
– Бошлиқлар пул топиб беришолмади.
– Унда қайтиб бу ишга аралашмайман!
– Ҳафа бўлма, келгуси сафар одам олиб келганингда ҳаммасини ҳисоб-китоб қиласиз...

Холдор ўйланиб қолди. Кейин сўради:

– Бошқа топширифинг ўқми?
– Келган жойингга қайтиб борасан. Яна шунча одам топиб келасан!
– Шубҳаланиб қолишлари мумкин.
– Бошлаб келган йигитларингнинг ота-онасиға юз доллардан бериб чиқасан. Фарзандларингта иш бошлашдан олдин аванс беришди дейсан. Шунда одамлар сенга ишонишади. Ҳозироқ орқангга қайт. Вокзалнинг орқасида машина кутяпти, тезроқ бор!

Холдор дипломатни олиб қоронфилик қаърига сингиб кетди. Айтилган машинага чиқди.

«Пазик» жўнаб қолди.
– Кимда-ким қочишга уринса, отиб ташлайман! – деди уларни қабул қилиб олган одам ўйндиқларга

жойлашиб олган йигитларга қарата, кейин ҳайдовчи-
га «чуди» дегандек қўли билан ишора қилди.

Автобус қўзғалди. Бадбўй мой ҳиди ичкарига урил-
ди. Олис-олисларда битта-яримта чироқ кўзга ташла-
нади. Итларнинг увиллаши, автоматлардан отилган
ўқ овози сукунатни бузади. Йигитлар қалбига кўрқув
ва ҳаяжон тушди. Улар қаерга келиб қолганларини,
турқи совуқ бу кимсалар қаерга бошлаб кетаётганини
билишмасди.

Коронги йўлда силтаниб, ортидан қоп-қора тутун
бурқситиб бораётган «Пазик» фаралари билан тошли,
нотекис йўлни ёритиб олға интилади. Машина
тоққа яқинлашиб борар экан, йўл бўйида гулхан ёқиб
ўтирган бир тўда қуролли кимсалар кўзга ташланди.
Улар узун кўйлакда, бошларига салла ўраб олиш-
ган. Машина яқинлашиши билан улардан бири йўл-
нинг ўртасига чиқиб, қуролини тепага кўтариб тўх-
таш ишорасини қилди. Ҳайдовчи кабинадан бошини
чиқариб ўз тилида нимадир деди. Йўлтўсар қўлини
пешонасига соябон қилиб ўриндиқларда жунжикиб
ўтирган йигитларга қаради, ҳайдовчига рухсат берди.
Йўлда қарама-карши томондан келаётган юк маши-
насига ҳам дуч келишди. Ўттизтacha қуролли одамлар
овозларини кўтариб, кўшиқ айтиб, бақириб-чақириб
ўтиб кетишли. Йигитлар ўзларини бегона дунёга ки-
риб қолгандай хис этишли.

«Пазик» манзилга келганида тонг ёришли. Беш
нафар қуролли кимсалар уларни қабул қилиб олди.
Каршиларида Панж дарёси оқарди.

– Дарёни кечиб ўтамиз, ечининглар! – буюрди қу-
ролли кимсалардан бири.

Йигитлар уларнинг топшириғини бажаришга маж-
бур эканликларини, гап қайтаргудек бўлишса отиб
ташлашлари мумкинлигини билиб, ечиниб сувга ту-

шишди. Дарёни кечиб ўтишди. Оёқлари қаттиқ ва тошли ер тегди. Бу Афғонистон эди. Орқаларига қарашди. Алданганларини, ватанларидан жудо бўлганларини сезиб, юраклари увишди. Кўзлари аччиқ ёшга тўлди.

Эргаш йигитларни яхши кутиб олди. Ҳар бирини бағрига босиб кўришди. Ҳол-аҳвол сўради. Ҳеч ким тўдабошини танимади. У ҳам йигитлар ичида таниш одамини учратмади.

Эргаш Бўрибойни ҳузурига чақиртирди.

— Сенга муҳим топшириқ: янги келган йигитларни ўзинг бошқарасан. Улар ўртасида тушунтириш ишларини олиб борасан. Мияларидан ота-оналарига, айниқса, юртга бўлган соғинчни юлиб ташлайсан. Юртда бизни босқинчи, жангари, террорчи деб мияларига қўрғошибиндек қўйиб қўйишган. Аввало мақсадимизни тушунтир. Жангга, қурол-аслаҳадан фойдаланишга ўргат. Ўқни, меҳнатингни аяма. Бир ой ичида пишиб, ота-онасини танимайдиган ҳақиқий жангари бўлишичин.

— Тушундим, хўжайин! Мендан кўнглингиз тўқ бўлсин. — Бўрибой бармоқларини туғиб, мушт қилиб деди: — Биласиз, қўлим тошдан қаттиқ!

Эргаш жилмайди.

— Назаримда янги келган йигитларнинг кўпи қишлоқдан. Улар кўнгилчан ва раҳмдил бўлишади. Мен эса бундайларни хушламайман.

— Хотиржам бўлинг!

Бир вақтлар кўнгилчан, одамларга нисбатан раҳмдил бўлган Бўрибойнинг дунёқараши шу қадар ўзгарган эдики, буни тасвирлашта қалам ожиз. У одамларнинг баданига пичоқ тиқиб, терисини шилиб олишдан чўчимасди. Отабоевни ўлдириб лагерга қайтгач, Эргашнинг ишончини тўла қозонди. Қолаверса, Аб-

дурасулни тириклай тупрок остига кўмиб юборгач, тўдабошининг меҳри янада ортди. Ўшанда Бўрибой собиқ синфдошининг илтижоларига қулоқ солмай, фарёд чекишини томоша қилиб завқланганди. Унинг бу қадар ваҳшийлашиб кетишига, синфдош дўстини тириклайн кўмишига бошқа сабаб бор эди.

Ўнинчи синфда ўқиб юрганларида Абдурасул Санобар исмли қизга кўнгил қўйди. Улар тез-тез учрашиб туришарди. Бу Бўрибояга алам қиласарди. Бирга кўрганида ғаши келар, «ҳап, сеними» деб пичирлаб кўярди. Аввалига Санобарни ўз домига илинтироқчи бўлди. Отасининг топиши ёмон эмасди. Чўнтагидан пул узилмасди. Қизни пул билан ўзига ром қилмоқчи бўлди. Совға-саломлар олди. Бундан хабар топган Абдурасул дўстига:

- Мен Санобарни яхши кўраман, унга илакиашма,
- деди.
- Яхши кўрган қизингни ўзи менга илакиашяпти-ку!
- деди бетини без қилиб Бўрибой. – Бари бир у сени севмайди. Мен уни аллақачон ўзимга оғдириб олганман.

Шу гап баҳона ўртоқлар ўртасида жанжал чиқди. Абдурасул Бўрибойнинг бўйнидан тутиб, ерга ётқизиб дўппослади. Ўртага катталар тушиб ажратиб қўйишиди. Бу воқеани Абдурасул унутиб юборган бўлса-да, Бўрибойнинг қалбида тошдек қотиб қолди. Бирга юрганларида, давраларда ўтиришганда апоқ-чапоқ бўлиб кўришса-да, аслида Бўрибой ўч олиш мақсадида пайт пойлаб юрди. Қасос олиш мавриди унга ўз юртида эмас, ўзга элда насиб этди...

Бўрибой ҳар куни уйқудан туриб, чодирдан чиқиб, яйлов ўртасида коптоқдек кўзга ташланиб турган Абдурасулнинг бошига қараб қўяди. Кутимаганда у ернинг тубига сингиб кетгандек гойиб бўлди. Каёққа гумдон бўлди?

У тана кўмилган жойга югуриб борди. Жасад жойида йўқ эди. Бўрибой аввалига ит ёки тоғдан тушган қашқирлар олиб кетган бўлса керак деб гумон қилди. Аммо тупроқ одам қўли билан кавланган. Ким қилди буни? «Қаҳримдан қўрқмаганлар бор экан-да» деган ўй миясида тегирмон тошидек айланди. У ўрнидан туриб чанг қўнгандан шимини кафти билан қоқди. Кўлларини мушт қилиб, ғазабдан кўкарган лабларини пи-чирлатиб «топмагунча қўймайман», деган аламли сўзни кўп бор тилга олиб тўдабошининг хузурига кирди.

— Нима бало, отаси ўлган боладек қовоқ-тумшуғинг осилиб кетибди? — Бўрибойнинг важоҳатини кўриб сўради Эргаш.

— Ундан ҳам оғир мусибат, хўжайин! — ох урди Бўрибой.

— Нима гап? — тўдабошининг кути ўчди.

— Абдурасулнинг жасади йўқ. Кечаси кимдир кавлаб олиб кетибди!

— А?!

— Ўз кўзим билан кўрдим.

— Буни ким қилган бўлиши мумкин?

— Биздан қўрқмаган одамнинг иши!

— Бу ерда қаҳримдан қўрқмаган одам бор эканми?!

— Афсуски, бор экан, хўжайин. Бизни ментларга Абдурасул сотгани чин бўлиб чиқди. Орамизда уларнинг одами бор. Бу ўшанинг иши.

— Қандай қилиб бўлсада, ўша ифлосни топасан! Акс ҳолда нафақат йигитларимизни, балки ўзимизнинг ҳам ҳаётимиз хавф остида қолиши мумкин.

— Хуфияларни кўпайтириш керак!

— Ҳар иккита одамнинг ортида биттадан хуфия бор! — Эргашнинг боши қотди. У бир зум жим қолди. — Кимдан гумонсирашга ҳам ақлим етмай қолди. Икки куннинг бирида битта йигитимиз турли сабаб-

ларга кўра қурбон бўлмоқда. Бу кетишда ўзимиздан бошқа ҳеч ким қолмайдиганга ўхшайди.

Улар узоқ сухбатлашишди, аммо бирор аниқ фикр-га келишолмади.

Холдор жўннатган одамлар келди-ю, иккиси юқоридаги воқеани унтишиди. Янги лавозимга кўтарилиган Бўрибой ўзида йўқ шод эди. Ўша қунданоқ вазифасини бажаришга киришди. Йигитлар билан ади-бади айтиб пачакилашиб ўтиришни ёқтирумасди. Абдура-сулнинг калласи тургандами, мана бу қишлоқи болаларга қўлидан нималар келишини кўрсатиб бир умр хотирасидан ўчмайдиган қилиб муҳрларди. Ҳаммасига ибрат, намуна бўларди. Қочоқ ва хоинлик қилиш ниятида юрганлар ўйлаб иш тутишарди. Афсуски, буларни даҳшатга соладиган ўша калла ҳозир жойида эмас-да!

Чўнтағидаги наган – револьверни олиб, ўқ тўла барабаниннайлантириб турган Бўрибойнинг хаёлидан айни дамда шу ўйлар кечарди.

– Сенларга ойига 100 доллардан ҳақ тўлайман! – деди баланд овозда янги бошлиқ. – Вазифанг менинг кўрсатма ва буйрукларимга сўзсиз итоат этиш. Қочишни хаёлингга келтирсанг, терингни шилиб оламан. Бу ердан қочганларнинг биронтаси омон қолмаган!

Бўрибой қархисида турганларга кўз ташлади. Кўпчиликнинг кути ўчиб, ранги оқариб, тиззаси қалтираб кетди.

– Бизни қўйиб юборинглар, юртимизга, ота-она-мизнинг бағрига қайтиб кетайлик! – йигитлардан бири олдинга чиқиб Бўрибойга шу сўзларни айтди. Бўрибой миясига бирор мих қоққандек қалқиб кетди ва йигитнинг олдига бориб кўксига револьверни тиради. Унинг разабдан қизарип-бўзарган ёноқлари учарди.

— Яна бир бор шу гап оғзингдан чиқса, итдай отиб ташлайман!

Йигит бўш келмади. У йигирма икки ёшлардаги ўспирин эди.

— Отаман деб қўрқитманг! Бари бир мен сизларга қўшилолмайман! Мақсадим, ниятим ўз юртимга хизмат қилиш, унинг довруғи, шон-шуҳрати, номус ва ори учун курашиш. Лозим бўлса, шу йўлда жонимни тикаман. Сизларнинг мақсадларинг Ватаннинг тинчлигини, барқарорлигини бузиш, одамларни ўлдириш. Ватан хоини деган тавқи лаънатни пешонамга ёзгандан кўра, шу тоғ-у тошлар ичида ўлиб кетганим афзал!

Ҳамманинг кўзи Бўрибойда эди. Нима қиларкин деб кутишарди. У шу пайтгача жангарилар орасида гапини қайтарадиган довюрак йигитни учратмаганди. «Бундайлар тўдани бузади, ҳаммани йўлдан уради» деган фикр кўнглидан ўтди. Қолаверса, одамларининг олдида сўзи синди. Аламини, ғазабини куролидан олди. Устама-уст тепкини босди. Револьвердан чиққан учта ўқ йигитнинг кўксига санчилди. Бироқ у йиқилмади. Оёқларини судраб Бўрибой томон юрди. Йигитнинг кўзларидағи ғазабни кўрган қотил беихтиёр ортга чекинди.

— Ит! Бари бир сени ўлдираман!

Қўрқиб кетган Бўрибой бирдан қўлида револьвер борлиги ёдига тушиб яна ўқ узди. Қўрошин йигитнинг пешонасига санчилди. У гандираклаб икки-уч қадам босди, кейин ерга йиқилди.

Эртаси куни Эргашни Тожикистонга чақириб қолишиди. Лагердаги ишларни Бўрибояга топшириб, марказга жўнади. У тўдабошини кузатиб қайтар экан, ўз чодирига эмас, балки янги келган йигитлар жойлашган чодирга қайрилди. Ўн саккиз ёшлардаги истараси иссиқ йигитни кўз остига олиб қўйди.

— Шерикларинг ухлаганда чодиримга кирасан, — деди уни бир четга чақириб. — Сен билан гаплашадиган гапим бор!

Йигит индамади, аммо «мени ҳам отиб ташламасайди» деган қўрқув юрагига фулгула солди.

Бўрибой чодирга кириб чилимга чўф ташлади. Бир чимдим нашани солиб хўриллатиб тортар экан, йигитнинг тезроқ киришини кутди. Нихоят, қоронғи тушди. Йигит оёғи қалтираб Бўрибойнинг чодирига кирди.

— Келдингми? — қўзлари сузилиб, қовоқлари осилиб ширақайф бўлиб ёнбошлиб ётган Бўрибой уни кўриб ёнидан жой берди. — Ўтири!

— Нима гапингиз бор? — қўрқа-писа сўради йигит.

— Чекасанми?

— Йўқ!

Йигит Бўрибойнинг рўпарасида серрайиб тураверди.

— Ўтири!

— Шерикларим кутишяпти.

— Гапимни қайтаргандарни жиним сўймайди!

— Мақсадингизни айтинг?

Бўрибой аччиқланди, зардаси қайнаб деди:

— Айтадиган гапим битта! Иштонни еч!

Йигит таёқдай қотиб қолди.

— Гапимни эшитдингми?

Йигит ўзига келди ва ортига бурилиб эшик томон юрди. Бўрибой унинг йўлини тўсди.

— Қаёққа?! Муродим ҳосил бўлмасдан бу ердан чиқиб кетмайсан!

Йигит унинг кўкрагидан итариб ташлади.

— Кўлимга қурол ушлаган қуним сени итдай отаман!

Бўрибой унинг пешонасига мушт туширди. Йигит кучли зарбдан хушини йўқотиб ерга йиқилди.

ҚАСОСКОРЛАР

Бир парча нонни тишлиб «сендан қасос олмасам, эркак әмасман» деб онт ичган Ҳамид одамлари орасидан жисмоний жиҳатдан бақувват, чайир йигитлардан иккитасини танлаб олди. Улар ёшлигидан спорт билан шуғулланиб, номзодлик унвонини олишганди. Ҳамид уларни кўпчиликка танитмай четроқда олиб юради. Шу йигитларни Эргашнинг тўдасига киритишга ва улар орқали қасос олишга қарор қилди.

Ҳамид хуқуқни муҳофаза қилиш идоралари билан бу соҳада маслаҳатлашмади. Бу унинг хатоси эди. Йигитларига қандай йўл билан бўлса-да, Бўрибой ва Насриддинларни ўз раҳнамоларига қўшиб тинчтиш вазифасини топширди. Улар топшириқни олиб Тоҷикистонга йўл олишди. Лагерга келган кунларидан бошлаб Эргаш, Бўрибой ва Насриддинларнинг изига тушишди. Тўдабоши камдан-кам ҳолда ташқарига чиқар, кун бўйи кулбасига қамалиб, яқинлари билан айш-ишрат қилиб ўтиарди. Уни бир неча қуролли соқчилар қўриқларди. Сўроқсиз ичкарига ҳеч ким киролмасди. Қасоскорлар Эргашдан ўч олишга пайт пойлашарди. Эргаш Душанбега кетгач, улар Бўрибой билан юзма-юз бўлишди. Соқчилар раҳнамонинг йўқлигидан фойдаланиб, атроф-теваракни қаровсиз қолдиришганди. Бу ҳамиднинг йигитларига қўл келди. Улардан бири муштдек нашани овқатга ташлади. Шусиз ҳам кун бўйи наша чекиб кайф-сафо қилиб, бақириб-қийқириб юрган жангарилар маст эди. Овқатланниб бўлишгач, маст туждек бўкиришиб, тез орада дуч келган жойда чўзилиб хуррак отиб ухлаб қолишиди. Бўрибой янги келган йигитлардан бирига нимадир деб ичкарига кириб кетди. Қасоскорлар унинг баччавозлик билан шуғулланишидан хабардор эдилар.

Одамлар ухлаганда йигит Бўрибойнинг чодирига кириб борди. Қасоскорлар унинг изидан чодирга яқин келишди. Бўрибойнинг сўзлари қулоқларига чалиниб турарди. Йигитнинг пешонасига мушт уриб, ҳушидан кетказиб, тўшакка ётқизаётганида улар ичкарига кириб келишди. Бўрибой қўрқиб кетди. Бу одамлар унинг ҳузурига яхши ниятда келмаганини билди. Ҳйла ишлатишга уста бўлгани учун ялтоқланди.

– Нима гап, тинчликми, йигитлар?

– Буни сендан сўрамоқчимиз, Бўрибой, – деди қасоскорлардан бири унинг олдига ўтиб. – Синфдош дўстингни ўлдириб тананг яйрадими?

– У сотқин-ку, бизларни ментларнинг қўлига топширмоқчи бўлди, даъюс. Ўлдирмаганимда эрта-индин ҳаммамизни қаматарди....

– Сен-чи, сен хоин эмасмисан? Ҳамиднинг бошига қандай тухмат тошларини ёғдирдинг? Қанчадан-қанча бегуноҳ одамларни ўлдиридинг! Бу хоинлик эмасми? Ёшгина йигитларни ўлим билан қўрқитиб баччавозлик қилдинг! Ўзинг қилган қотилликларни ўзгаларга тўнкашинг мардликмиди?

– Сенлар ўзи кимсан? Ким томондасанлар? Нега мени сўроқ қиляпсанлар?

– Биз сендек қонхўр, ватан хоинидан ўч олгани келган қасоскорлармиз!

Бўрибой юрагини чангллади. Оғриқ тургандек букилиб инграр экан, қўлини беихтиёр ёстиқ остига чўзди. Қуролнинг совуқ дастасидан тутди-ю, суфуриб олишга улгурмади. Йигитлардан бири унинг кўксига ханжар санчди. Бўрибой инграб, тўлғаниб, ниҳоят тинчиди. Қасоскорлар жасадни ўзи ётган кўрпага ўраб ташқарига олиб чиқишиди. Жангарилар уйрониб, кўзлари кўрсин деган мақсадда мурдани яйлов ўртасига ташлашди. Жасадни ўтқазиб, «Топганим шу»

деган мақсадда қўлига бир ҳовуч ахлатни ушлатиб қўйишди. Бу қасоскорлар эришган дастлабки ғалаба бўлиши билан бирга йўл қўйилган хато ҳам эди...

ДУШАНБЕ

Эргашни шаҳарнинг четидаги кўримсизгина уйда эски қадрдони Сайд Калоний кутиб олди. Мехмонни бағриға босди, қучогидан бўшатмай аҳвол сўради:

– Ғалабага ҳам саноқли кунлар қолди, иним. Худога шукрки, омад биздан юз ўгирмади. Мамлакатни тасарруфимиизга олдик. Яқин орада икки вилоят ҳам ихтиёrimизга ўтади. Кўриб турибсизки, дунё харитасида янги давлат пайдо бўлади! Хи...хи...м!

Улар мириқиб кулишди.

– Илоҳим, нияtingиз ўзингизга йўлдош бўлсин, устоз! – деди Эргаш Сайд Калонийнинг руҳини кўтариш мақсадида. – Мамлакатни қўлга киритган кунингизоқ одамларингизни каминанинг ихтиёрига топширасиз деган умиддаман. Улар Ўзбекистон сари ўзларининг табаррук қадамларини ташлашади! Инчунин, Ўзбекистон заминидаги сизнинг дўсту хайрихоҳларингиз мана шу муборак юришни бир неча йилдан бери орзиқиб кутишаётир! Улар сизга раҳнамо сифатида эмас, ўзларининг ҳалоскорлари сифатида иззат-икром кўрсатадилар.

Бутакаллуфларга нисбатан Сайд Калоний мийифида кулиб бош ирғитди.

– Қуллуқ иним, қуллуқ!

– Ҳамкорлик – бу ғалаба!

– Ҳудди шу масала юзасидан сизни бу ерга таклиф қилдим-да. Айрим масалаларда сизга беғараз ёрдам бериш ниятида Покистондан азиз меҳмон ташриф буорган.

— Шундайми? — деди Эргаш устозининг маккорона чақнаб турган кўзларига ўғринча нигоҳ ташлаб.

— Қани, ичкарига, иним!..

Эргаш чопонини ечиб, енгил томоқ қириб, тўзиб кетган соч-соқолини силаб зинага оёқ босди. Кенг ва ним қоронфи хонага кириб борганида нотаниш кимса ёнбошлаб ўтиради. У келгувчини кўриб, ўрнидан кўзғалди. Эргаш ўзига нисбатан кўрсатилган такаллупдан ҳаволанди. Кибр ила қадам ташлаб меҳмоннинг олдига борди.

— Хуш омадэд! — деди форс тилида.

— Хушвақт бўлинг! — жавоб қайтарди меҳмон ўзбек тилида. У лар бағриларини бағриларига босиб кўришилар. Дастирхонда барча нозу неъматлар муҳайё эди. Таракалаётган хуш бўй димогни қитиқлар, иштаҳани очарди. Эргаш очиқкан бўлса-да, нафсини тийди. Сайд Калоний пиёлаларга чой қуийб узатди. Шу асно меҳмонни унга таништириди.

— Бу киши Азиз Аҳмад, разведка бошқармасининг Ўрта Осиё минтақаси бўйича масъул ходими.

Эргаш юқори мартабали меҳмоннинг хурмати учун ўрнидан турди, кўлини кўксига босиб таъзим қилди.

— Танишганимдан бағоят хурсандман! — деди мамнун бўлиб. Айни пайтда ўзининг бу даврага бежиз таклиф қилинмаганини тушунди. — Гарчи сиз билан муқаддам мулоқот қилмаган бўлсан-да, биродарларимизга бераётган беминнат ёрдамингиз ҳақида кўп кутлуг сўзларни эшитганман.

Меҳмон Калонийга маъноли қараб қўйди. У Эргашнинг «беминнат» деган сўзига кўпроқ урғу берганидан шубҳалангандек эди.

— Дўст оғир кунда синалади, — деди Азиз Аҳмад ўрнидан кўзғалиб. Бу билан Эргашни хижолатдан кутқармоқчи эди.

— Очифи, мен ҳам сиздек содик дўстларнинг ёрда-
мига муҳтожман.

Азиз Аҳмад ўзи кутган мавзуда гап очилганидан,
қолаверса, бу муаммони Эргашнинг ўзи кўтарганидан
мамнун эди.

— Сайд Калоний жаноблари сиз ҳақингизда кўп
яхши гапларни баён қилдилар. Бу ердаги урушнинг
ниҳояси кўринди. Фалабани муборакбод этадиган кун
етиб келди.

— Иншоаллоҳ!

— Кўлингизда қанча одамингиз бор? — сўради Азиз
Аҳмад тўдабошидан.

У жим қолди. Мехмоннинг нигоҳи унга қадалди.
Ҳозир 300 нафарга етмаган лашкари бор. Бу рақам-
ни айтса меҳмон қониқиши ҳосил қилмаслиги, у билан бўладиган музокараларга якун ясаши мумкиндеқ
туюлди. Ошириб айтса, рўпарасида Сайд Калоний
ўтирибди. У ҳаммасидан огоҳ. Шогирдининг сукунат
ботқоғига ботганлигини сезиб жавоб қилди:

— Бундан икки ой аввал биродаримизнинг қўлида
1500 нафар йигити бўлганди. Улар йўриқчиларингиз-
нинг тарбиясини олган. Содик йигитлар!

Эргашга жон кирди. Елкасидан тоғ қулаб бошини
кўтарди.

— Сафимиз кун сайин янги йигитлар ҳисобига
кўпаймоқда, — деди овозини баландлатиб. — Куни кеча
йигирма нафар кўнгиллилар келиб қўшилди. Яна юз
нафарининг келиши кутилмоқда. Бундан ташқари,
юртда минглаб одамларимиз бизни қўллаб турибди!
Афсуски, қурол-аслаҳа, ўқ-дорилардан андак қий-
налмоқдамиз...

Мехмон мақсад ва ниятлари сари яқинлашаётгани-
дан мамнун эди.

– Жаноблари қурол-аслаҳа, ўқ-доридан ташвиш чекмасинлар. Бу борада сизга ёрдам берамиз.

– Куллуқ! – Эргаш қўлини кўксига босиб, миннатдорчилик изҳор қилди. – Бироқ камтарин қулингиз яхшилигингизни қай тарзда қайтаришни билмайдурман. Ахир фоний дунё ҳисоб-китобли. Дорилбақога кифтимга гуноҳ юкини ортиб кетсам виждоним қийналади!

Сайд Калоний меҳмонга юзланиб, маъноли қўз қисди. Разведка бошқармаси ходими мақсадга кўчди:

– Одамларингизга қанча қурол даркор?

Бу илтифотдан Эргаш талмовсираб қолди. Гўё, аниқ рақамни айтса, ҳозироқ кўлига тутқазишадигандек эди.

– Ҳозирча минг дона автомат, шунча тўппонча, йигирма-ўттиз қути граната етарли, – деди Сайд Калоний шогирдининг ўйга ботганини кўриб. Меҳмоннинг юзида кулги ўйнади. Калоний арзимаган қурол-аслаҳани тилга олганига ажабланди. Бироқ бу рақамни янада кўпроқ айтиши, бу билан у Азиз Аҳмадга ён босаётганини сездириб қўйиши мумкин эди. Эргаш бунга аҳамият бермади.

– Қуролларни чегарадан олиб ўтиш муаммоси бор, – ниҳоят дилидагини тилига чиқарди Эргаш. – Одамларимнинг маълум қилишибча, ҳозир чегара ҳудудларига қўшимча куч ташланган.

– Чегарадан олиб ўтиш муаммоси тўғрисида сиз қайтурманг! Бу борада биз бош қотирамиз, – Азиз Аҳмад шундай деб Сайд Калонийга юзланди. – Мендаги маълумотларга қараганда, бу ердаги аҳоли чегара худудини кесиб Ўзбекистонга қочиб ўтаётган экан, шу гап ростми?

Сайд Калонийнинг юзи қизарди. Бироқ ҳақиқатни инкор этиш адолатсизлик эди. Шу сабаб бошини маъноли силкитиб қўйди.

– Биз қочоқлардан фойдаланамиз, – гапида давом этди меҳмон. – Сизнинг одамларингиз бир гурух қочоқларни марзагача ўқка тутади. Отилган ўқлар одамларга эмас, осмонга отилади. Шу тарзда улар чегарани ярим тунда бузиб ўтишади. Ичкарига кириб борадилар ва ўзлари учун қулай жойда чодир тикадилар. Пайтдан фойдаланиб қочоқлар орасида бўлган бизнинг одамларимиз ер остини қазиб, қуролларни яширадилар. Қочоқлар қайтиб кетгач, одамларингиз қуролларни яширилган жойдан кавлаб олишади. Хўш, Эргашбой жаноблари, таклифим сизга маъқулми?!

– Ажойиб таклиф. Биз учун энг қулай ва осон йўл ҳам шу!

– Замонавий қурол-аслаҳалар жаҳон бозорида жуда қиммат туради, – гапида давом этди Азиз Аҳмад.

– Шу сабабли бу борада сиз билан кичкинча шартнома тузиб имзолаб олсак. Ҳисобли дўст айрилмас.

– Биз томонга қандай мажбурият юкламоқчилик?

– сўради Эргаш.

– Биз одамларимизни ихтиёрингизга топширамиз. Сайд Калоний жаноблари ҳам жангда тобланган икки-уч минг йигитларини ёрдамга берадилар. Караб турибсизки, саноқли кунларда юртнинг сultonни бўласиз. Ёрдамимиз эвазига сиз Самарқанду Бухорони бизнинг ихтиёримизга топширасиз!

Азиз Аҳмаднинг овози шу даражада паст эшитилдики, ҳатто дастурхон тепасида учиб юрган пашшанинг фўнгиллаши bemalol қулоғига чалинди.

Эргаш ўтирган ўрнида худди ер тубига сингиб кетаётгандек ҳис этди ўзини. Бир сўз айтишга тили айланмади. Олов ичидаги қолгандек вужуди қизиди. У меҳмоннинг бундай нозик шарт қўйишини кутмаганди. Бошини кўтаришга, кўзларини тикиб турган Азиз Аҳмадга боқишига ўзида куч тополмади. Кўнглидан

«Ватанни сотсам, ўзимга не қолур» деган ташвишли ўй кечди. Лекин оғзига тикилиб турғанларга нимадир айтиши лозимлигини сезиб юраги эзилди.

— Маломатлар бўлсинки, мен бу тўғрида шу кунгача ўйлаб кўрмаган эканман. Лозим топсаларинг, бу саволга узоги билан бир ҳафтадан сўнг жавоб берсам.

Калоний билан меҳмон пинҳона кўз уриштириб олишди. Уларнинг қарашларида «тизгининг қўлимиизда, қочиб қаёққа хам борардинг» деган маъно зухур эди.

— Албатта, фикрланг, ўйланг, сўнг жавобини айтинг! — минфирилади Калоний.

Шундан сўнг Азиз Аҳмад гап мавзусини бошқа томонга бурди. Улар алламаҳалгача сұхбатлашиб ўтиришди. Лекин учаласининг фикри ёди ўзида эмасди.

ЮРТДА

Фатхуллохон дарёдан ўтаётганида хушидан кетди. Катердан тушиши билан уни машинага ётқизиб ҳарбий госпиталга олиб кетишиди. Шифохонага келганида бадани музлаб қолганди. Ҳеч нарсани сезмас ва идрок этмас, юзаки нафас оларди. Юрак фаолияти сустлашиб билинар-билинмас уриб турар, лаблари кўкариб кетганди. Олиб борилган барча саъй-ҳаракатлар, қилингандори-дормонлар наф бермади. Кутилмаганда юраги тўхтаб қолди. Докторлар массаж килиб, қийинчилик билан уни яна ҳаракатга келтиришди. Юрак ишга тушди, бироқ нафас олиш ўша-ўшалигича қолди. Юқоридан қандай қилиб бўлса ҳам Фатхуллохоннинг ҳаётини сақлаб колиш топширилган. Марказга унинг соғлиги тўғрисида ҳар ярим соатда ахборот жўнатишияпти. Бироқ юборилган маълумотлар қониқарли эмас. Уни ҳаётга қайтариш масаласи жиддийлигича

қолар, бу ҳол марказдагиларни ташвишга соларди. Ҳарбий самолёт орқали Термизга иккита малакали шифокор жўнатилди. Сунъий аппаратлар ёрдамида беморнинг ҳаёти маълум соатларга узайтирилганди. Шифокорлар қўлларидан келган ҳамма чораларни қўллашди, сўнгги умидлари Тошкентдан келаётган профессорларда эди. Улар келгунча беморнинг ҳаётини сақлаб туриш шарт эди. Шифокорлар бир ярим соатда етиб келишди. Фатҳуллохонни синчилаб текширишди. Профессорлар ажал билан олишишга бел боғлашди, қайтадан муолажа бошланди. Беморнинг қон томирига дорилар юборилди. Бу охирги имконият эди. Орадан ўн дақиқа ўтиб, унинг нафас олиши ва юрак фаолиятида ўзгариш пайдо бўлди. Кўкариб кетган лабларига қон югурди. Ярим соат ўтиб, юрак бир меъёрда ура бошлади.

Фатҳуллохоннинг томирларида хайрул умрнинг қони аста-секинлик билан оқарди. Кўз ўнгини қоплаб олган туман ичида гоҳ ўтмиши, гоҳ ота-онаси, ўтиб кетган авлод-аждоди намоён бўлди. Бир пайт у туман ичида Червон хонимнинг қиёфасини кўрди. Хоним бақириб-чақириб уни қарғади. Фатҳуллохон у томонга интилди, бироқ оёқларини ердан узолмади, қўлларини мушт қилиб ўдағайлади, холос. Овозининг борича «мени шу кўйга солган сен манжалаки», деб бақирмоқчи бўлди, аммо овози чиқмади. Шунда унинг қулоқларига кимнингдир овози узук-юлук чалингандек бўлди, қақшаб кетган баданига нимадир санчилиб озор етказди. Фатҳуллохон кўзларини очмоқчи бўлди. Оғирлашиб қолган киприкларини зўрға кўтарди, аммо уларни бир-биридан ажратолмади. Шунда қулоқларига чалинаётган шовқин ичидан эркак кишининг овозини илғади. Туман ичидан оқ халатли одамлар кўринди.

Фатхуллохон ҳавони симириб нафас олди. Ҳар замонда бир бор учиб турган кўллари ҳаракатга келди. Шифокорларнинг рангига ҳам қизиллик юурди. Уч кундан сўнг бемор ўрнидан турди. Оёқлари қалтираб дёраза ёнига келди. Ташқарига боқиб ўтган воқеаларни эслади, кўзларига ёш олди. Болалари, аёли, қўни-қўшнилари ва ниҳоят, Бўронни эслади.

Фатхуллохон ҳаётда ёмон яшамади. Одамлардан ҳам ёмонлик кўрмади. Сири ошкор бўлгунча маҳалланинг катта-ю кичиги хурматини қилди. Иссиқ-совуқ маъракаларда бош турди. Ўзига ишонган, уйининг тўридан жой берган, бир бурда нонига шерик қилган одамларга нисбатан ёмонлик қилди. Эргашнинг гапига кириб уларнинг тинчини бузишга, бир-бирига қарши қўйишга интилди. Кимларнингдир кўлига қурол тутқазди. Кимларнидир разил ишларни тарғиб қилишга ундали. Эндинга мустақилликка эришган, ўзининг ойдин келажагини қуришга интилаётган Ватан осойишталигини бузмоқчи бўлди. Бироқ нимага эришди, югуриб-югуриб қаерга борди?! Хориждан паноҳ излаб Афғонистонга чопди. Ўзининг одамлари, уни йўлдан оздирган кимсалар нақ бўлмаса тириклай қабрга тикмоқчи бўлди. Остонасидан ҳайдаб солган, бир парча ерини тортиб олган Бўрон бор экан, корига яради. Яна ватанига қайтарди. Дарвоҷе, қандай қилиб ў Афғонистонга ўтиб қолди? Ким уни Эргашнинг тузогига илинтирди? Фатхуллохон қанчалик бош қотирмасин бу саволларга жавоб тополмади.

Фатхуллохон ёш тўла кўзларини катта-катта очиб ташқарига қарап экан, ўша аламли ва андухли қунлар энди ортда қолганига, бундан бу ёғига тавба-тазарру қилиб, шукrona айтиб, ватанига чин дилдан хизмат қилишга қасам ичди. Бошига қора қунни солган аплаҳларнинг кирдикорларини очиб ташлашга аҳд

қилди. Орадан бир ҳафта ўтиб соғайди. Иштаҳаси очилиб тўйиб-тўйиб овқат еди. Шундан сўнг шифокорлар кузатуви остида Тошкентга жўнатилди. Бу ерда икки ҳафта даволанди. Тергов-суриширув ишлари бошланди. Қария терговни чалғитмасликка, берилган барча саволларга тўғри жавоб қайтаришга ҳаракат қилди. Унинг саёзлашиб қолган хотирасини тиклаш учун вақт керак эди. Муҳими, асабларини тинчлантириш, зерикмаслик лозим эди. У терговчиларга мамлакат ичкарисида яшириниб юрган Эргашнинг одамлари ҳақида билганларини сўзлаб берди. Уларнинг рўйхатини тузишда ёрдамлашди. Жангарилашларнинг қаерда яшашларини, кимдан топшириқ олиб туришларини айтди. Бу тергов ва қидишув ишлари учун муҳим маълумотлар эди. Шу кунга қадар Эргашнинг мамлакат ичкарисидаги гумашталари ва уларнинг олдига четдан қелиб кетувчи кимсаларнинг шахси етарли даражада ўрганилмаганди. Оғир жиноятларни содир этиб мамлакатдан қочиб кетган жангарилашларни ҳамда уларнинг исм-шарифларини аниқлаш мавҳум бўлиб қолаётган эди. Фиёсов ва вилоят ижрия қўмитасининг раиси кимлар томонидан ўлдирилгани ҳам тергов жараёнида тасдифини топди. Фатҳуллохонда маълумотлар анчагина эди.

Юрагида битмас-туганмас жароҳат қолдирган Червон хонимдан қасос олиш ниятида унинг барча кирдикорларини очиб ташлади. Бир вақтлар унга ошигушайдо бўлиб уйига келиб-кетиб юрган дамларида тасодифан қўлига дафтар тушиб қолган эди. Хоним алдов ўйлари билан ўз томонига оғдириб олган ўнлаб аёлларнинг исм-шарифи, яшаш манзиллари ёзилган унга. Фатҳуллохоннинг шумлиги тутиб дафтарни ўзи билан бирга олиб кетган ҳамда уйига, кўздан яширин жойга беркитиб қўйган. Кутилмагандан шу дафтар ёди-

га тушди. Бу ҳақда терговчига айтиб берди. Ўша куни ёки қидирав бўлимининг ходимлари Фатхуллохоннинг уйига жўнаб кетишиди ва эртаси куни дафтарни олиб қайтишиди. Фатхуллохоннинг кўрсатмаси билан яшириниб юрган айрим кимсаларнинг исми шарифи, ҳозир қаердалиги аниқланди. Мамлакат ичкарисидағи Эргашнинг тарафдорлари пайтавасига курт тушди.

Эргашнинг кўплаб одамлари хибсга олинди. Фатхуллохонга нотаниш бўлган ҳамда тергов чоифида исмини унутиб қўйган кимсалар уясига сув қуйилган чумолидек типирчилаб қолишиди. Турли томонларга жуфтакни ростлашди. Уларнинг ичида ўзини ҳукуқни муҳофаза қилиш идоралари ходимлари кўлига топширишни истамайдиган қайсар кимсалар ҳам йўқ эмасди. Улар Эргаш гурухи томонидан қабул қилган қасамёдга содиқлигини кўрсатиш ниятида орган ходимларининг кўзидан қочиб хавфсизроқ жойдан бошпана ахтаришарди. Ўшандай гурухнинг бирига Самараҳон исмли кимса етакчилик қиласарди. Ташқи кўринишидан ўта раҳмдил, аммо тош юракли бу кимса ҳақида китобимизнинг кейинги бобларида тўхталишни лозим топдик.

САМАНГАН

Эргаш Душанбедан дилгир кайфиятда қайтди. Қоронгилик босган юрагини қуёш нурлари ҳам ёритолмасди. У Сайд Калонийдан бу қадар пасткашликни кутмаганди. Қолаверса, маҳсус хизмат идоралари унинг чорасиз қолганидан фойдаланмоқчи бўлаётгандарини энди ўzlари фош қилишиди. Уларнинг мақсади тўдабошига беғараз ёрдам бериш эмас, балки шу кўмакнинг замирида ўzlарининг пинҳона мақсадлари яширинганини тўдабоши шу пайтгача хаёлига

келтирганда. Юртга бостириб кирмасдан, ўзининг хукмронлигини ўрнатмасидан олдин Азиз Аҳмад сингари жосусларга таксимлаб ташласа, ўзига нима қолади? Кимга бош бўлади? Юртда террорчи, босқинчи деган ном олгани етмагандай, энди «ватанфуруш» деган тамғани ҳам пешонасига ёзиб оладими? Миллий низолар, адоватлар баттар кучаймайдими? Аросатда турган халқ ватанфуруш экан деб ундан юз ўгирмайдими? Эргаш шуларни ўйлаб Азиз Аҳмаднинг саволини жавобсиз қолдирди. Айғоқчи кеч бўлса-да, хатосини пушаймонлик ила тушунди. Шундай бўлса-да, у Эргашнинг руҳини туширмаслик мақсадида гапни бошқа томонга бурди. Бир қатор мамлакатлардан қурол-аслаҳа келишини, уларни текинга беришини айтди. Эргаш ўзининг маконига кетаётганида бу ҳакда жиҳдий ўйлади. Юрагида Азиз Аҳмаднинг ваъдасига шубҳа уйғонди.

Лагерда ўзини нималар кутаётганидан бехабар Эргаш шомга яқин кириб келди. Уни кутиб олиш учун ўйлига чиққан одамларининг боши ҳам эди. Оғизларига мум солгандек бошларини эгиб туришибди. Тўдабоши бу ерда қандайдир кўнгилсизлик бўлганини қовоқ-тумшуқларини осилтириб туришганиданоқ англади. Юз-кўзларига саволомуз тикилди. Кимdir юрак ютиб нохушлик сабабини баён қилди.

— Сиз пойтахтга жўнаб кетган кунингиз тунда Бўрибойни кимдир бўғизлаб ташлади, — деди паст овозда.

Эргашнинг рангидан қонқочди. Юзи оқариб, кўзлари чўғ мисоли ялтиради.

— Ким экан у баттол?! — деди. Фазабланганидан вужуди япроқдек титради.

— Ҳозирча аниқлай олмадик, амирим, — орқа сафда турган одамлардан бири фамгин оҳангда жавоб қайтарди.

— Гумонларинг кимдан?!

Эргашнинг саволи жавобсиз қолди.

– Нега жимсанлар? Ёки сенлар ҳам унга шерикмидинг?! – овозини баландлатиб ўшқирди тўдабоши.

– Ўлимдан хабаримиз бор, аммо бу хунрезликни ким қилганини билмаймиз, амирим.

– Ичимиизда душман бор. Мен уни топиб терисини шилиб, хуморим босилмагунча тинчимайман!

– Ҳақ гапни айтдингиз, амирим. Ҳукуматнинг айгоқчиси ичимиизда!

Эргаш ялт этиб овоз келган томонга ўгирилди. Сўзлаган одамнинг кўзларига нигохини ўқдек қадади.

– Билар экансан, нега аниқламайсан, ит?! Нега менга бир оғиз шипшимайсан?!

– Билганимда ичак-чавофини салла қилиб бошига ўраб қўйган бўлардим, амирим. Билолмай доғдаман! – надомат билан деди бояги йигит.

– Аниқлайсан, Содик! Сенга бир ҳафта муҳлат! Тополмасанг, ўзим ичак-чавофингни бошингга салла қилиб ўраб қўяман, тушундингми?!

Содик кўлларини кўксига қўйиб бош эгди. Унинг юзи қизариб-бўзарганди.

Эргаш чодир томон юрди. Ортидан шатаклари эргашди. Бундай пайтларда қўпчилик унга routeProvider келишдан чўчирди. Олдига юрак ютиб боролмасди. Хўжайнинг қоронфилик чўккан, фам-андух кемираётган юрагига фақатгина Нўъмон далда бериши мумкин. У чодирга этиб боргунча хўжайнинг қандайдир хуш кайфият бахш этувчи сўзларни айтиб борди. Чодирга яқин келишганда Нўъмон хўжайнинг олдига ўтди ва эшикни очди, қўл қовуштириб ичкарига таклиф қилди. Остонадан ўтиши билан димогига хуш бўй урилди. Дераза ёнида орқа ўгириб ўтирган аёл ўрнидан турди. Одоб-икром билан қўлинни кўксига босиб таъзим қилди. Унинг қизғиш, майин соchlари елкаси-

га ёйилиб тушган. Мовий кўзлари, турли бўёқлардан ялтираб турган юзларида табассум жилва қиласди. Бироқ бу табассум қўркув ва ҳадикни яшиrolмади. Эргаш бир қарашдаёқ аёлнинг европалик эканлигини сезди. Унга сўзсиз тикилди. Сўнг Нўъмонга қаради. Унинг чақнаб турган кўзларида «бу ким?» деган маъно яширин.

– Ўзимизникилар ташлаб кетишиди. Икки-уч кун кулбангизда яшаб турарканлар! – деди айбордек бошини эгиб.

– Ўзимизникилар деганинг ким? – Эргашнинг асаби бузилган овозидан сезилди. Нўъмон тайёрлаб қўйган совфаси бошлиққа ёқмаганидан афсусланди. Аёлни кўрса юмшар деган ўйда эди. Унга хўп мулозамат кўрсатиб, ҳурматини қозонишга ҳаракат қилганди. Шунча юргургани сариқ чақага арзимади. Ҳақиқатан хам аёлни ким ташлаб кетганини билмасди. Тун ярмида уч-тўрт нафар йигит машинада келди. Эргашни сўрашди. Душанбега кетганини айтди. Орқа ўриндиқда ўтирган аёлнинг машинадан тушишини илтимос қилишди. Аёл оппоқ оёқларини, сўнг чиройли қоматини кўз-кўзлаб пастга тушди. Нўъмоннинг юраги дукиллаб уради. Бундай гўзал ва латофатли аёлни камдан-кам учратганди. Пастга тушганида тунги эпкин унинг юпқа кўйлагини тортқилаб кўтариб юборди. Йигитлар аёлга ўз тилида нимадир дейишиди. Аввалига аёл рўйхушлик бермади. Бошини эгиб қисқа, аммо кескин сўзларни сўзлади. Йигитлар ялинувчан оҳангда яна нималарнидир тушунтиришди. Ноилож қолган аёл бош иргиди. Шундан сўнг йигитлар ортга қайтишиди. Аёл қолди. Нўъмон уни хўжайнинг азиз меҳмони бўлса керак деб ўйлади. Гоҳ рус, гоҳ тоҷик ва ниҳоят, ўзбек тилида ичкарига – Эргашнинг ётоғига таклиф қилди. Аёл индамай ортидан эргашди. Нўъ-

МОН ЖОНОННИНГ ҚОМАТИГА БОҚИБ ТҮЙМАСДИ. УНИНГ ХУСНИ ЮРАГИНИ ЖИЗИЛЛАТАРДИ. КЕЧАДАН БЕРИ ИЧИГА ЧҮФТАШЛАГАН БУ АЁЛНИНГ ҚОШЛАРИГА НИГОХ ТАШЛАБ:

— ШУ ЕРЛИК БИРОДАРЛАРИМИЗ БӨЛСА КЕРАК-ДА, ХҮЖАЙИН! — деди юрак ютиб.

БУ ЖАВОБ ХҮЖАЙИННИ ҚОНИҚТИРМАДИ.

— СЕНГА ДОИМ АЙТАМАН, КЕЛГАН ОДАМНИНГ КИМЛИГИНИ, ИСМ-ШАРИФИНИ СҮРАГИН ДЕБ. КУЛОФИНГГА ГАП КИРМАЙДИГАН ЙИГИТ ЭКАНСАН! — деди.

— АЗИЯТ ЧЕКМАНГ, АФАНДИМ! — НИҲОЯТ ТИЛГА КИРДИ АЁЛ.

УНИНГ ЧҮЗИНЧОҚ ВА ПАРДОЗ-АНДОЗНИ КҮП ИШЛАТГАНИДАН ОҚАРИБ КЕТГАН ЮЗИ СОХТА ТАБАССУМДАН ЁРИЩДИ.

— БЕН ТУРК МАМЛАКАТИНДАН ГЕЛДИМ. БИЗИН АРҚАДОШДИН ЧҮХ СЕЛОМЛАРИ ВАР!

БУ СҮЗЛАРНИ ЭШИТГАН ЭРГАШ ТОК УРГАН ОДАМДАЙ СЕСКАНИБ ТУШДИ. КИЁФАСИ ЕВРОПАЛИКЛАРГА ЎХШАБ КЕТАДИГАН БУ АЁЛНИНГ ТУРКЛИГИНИ ХАЁЛИГА КЕЛТИРМАГАНДИ. ТУРКИЯ ЗАМИНИГА БОРМАГАН БӨЛСА-ДА, ЎЗБЕКИСТОНДАН КЕТИБ ҚОЛГАН БИРОДАРЛАРИНИ ТАНИРДИ. ВАҚТИ-ВАҚТИ БИЛАН АЛОҚА БОҒЛАБ ТУРАРДИ. 80-ЙИЛЛАРНИНГ ОХИРИДА ЎЗБЕКИСТОНДА ЭНДИГИНА ШАКЛЛАНАЁТГАН ГУРУХ ФАОЛИЯТИНИ ЙЎЛГА ҚЎЯЁТГАНИДА ТУРКИЯЛИК ВАТАНДОШЛАРИ БИЛАН УЧРАШГАН. КЕРАКЛИ МАСЛАҲАТ ВА ЙЎЛ-ЙЎРИҚЛАРНИ ОЛГАН. ҚОЛАВЕРСА, АФГОНИСТОНДА ХИЗМАТ БУРЧИНИ ЎТАЁТГАН КЕЗЛАРИ МУЖОҲИДЛАР ҚЎЛИГА АСИР ТУШГАНИДА ҚАНДАЙДИР НОТАНИШ, БИРОҚ ТИЛИДАН ТУРК МИЛЛАТИГА МАНСУБЛИГИ СЕЗИЛИБ ТУРГАН ЙИГИТ УНИ СҮРОҚ-САВОЛ ҚИЛГАНДИ. ЎША ОДАМНИНГ КЎРСАТМАСИ БИЛАН КЎПГИНА ҚОҒОЗЛАРГА ҚЎЛ ҚЎЙГАН. ОДАМЛАРНИ ҮЛДИРМАГАН БӨЛСА-ДА, МУРДАЛАРНИНГ БЎҒЗИГА ПИЧОҚ, ТИРИКЛАРНИНГ ПЕШОНАСИГА АВТОМАТ ТИРАБ СУРАТГА ТУШГАН. ЎШАНДА БУ СУРАТЛАР НИМА УЧУН ВА КИМГА КЕРАКЛИГИНИ ХАЁЛИГА КЕЛТИРМАГАН. ОРАДАН КЎП ЎТМАЙ АФОН УРУШИ ТУГАБ, МАМЛАКАТДА ПАРОКАНДАЛИК ЮЗАГА КЕЛГАНИДА ЎША СУ-

ратлар Туркияда яшाइтган ватандошларнинг қўлида пайдо бўлди. Эргаш суратларни кўриб, бадани музлаб карахт бўлганди. Бундай суратлар ҳуқукни муҳофаза қилиш идоралари ходимларининг қўлига тушиб қолса, тақдири нима бўлишини яхши билади. Бироқ улар Эргашни органга тутиб беришмади. Суратларни уларнинг қўлига топширишмади. Уни йўқлаб келган одамлардан бири турк эди. Анча гапга чечан, бироқ айёр эди. Хонимнинг турк тилида сўзлашини эшитиб Эргашнинг кўз ўнгидаги ўша танишининг қиёфаси гавдаланди. Ҳозир ҳам рўпарасида тургандек бадани сесканди. Хоним «танишларингиздан салом» деганда ўша одамни назарда тутдими? Эргаш буни билолмади. Қайси оғайниларимдан деб сўрашга истиҳола қилди. Улар салом йўллашибдими, Эргашнинг бу ерга келишидан хабардор! Уни пойлаб юришган. Нима иш килаётганини кузатишяпти. Мухими, унутишмаган.

Эргаш қархисида ширин табассум ҳадя этиб турган бу аёлнинг устига қалам билан чизилган ингичка қошлиарига суқ билан тикилди. Юрагида ширин ҳис уйфонди.

— Хуш келибсиз, хоним!

Нўъмоннинг кўнгли жойига тушди. Чўзинчоқ юзи табассумдан ёришди.

— Менга ижозатми, хўжайин? — деди ютиниб.

Эргаш бош иргиди. Нўъмонни остонаяга етганда тўхтатди.

— Бирор егулик келтир, қорним оч.

Хоним мастона қадам ташлаб боя ўтирган жойга борди. Деразадан тушиб турган қўёшнинг шаффоғ нурлари унинг қўнғир соchlарини бир оз қизғиши тусга бўяди. Бўйнидаги олтин занжир учига илинганди юрак шаклидаги тақинчоқни бармоғи билан эзғилаб, яна Эргашнинг юзига бокди. Бу орада тўдабоши эгнидаги

тўйини ечиб, дераза ёнидаги илгакка илди. Пешонаси ни кафти билан силади.

— Бен чўх угзел юмушла гелдим, — деди хоним Эргашнинг курсига ўтиришини ҳам кутмай. Бу сўзларни сўзлаётганда юзи жиддийлашгандек бўлди.

— Кулогим сизда, хоним... — Эргаш аллақандай ноушиликни илгади.

— Балки бугун, балки ярин яниниза Афғонистандан Гулбиддин Ҳикматёр эфендимин аркадашлари гелажак...

— Қандай масала бўйича? — шошиб сўради тўдабоши. — Билсак бўладими?

Хоним кўйлагининг этагини букиб Эргашнинг рўпарасига ўтирди, оғзидан чиқкан иссиқ ховур унинг юзига урилиб туради. Аёлга жиддийроқ разм солди. Боя кўзига ёшгина кўринган бу аёлнинг юзига суртилган бўёқлар ортидан анча ёшга бориб қолганини пешона ва кўкрагидаги ажинлар ошкор қиласади.

— Бизе гелан билгилара гўре бурдаги аркадашлардан Афгона гечмишлар. Ўрада Гулбиддин Ҳикматёр жаноблари ила кўнушмушлар. Бу аркадашларин гузел шехерлериниз ўлмиш Бухара ве Самарканд ила гечирмак истерлер. Сизе ёнина чорлайиб бўйлашней, истеселер асло рози ўлмайин. Агар рози ўларсангиз, Узбекистани дурум чўх кўту ўлежек. Бўйла ўлмесини истемедийим учун янингиза гелдим, — деди аёл туркчалаб.

Эргашнинг бошида санчик тургандек бўлди. Сайд Калонийдан ноўрин ранжиганини пайқади. Демак, бу ишнинг бошида бошқа одамлар турган экан-да. Яхшиямки уларнинг таклифини қабул қилмади, агар қурол-аслаҳа эвазига уларнинг шартларига кўнгудек бўлса, шарманда бўлиши аниқ эди. Дарвоқе, бу хабарни улар кимдан, қачон эшитишдийкин? Нега бундан

ташвишланишяпти? Мақсадлари нима? Туркиядаги биродарлари хабар топишибими, Эргашнинг сирсақлашига ҳожат йўқ. Бу ерда Туркия разведкасига хизмат қиласидиган айғоқчилар бор!

Айғоқчи сўзи хаёлига келганда Эргашнинг вужуди қақшаб кетди.

— Мени афв этинг, хоним, сиз бу хабарни кимдан ва қачон эшитдингиз? — сўради шошиб.

— Бу хабари бен эмас, сизин аркадашлариниз демиш. Кимдан ве не заман хебер топиш ҳақинда бана сўйлашмади.

Эргаш учун бир нарса ойдинлашди. Хоним айтган ўша биродарлари бундан ташвишланиб, унга хабар беришга шошилишган.

— Ҳозир пойтахтдан келяпман. Разведка бошқармаси ходими мени чақириб, олдимга икки шарт қўйди.

— Сиз не сўйладиниз? — хонимнинг саросимага тушиб қолгани унинг юз-қўзларидан маълум эди.

— Рад жавобини бердим!

— Чўх гузел, эфендим! — хоним мамнун бўлиб иссиқ кафти билан Эргашнинг қайноқ юзини силади. — Иншааллоҳ, бундан сўн сизле ҳемкарлигимиз девам этаҷак. Лазим ўлан хер шэйи веражайиз.

Тўдабошининг юраги таскин топди. Рухи енгил торти. Ундаги ўзгаришларни хоним илғади. Қалбидаги шодлик ва қувончни сўз ила эмас, балки ҳаракатлари ила ошкор қиласи келди. У Эргашнинг қўлларидан тутди. Нозик бармоқлари ила унинг билагини силади. Эргаш қаршисидаги бу аёл юзидаги сирли ва ширин табассумнинг маъносини илғаб етди. Қандайдир ички ҳиссият эркаклик фурурини қитиқлади. Хонимнинг қўлидан, сўнг юмшоқ билагидан ўпди. Шупайт эшик очилиб қўлида лаган кўтарган Нўъмон кириб келди...

— Қовурдоқ пишириб келдим, хўжайин, — деди юзи қизариб. — Яна нима олиб кирай?

— Анави арманларнинг конъягидан келтириш.

— Бош устига!

Нўймон чиқиб кетгач, Эргаш меҳмонни ўтиришга таклиф қилди...

Туркон хоним кетиш олдидан яна бир бор Эргашнинг қайноқ бўсаларига юзини тутиб берди. Икки ошиқ бир-биридан айрилишни истамади. Айрилиш улар учун азоб эди. Вақт эса ўтиб бораради. Хонимнинг жўнаш фурсати етди. Довон ортида уни одамлари кутишарди. Нихоят, Туркон хоним ўрнидан турди. Тимсоҳ терисидан ишланган сумкасидан ойнагини олиб, тўзғиган соchlарини тартибга солди. Юзларини силади. Кўкарған жойларига бўёқ суртди.

— Гурк гиби таним озор вермишисиз, — деди у ҳирс ёнган кўзларини Эргашга қадаб. — Гўзу тушганлара не дейин?

— Упадан кўпроқ суртинг, — ўзича маслаҳат берган бўлди тўдабоши. Сўнг ўрнидан турди. Боши енгил айлангандек бўлди. Вужудида танасини кўтариб турдиган қувват қолмаганди. Гандираклади, кўл-оёғи қалтираб кийинди. Ташқарига чиқишдан аввал хоним Эргашнинг қўлига пакет тутқазди.

— Аркадашлариниз верди!

Пакетнинг ичидаги нима борлиги уни қизиқтирмади. Фикр-хаёли пардоз-андоздан яшариб кетган Туркон хонимда эди. Эргаш кенг қучоини ёйиб Туркон хонимни бағрига тортди. Бир нафас хушбўй хид уфуриб турган бошига юзини босди.

— Яна келасизми?

— Лазим ўлсам арайиниз, — нозланиб деди хоним.

— Топаман, албатта, тирик юрсам топаман, — онт ичгандек пичирлади.

Хонимни кузатиб қўйгач, тўдабоши вужудида лоҳаслик ҳис этди. Ҳамон боши айланар, вужудини безгак тутгандек енгил титроқ эгаллаб олганди. У Нўъмонга иссиқ чой олиб киришни буюрди-да, хонасига қайтиб кирди. Хонада хонимдан қолган ширин ҳид анқирди. Ҳавони симириб чукур-чуқур нафас олди. Стол устида у ташлаб кетган пакет турарди. Кўзига ғалати кўринди. Ичиди нима бор экан деган қизиқиша унга қўл чўзишга мажбур бўлди. Титроқ қўли пакетга эмас, балки хоним унутиб қолдирган олтин занжирга тегди. У анча салмоқли, юрак шаклидаги туморни эслатувчи тақинчоқ эса ундан-да вазмин эди. Буюмнинг орқа томонида кўз илғамас тугмача бор эди. Эргашнинг қўли шунга тегди. Қопқофи очилди. Кўзи ипдан-ингичка симга тушди. Бу фақат разведкачилар иш юзасидан ишлатадиган микромагнитофон эди. Эргаш бундай буюмни аввал кўрмаганини эслади. Демак, овози шу лентага ёзилган. Кимнингдир топшириги бажарилиши лозим бўлган.

Эргаш пакетда ўзи учунгина эмас, балки бу ердаги йигитлари учун ҳам ўта муҳим маълумот борлигини хаёлига келтирмаганди. Ичидан бир даста суратлар билан икки варак қофоз чиқди. Суратларни томоша қилди. Расмдаги ўзи тенги йигитнинг қиёфаси эътиборини тортди. Таниш чеҳрали бу йигитни қаерда, қачон кўрганини эслолмади. Шундан кейин қофоздаги ёзувларни ўқишга тутинди. У кирилл ҳарфида битилганди.

«Мұхтарам иним, Эргашбой. Ушбу суратларни жүннатишмдан мурод шулки, сиз тасвирда кўриб турган бу йигит сизнинг юртдошингиз бўлиб, 1985 йилда Қаңдаҳор яқинидаги тог йўлида бир гурӯҳ шўро аскарлари сафида мужоҳидлар томонидан асирга олинган. Тутқунларнинг кўпчилиги биз

билан ишилашдан бўйин товлагани учун қатл этилган. Сиз суратда кўриб турган бу йигит 10 йил давомида Покистоннинг турли туманларида яширин ҳолда сақланган. Сизга маълумот тариқасида шуни қўшимча қиласизки, бу йигитнинг исми Қодир Баҳодирхон ўғли бўлиб, водийнинг Олтинтопар қишлоғида истиқомат қилган. Шўро армияси раҳбарлари уни афғон уруши вақтида ҳалок бўлганилиги тўғрисида ота-онасига маълумот жўнатишган. Урушдаги жасоратлари учун ҳукуматнинг ордени билан тақдирланган. Қишлоқдаги мактаб ва кўчалардан бирига унинг номи берилган. Отаси ширкат хўжалигига раҳбарлик қилмоқда. Ўглининг тириклиги тўғрисида ҳеч қандай маълумотга эга эмас. Одамларингиз орқали Қодирнинг айни пайтда тириклигини айтиб, суратларини кўрсатсангиз, унга ишонмасдан ўзга чораси йўқ. Бу билан сиз унинг падарини ўз томонингизга оғдириб олиш имконига эга бўласиз»...

Нўймон нонушта олиб кирганда хўжайин хаёлга толганча ўтиради. Бу унинг учун қутилмаган янгилик, қолаверса, катта бойлик манбаи эди. Гарчи Қодирни танимаса-да, Аффонда ўлиб кетган йигитларнинг ота-оналари қишлоқда қандай иззат-икромга лойиқлигини Эргаш яхши билади. Давлат улар учун барча имконият ва шароитларни яратиб берган.

– Нўймон, – деди хўжайин қўлидаги бир даста суратни хонтахта четига қўйиб. – Ишончли одам топ. Зудлик билан водийга тушиб келиш керак!

– Тинчликми, хўжайин?

– Тинчлик эмас, қулинг ўргилсин бир иш чиқиб қолди! Ёки ўзинг жўнайсанми?

– Водийда мени ҳамма танийди, хўжайин. Бошқа одам топа қолай!

— Мўлжалингда кимни жўнатсак маъқул? Билиб қўй, танлаган одаминг қилни қирқ ёрадиган устомон, айёр, муттаҳам, шаллақироқ бўлсин!

Нўймон ўйланди. Хаёлан ўзига қарашли йигитларни эслади. Хўжайиннинг киртайган кўзларига тикилиб:

- Топдим, хўжайн, — деди хурсанд бўлиб.
- Ким?- шошиб сўради Эргаш.
- Шариф!
- Биз айтган топшириқнинг уддасидан чиқа оладими?
- Суҳбатлашиб кўрасиз-да.
- Чақир!

ЮРТДА

Шариф Олтинтопар қишлоғига шомга яқин кириб борди. Йўловчи машина уни гузарга ташлаб кетди. Атрофи тоғу тошлар билан ўралган қишлоқ кўчалари ишдан қайтаётган одамлар билан гавжум. Баданин жунжиктирувчи совуқ эпкин эсади. Шариф машинадан тушди-ю, шу ернинг одамидек пастлик томон тушиб кетди. Катталардан гап сўраш нокулай, шубҳа уйғотиб қўйиши мумкин. Болалар тўп ўйнаётган яйловга борди. Уларнинг ўйинини томоша қилган бўлди. Нихоят, улардан биридан сўради:

- Баҳодирхон раиснинг уйи қайси?
- Бола қўлини пастга чўзиб:
- Тунукаси ялтираб турган хув анови икки қаватли уй! — деди.

Шариф икки қаватли дарвоза олдига етганда ичкаридан чиқаётган овозни эшитиб тўхтади...

Нўймон бошлиққа ҳақ гапни айтди. Лагерда Шарифнинг олдига тушадиган мугомбир одам топилмасди. Безорилик қилиб қамоқхонада икки бор ўти-

риб чиққан. Охириги сафар тушганида нозирни алдаб қочиб кетди. Шаҳарда уч-тўрт ой яшириниб яшади. Эргашнинг одамларига рўпара келиб қолди. Уларга эргашиб Тожикистонга қочиб ўтди. Асли хоразмлик бўлган бу йигитнинг водийга биринчи келиши эмас. Ёшлиги Курама тоғлари қўйнида ўтган. Отаси узоқ йиллар хўжаликнинг қўйларини боқиб рўзгор тебратган. Бахтсиз тасодиф туфайли қоядан тушиб, умурткаси синиб, кўрпа-тўшак қилиб ётиб қолган...

Шариф ичкарида бўлаётган ҳангомани тинглаб ўтириди. Кўча эшикдан ўн беш қадамча наридан, тепадан совуқ сув шовуллаб тушаётган катта ариқ тепасига темир қафас ўрнатилган бўлиб, унинг ичидаги жуфт шер сакланади. Қафас атрофини одамлар ўраб олган:

- Ҳакиқатан ҳам булар шерми?
- Ишонмаётган бўлсанг қафас ичига кир!
- Бир томоша кўрсатинг, раис бува!
- Айтишларича, шерларингиз бузоқни ҳам тириклий ғажиб ташлармиш-а?

Одамларнинг шовқини шерларнинг фашига тегди шекилли, оғизларини очиб ириллади. Лаблари икки томонга тортилиб узун тишлари кўриниб кетди.

Қафас ёнида томошабинларнинг сўзларини тинглаб ўтирган яланг бош, майкачан раис тўпланганларнинг сўзини жимгина эшишиб, томоша кўрсатишга шайланиб турган цирк артистидек қўлини ҳавода силкитиб, ўткир тишларини гичирлатиб турган шерларга: «Тихо!» дея буйруқ қилди. Шерлар оёғини тунукага тираб жим қотди.

– Холмат! – қичқирди хўжайин.

Ховли тарафдан оқ яктаклик кекса ёшдаги одам югуриб чиқди.

– Лаббай, хўжайин!

— Кўрадан такани олиб кел!

Ичкарига киришни ҳам, кирмасликни ҳам билмай турган Шариф яна бир оз сабр қилишни лозим топди. Бахтига кўчада одамлар кўринмади. Бояги икки меҳмон бир-бирига қараб, раиснинг шаънига мақтov ёғдиришиди.

— Отангизга минг раҳмат! Шундай йиртқични қўлга ўргатибсизми, демак, сизга гап йўқ, раис бува!

— Булар зотдорлари бўлса керак. Терисини қара, ялтирайди. Бундай шерлар ҳозир «Қизил китоб»га киритилган.

— Ҳафсалангизга қойил, раис бува!

— Урчитганмисиз?

— Анавинисининг қорни икки томонга чиқиб қолибди. Назаримда яқин кунлар ичида болаласа керагов.

— Биттасини берасиз, раис бува! Ҳозироқ машинами закалатга ташлаб кетаман.

— Қайдаги гапларни гапирасан, полвон. Раис бувам сенинг шалаги чиқкан эски аравангга зормидилар? Оламан десалар бугуноқ ўнтасини қаторлаштириб ташлайдилар!

Мақтovлардан ҳаволанган раис бува меҳмонларнинг сўзини бўлгиси келмасди. Бу орада Холмат қўрадан семиз такани судраб келди. Жонивор қафасга яқинлашганда димоги шерларнинг хидини олиб, овозининг борича маъраб типирчилай бошлади. Овози атрофни бузиб юборай деди. Шерлар ўрнидан туриб пишқирди. Иккиси ҳам оч эди. Кейинги пайтда раис бува йиртқичларни тушлиқдан тортиб қўйди. Илгарилари вилоятдан, республикадан, ҳатто иттифоқдан келган меҳмонлар шерларни кўриш иштиёқида Олтинтопар қишлоғига тез-тез ташриф буюришарди. Кейин эса шу атрофдаги қизиқувчилардан ўзга келувчи қолмади.

Холмат бир қўли билан таканинг шохидан ушлаб, иккинчиси билан қафас эшигини қия очди. Жониворни даст кўтариб шерлар ичига ташлаб юборди. Хўжайиннинг меҳмонлари уларга тикилганча қотиб қолишиди. Бу пайтда Шариф меҳмонлар қаторидан жой олди.

Ургочи шер қаршисида оёғи қалтираб турган тақага яқинлашди. Таканинг бояги фарёди ўчди, зўрға нафас оларди. Шер уни хидлади. Ҳаво сўргандек бурнини кўкка кўтарди. Узун, тук босган лаблари икки томонга тортилиб ўроқни эслатувчи тишлари кўринди. Така бурчакка қисилиб букланиб қолди. Нар шер ҳам ўрнидан турди. Таканинг олдига яқинлашди. Бир ҳамла билан эчкининг бўйнидан тишлади. Жониворнинг оёқлари ердан узилди, маърашга ҳам улгурмади. Фақат оёқларинигина типирчилатиб қўйди. Шер зарб билан уни улоқтириб ташлади. Жонивор шалоп этиб нариги бурчакка тушди. Шер вазмин қадам босиб типирчилаб турган таканинг белидан тишлади ва худди боягидек боши узра улоқтириди.

Ургочи шер унинг қорнига кенг панжарасин қўйиб, ўткир тишларини сонига ботирди. Бир зумда эчкининг ичак-чавогини чиқариб ташлади. Ҳаво қон ҳидига тўлди.

Раис буванинг одамлари томошадан завқ олишиди. Қарсак чалиб шерларними, раисними олқишлишади.

– Тасанно!

– Қойил!

– Гап йўқ!

– Циркда ҳам бунақасини кўрмаганмиз!

Бирдан раиснинг кўзи ортида турган йигитга тушди. «Бу ким, қаердан келди» деган ўй қўнглидан ўтди. Меҳмонлар тарқалди. Бироқ нотаниш йигит турган еридан жилмади. Суякларни ғажиб ётган шерлардан кўз узмай тураверди.

— Сенга ким керак? — меҳмонларни кузатиб қайтайдан раис бува Шарифнинг елкасидан туртиб сўради. Йигит унинг дағал муомаласидан аччиқланмади. «Хозир сутга тўйган бузоқдек ювош бўлиб қоласан» деган масхараомуз табассум юзида зухур бўлди.

— Сизни соғиниб келдим, раис бува, — деди Шариф мулоҳимлик билан.

— Кимсан?!

— Узокдан келдим, мусо фирмани!

Раис бува ўй сурди. Узоқ элда қариндоши, яқинла-ри йўқлигини эслади. Ҳайрати ошди.

— Мени узокда танишим йўқ!

— Хотирангиз хира тортиб қолганга ўжшайди.

— Нима ишинг бор? Кимдан сўраб кирдинг? — раиснинг асабийлашаётгани юзидан сезилди. — Вақтим тифиз, йиғилишга бораман.

— Ўғлингиздан салом олиб келдим, раис бува!

Ўй эгасининг юзи дув қизарди.

— Ўғлимдан, қайси ўғлимдан?!

— Пушти камарингиздан бино бўлган Қодирдан-да!

— Қодир урушда қаҳрамонларча ҳалок бўлган!

— Утирик!

— Ёлғон! Сен фирибгар менинг уйимга бирон нарса ундириш илинжида киргансан! Қани, бу ердан туёғингни шиқиллатиб қол-чи, бўлмаса мелиса чақираман!

Шариф ҳамёнига қўл солди.

— Мелиса чақирсангиз чақираверинг!

Баходирхон қичқирди:

— Холмат!

Ховлида юрган узун бўйли, қотмадан келган киши юуриб келди.

— Буюринг, хўжайин!

— Мен қочиб кетмайман, аввал мана бу суратларни бир кўринг-да, кейин мелиса чақираверинг, кутиб турман, — деди Шариф.

Баҳодирхон йигитнинг қўлидан суратларни юлиб олди. Уларга кўз югуртириб ранги ўчди.

— Бу менинг ўғлим эмас, — паст овозда деди. Овозидан руҳи тушганлиги сезилиб турарди. Баҳодирхон яна нимадир демоқчи бўлди, бироқ лабини тишлади.

— Наҳотки ўз фарзандингизни танимадингиз, раис бува!

— Ўғлим Қандахурда қаҳрамонларча ҳалок бўлган! Расминг қалбаки!

— Тепа лабидаги холига, бўйнидаги тиртиғига қаранг!

Раис қўлидаги суратларга яна кўз ташлади. Энди унинг лаблари титраб, кўзлари ёшланди.

— Наҳотки болам тирик бўлса?

— У тирик. Истасангиз кўришингиз мумкин!

— Қаерда у?!

Шариф кўз қирини Холматга ташлаб қўйди. Баҳодирхон буни тушунди.

— Бор, ишингни қил! — деди хизматкорга.

Холмат кетгач, Шариф раиснинг саволига жавоб қилди:

— Кўшни давлатда...

— Анигини айт!

— Афғонистонда!

— Афғонистонда?!

— Шундай!

— У ўлган, ҳарбийлар алдашмайди, уйимда кора хат турибди.

— Бахтингиз бор экан, раис бува, Қодир жангда қаттиқ яраланган, шериклари уни ўлганлар сафига кўшиб ташлаб кетишган экан. Афғон мужоҳидлари келиб ўғлингизнинг нафас олаётганини сезиб қоли-

шибди. Дарров уни Вазиристонга олиб ўтиб етти ой даволашибди.

- Кўзинг билан кўрдингми?
- Гаплашдим ҳам...
- Алдама!
- Алдасам бу суратларни қаердан олардим!
- Афғонистонда нима қиляпти?!
- Эргашбойнинг хизматида...
- Қайси Эргашбой?!
- Уни бутун мамлакат танийди, раис бува...
- Ватанфуруш Эргашни айтяпсанми?
- Ундей деманг, раис бува, нима қилса ҳам ўғлингиз тўдабошининг энг ишончли ва содиқ йигитларидан!

Баҳодирхоннинг ранги гезарди. Кўлидан расмлар тушиб кетди. Хумдек калласини чангллаб тошлар устига тиззалағанича ўтириб қолди. Кўксига ўқ қадалган одамдек ингради. Тўшини ғижимлади. Бу ноҳуш хабар ҳозиргина юзида балқиб турган кибру ҳавони юлиб ташлади. Шариф уни ўз ҳолига ташлаб кўйди. Та什қаридан бирорта бегона одамнинг кириб қолишдан хавотирда эди ў. Лекин ҳеч ким кирмади. Бу пайтда куёш сўнгги нурларини йиғишириб, қоронфилик туша бошлади.

- Мендан нима истайсан? – анчадан кейин ўзига келиб сўради Баҳодирхон.

- Шариф унинг ёнига ўтирди.
 - Арзимаган илтимосимиз бор, раис бува.
 - Айт!...
 - Бизга ўн миллион пул керак!
 - Ўн миллионни мен қаердан оламан, ўйлаб гапиряпсанми?
 - Сиз ундан ҳам кўпига қодирсиз, раис бува...
- Баҳодирхондаги бояги кибру ҳаводан, манманликдан, димоғдорликдан асар қолмади. Худди бурнидан

ип ўтказилган кўппакдек Шариф билан муросага келишга рози эди. Қодирнинг тириклиги, Эргашдек юртфурушнинг хизматини қилаётганини эл билса, ўзининг шарманда бўлишини тушунди. Гап-сўз кўпаядиган бўлса, йиллаб йиққан обрўси тутдек тўкилади, қаҳрамоннинг эмас, юрт хоинининг отаси эканлиги фош бўлади

Баҳодирхон Шарифни қафас олдида қолдириб, ташқарига чиқиб кетди. Мехмон ёнбошлаганча пишиллаб нафас олиб ётган шерларни томоша қилди.

– Мехмон, ичкарига киринг! – ер остидан чиқдими ёки осмондан тушдими, рўпарасида пайдо бўлган Холмат йигитни ичкарига таклиф қилди.

– Раис бобо келгунларича меҳмонхонада ором олинг.

– Ўзи қаёққа кетди?

– Идорага бориб келаман деб чиқиб кетдилар...

Шариф меҳмонхонага кирди. Чол дастурхон солиб лаганда ош, нон-чой келтирди. Шарифнинг қорни очганди, иштаҳа билан овқатланди. Ростмана қоронғилик тушди. Ташқаридан шер бўкирди. Шариф чарчаганди. Кўзи юмилди. Қанча вақт ухлаганини билмайди, кимнингдир оёқ шарпасини эшитиб уйғониб кетди. Ҳушёр тортди. Айвондаги чироқнинг ўгулласи қия очик қолган эшикдан ичкарига тушиб, у ётган хонани фирға-шира ёритиб турарди. Шарпа уй томон яқинлашди. Эшик овозсиз очилди. Остонада эгнига узун чопон кийган, кўлида ойболта тутган одам кўринди. У йигит томон кела бошлади. Орадаги масофа икки қадам қолганда чопон кийган одам кўлидаги ойболтани боши узра кўтарди. Оралиқ бир қадам қолганида Шариф тўппонча учини унинг пешонасига тўғрилади.

– Тинчликми, раис бува?!

Тўппончани кўриб Баҳодирхон тахтадай қотди. У на юришни, на болтани пастга туширишни билмай ҳаракакатсиз қолди.

— Яна бир қадам боссангиз пешонангиздан отиб ташлайман! Болтани ташланг! — буюрди Шариф.

Раис болтани оёғи остига ташлади.

— Мен сиздан пул сўраган эдим, раис бува! Сиз нега ойболта кўтариб юрибсиз? Ёки уйда бузадиган биронта пўлат сандиқ борми?!

Баҳодирхоннинг таслим бўлишдан ўзга иложи қолмади.

— Ортимдан юр! — амр қилди.

Шариф унга эргашди. Ташқарига чиқишиди. Тун ярмидан ўтган. Тоғнинг салқин ҳавоси баданни жунжиктиради.

Баҳодирхон меҳмонни қафас олдига бошлаб келди. Одам ҳидини туйган шерлар пишқириб, гавдасини кўтариб, эринибгина ўринларидан кўзғалди. Қип-қизил кўзлари ой шуъласида ялтиради. Раис шерларига қарата «тихо» деган сўзни айтиб, бир қўлини қафас ичига сукди. Тахталардан бирини кўчирди. Шариф учтўрт қадам нарида, қўлидаги тўппончани Баҳодирхонга тўғрилаб турарди. Кўнглига «курол изляяптими» деган ўй келди.

— Мен ҳазилни ёқтирамайман, раис бува, — деди овози титраб. — Мабодо бошқа нарса излаётган бўлсангиз, бармоқларим тепкини босиб юбориши мумкин.

Баҳодирхон унга хўмрайиб қаради.

— Ўйинчоғингни пастга тушир, шайтон осилиб турди, — деди зардали овозда.

У қўл солган жойдан бир неча боғлам доллар олиб йигитнинг оёғи остига ташлади.

— Ол, нафсингта ўт тушгур! Энди тезда йўқол! Бу теварак-атрофда қорангни кўрмай!

Шариф оёғи остидаги пулларни санади. Саккиз боғлам.

— Қолгани-чи, хўжайин? Уларни кимга берасиз?!

— Шунисига ҳам шукр қил, бадбаҳт!

— Мен уйингизга садака сўраб кирмадим, раис бува. Яхшиликча берганингизда ишим бўлмасди. Улушимни олиб қуён бўлардим. Номардлик қилдингиз. Гўштимни шерларингизга едирмоқчи бўлдингиз. Қани, қафас олдидан нарироқ силжинг-чи?!

Раис бемор одамдай инграб юборди. У бойликларини асраб қолишни истарди. Ножӯя ҳаракат қилса, тўппончанинг тепкиси босилишини, жасади қафасга ташланишини яхши билади.

— Нималар деяпсан? Берганимни олиб кетавермайсанми? Талончига ўхшаб мени таламоқчимисан?

— Мен сизга нари боринг дедим. Қаранг, шерларингиз оч. Улар овқат ейишни хоҳлашмоқда. Сизнинг гўштингизни ҳам тажиб ташлашга тайер.

— Инсоф қил, бола Мени қийнама. Юрагимнинг мазаси чатоқ, ўзимни ташлаб қолсам балога қоласан!

— Қочинг дедим сизга!

Раис идишдаги бойликларни ерга қўйиб ортга тисарилди. Шариф қафасга яқинлашди. Идишни очди. Қадимий тилла тангалар ялтираб қўзни қамаштиради.

— Шунча тиллаларни қаердан топдингиз, раис бува? Ҳаммаси ўзингизникими? Давлат музейида ҳам бунақаси топилмайди!

Йигит пулларни халтага жойлади. Раиснинг миёсида санчиқ турди. Кўз олдини қоронфилик қоплади.

— Тегма уларга! Илтимос қиласман сендан, — раис қўлларини олдинга чўзиб йиғлади.

— Оғзингизни юминг, раис бува, мен кетганимдан кейин йиғлайверасиз! Огоҳлантириб қўйяй, агар яна битта сўз оғзингиздан чиқса, қафас ичига ташлаб юбораман!

Шариф қўлга киритган бойликларни олиб эшик томон юрди. Раис ерни чанглаб боягидан қаттикроқ йиғлаб юборди.

Шариф Олтингопар қишлоғидан чиқиб туман марказига етганда қун ёйилди. Чойхонага ўтиб овқатланди. Кейин одамнинг назари тушмайдиган жойда пулларни санади. 100000 минг доллар, 131 дона тилла танга. Бундай катта миқдордаги бойлик билан дунёнинг истаган мамлакатига равона бўлиш, шоҳона ҳаёт кечириши мумкин. «Буларни Эргашнинг қўлига топшириш керакми» деган савол миясида туриб қолди. Қайтиб борса, бир танга ҳам беришмайди. Албатта, Эргаш бу пулларни қурол-аслаҳа сотиб олишга, қон тўкишга, бузғунчилик ишларига сарфлайди. Ўзининг ҳаёти эса аввалгидек хор-зорликда кечаверади.

Шариф Эргашнинг олдига бориш фикридан қайтди. Нима қилиш, қаёққа бориш керак деган савол миясини ғовлади. Аниқ қарорга келолмай боши қотиб ўтирас экан, кўзи ногоҳ газетанинг биринчи саҳифасидаги «Фермер хўжаликларни ташкил этиш тўғрисида»ги фармонга тушди. Ўқиб чиқди. Ундаги ҳар бир сатрлар йигитнинг қалбида яшашга, келажакка умид уйғотди. У бир варақ қофозга шундай сўзларни битди:

«ВИЛОЯТ ПРОКУРОРИГА

Мен Шариф Темиров алдов йўли билан Эргаш Одилов томонидан тузилган жиноий тўдага қўшилиб, қўшни республикага ўтиб кетгандим. У ердаги жангарилар бизни ўз Ватанимизга қарши қуролли қўзғолон кўтаришига ўргатишди. Мен тўдабошининг топшириги билан Олтинтопар қишлоғига келдим. Эргашнинг айтишига қараганда, колхоз раиси Баҳодирхон Йўлдошевнинг катта миқдорда бойлиги бўлган. Унинг ўғли шўро аскарлари сафида Афғонистонда хизмат қилган. Жангларнинг бирида бедарак йўқолган. Командирлари уни ўлган деб ўйлашган ва уйига қора хат жўнатишган. Бироқ Қодир ўлмаган, аксинча, жангариларга асир тушган. Ҳозирги кунда у Покистондаги террорчилар тайёрлаш лагерида жангариларга қўпорувчилик ва диверсия ишларидан сабоқ бермоқда. Мен унинг расмларини отасига кўрсатиб, бойликларини олиб, яна Эргашнинг ҳузурига қайтишим керак эди. Аммо фикримдан қайтдим. Ўз юртимда қолишига, ҳалол меҳнат қилишига қарор қилдим. Хат билан бирга Қодирнинг расмларини ҳам жўнатмоқдаман.

1 август

Шариф хатни почта қутисига ташларкан, дилидан бир гап ўтди: «Мен ўз меҳнатим билан гуноҳларимни юваман, юртим ва халқимнинг бахти, саодати, фаровонлиги учун астойдил ишлайман».

САМАНГАН

Качондир Умар иккимизнинг ўртамиизда тўқнашув бўлишига ишонардим. Эргаш ҳалигача уни ўзига яқин йўлатмасди. Умар аламзада ва тушкун кайфиятда. Шерикларига қўшилмайди. Худо туртганни бандаси уради деганларидек, қўпчилик уни сўймасди. Бу ерда йигитнинг қўнгли тортиб сухбатлашадиган, дардлашадиган, қалбидаги қайгуларини, ҳасратларини тинглайдиган одам тополмасди. Назаримда у мендан ўзини олиб қочишга ҳаракат қилмасди. Унинг кўзларидан, ҳаракатларидан, ортимдан пинхона кузатиб юришидан, ниманидир айтмоқчи бўлаётганини сезардим. Бироқ ўзи оғиз очмагунча унга сўз айтишга ботинолмадим. Бир пайтлар юрагини безовта қилган, оромини ўғирлаган Зори Бозор қишлоғидаги қабристонда қолиб кетган бойликларни ҳам энди ўйламасди. Уни олган билан қаёққа қочади? Чор томонда Эргашнинг одамлари, толибонлар уяси бузилган арилардек изғиб юришган бўлса, хазина билан қўлга тушса, жони омон қолмайди.

Марказнинг топшириғига биноан Эргашнинг қўшни мамлакатлардаги одамларининг рўйхатини, улар билан кимлар алоқага чиқишини, мақсад ва режаларини аниқлаб, маълумот жўнатишим лозим эди. Бунинг учун тўдабошининг сир-синоатидан хабардор одам топишим зарур эди. Синалмаган кимсага оғиз очиш ўз бўйнимга арқон солиш билан баробар. Назаримда менга энг яқин одам бу Умар эди. У Эргашнинг четдаги одамларини яхши билади деб ўйлардим.

Ўша куни сувни барвақт олиб келдим. Атрофда ҳеч ким кўринмайди. Машғулотдан қайтган жангариilar ўз жойларига кириб чўзилиб ётишибди. Умар билан

гаплашиш мақсадида пастликка тушдим. У мақсадимни тушунгандек ортимдан эргашди. Иккимиз тош устига ўтирилди. Умар индамади. Ўзим оғиз очдим.

— Азизбек, — дедим паст овозда ва унинг ҳақиқий исмини айтганимдан сўнг Умарда қандай ўзгариш рўй беришини кутдим. Умар бошига таёқ тушган одамдек қалқиб кетди. Кўзларини катта-катта очиб менга ҳам ҳайрат, ҳам ажабланиш билан бокди. Шунда ҳам индамади.

— Исмингни хато айтмадимми? — сўрадим кўзларидан нигоҳимни узмай.

— Менинг отимни қаердан биласан? — ажабланди у, кейин паст овозда давом этди: — Сен давлатнинг одами эканлигингни сезгандим. Ботирни қочирганингни, Фатҳуллохонни даволатганингни кўриб, шубҳаларим тўғри эканлигига ишонгандим.

— Мен ҳам сенинг ёмон одам эмаслигингни билардим, — дедим унинг кўнглини кўтариш мақсадида.

— Ўшанда уларнинг ҳаммасини отиб ташлагим келди. Бироқ жонимни қаерда сақлашни билмасдим. Ахир бу ерга ўз ихтиёрим билан келмаганман-ку!

— Сен жиноятчи эмассан, фақат жиноятчилар ва мана бу одамлар сени алдашган, қўрқитишган!

— Шундай деб ўйлайсан-да. Икки йилдан бери мени орган ходимлари қидириб юрганмиш.

— Фақат қариндошларинг илтимоси билан бедарақ ўйқолган деб қидирув эълон қилишган.

Умар менга ялт этиб ўгирилди. Унинг ич-ичига ботган кўзларида ёш кўрдим.

— Ўз юртимга қайтсам, мени хоин деб қамаб қўйишмайдими? Одамлар мендан нафратланиб юзимга тупуришмайдими? Шаънимга тавқи лаънат ёғдиришмайдими?

– Бу томонларидан хотиржам бўл. Ватан ва халқинг олдида сен ҳеч қандай гуноҳ иш қилмагансан. Вижданинг пок. Аксинча, икки ватанфурушни отиб ўлдирдинг. Улар қилган гуноҳлари учун муносиб жазосини олди, – йигитнинг ғам-андуҳ яралаган кўнглини кўтаришга, таскин беришга ҳаракат қилдим.

– Унда юртимга кетишм учун ёрдам бер. Дўзахдек қақшаб ётган бу ерда, манави қонхўрлар, ватанфурушлар ичida яшаш жонимга тегди. Бир-икки бор ўз жонимга қасд қилмоқчи ҳам бўлдим. Қўлим бормади. Мени шу кўйга солган одамлардан қасос олмасдан ўлиб кетишни истамадим!

– Сен халқнинг ишончини оқлашинг лозим. Ватанимизнинг тинчини бузган, баҳтли ва фаровон куниизга раҳна солишга интилаётган жангариларга қарши курашишинг лозим.

– Қандай қилиб?

– Бу борада менга ёрдам берсанг бас!

– Халқ мени кечирса бўлди. Охирги нафасимни ватан **учун** беришга тайёрман!

Умарнинг қўлини қисдим.

– Сени нима қизиқтиради? Қандай ёрдамим керак?

– сўради у кўзлари ёниб.

– Эргашнинг Тожикистон, Қозоғистон, Қирғизистон, Россия ва бошқа қўшни республикалардаги одамларининг исм-шарифи, уларнинг қаерда яшashi, кимлар билан учрашиб туриши, тўдабошининг уларга берган топшириклари – шуларни билишим керак!

Умар жим қолди. Қошлари остидаги юмалоқ кўзларини юмди-да, хаёлга толди.

– Илгари булардан хабардор эдим. Эргаш мени ўзидан четлатиб қўйгач, четдаги одамлари олдига кимлар бориб келишидан бехабарман. Олмаота, Бишкек, Москва каби шаҳарлардаги одамлари савдогар,

тижоратчи, тадбиркор ниқоби остида иш юритишади. Бу ердан жўнатилган хабарчилар уларнинг олдига ҳам худди шу никоб остида боришади. Гўёки ўзларини иш юзасидан шартнома тузмоқчи, юк олмоқчи бўлган кимса қилиб кўрсатишади. Уларнинг олдига ҳаммани ҳам жўнатишавермайди. Ўта садоқатли ва оғзига маҳкам кимсаларгина боришади.

– Ўша одамларни сен танийсанми?

– Мен таниган одамларнинг кўпи бедарак йўқолиб кетди. Айримлари Эргаш томонидан жўнатилган пулларни ўзлашириб, қочиб юрибди.

– Яна бир бор ўйлаб кўр. Уларнинг исм-шарифини, қаерда яшашини эсла. Бу жуда мухим. Кўлингда яна қандай маълумотлар бор?

– Илгарироқ айтмабсан-да, Абдугаффор ўлгандан сўнг Эргашнинг четдаги одамларининг рўйхати кўлимда сақланарди. Кейин уларни ёқиб юбордим. Ахир мен уни нима қиласман? Бу рўйхат сени қизиқтириши хаёлимга келибдими? Эшитишмча, Эргаш бу ерга келгач, ўз одамларининг яшаш жойларини ўзгартирган. Агар сени бундай маълумотлар қизиқтирса, тўдабошига яқинлаштирадиган баҳона ўйлаб топаман, ишончига киришга уринаман!

– У сенга ишонармикин?

– Ишонади, назаримда у кимларнингдир ёлғон гапига учиб, мени ўзидан четлатиб қўйди.

Ўйланиб қолдим. Нима қилиб бўлса Умарни бошлиққа яқинлаштириш, ишончига киритиш лозим эди. Кутилмаганда Зори Бозордаги хазина хаёлимга келди. Балки Умар бу ҳақда Эргашга айтса, гапига ишонар, ўзига яқин олиши ҳам мумкиндири.

– Эсингдами, сени бир пайлар Зори Бозордаги хазина қизиқтирганди? – сўрадим Умардан.

— Ахир мен унинг қаерга яширилганини билмайман-ку.

— Мен биламан, бу ҳақда бошлиққа бемалол айтишинг мумкин...

— Шундай де... — Умар бошини эгиб жим қолди. — Ваъда беролмайман, аммо уриниб кўраман.

Эртаси куни булоқдан қайтганимда Умар ёнимга келди. Иккимиз бир чодирда яшасак-да, тасодифан хафтада бир учрашиб қолгандек кўришардик. Маълум дақиқаларда ўта муҳим гапларни гаплашиб олардик. Бу ўзгаларни биздан шубҳаланмаслиги учун қилинган ҳаракат эди.

— Суюнчи бер, — деди қулогимга шивирлаб. — Хўжайин билан ярашиб олдим. Хазина ҳақида қизиқиб қолди.

— Яхши, лекин унга яқинлашаверма. Чақиргандагина олдига кир. Яна қандай янгилик бор?

— Эргаш бир гурух одамларини Чеченистонга жўнатмоқчи.

— Нега? Ахир у ердан қочиб келганди-ку?!

— «Ўзбек фронти» деб номланувчи жангариilar тайёрлайдиган лагерь очмоқчи.

— Бу топшириқни ким берган?

— Афтидан Башир берган!

— Баширга бунинг нима аҳамияти бор?

— Менинча, Амирийнинг топшириғини айнан у тўдабошига етказган.

— «Ўзбек фронти» деб номланишининг сабаби нимада ёки ўзбеклар кўпми?

— Бу шунчаки ўйин. Аслида ўзбек миллатига мансуб йигитлар йўқ. Бу билан бизнинг шаънимизга доғ туширмоқчи, қолаверса, Эргашнинг обрўини кўтараётган бўлишлари мумкин.

- Лагерни ким бошқаради?
- Хаттоб!
- У рози бўлибдими?
- Унга катта миқдорда маблағ ваъда қилинганд.
- Маълумотни кимдан олдинг?
- Эргашнинг соқчисидан.
- Қайси соқчиси, исми нима?
- Ашур!

Эргашнинг ўндан ортиқ соқчилари бўлиб, уларнинг кўпини яхши танирдим. Бироқ Умар айтган Ашурни эслай олмадим.

- Ашурнинг айтишига қараганда, Баҳром Абдуллаев исмли ёрдамчиси Чеченистонга бориб келибди.
- Баҳромни кўрсам бўладими?
- У Қундуз шаҳридаги лагерда яшайди. Рация орқали тўдабоши билан алоқага чиқиб туради. Бу ерга эса йилда бир-икки келади.
- Ашур билан яқинлашишнинг иложи борми?
- Қандай мақсадда?
- Мухим маълумотларни олиб туришимизда ёрдам бериб туриши керак.
- Бунинг учун пул тикишга тўғри келади.

Ҳамёнимдаги бор пулларни Умарнинг кўлига тутқаздим.

- Хаттобнинг ҳузурига жўнайдиган жангариларнинг исм-шарифлари, қачон йўлга чиқишилари ва қайси мамлакат орқали жўнашларини билишим керак!

Эртаси куни булоқдан сув олиб қайтганимда Умар:

- Гаплашадиган мухим гап чиқиб қолди, – деди кулоғимга шивирлаб. – Бир соатдан кейин чодир олдида кут!
- У ер бўлмайди, учрашув жойини ўзгартирамиз. Мен от-аравани жар ёқасига олиб тушаман, ўша ерда аравани таъмирлайман. Сени ёрдамга чақираман!

Умар бир кўтарим ўтни қўлтиғига қистириб олдимда пайдо бўлди. Узоқ қолиб кетиш мумкин эмасди.

— Соқчи пулни олди. Айтишига қараганда, Эргашнинг пўлат сандифида «Ўзбек фронти» лагерига жўнайдиган жангариларнинг рўйхати бор экан.

Умардан эшитган хабарни шу куниёқ марказга етказдим.

ЮРТДА

Раис ўзига келганида тепасида қўлини қовуштириб, кўзларини ёшлаб турган хизматкорини кўрди.

— Сув... сув... — дея пичирлади. Холмат уйга чопди. Хўжайнинг ҳушига келганидан, ўлиб қолмаганидан мамнун эди. Бир коса сув келтирди.

Раис сувни қултумлаб ичди. Кўзларини очиб атрофга аланглади.. Фикри тиниқлашди. Эндинга ёришиб келаётган тонг кўзига қоронгилик ичидан чиқиб келаётган нурдек кўринди.

— Анови аглаҳ қани, қаерга кетди? — паст овозда сўради Баҳодир.

— Аллақачон кетди, хўжайн, — ҳар доимгидек тушкун оҳангда жавоб қайтарди Холмат.

— Падарига лаънат, мени адойи тамом қилиб кетди. Топганимни шилиб кетди. Худонинг фазабига учрамаса, рози эмасман. Кўлимдан торт, мелисага бораман, ҳамма гапни айтиб бераман, фирибгар мени алдаганга ўҳшайди. Ўғлимнинг суратини компьютерда чиқартириб, ортига турли манзараларни қўйдириб олиб келган. Юрагим сезиб турибди. Ўғлим тирик эмас. У аллақачон ўлиб кетган! Тирик бўлганида ўзи хабар берарди.

— Мелисага учраб нима қиласиз, хўжайн?! Ўлган илоннинг бошини қўзғаганингиз билан у аллақачон

қишлоқдан чиқиб кетган. Тутишнинг иложи йўқ. Яхшиси, жонингиз соғ қолганига шукр қилинг.

— Сен палиднинг ҳам бунақада тилинг бурро бўлиб қолади. Бошимга бало қелганда, бойликларимни таляётганда нега жим турдинг, қари кўппак?! Бошига бирорта таёқ билан солмадинг-ку!

— Кўлидаги қуролни кўриб индаёлмадим, хўжайин. Мен-ку қариб колган одамман, беш қунлигим борми-йўқми, худога аён, аммо сизнинг жонингизга ачиндим. Ўқ тегиб шаҳид бўлсангиз, жонингизга ким ачинади? Ортингизда отамлаб йифлайдиган болангиз бўлмаса? Майли, худога солинг. Жонингиз омон қолди-ку, яна астойдил ишласангиз йўқотган бойликларингизни тиклаб оласиз.

— Тиклаб оласиз? — паст овозда ўшқирди Баҳодирхон. — Мана, тиклаб оламан, — у икки бармоғи орасидан бошмалдоғини чиқарди. — Ҳамма ёқни сотиб бўлдим. Колхознинг пулга арзийдиган буюми қолмади. Энди сенга ҳам руҳсат, тўрт томонинг қибла, кетишинг мумкин.

Холмат бошини эгди. У хўжайиндан бундай таклифни кутмаган, ҳатто хаёлига ҳам келтирмаганди. Бу гап унга қаттиқ таъсир қилди.

— Ўн йил эшигингизда қулдек ишладим. Нон-тузингизни ичдим. Буюрган ишларингизни бажардим. Ҳожатхонангизгача тозаладим. Йиртқичларингизни боламдек бокдим. Қилган меҳнатимга бир танга талаб қилмадим. Бола-чака, невараларим учун битта хўрозқанд сотиб олишга ҳам пул бермадингиз. Энди хайрлашадиган бўлсақ ҳисоб-китобимни қилинг, хўжайнин!

Баҳодирхон қўлига тирадиб ўрнидан турди. Унинг қонталаш кўзлари олайиб, косасидан ирғиб чиққудек катта-катта бўлиб кетди.

– Пул, мендә қанақа ҳақинг бор, нон күр қилгур?!
Шунча йил уйимда яшадинг, түрт маҳал овқатимни
единг, яна пул сўрашга уялмайсанми, қон қусгур!
Менга раҳматингми бу?

– Худодан қўрқинг, хўжайин. Аввал аҳдлашгани-
миздек ойига минг сўмдан тўлаб туришингиз лозим
эди...

– Сенга ҳеч қачон ойлик ваъда қилмаганман! Тур,
тезда бу ердан туёфингни шиқиллатиб қол. Исинг ҳам
қолмасин!.

Холматнинг ғазаби қўзиди. Вужудини ёмон хаёл
эгаллади. Оёқлари титради.

– Кечалари уйингизни, сизнинг тинчингизни пой-
лаб ухламадим. Ҳеч бўлмаса бедор ўтган тунларим
учун ҳақ беринг!

– Мени қўриқладингми?! Қўриқлаган бўлсанг, нега
анови қароқчидан ҳимоя қилмадинг? Нега бойликларимни
асраб қололмадинг?! Балки сен ҳам ўшанинг
шеригидирсан-а?! Бойликларимни қаерга яширганим
ҳақида унга сигнал бергандирсан?! Ҳу, онангни...
Тур йўқол, қўзимга кўринма, ит эмган, қари тулки!

– Ҳақимни бермасангиз, уйдан бир қадам ҳам чиқ-
майман, – қариянинг жони ҳалқумига келди.

– Сен кўпракнинг тилинг чиқиб қолибдими? Ом-
бур билан суфуриб олайми?! Ёки мени талаб кетган
мана шу каззоб деб мелисага тутиб берайми?! – Баҳо-
дирхон қария билан ади-бади айтишиб ўтиришни ло-
зим топмади. Энди буларнинг ҳаммаси ортиқча эди.
У Холматни таёқ билан савалаб аламини олмоқчи
бўлди. Хуморидан чиққунча калтаклашга, ерга ётқи-
зив дўппослашга аҳд қилди. Зора шу билан юрагида
ёнаётган ўт босилса. Зора шу билан ўзини енгил ҳис
этса. У ердан таёқни олди ва чақнаб турган кўзларини
қариядан узмай ўшқирди:

— Иззатинг борида уйимдан чиқиб кет!

Унинг ўдағайлаши, қўлидаги таёқни силкитиб пўписа қилиши Холматни чўчитмади. Раиснинг қўзларига тик боқиб яна ҳақини талаб қилди.

— Пулимни беринг, раис бува, олтин берсангиз ҳам кейин уйингизга қайтиб келмайман!

Фазаб ва нафрат раиснинг ҳиқилдоғига қадалди. Таёқни боши узра кўтариб қарияга ташланди. Таёқ чоннинг елкасига келиб тушди. Суяклари зиркираб оғриди. Кўзларидан ўт чақнади. Ҳақини талаб қилгани учун, таёқ ейиш оғир ботди.

Ҳамиша одамларнинг дилига озор беришдан кўрқадиган, ҳамиша ўзидан катта-кичикларни ҳурмат қиласидиган, ўзгаларнинг кўзига тик боқмайдиган Холматнинг қалбида исён уйфонди. Тилига заҳарли сўзлар келди. Ҳозирги важоҳатини, ҳолатини кўрган одам уни илгариги Холмат эканлигига асло ишонмасди, танимасди, билмасди. Хўрлик,adolatcizlik уни ўз хўжайнининг кўзларига тик боқишига мажбур қилди. Олтмиш йиллик ҳаёти давомида ёшларни ҳам сизлаб гапирадиган Холмат ҳаётида илк бор ўз бошлиғини сенсираб гапирди.

— Худонинг қаҳридан кўрқсанг-чи! — у шу сўзи билан яна соҳибини инсофга, дин-диёнатга чақирмоқчи бўлди. Аммо Баҳодирхон унинг ёлворувчан оҳангда айтган сўзини эшитмади. Эшитган бўлса-да, аҳамият бермади. У қўлидаги таёқка эрк берди. Ёвузларча уни ишга солди. Иккинчи зарба қариянинг белига тушди. Холматнинг қадди ёйдай букилиб, кесилган дарахт мисоли ерга қулади. Боши тошга тегди. Бу орада ёмон сўзларни оғзига олиб келаётган раис қариянинг думбасига бир-икки тепди.

— Бу уйдан ўз ихтиёринг билан чиқиб кетмадингми, энди бола-чақаларинг ўлигингни ҳам кўришмайди.

Гўштингни майдалаб махлукларга ташлайман. Улар суягингни ҳам қолдирмайди. Бирор ҳидингни ҳам тополмайди!

Кариянинг кўзига ширин жони кўриниб кетди. Раиснинг фазабга мингандан, жаҳли чиққанда қандай ҳолга тушишини яхши биларди. «У ҳар қандай ишга қодир. Ҳатто одам ўлдиришдан ҳам қайтмайди» ўйларди ерда чўзилиб ётган қария. Ихтиёrsиз олдинга чўзган қўли дастасининг ярми кирқилган болтанинг сопидан тутди. Бу пайтда Баҳодирхон тескари ўғирилиб қафас ичидаги типирчилаб наъра тортаётган шерларга тикилиб турган эди. Холматнинг назарида ҳозир қафас эшигини очиб, уни шерлар ичига ташлаб юборадигандек эди. Шерлар чорасиз, нимжон чолни нимталаб ташлайди. Даҳшатли ва қўрқинчли бу манзара қариянинг кўз олдидан ўтди. У ўрнидан турди ва қўлидаги болта билан Баҳодирхоннинг елкасига солди. Тирқираб қон чиқди.

— Мени единг-ку, қари кўппак, — ерга беҳол йиқилаётган раиснинг қон томаётган лабларидан шу сўз учиб чиқди. Холмат «Одам ўлдириб қўйдим» деб қаттиқ қўрқди. Қалтироқ турган оёғини зўрға судраб ташқарига йўл олди.

Оқ якtagига қон сачраган, яланг оёқ, бошидаги дўпписини қаердадир тушириб қолдирган Холмат туманинг ички ишлар бўлимининг идорасига кириб келганида тонг эндиғина ёришаётганди. Идора олдида ҳеч ким кўринмасди. Ходимлар ишга келишмаганди. Холмат қора ойна ўрнатилган эшикни оҳиста очди. Бошини суқиб ичкарига қаради. Навбатчи зобит ўтирган экан.

— Кирсам майлим? — сўради чол. Холматнинг овоздида қўрқув ва таҳлика сезилиб турарди. Навбатчи ранг-рўйи докадек оқариб кетган қариянинг ичкари киришига рухсат берди.

— Хўш, хизмат, кимда ишингиз бор?!

— Менга бошлиқ керак эди, ўғлим? — худди йиғла-ётгандек сўзлади у.

— Бошлиқ ҳали ишга келганлари йўқ, нима ишингиз бор?

Холмат титраётган қўлларини қаерга яширишни билмай, соchlари патила-патила бўлиб кетган бошига қўйди. Шунда зобитнинг кўзи унинг якtagига сачраган қонга тушди.

— Мен одам ўлдирдим, ўғлим, — қария деди паст овозда.

Навбатчи ўрнидан турди.

— Нима? Нима дедингиз? Одам ўлдирдим?

— Ҳа...

— Кимни?

— Баҳодирхонни, — минғирлади чол ва ўкириб йиғлаб юборди.

— Қайси Баҳодирхонни? — сўроқ қилишда давом этди навбатчи.

— Раис Баҳодирхонни, — зўрга тилга кирди суяклири ирғиб чиққан, озгин елкаси силкиниб-силкиниб йиғлаётган чол. Юрагини эзаётган дарддан ниҳоят портлади.

Навбатчи шеригига юзланди.

— Рашид, ановининг қўлига киshan сол, тез бўл!

— қария худди қочиб кетадигандек типирчилаб қолди. Навбатчи ёнидан қуролини олиб учини Холматга тўғрилади.

— Қимирлама!

Рашид столни айланиб ташқарига чиқди. У титраб турган қариянинг қўлларини орқасига қайирди ва озгин, нимжон, қорайиб кетган билакларига киshan солди. Кишани шу даражада қаттиқ қисдики, қария

оғриққа чидаёлмай инграб юборди. Рашид қарияни девор ёнига судраб борди.

— Юзингни деворга ўгир!

Эшик очилди, бошлиқ ўринбосари Каримжон Юсупов кириб келди.

Навбатчи ўрнидан турди.

— Ким бу? — сўради ўринбосар.

— Қотил, ўртоқ бошлиқ! «Победа» колхозининг раиси Баҳодирхонни ўлдирибди!

— Ким олиб келди?

— Ўзи келди, ўртоқ бошлиқ!

— Воеа жойига тезкор гурух жўнатилдими?

— Хабарни ҳозиргина қотилнинг ўзи айтди!

— Зудлик билан гурухни юборинглар! Баҳодирхоннинг аҳволи ҳақида мени хабардор қилинг!

— Хўп бўлади, ўртоқ бошлиқ!

— Отахоннинг қўлидаги кишанин еч! — буюрди Юсупов Рашидга. — Айбига икрор бўлиб ўз оёғи билан келган одамнинг қўлига нега кишан солдинг?!

Ўринбосар Холматни бошлаб хонасига кўтарилди. Қария ҳамон титрарди. Қилган ишидан надоматлар чекарди. Ҳар қадам ташлаганида худони тилга олиб, ундан раҳм-шафқат сўрарди, тавба-тазарру қиласарди. Ичкарига киришгач, Холмат бўлиб ўтган воқеани бир бошдан ҳикоя қилиб берди.

— У мени қаттиқ ҳақоратлади, ўғлим, калтаклади. Тириклай қафасдаги шерлар ичига ташламоқчи бўлди. «Сени шу ҳайвонларга едираман, суягинги ҳам бирор тополмайди» деб айтди. Нафсониятимга тегди. Қўрқдим, болам! Қафаснинг эшигини очаётганда оёғим остида турган болтага кўзим тушиб қолди. Қўлимга олиб қандай қилиб унга отганимни ўзим билмайман. Болта раиснинг қўкрагига санчилиб қолди. Айб қилдим, ўғлим. Шайтон йўлдан оздирди. Ёшим

улгайиб, невараларимнинг тўйини кўраман деганимда бироннинг хунини тўқдим. Икки дунёда кечириб бўлмас гунохга қўл урдим, — қария тутилиб-тутилиб сўзлар, ора-сира юзларини ювиб тушаётган кўз ёшларини енги билан артиб қўярди.

— Баҳодирхоннинг бойлигини олиб кетган қароқчини танийсизми? — сўради Юсупов қарияга бир пиёла иссик чой узатар экан.

— Кўрсам танийман, ўғлим.

— Исмини, қаердан келганини айтмадими?

— Уларнинг сухбатида иштирок этмадим-да... — Босини эгиг жавоб қайтарди чол.

— Ўша йигит илгари ҳам Баҳодирхоннинг уйига келганди, эслаб кўринг-чи?

Қария ўйга толди, сўнг бошини чайқади.

— Йўқ.

Ўринбосар тортмадан бир даста расм олиб стол устига ёйди.

— Диққат билан қаранг, шошилманг, сиз кўрган йигит мана шу суратдаги одамлар ичиди бўлиши керак!

Холмат суратларни бирма-бир кўздан ўтказди. Бироқ қароқчини суратдаги одамларнинг ҳеч бирига ўхшатмади. Қария ўзини фалати ҳис этди. Бошлиққа ёрдам бергиси келганди. У афсус ва надомат билан бош чайқади.

— Бу суратдаги одамларнинг бирортаси унга ўхшамайди.

— Ўша йигитнинг юз-кўзини тасвирлаб бера оласизми?

— Ҳа, худди ҳозиргидек кўз олдимда туриби.

Телефон жиринглади. Бошлиқ гўшакни кўтарди.

— Ўртоқ бошлиқ ҳозиргина «Тез ёрдам» билан боғланиб, раиснинг аҳволини суриштиридик.

— Хўш?

— Ҳаёти хавф остида эмас дейишиди.

— Айтинг, унинг ҳаёти биз учун мухим!

— Тушунарли!

Холмат фоторобот ёрдамида Шарифнинг юз қиё-
фасини тасвирлаб берди. Ҳатто соchlарини қайси то-
монга тараганингача айтди. Сурат тайёр бўлди. Бу Ша-
рифнинг фотосуратининг айнан ўзи эди.

САМАНГАН

Туни билан қор аралаш ёмғир ёғди. Тоғларнинг
чўққиси оқариб қолди. Бундай пайтларда аравада
юриш азоб. Айниқса, сув олиб келаётганимда фиди-
раклар сирпаниб кетади От оёқларини зўрга кўтариб
босади. Юқорига чиқаётгандан жониворнинг ҳоли қу-
риб ерга ётиб олай дейди. Бир амаллаб ортидан суриб
тепаликка чиқиб оламан. Сув ташиш жонимга теккан
бўлса-да, тишимни тишимга босиб юрибман. Лагер-
да бўлаётган ишларни кўриб ичим эзилади. Шунинг
учун барвақт тураман-да, булоққа жўнайман, у ерда
узоқ ўтириб ўй-хаёллар сураман. Болалигимдан шу
кунгача босиб ўтган йўлларимни бирма-бир эслай-
ман. Кейинги пайтларда қишлоғимни қаттиқ соғина-
диган бўлиб қолдим. Бу ердаги ишларни бир томонга
суриб уйга қайтгим келади. Афсуски, Эргаш билан
ҳисоб-китобим бор.

Идишни сувга тўлдириб, орқага қайтдим. От
гоҳи-гоҳида сағринига тушаётган қамчининг аччиқ
зарбидан жони ачиб, пишқириб, ингичка оёқларини
зўрга судраб олдинга интилади. Жонивор ёши-
ни яшаб, хизматини ўтаб бўлганди. Икки юз литрли
идишни тортишга кучи ҳам етмасди. Юқорига тирма-
шаётганида оёқлари лойда тойиб йиқилиб тушиши-
га оз қолди. Уни ўз ҳолига қўйсам ерга ётиб оларди.

Араванинг ортидан итариб ёрдам бердим. Унинг қийналишини истамадим.

— Чух, жонивор, яна озгина юрсак текис йўлга чиқиб оламиз. Қани, бўш келма! — деб отга далда бердим. Лекин бари бир унинг қадами унмасди. Гандираклаб борарди. Ортимда кимдир пайдо бўлганини юзимга урилган иссиқ нафасидан сездим. Шу топда унинг кимлиги мени қизиқтирмасди. Мухими, ёрдам беряпти. Ёрдамни ҳамма ҳам беравермайди. Бир амаллаб тепаликка чиқиб олдик. Бу ёфи пастлик, отнинг ўзи кетаверади. Миннатдорчилик изхор қилиб қўяй деб ёнимдаги кимсага юзландим. У мен тенги йигит эди. Елкасига дарвешларнинг хуржунини илиб олганди.

— Раҳмат, сенга биродар! — дедим. Шунда унинг юзида нигоҳим тўхтади. Нотаниш чехра, шу пайтгача бу қишлоқда кўрмаганман. Ким бўлдийкин?

— Отинг озиб кучдан қолибди, — деди у отга ишора қилиб. — Кўпроқ овқат бергин!

— Қариди жонивор, — дедим унинг сўзига жавобан.
— Хизмат қилишдан бўйин товляяпти.

Атрофда ҳеч ким кўринмайди. От аравани судраб анча нарида кетяпти. Йигит ёнимдан жилгиси келмай, ниманидир айтишга чоғланаётгандек туюлди.

— Менда гапинг борми? — сўрадим. — Чой-чақа сўраётган бўлсанг ҳамёнимда сариқ чақа ҳам йўқ!

— Муҳим топшириқ бор, — кутилмаганда йигит жиддий қиёфага кирди ва кўзларимга тикилиб деди.

— Топшириқ? Қанақа топшириқ? Кимсан ўзи? — ўзимни ҳайрон бўлган кишигà солдим.

— Марказдан жўнатишди. Биздаги маълумотларга қараганда, мулла Абдулло ўз одамлари билан Қирғизистонда қолган. Ўзбекистонга ўтишга тайёргарлик кўрмокда. Яширинган жойи ҳозирча бизга номаълум. Зудлик билан аниқлаш лозим. Эргаш одамларидан

бирини унинг олдига жўнатиши мумкин. Иккинчи топшириқ: Эргашнинг одамлари Қирғизистонни тарқ этаётган пайтда кўплаб оғир турдаги қурол-яроқларни тоғдаги горлардан бирига яширган. Буни ҳам аниқлашинг лозим. Ҳозир тоғларга қор тушган, баҳор келиши билан Эргаш албатта қуролларни олиб ўтиш учун одамларини жўнатади. Ҳар икки топшириқ бўйича янглик бўлса, марказга жўнат!

Нотаниш йигит ёнидан доллар олиб қўлимга тутқазди.

— Ишончли ёрдамчилар!

У бошқа гапирмади ва ортига қайрилиб кетди...

Иккинчи китоб тугади.

МУНДАРИЖА

Юртда	3
Саманган	6
Тожикистон	8
Саманган	17
Чеченистон	24
Қасос	29
Москва	66
Саманган	69
Мозийга назар	73
Истанбул	77
Москва	83
Саманган	87
Юртда	90
Москва	110
Юртда	114
Яқин ўтмишга назар	117
Истанбул	122
Юртда	129
Истанбул	141
Юртда	147
Саманган	153
Юртда	160
Қасоскорлар	170
Душанбе	172
Юртда	177
Саманган	181
Юртда	192
Саманган	204
Юртда	210
Саманган	218

Адабий-бадиий нашр
ИСОҚЖОН НИШОНОВ

**АФГОН ШАМОЛИ
ҚОПҚОН**

Роман
Иккинчи китоб

Мұхаррір
Мұхайә РИХСИБЕКОВА

Мусаххих
Мадина МАҲМУДОВА

Бадиий мұхаррір
Үйғун СОЛИХОВ

Саҳифаловчи
Суннат МУСАМЕДОВ

Техник мұхаррір
Умидбек ЯҲШИМОВ

Лицензия раками: АI № 252, 2014 йил 02.10 да берилган.
Босишига 2016 йил 24.08да рухсат этилди.

Бичими 84x108¹³².
Босма табоги 7,0. Шартли босма табоги 11,76.
Гарнитура «Peterburg». Офсет қофоз.
Адади 5000 нұсха. Буюртма № 257.
Баҳоси келишилган нархда.

«Янги аср авлоди» НММда тайёрланди.
100113. Тошкент, Чилонзор-8, Қатортол күчаси, 60.

Китоб матни «Print Line Group» ХК босмахонасида чоп этилди.
100097, Тошкент ш., Бунёдкор шоҳжӯласи, 44.

Мурожаат учун телефонлар:
Нашр бўлими – 147-00-14; 129-09-72;
Маркетинг бўлими – 128-78-43; 397-10-87;
факс – 273-00-14;
e-mail: yangiasravlodi@mail.ru

**«ЯНГИ АСР АВЛОДИ» НАШРИЁТ-МАТБАА
МАРКАЗИ ҚУЙИДАГИ КИТОБЛАРНИ
ТАВСИЯ ҚИЛАДИ:**

**Шарль Лоран
«НАПОЛЕОННИНГ ЖОСУСИ»
84x108 1 / 32, 288 бет
Юмшоқ муқова**

Француз адиби Шарль Лораннинг мазкур асари ўкувчини XIX асрнинг бошлари – Наполеон Францияси даврига сайдир, буюк саркарда Наполеон Бонапарт, жосус Карл Шульмейтер ва сохибжамол Берта ҳамда улар қарамогига олган, томирида қироллар қони оқаётганди бола Ганс каби қаҳрамонларнинг тақдирни ва ички кечинмалари орқали урушнинг суронли онларига олиб киради.

Нафакат бадиий завқ, балки 1805 йилдаги Франция-Австрия ўртасидаги зиддиятларга оид тарихий маълумотлар билан етарлича танишиш имконини ҳам берувчи ушбу асар ўкувчининг суюкли китоблари қаторидан ўрин олади деб умид қиласиз.

**Оноре де Бальзак
«ДАҲРИЙНИНГ ИБОДАТИ»
84x108 1 / 32, 208 бет
Юмшоқ муқова**

Оноре де Бальзак асарлари Европа адабиётининг гултожи саналади. Гобсек, Деплен, Горио Ота, Луи Ламбер – уларнинг ҳеч бири бир-бирини тақрорламайди, улар қалбидаги муштарак мақсад, ички зиддиятлар, орзулас, борингки, адабиётнинг инсониятга кўрсатадиган хизмати нуқтаи назаридан бир-бирига жуда яқин. Мана шу ички кечинмаларни юракдан ҳис

этган Бальзак ўз асарларидан бирида шундай ёзади:
«Киши ҳақида ҳукм чиқаришдан олдин лоақал унинг
фикр-асори, унинг баҳтсизлиги, унинг ҳаяжонига
шерик бўлиш керак».

Қадрли китобхон! Агар Бальзак қаҳрамонларининг
ички кечинмаларини тушунмоқчи бўлсангиз, албатта,
ушбу асар мутолаасига шошилинг.

Жюль Верн

«РОБИНЗОНЛАР МАКТАБИ»

84x108 1 /32, 304 бет

Юмшоқ муқова

Жаҳон мумтоз адабиётининг дарғаларидан бири,
буюк француз адиби Жюль Верн (1828 – 1905) тенги
йўқ саргузаштнавис, ўз замонасидан илгарилақ қетган
бетимсол фантаст эди. Мана, қарийб бир ярим асрдирки,
Верн асарларининг оддий ва халқчил, айни пайтда ўзида
мардлик, ирода ва садоқат каби юксак фазилатларни
мужассам этган қаҳрамонлари жаҳон китобсеварларини
хаяжонга солиб келмоқда. Энди ўзбек китобхонлари ҳам
таникли адиб буюк меросининг бир қисми бўлган «Музлар
исканжасида» ва «Робинзонлар мактаби» асарлари билан
танишиш имконига эга бўлдилар.

Жиддий саргузашт асар саналувчи «Музлар исканжасида» қиссаси ёзувчи ижодининг илк даврида – 1855 йилда
ёзилган бўлса, комедик чизгиларга бой «Роибнзонлар
мактаби» саргузашт романи 1882 йилда дунё юзини кўрди.

Турли тақдирлар, қаҳрамонлар ва фавқулодда қи-
зиқарли бурилишларга бой мазкур икки асар ўзбек сар-
гузашт ишқибозлари учун том маънода муносиб совға
бўлади деган умиддамиз.



3 330000 937110

126601

ИСОҚЖОН НИШОНОВ

АФГОН ШАМОЛД

КОПҚОН

2



ЯНГИ АСР АВЛОДИ

ISBN 978-9943-27-813-4



9 789943 278134